




17-23. a. 26
~~17-C-6~~

Ex Bibliotheca
majori Coll. Rom.
Societ. Jesu


23. e





12-28-86

12-28-16-



FRATRIS ARCHANGELI DE BURGO
NOVO AGRI PLACENTINI,

Ordinis Minorum pro defen-
sione doctrinae

CABALAE,

Contra Reuerendum D.

PETRUM GARZIAM
EPISCOPVM VSSELLENSEM,
MIKANDVLAM impugnantem,
sed minimè lædentem.


ET
CONCLVSIONES CABALISTICAE NV-
mero LXXI. secundum opinionem propriam eiusdem Mi-
randula ex ipsius Hebraeorum sapientum fundamen-
tis Christianam religionem maximè
declarantes,
Per eundem

RAT. ARCHANGELVM
acutissimè declarata & eluci-
data.


NUNC DEMVM
Omnia à multis mendis diligentissimè
repuigata.

BASILEAE,

PER SEBASTIANVM
HENRICPETRVM.



12. 28. A. 6



ILLVSTR. AC RE-
VERENDISSIMO IOANNI
BAPTISTAE CAMPEGIO

Episcopo Maioricensium,

FRATER ARCHANGELVS DE BVR-
gonouo Franciscanus Minorita;
S. P. D.



*Q*UIS ignorat quot, ac quan-
tis tabifici liuoris ictibus,
quotq; mordacis iniuria se-
uissimis procellis sit obnoxia
præceps fors, & misera scri-
ptorum omnium conditio? quorum ne-
mo à conditis literarum monumentis
vsq; ad hanc diem maleuolorum homi-
num difficilem nasum effugere valuit?
germinant inuidorum vepreta, atque
hamati obtrectatorum rubi: emergunt
ubique scioli, quibus amurca melius olet
quàm alabaſter unguenti plenus, qui li-
brato

P R A E F A T I O.

brato vestigio, ac demorsis labijs cuncta
 cauillantur, atque incessunt: qui aliena
 scientia obtrectatione famam sibi aucu-
 pantes, subdunt interim affanias ac suos
 factores, quibus & subuertunt omnia, at-
 que fœdant. Hæc inter retia, hasq; inter
 tricas incidit eruditorum nobilissimus,
 nobilium eruditissimus unicus phœnix
 sui aui Picus Mirandula, qui priscis sapi-
 entibus eloquentior, clarior, sanctior, &
 in omni vita, doctrinaq; genere tersior,
 multiplicis eruditionis libellos potius gē-
 meos, quàm aureos in lucem edidit, in
 medium protulit ad disciplina propaga-
 tionem, & ad communem studiorum u-
 tilitatem de doctrina Cabalistica, de cœ-
 lesti arcana illa hierarchia, atq; abditissi-
 mis cœli adytis: quæ omnia admiratus in
 raptu vas electionis Paulus, ea audiuit,
 atque ea vidit, quæ non licet homini lo-
 qui: ijs in libellis patet ubiq; quanta fue-
 rit in eo viro prope omnium doctissimo
 liberalitas natura; sapientia animi,
 magnitudo consilij, excellentia doctri-
 na, scientia rerum, innocentia vite
 & re-

14

P R A E F A T I O.

& religionis obseruantia, hoc igitur
 vnicum, tam sacrum, & tam diui-
 num arcanarum literarum Oraculum,
 stupidi ingenij, impolitiq; ac indecori a-
 nimi impudentissima temeritate male-
 uoli cuiusdam hominis violatum; tantis
 ab iniurijs extrahere, vindicare, tueri
 sum conatus: Laborauiq; pro virili, ut hæ
 præclarissimæ dotes cælitus communi-
 cate claritudine sua fulgerent, gloria
 coruscarent, virtute rutilarent, sapien-
 tia aurescerent: & prospiciens quantum
 utilitatis ad res magnas, atq; arduas in-
 telligendas afferret diligens horum li-
 brorum lectio, omnem aciem eò direxi,
 ne præclara ingenia obscuris blatteronũ
 ambagibus, atq; inuolucris, & ut verius
 dicam, deliramentis in flexuosos Mean-
 dros, inq; tenebras cimmerias deducerẽ-
 tur. Has meas lucubratiunculas, succissi-
 uis temporibus excogitatas (quæcunque
 hæ sint) felix, ac sapientissime præsul, no-
 mini, ac numini tuo consecrandas cura-
 uimus. nam quibus in ramis tutius nidu-
 lari poterant? aut quo patrocinio aduer-
 sus ca-

P R A E F A T I O.

*sus cauillantes (si qui fortè sunt, protegi?
 Tu inter omnes alios literarium studiũ
 vnus amplecteris, atq; foues; namq; siue
 id fato, siue diuina prouidẽtia, fiat; mul-
 tis abhinc annis tuo illustr. ac nobiliß.
 sanguini proprium fuit, & quodammo-
 do peculiare, atq; hereditarium, bonarũ
 literarum suscipere patrocinium, atq; in-
 genijs fauere. necesse est autem idem sem-
 per esse quod semper idem fuit: quo circa
 æqui boniq; facias Reuerend. præsul mu-
 nusculum nostrum, à candida puri ani-
 mi sinceritate, oblatum, perlegitoq; fron-
 tis serenitate: interim vale, & viue ter
 beatus, & supra Nestorem senesce.*

Datum Ferraria ad I I I I.

Idus Iunij.

ADMO.



ADMODVM REVE-
RENDO AC CELEBRI
THEOLOGO ARCHANGELO
Franciscano à Burgo-
nouo,

HIERONYMVS PALLANTERIUS
FRANCISCANVS CONVENTVALIS
à castello Bon. Theologorum minimus,
S. P. D.



Elebratissimis in vna-
quaque facultate viris e-
quari posse clarissimum
quidem est, eisdem ta-
men præstare, ac præfer-
ri, longè clarius, ac celebrius existi-
matur; nam, cùm tria sint hominum
genera, quorum alij ne quantum
quidem debuerunt scire, procura-
uerunt, alij tantum optimè norunt,
alij quid amplius sunt ingenio asse-
cuti, quemadmodum primū genus
cum

P R A E F A T I O.

cum brutis, alterū cum hominibus, ita tertium cum cœlitibus ipsis est connumerandum, quapropter, cum tu non solum in diuina illa sapientia circa quam passim Theologi versantur, sed in sublimiori, ac secretiori (quæ Cabala dicitur) tantum profeceris, quantum nostra ætate alius nemo, maximos, qui possint mortalibus exhiberi honores, meritus es; nam si tantopere commendandi erant ij, quibus in ora tanquam nutricum præmansa à Deo opt. Max. vel Mose, vel successoribus, (vnde etiam nomen Cabala sortita est) sine ullo sui ipsorum sudore, studio, aut labore huiusmodi scientia subministrata fuisset, quanto magis laudandus, extollendus, ac celebrandus is est, qui postquam sublimis illè communicandi modus desijt, hanc eandem diurnis, nocturnisq; vigilijs sit affectus? Primos quidem Dei ipsius amicissimos existimabamus, eò quòd arcana cœlestia solis Deo carissimis
con-

VI

P R A E F A T I O.

confueuerint pateſieri, hunc verò, & Deo gratiſſimum, & ſtudioſi laboris amantiſſimum conijcere poſſumus; quo duplici nomine mirificis laudibus ipſe afficiendus es, præterquam quòd enim ſi maleuola præditus eſſes anima, huiuſmodi ſapientia non eſſes imbutus, ni etiam ſtrenuè inſudaſſes, adeò in ea non profeciſſes, cuius profectus, cùm tam munificus ac liberalis fueris propallator, omnes noſtrę tempeſtatis ſtudioſi tibi ſe mirum in modum debere fatentur, ac monſtrum illud, vel potiùs miraculũ naturæ Ioan. Fran. Picum Mirand. bonum fatum ſorritum prædicant, quippe cui dudũ vita functo, tuo ſtudio, induſtria, ac opera per doctõrum virorum manus magis quàm antea copioſo ac faciundo vagari contingat; de tuo hoc ingenio, ac doctrina plerumque fratri tuo Aloyſio nunquam ſatis laudato viro, & mei amantiſſimo gratulatus ſum, audacterq; retuli, me non adeò lætari, dum penes ipſum ſummam Reip. veſtræ

PRAEFATIO.

stre in vniuersa Italia esse sentio, quam
cū quod te talem, ac tātum fratrem,
qui in omni virtutum genere eum re-
feras, nactus sit, recordor; Et quanquā
ci optimum locū, ac honestissimum
in Rep. Christiana optārim, nūc ta-
men vt in sacrarum literarum quo so-
lebat otio, & studio degeret, magis
vellem, sed quoniam omnium vota,
ac suffragia in hoc cōsenserunt, ipsum
ad id muneris Dei opt. Max. nutu vo-
catum censebo: cui acquiescens, vt
vestrū vtriq; diu seruet incolumem,
supplices ferre voces non desi-
nam. Vale Bon. Oct. Id.

Ianu. 1564.

CON-



CONCLVSIONES CABALISTICAE NUMERO LXXI:
secundum opinionem Mirandule ex fundamentis
Hebræorum sapientum Christianam
religionem maxime con-
firmantes,

PER

FRATREM ARCHANGELVM
de Burgonouo agri Placentini, Ord.
Minorum expositę ad solatium
legentium.



Vicquid dicat cate-
ri Cabala-
lista, ego
prima diuisione scien-
tiam Cabale in scien-
tiam Sephirót, & Se-
mot, tanquam in pra-
cticam & speculatiuā
distinguerē, pag. 28
Quicquid dicat alij Ca-
balista, ego partē spe-
culatiuā Cabala qua-
druplicem diuiderem,
correspondentem qua-
druplici partitioni phi-
losophia, quam ego so-

litus sum asserre. Pri-
ma est scientia, quam
ego voco alphabetaria
reuelationis correspo-
ndentem parti philoso-
phia, quam ego philo-
sophiam catholicā vo-
co: secunda, tertia, &
quarta pars est tri-
plex, Merchauā, corre-
spondētes triplici philo-
sophia particularis. de
diuinis, de medijs, &
sensibilib. naturis. 55
Sciētia quę est practica
Cabala, practicat to-
tam metaphysicā for-
):():(malem

- matem & Theologiam inferiorem. 62
- Enfoph non est alijs numerationibus connumeranda: quia est illarum numerationum vnitas abstracta & communicata, non vnitas coordinata. 64
- Quilibet Hebraeus Cabalista secundum principia, & dicta scientia Cabala, cogitur ineuitabiliter concedere de Trinitate, & qualibet persona diuina Patre, Filio, & Spiritu sancto, illud præcisè sine additione, diminutione, aut variatione: quod ponit fides catholica Christianorum.
- Correlarium. Non solum qui negant Trinitatem: sed qui alio modo eam ponunt, quam ponat catholica Ecclesia. sicut Ariani, Sabelliani & similes redargui possunt manifestè si admittantur principia Cabala. 67
- Tria magna Dei nomina quaternarij, quæ sunt in secretis Cabalistarum per mirabilem appropriationem tribus personis Trinitatis ita debere attribui, ut nomē יהוה sit Patris, nomē יהוה יהוה sit Filij, וְיְהוֹוָה nomen sit Spiritus sancti: intelligere potest, qui in scientia Cabala fuerit profundus. 69
- Nullus Hebraeus Cabalista potest negare, quod nomen Iesu, si eum secundum modum, & principia Cabala interpretemur, hoc totum præcisè & nihil aliud significat, id est, Deum Dei filium, Patrisque sapientiam per tertiam Diuinitatis personam, qua

qua est ardentissimus
amoris ignis, natura
humana in vnitate sup
positi vnitum: 75

Ex precedenti conclusi
one intelligi potest, cur
dixerit Paulus: Datum
esse Iesu nomen quod
est super omne nomen:
& cur in nomine Iesu
dictum sit, omne genu
flecti, cœlestium, terre
strium, & infernorū,
quod etiam est maxi
mè Cabalisticum: &
potest ex se intelligen
re, qui est profundus in
Cabala. 79

Si qua est de nouissimis
temporibus humana
coniectura, inuestigare
possumus per secretissi
mam viam Cabala, fu
turam esse cōsumatio
nem seculi; hinc ad an
nos quingētos & qua
tuordecim & dies vi
ginti quinq. 83

Illud quod apud Cabali
stas dicitur תכומא il
lud est sine dubio, quod
ab Orpheo Pallas:
à Zoroastre paterna
mens: à Mercurio Dei
filius: à Pythagora sa
pientia: à Parmenide
sphaera intelligibilis no
minatur. 88

Modus quo rationales
anima per Archange
lum Deo sacrificantur,
qui à Cabalistis nō ex
primitur, non est nisi
per separationem ani
ma à corpore, non cor
poris ab anima, nisi
per accidens, vt con
tingit in morte osculi
de qua scribitur: Pre
ciosa in conspectu Dō
mini, mors sanctorum
eius. 92

Non potest operari per
puram Cabalam qui
non est rationaliter
intellectualis. 103
) : () : (2 Qui

Qui operatur in Cabala
sine admixtionē ex-
tranei, si diu erit in o-
pere, morietur ex bin-
fica: & si errabit in o-
pere, aut non purifica-
tus accesserit, deuora-
bitur ab Alzazele per
propriatatem iudicij.

109

Per litteram Scin, quā
mediat in nomine Ie-
su, significatur nobis
Cabalistice, quod tunc
perfectē quieuit tan-
quam in sua perfectio-
ne Mundus, cū Iod
coniūctus est cū Vau,
quod factū est in Chri-
sto, qui fuit verus Dei
filius & homo. 116

Per nomen Iod, he, vau,
he, quod est nomen in-
effabile, quod dicunt
Cabalisti futurum es-
se nomen Messie, eui-
denter cognoscitur fu-
turum eum Deum Dei


filiū per Spiritum
sanctum hominē sa-
ctum; & post eum ad
perfectiōem humani
generis super homines
paracletum descensu-
rum. 125

Ex mysterio trium lite-
rarum, quæ sunt in di-
ctione Sabat: id est,
שבש possūmus inter-
pretari Cabalistice tūc
sabbathizare Mūdum
cū Dei filius sit ho-
mo, & vltimō futurū
sabbathum cū ho-
mines in Dei filium re-
generabuntur. 131

Qui sciuerit, quid est vi-
num purissimum apud
Cabalistas, sciet, cur
dixerit Dauid: Ine-
briabor ab vbertate
domus tue, & quam
ebrietatē dixerit an-
tiquus vates Musens
esse felicitatē: Et quid
significent tot bacchi
apud

apud Orpheum, 137
Qui coniunxerit Astrologiam Cabalæ, videbit quod sabbathi Zare & quiescere cōuenientius sit post Christū die dominico quā die sabbathi. 146

Si dictū illud propheta: Vendiderunt iustū argento, Cabalisticè exponamus, nihil aliud nobis significat quā hoc scilicet, vt Deus redemptor venditus fuit argento 156

Si interpretationē suam aduerterint Cabalisticæ sup hac dictione, , quæ significat ipsum quod est de Trinitatis mysterio, multum illum minabuntur. 159

Qui coniunxerit dictum Cabalistarū dicetium, quod illa numeratio, quæ dicitur iustus, & redempter, dicitur e-

tiam Ze, cū dicto That mudistarum dicentū, quod Isaac ibat sicut Ze, portans crucē suā, videbit, quod illud, quod fuit in Isaac præfiguratū, fuit adimpletū in Christo, qui fuit verus Deus veditus argento, 163

Per dicta Cabalistarum, derubedine Esau, & dictum illud quod est in libro Beresit Rhaba, quod Esau fuit rubeus, & rubeus eum vlciscetur. de quo dicitur: quare rubeum est vestimentū tuū, habetur expresse, quod Christus, de quo nostri doctores eūdem textum exponunt, ille erit, qui ultionem faciet de vir tutibus immūdis. 174

Per illud dictum Hieme: Lacerauit verbū suum secundum expositionem: () (3 sitio-

I N D E X.

fitionem Cabalistarū habemus intelligere, quòd Deum sanctū & benedictum laceravit Deus pro peccatoribus. 180

Per responsionem Cabalistarū ad quæstionē, quare in libro Numerorū coniuncta est particula mortis Maria, particula vitularum, & per expositionē eorū super eo passu, ubi Moyses in peccato vituli dixit: Dele me, & per dicta in libro Zohar, super eo textu: Et eius liuore sanati sumus. Redarguuntur ineuitabiliter Hebræi dicentes, nō fuisse conueniens, ut mors Christi satisfaceret pro peccato humani generis 185. 186.

Quilibet Cabalista habet concedere, quòd

Messias eos à captiuitate diabolica, & non temporali erat liberaturus. 198

Quilibet Cabalista habet cōcedere ex dictis doctorum huius scientia, hoc manifestè dicentium, quod peccatū originale in aduentu Messia expiabitur. 205

Ex principijs Cabalistarum euidenter elicitur, quòd per aduentum Messia tolletur circūcisionis necessitas. 212

Per dictionem *אין* quæ bis ponitur in illo textu: In principio creauit Deus cælum & terram, ego credo significari à Moyse creationē naturæ intellectuæ, & naturæ animalis quæ naturali ordine præcessit creationē cæli & terræ.

Quod

Quod dicitur à Cabal-
istis: quod linea viridis
girat vniuersum, con-
uenientissimè dicitur
ad conclusionem vlti-
mā quam diximus ex
mente Porphyrii.

Necessariò habent con-
cedere Cabalists secū-
dū sua principia, quòd
verus Messias futurus
est talis, vt de eo verè
dicant, quòd est Deus,
& Dei filius. 220

Cū audis Cabalistas
ponere in Thesua in-
formitatem, intellige
informitatem per ac-
cidentia ad formalita-
tem, non per priuatio-
nem 228

Si duplex aleph quod
est in textu: non aufe-
retur sceptrū, &c. con-
iūxerimus ad duplex
aleph, quod est in tex-
tu: Deus possedit me
ab initio, & du-

plex aleph quod est in
textu: Terra autem e-
rat inanis: per viā Ca-
bala intelligimus ibi
Iacob de illo vero Mes-
sia locutum qui fuit Ie-
sus Nazarenus. 232

Per hāc dictionem, qua
scribitur per Aleph,
Iod, & Scin (& signi-
ficat virum) qui Deo
attribuitur, cū dici-
tur vir belli de Trini-
tatis mysterio per viā
Cabala perfectissimè
admonemur. 240

Per nomen quod tribus
literis scribitur, he,
vau, & aleph, quod no-
men Deo propriissimè
attribuitur, & maxi-
mè conuenienter non
solum ad Cabalistas,
qui hoc expressè sepi-
us dicunt, sed etiam ad
Theologiam Dionysij 4-
reopagita per viā Ca-
bala Trinitatis myste-
):():(4 rium

rium cum possibilitate incarnationis nobis declaratur. 248

Si Deus in se, ut infinitum ut unum, & secundum se intelligatur, ut sic nihil intelligimus ab eo procedere, sed separationem à rebus & omnimodam sui in se ipso clausuram, & extremam in remotissimo sua diuinitatis recessu profundam ac solitariam retractionem, de eo intelligimus in ipso penitissime in abisso suarum tenebrarum se contegente, & nullo modo in dilatatione ac profusione suarum bonitatum ac fontanis splendoris se manifestante. 252. 253

Ex precedenti conclusione intelligi potest cur dicatur apud Cabalistas, quod Deus induit

se decem vestimentis quando creauit seculum. 263

Qui intellexerit in dextrali coordinatione sub ordinationem pietatis ad sapientiam, per seclum intelliget per viam Cabala, quomodo Abraam in die suo per rectam lineam, vidit diem Christi, & gaudius est. 271. 272

Effectus qui sunt sequuti post mortem Christi, debent convincere quemlibet Cabalista, quod Iesus Nazarenus fuit verus Messias. 278

Ex hac conclusione, & trigesima superius posita, sequitur, quod quilibet Cabalista habet concedere, quod interrogatus Iesus quis esset, rectissime respondit dicens: Ego sum principium, qui loquor vobis.

- vobis. 287
 Hoc habent ineuitabili-
 ter concedere Cabali-
 stæ, quod verus Messias
 per aquam homines
 purgabit. 294
 Sciri potest in Cabala p
 mysterium Mem clau-
 si, cur post se Christus
 miserit Paracletum.
 303.
 Scitur per fundamenta
 Cabala, quàm rectè di-
 xerit Iesus: Antequam
 nasceretur Abraam,
 ego sum. 312
 Per mysterium duarum
 literarū, Vau, & Iod,
 scitur quomodo ipse
 Messias, vt Deus, fuit
 principium suiipsius,
 vt homo. 317. 318
 Scitur ex Cabala per
 mysterium partis se-
 ptentrionalis, cur iudi-
 cabit Deus seculū per
 ignem 323
 Scitur in Cabala aptissi-
 mè, cur Dei filius cum
 aqua baptismi vene-
 rit, & Spiritus san-
 ctus cum igne. 332
 Per eclipsationem Solis,
 quæ accidit in morte
 Christi, scire potest se-
 cundum fundamenta
 Cabala, quod tūc pas-
 sus est filius Dei & ve-
 rus Messias. 343
 Qui sciet proprietatem
 Aquilonis in Cabala,
 sciet, cur satan Chri-
 sto promisit regna Mū-
 di, si cadens eum ado-
 rasset. 355
 Quicquid dicant ceteri
 Cabalista, ego decem
 sphas sic decem nu-
 merationib. correspo-
 dere dico, vt, ab edifi-
 cio incipiendo, Iupi-
 ter sit quarta, Mars
 quinta, Sol sexta, Sa-
 turnus septima, Venus
 octaua, Mercurius no-
 na, Luna decima, tum
):():(5 supra

supra edificium firma-
mentum tertia, pri-
mum mobile secun-
da, cælum Empyreum
prima. 365

Qui sciuerit correspon-
dentiam de com prae-
ptorum ad prohiben-
tia per coniunctionem
veritatis Astrologica
cum veritate Theolo-
gica, videbit ex funda-
mento nostro praece-
dentis cõclusionis, quic-
quid alij dicant Caba-
lista. Primum praece-
ptum prima numerati-
oni correspondere: se-
cundum, secunda: ter-
tium, tertia: quartũ,
septima: quintũ, quar-
ta: sextum, quinta: se-
ptimum, nona: octa-
uum, octaua: nonum,
sexta: decimum, deci-
ma. 381. 382

Cum dicunt Cabalista,
à septima et octaua pe-

tendos filios, ita dicat
in Merchaua inferiori
accipi: vt ab vna pe-
tatur, vt det ab altera
ne prohibeat. Et qua-
det, et qua prohibeat.
Potesť intelligere ex
precedentibus conclu-
sionibus qui fuerit in-
telligēs in Astrologia,
& Cabala. 393

Sicut fuit Luna plena in
Salomone, ita fuit ple-
nus Sol in vero Messia,
qui fuit Iesus, & de
correspondentia ad di-
minutionem in Sede-
chia: potesť quis conie-
ctare, si profundat in
Cabala. 401

Ex precedenti conclusio-
ne intelligi potesť cur
Euangelista Matthe-
us in quatuordecim il-
lis generationibus an-
te Christum quasdam
dimiserit. 409

Cum fieri lucem nihil sit
aliud,

aliud, quàm partici-
pare lucem, cōueniens
est valde illa Cabali-
starum expositio, vt
in ly, fiat lux: per lucē
speculam lucens in el
ligamus: & in ly, facta
est lux, speculunt non
lucens. 415

Quod dicunt Cabalists
beatificandos nos in
speculo lucente reposi-
to sanctis in futuro sa-
culo, idem est prae-
sequendo fundamen-
ta eorum cū eo, quod
nos dicimus beatificā-
dos sanctos in Filio.

424

Quod dicunt Cabalists
lumen repositum in se-
ptuplo lucere: plus-
quàm lumen relictū,
mirabiliter conuenit
Arithmetica Pythago-
rica. 434

Qui sciuerit explicare
quaternarium in de-

narium, habebit mō-
dum, si sit peritus Ca-
bala, deducendi ex no-
mine ineffabili nomen
lxxxij literarum. 443

Per prae-cedentem cōclu-
sionem potest intelli-
gens in Arithmetica
formali intelligere,
quod operari per Sem-
ammephoras est pro-
prium rationalis natu-
ra. 444 445

Rectius foret illud Becad
min, quod ponit glossa
Chaldaica super di-
ctionem Bresit, expo-
nere de sapientialibus
ideis, quam de trigin-
ta duabus vjs, vt di-
cunt alij Cabalists: v-
trumq; tamen est re-
ctum in Cabala 451

Qui profundè confidera-
uerit quadruplicem re-
rum statum. Primò v-
nionis & stabilita mā-
sionis: secundò proces-
sionis:

fionis: tertio reuerfio-
nis: quarto beatifica
reunionis: videbit lite-
ram beth cum prima
litera primum, cum
media medium, cum
vltimis vltima opera-
ri. 458

Ex precedenti conclusio-
ne poteſt contempla-
tius homo intellige-
re, cur lex Dei à Beth
litera incipit: de qua
ſcribitur, quod eſt im-
maculata, quod erat
cum eo cuncta cõpo-
nens, quod eſt conuer-
tens animas, quod fa-
cit dare fructũ in tem-
pore ſuo. 469

Per eandem concluſionẽ
ſciri poteſt, quod idem
Filius, qui eſt ſapien-
tia Patris, eſt, qui om-
nia vnit in Patre, & p
quẽ omnia facta ſunt:
& à quo omnia cõuer-
tuntur, & in quo de-

munum ſabbathi. 480

Qui profundè considera-
uerit nouenarium bea-
titudinum numerum,
de quo apud Matthæũ
in Euangelio, videbit
illas mirabiliter con-
uenire nouenario no-
uẽ numerationũ, qua
ſunt infra primã qua
eſt inaccessibilis diui-
nitatis abyſſus. 485

Sicut Ariſtoteles diui-
norem philoſophiã,
quã Philoſophi anti-
qui ſub fabulis & apo-
logis velãrunt, ipſe ſub
philoſophica ſpecula-
tionis facie diſimula-
uit: & verborum bre-
uitate obſcurauit: ita
Rabi Moyſes Aegypti-
us in libro, qui à Latini-
s dicitur dux neu-
trorum, dũ per ſuper-
ficialem verborũ corti-
cem videtur cum phi-
loſo-

loſophis ambulare p
latentes profundi ſen
ſus intelligentias, my
ſteria cōplectitur Ca
bala. 503.504

In textu, audi Iſraël, do
minus Deus noſter Do
minus vnus, rectius eſt,
vt intelligatur ibi col
lectio ab inferiori ad
ſuperius: & à ſuperio
ri ad inferius quàm ab
inferiori ad ſuperius
bis. 509

Rectius eſt, vt amen Ti
pheret dicat, & regnū
(vt per viam numeri
oſtēditur) quàm quod
dicat regnum tātum,
vt quidā volunt. 514

Ego animam noſtram ſic
decem Sephirot ada
pto, vt per vnitatem
ſuā ſit cū prima, per in
tellectū cum ſecunda,
per rationē cū tertia,
p ſuperiorē cōcupiſci
bile cum quarta, p ſu

periorē irascibilem cū
quinta, per liberum ar
bitrium cum ſexta, &
per hoc totum. vt ad
ſuperiora ſe conuerſi
tur cū ſeptima, vt ad
inferiora cum octaua,
& mixtum ex vtroq;
potius per differentiā
vel alternariam adhe
ſionem, quam ſimulta
neam cōtinentiam cū
nona, & per Potentiā
qua inhabitat primū
habitaculū, cum de
cima. 516.517

per dictū Cabaliſta
rum, quod cœli ſunt ex
igne, & aqua ſimul &
veritatem Theologi
cam de ipsis Sephirot
nobis manifeſtat &
philosophicam verita
tem, quod elementa
in cœlo ſint tantum ſe
cundum actiuam vir
tutem. 526

Qui ſciuerit quid ſit de
narius

I N D E X.

- | | |
|---|--|
| <p>narius in Arithmetica
formali: & cognouerit
naturam primi nume-
ri sphericum, sciet illud
quod ego adhuc apud
aliquem Cabalista nō
legi. Et est quod sit fun-
damentum secreti ma-
gni iubilaei in Cabala.
536</p> <p>Ex fundamento praece-
denti conclusionis sci-
ri pariter potest secre-
tū quinquaginta por-
tarū intelligentia, &
millesima generatio-
nis, & regni omnium se-
culorum. 541</p> <p>Per modum legendi sine
punctis in lege: & mo-</p> | <p>du scribendi res diui-
nas, & vnialis continen-
tia per indeterminatū
ambitum rerum diui-
narum nobis ostendi-
tur. 548</p> <p>Per id, quod dicunt Ca-
balista de Aegypto, &
attestata est experien-
tia, habemus credere
quod terra Aegypti sit
in analogia & sub-
ordinationis proprie-
tatu potentia. 566</p> <p>Sicut vera Astrologia
docet nos legere in li-
bro Dei: ita Cabala do-
cet nos legere in libro
legis. 572.</p> |
|---|--|

F I N I S.

xiv

men
natū
mū.
di.
48
Ca-
, &
rien
dere
iſſi
ſub-
rie-
66
gia
li-
do
bro
72.





Apologia

FRATRIS ARCHANGELI

DE BVRGONOVO AGRI

PLACENTINI, ORD. MIN.

pro defensione doctrinæ

Cabalæ,

contra Reuerendum

D. PETRVM GARZIAM

EPISCOP. VSSELLENSEM,

Mirandulam impugnantem, sed

minimè lædentem.



NTIQVORVM studium
fuit Dei sacramenta &
naturæ semper obtege-
re, & sibi Dei eloquia
credita in corde suo abs-
condere; ne peccarent.

Quam legem ex Indis
obseruârunt Brachamanæ, Æthyopes, Per-
sæ, & Ægyptij. Hinc horum splendor Mer-
curius dicebat: Tractatū tota numinis ma-
iestate plenissimum, irreligiøsæ mentis

A est

est multorum conscientia publicare. Orpheus, & Vates omnes Antiqui, hoc Pythagoras, Socrates, Plato, Aristoxenus, Ammonius inuiolabili fide obseruauere (vt deducit magister meus Reuerē. Georgius in suo de Harmonia Mundi) Hinc Herennius, Plotinus, & Origenes (vt scribit Porphyrius de educatione & disciplina Plotini) iurârunt, ne Ammonij dogmata æderent. Et quia Plotinus violato iureiurando ab Ammonio præstito, sacramenta publicauit, in transgressionis pœnam (vt non nulli afferunt) horrēdo pediculorum edulio consumptus est. Gloriatur & dux Peripatericorum, se Alexandro (Themistio referente) ea lege sua naturalia instituta tradidisse, vt nemo intelligeret, nisi ipso qui tradidit interpretante. Sed externis omiffis, summus omniū Doctor Iesus Dei filius discipulos docet, ne dēt sanctum canibus: nec margaritas exponant porcis conculcandas. Quæ magistri monumenta, vt seruari discipuli, aut non scripserunt, aut, quæ solum ad miracula, mores componēdos, & legis instituta pertinent, ab omnibus obseruāda tradiderūt. Sic fecere Apostoli, & Euangelistæ omnes, Paulo, & Iohanne exceptis: nam Paulus, paucos ele-
git

git discipulos: de quibus ait: nos autem reuelata facie gloriam Domini specular-tes, &c. Et de Hebræis adhuc rudibus, cōqueritur, dicens: Est nobis grandis sermo, & interpretabilis ad dicendum, quia imbecilles facti estis ad audiendum: & cū deberetis esse magistri propter tempus: indigetis, vt doceamini quæ sint elementa exordij sermonum Dei. Et facti estis, quibus lacte opus est, non solido cibo. secernit igitur Apostolus perfectiores discipulos: inter quos loquitur ea, quæ ad superiorem sapientiam pertinet, factus veri magistri discipulus: qui nomē Dei patris manifestauit eis tantummodo, quos ipse Pater dederat: & eos delegit quibus loquebatur mysteriū regni Dei, ab eis, quos in parabolis docebat. Sic Ezræ legitur (vt in eius volumine quarto legimus) Reuelans reuelatus sum super rubum, & loquutus sum Mosi, quando populus meus seruiebat in Ægypto: & adduxi eum super montem Sinai: & detinui eū apud me diebus multis: & enarraui ei mirabilia multa & ostendi ei temporum secreta, & finem: & præcepi ei dicens: Hæc in palam facies verba, & hæc abscondes. In palā enim fecit legis præcepta, Christi genealogiā, aliquas breuissimas priscorū pa-

trum historias, recluso tamen earum sacramento: Item sacrificia, cærimonias, arcæ fabricam, bellum cum Amalechitis, & cū cæteris diuersarum nationum regibus. Et hanc sapientiores Hebræi vocant, torà Scebicdab תורה שבכתב: id est, *legem scriptam*: in qua sublimiora sensa cōtinentur quā multi excogitent. Quorum sensum noticiam præfacti sapientes dicunt, torà Scebehal pò תורה שבעל פה: id est, *legem ore reuelatā*. Hanc reſerauit Moſes ore ſeptuaginta ſenioribus: quorum ſucceſſio durauit uſq; ad captiuitatem factam à Nabucdonosor: quo tempore ceſſauit, aut diminuta fuit uſq; ad Cyrum: tunc enim (diuino ſpiritu ſuggerente aſſignatis vaſis templi quinque milibus quadringentis, ſolutaq; captiuitate, & remiſſis familijs ad numerum quadragintaduorum millium, trecentorum & ſeptuaginta, exceptis ſeruis, & ancillis) ſub manu Zorobabel, Neemiæ, & Ezræ reædificari cœptum eſt templum Domini: Quo reſarcito, & reſtauratis ſacris (iubente Domino) doctrinam illam in ſeptuaginta volumina, iuxta numerū ſeniorum redegit, ne diſpergerentur. Hac tamen Dei viuētis lege, vt rudibus non exponeretur. nam prima (*inquit*) quæ ſcripſiſti, textum ſcili-

et legis in palam pones, legāt digni, & indigni: nouissimos autē septuaginta libros conseruabis, vt tradas eos sapientibus de populo tuo. In his enim est vena intellectus, sapientiæ fons, & sciētiae flumen: quę diuino, & inexcogitabili artificio sunt occlusa sub cortice. Et ordo tradendi hanc sapientiam fuit talis, prout narrat Rabbi Moses Ægyptius in libro Misna: vbi sic incipit (secundum quod docuit nos Paulus Riccius in traditione fragmentorum Talmudicorum, primò itaq; literariam Moses celam intrauit, discendi cupidine frater eius Aheron, cui mox aliquam legis sectiunculam, cum omnibus ad eā spectantibus glossulis, Moses exposuit, quibus acceptis, sese illicò ad dextram Moysis latera recepit, & continuò duo eius accesserunt gnati, Eliazar nomine atq; Itamar, quibus omnia ad amussim tradidit Moses, quæ & fratri primò aperuerat. Exinde alter illorum ad sinistram declinabat Moysis, alter ad dexterā parentis sui Aheron: Quo facto, confestim septuaginta intrabant seniores, eadē à Mose audituri, quæ & Aheron & gemini eius filij, didicerant. Vltimo denique loco tota docilis & studiosa Israëlitarum multitudo accessit, quibus singula, iam ter Moysis ore

exposita, quarto is ipse recensuit. Ita quòd cuncta documenta, viua Mosis voce tradita, quadrifariè audiuerit Aheron, ter eius filij, bis seniores, & alia multitudo semel. Abeunte igitur inde Mose ea, q̄ acceperat vniuersis astatibus Aheron ipse resumpsit, quo vtiq; recedente, eadem ab integro tradiderunt senioribus cæterisq; auditoribus ambo Aheronis filij Eliazar atque Itamar: Quibus abeuntibus, omnia denuò interpretabantur auditorum multitudini septuaginta seniores. Quo factum est, vt singuli literarium Mosis tabernaculum ingressi, legis explanationem, quater repetita lectione acceperint. Deinceps verò mutuo sese erudiebat auditorum conuentus schedulis mandatorum radicalia committendo, & eorundem sensa mente ac ore (iuxta accepta à Mose dogmata) reuoluendo trutinandoq; omnia nanque (vt sapientes tradunt) & singula & communia legis instituta, pariter & commentaria, tradita sunt Mosi in monte Synai. Scenopegiæ (vtpote) mandatum præcepit in Leuiticis Moses: In vmbraculis (*inquiens*) habitabitis diebus septem. Quis autem huiusmodi mādato obstringitur, & ex quibus, qualique forma, quantæ amplitudinis, & quo modo fabricari

eari debeant umbracula, litera legis prorsus cōticescit, sed ore ad ipsum Moses aperuit, docendo eiuscemodi praeceptum, nō foemineū genus, non aduersa valetudine laborantes, neque iter agentes cōcernere. Sic utique non ex lapidibus, non ex lanificio, aut serico, vel alia aliqua supellectili, nō puluillis, culcitra, & id genus lectisterijs, sed solum terrę nascentibus umbraculorum tegmen fabricari licet. Cibum quoque, potum, somnum continuis diebus septem, nō nisi in umbraculis sumere fas est, eorum verò amplitudo non minus sit palmis septem in longum, totidem in latum, & in altitudinem decem. Quemadmodū itaque scenopegiæ mādatur, vnā cum his suis appendicibus, traditum fuit Mosi in monte Synai, sic de singulo sexcentorum & tredecim mandatorum, cum omnibus accessoriē sibi annexis iudicādum, quōd ipsa videlicet radicalia praecepti, auditores scriptis acceperint: annexa verò, ore exposita, didicerint.

Cū Moses vltimam clausisset diē, docendi & regnandi sceptrum trāstulit in Iosua Mosis ministrū, qui omnia viuo Mosis oraculo audita, tradidit senioribus, seniores prophetis, prophetæ magnæ syna-

gogæ viris, quorum extitit nouissimus Simeon Pontifex magnus, qui dicebatur iustus. Is eadem Antignadi Sacheo commisit, & hac denique docendi serie, alter alteri legis exposuit interpretamenta ad vsque Rabbi Iehuda, qui ob singularem doctrinā & vitæ morumque mundiciem sanctus omnium ore dicebatur magister. Is omnia, Moſis voce in posteros transfusa, & cuncta quæ iuxta temporum, locorum, personarumq; exigētiam fuerint adiecta, in vnum conflauit codicem, quem misna (quod iterata sonat lectio) appellari voluit. Et liber iste Misna, in sex partes diuiditur, seu ordines, quorum primus est Seder Zeraim: id est, *ordo sementum*, utpote de terræ nascentibus, de promiscuè latis, insitisq; de terræ remissione & eius præputio, de primitijs ac decimis, alijsque distribuendis frugibus tractat. pars secunda, dicta Seder Zemanin: id est, *ordo temporum*, qui de anni temporibus, de festis diebus, deq; varia illorū obseruantie conditione considerat. Tertia, vocata Seder nasohim: id est, *ordo mulierum*, qui connubij, libelli repudij, & omniū eorum, quæ inter coniuges versantur, iura & statuta examinat. Quarta nuncupata Seder nesikim: id est, *ordo damnorum*, qui ea omnia quæ

quæ lites commutationesq; & mutua hominum commercia respiciunt, pertractat. Quinta, dicta Seder Kodaschim: id est, *ordo sacrorum*, quæ sacrificiorum & oblationum legem ritumq; exponit: sexta, vocata Seder Teharos: id est, *ordo expiationum*, quæ pollutionum, emundationumq; normam & obseruantiam declarat. Quæ si ad eum, qui intus & sub ænigmate, typum latitat, perspicacius quis mentem adhibeat, sublimia fanè & recondita sapientiæ penetrabit oracula, quæ ænigmati & allegoriæ velamine circumtecta traduntur, ne hallucinatores, atque ignobile vulgus veritatis sacramenta inquinet polluatq; immundum munda. Et hæc sapiëntia, aliud non est quàm Cabala, quam multi coluerunt. Et multa scripta posteris reliquerunt. Primò citantur à fide dignis Hænoch liber de quo meminit Thade⁹ in epistola, & Origenes in periarchon. Abraham patriarcha, de formatione compendiosum, & grauidum volumen edidit (quid ego exposui) quamuis aliqui existimât eius auctorem Rabbi Achiba, de mente tamen Abrahæ: Quin & Moses allegat libros bellorum domini. Iosue librū iustorum, & vniuersitatē librorum kiriath Sephanin, quam Athniel duce Caleb expu-

A 5 gnauit.

gnauit. Afuerus libros memorabilium. Ionathas in Machabæis libros sanctos de Spartiatis. Paralipomena commemorat libros lamentationum. Libros Samuel videtis, & Nathan prophetæ, & Gad videntis, & Se-meia prophetæ, & Haddo videtis, & Ahie filonitis, & libros Iehu filij Hannani, qui omnes nusquã sunt, dempro libro Abraham pari exemplo innumeri nostro sæculo auctores Cabalę periẽre (vt deducit Reuchl.) tamen si non dubitamus superesse plurima, quę ipsi nos Christiani ignoramus. Alij doctores huius sapientiæ sunt. Abraham Alphia. Abraham aben Ezra. Rabbi Azariel. Rabbi Akiba. Rabbi Amai ben hãnina. Rabbi Aaró Mechubal. Rabbi Ama Rabbi Abraham de holá aba. Rabbi Bona dies de massa auri. Rabbi Butriel. Rabbi Bachaie. Rabbi Simeó ben Iochai, qui in antro quatuor annos supra viginti latēs Zohar (quod luminare dicitur) scripsit. Rabbi Elchana. Rabbi Ioseph carnilote. Rabbi Azariel garonensis. Rabbi Haij geon. Rabbi Reuben Hispanus, Rabbi Iahacob de amictu. Rabbi Mair merut. Rabbi Mair filius Theodori. Rabbi Moses gerundensis. Rabbi Ioseph cicatilia. Rabbi Manahen ricanati. Rabbi Iehuda nagid qui sanctus dicitur. Rabbi Ioseph

seph albo. Rabbi Iahacob coenin Sepher
Iercira Abrahæ. Rabbi Moses. Rabbi Isa-
char. Rabbi Tedacus Leui. Rabbi Samuel.
At consilio doctorum: nemo vnquam de i-
psa scripsit arte vsque dudum artificiosius,
nemo distinctius, nemo lucidius, quã Rab-
bi Ioseph Bar Abraham Castiliësis ciuis Sa-
lernitanus (quem sequutus sum in tractatu
de modo cabalizandi) tria huius facultatis
Cabale volumina studiosè molitus: quib.
omnem Cabalistarum institutionem fecit
clariorem. primum de dictionibus: Secun-
dum de literis: & tertium volumen de pũ-
ctis. Eius libri titulus est, Genat agoz גֵּנַת
אֶגֶז: id est, *Hortus nucis*. Iuxta Solomonis
cantica. In hortum nucis descendi, vt vi-
derẽ amœna virgulti. Apparet nucem hãc
essẽ vt pomum aureum argenteo retiaculo
inclusum, vt legitur in Prouerbijs: Mala
aurea in læticis argenteis verbum prolatũ
iuxta modos suos. Ita est Cabala pomum il-
lud aureum atque diuinum argenteis filis
videlicet ingeniosis institutionibus & hu-
manis artibus circunligatum, quale fieri
consuevit aurificum opificio, qui subtili-
bus celaturis aureum boni odoris pomum
non omnino tegunt aut operiunt argen-
to, vt nihil eius videri queat; sed caua-
tis

tis quibusdam foraminibus & argenteis
câcellis tum pomi colorem eminere, tum
ambraë odorem afflare sinunt. Aspicienti-
bus tamen longinquè totū id quod reticu-
latum est, videtur argētum esse integrum:
propius autem intuentes, si studiosè rimē-
tur, simul aurum quoq; reperient: & quò
magis aurum ab argento distat, eò longè
plus ab arte Thalmudica probatur differre
Cabala: quamvis ambas species vnū genus
spiritualis instinctus complectatur. Sed al-
tera præcedit alteram vt oraculum Hiero-
phantas, vtq; vnius generis aurum id qui-
dem bonum est, illud autem optimum, ad
quem modum in pentateucho de Heuila
narratur, quod aurum terræ illius bonum
est: non enim illic scribitur optimum, vt
quidam legunt, sed bonum. Et in Isaia de
Ophië: Dignabor hominem plusquam au-
rum optimum & aurū de Ophir. Ita quic-
quid de sacra Scriptura homines optima-
rum artium amatores scientia naturali ad-
discunt, auro bono par est: & appellatur o-
pus de Beresith. Quod verò scientia spiri-
tuali recipimus, opus de Mercana dicitur,
& auro æquatur optimo atque purissimo.
Scribunt enim Cabalistæ ita: Opus de Be-
resith est sapientia naturæ, & opus de Mer-
caua

etua est sapientia Diuinitatis. Et quo-
 niam vtrique sapientia vtrunque circa
 Mundum & ea quæ consistunt in Mundo
 versatur. Estq; Thalmudistarum & Cabali-
 starum ea in re vnanimis arbitratus, quod
 duo sunt Mundi: primus intellectualis, qui
 vocatur *עלם* חבא: id est, *Mundus ille ventu-*
rus, scilicet quo ad nos. Et secundus sen-
 sibilis, qui dicitur *עלם* חוה: id est, *Mundus*
iste præsens: quod ex verbis sapientum Ca-
 balistarum recepimus de nominis diuini
 quadraginta duarum literarū studioso cul-
 tore sic dicentium: quòd talis dubio procul
 existat dilectus sursum & deorsum, & hæ-
 reditans duos Mundos; Mundum præsen-
 tem & Mundum futurum. Iccirco diuidū-
 tur Thalmudici & Cabalisti secedentes in
 duas facultates: tametsi ex creditis rece-
 ptionibus ambæ similiter oriantur & ema-
 nent. nam vtrique maiorum suorum tradi-
 tionibus fidem habent, etiam nullaratio-
 ne reddita. sed hac distinguuntur deputa-
 tionis ordinatione, quod omne studium,
 omnem operam, omne consilium, laborē
 & diligentiam, vniuersam quoque mentis
 suæ intentionem (Cabalista scilicet ille atq;
 beatus à Mundo sensibili finaliter ad Mun-
 dum intellectualem transfert & traducit.
 Thal-

Thalmudista verò in Mundo sensibili per-
manet, ac animam vniuersi huius Mundi
non transcendit: quod si quandoq; licèter
ad Deum & beatos spiritus pergat, non ta-
men ad Deum ipsum immanentem & ab-
solutum accedit: sed vt opificem causamq;
rerum, & circa sua creata occupatum. Et ne
quæ diximus, tanquam apocrypha cõtem-
nãtur, videamus quid Dionysius in huius
rei fauorem deponat. Decentissimum (*in-
quit*) erat diuina & incomprehensibilia per
ænigmata occultari: & in viam multis po-
nere sacram abditamque, supramundano-
rum intellectuum veritatem. Est enim non
omnis sacer, neque omnium (vt eloquia
aiunt) sciẽtia: & aliquantulum progressus
ait: O' Timothee diuinus in diuina do-
ctrina factus, secreto animi quæ sancta sunt
circũtegens ex immunda multitudine, tã-
quam vniformia hæc custodi. non enim fas
est in porcos proijcere inuisibiliũ margari-
tarum inconfusum, & luciformem benefi-
ciumq; ornatum. Huic opinioni subscribit
Origenes, cuius testimoniũ in his, in qui-
bus ab ecclesia recipitur, est validissimum,
quia vbi benè, nemo melius. Hic ergo su-
per illud Pauli ad Romanos 3: Quid ergo
amplius Iudæo, aut quæ vtilitas circumci-
sionis?

tionis? multum per omnem modum, primum quidem, quia credita sunt illis eloquia Dei. Dicit Origenes. considerandum est, quia nō dixerit literas esse creditas, sed eloquia Dei. Ex quo dicto Origenis pater, quod præter literalem legem, aliud quid traditum fuit Iudæis, quod hīc vocat Paulus, eloquia Dei. Literas enim: id est, literalem legem eis fuisse traditā nemo negat, sed non imputatur eis ad prærogatiuā, quia litera per se occidit, & nisi adsit spiritus viuificans, omnino per se est mortua. Sed præter has literas tradita sunt eis eloquia Dei: de quibus meritō glorianatur: quæ nihil aliud sunt quàm quod apud Hebræos dicitur Cabala: id est, verus legis sensus ab ore Dei acceptus. Addit Origenes in loco præallegato dicens. De Mose prophetis q̄, & ceteris horum similibus hæc intelligenda sunt dici, quib. sunt credita eloquia Dei. Adde & quis apud eos sapiens, & intelligens auditor & mirabilis consiliarius fuit. *Hæc Origenes.* Per hos autem mirabiles cōsiliarios illi intelliguntur (secundum Mirādulam principem) quos vocant Hebræi *Sanedrim*: id est, septuaginta, illos seniores, quos elegit Moyses ex præcepto Domini, locum quorum, videntur tenere cardina-

les

les in nostra Ecclesia, & ad imitationē numeri illorum septuaginta seniorum (vt suprà dixi) fuerunt redacta myſteria Cabalæ in septuaginta libros tempore Ezræ. Vſque enim ad tempus Ezræ, de iſta doctrina nihil ſcriptū erat, ſed ſolūm, vt dixi, per ſucceſſiuam receptionem tradebatur. Vnde Cabalæ nomē accepit. Habetur de iſto cōcilio, in quo fuerunt ſcripti iſti libri, mētiolata & diſfuſa apud Hebræos in libro, qui dicitur Seder olam: id eſt, *liber ſaculorū*: vbi habetur, qui ſederunt in concilio: & denique totius cōcilij gēſta & ordo. Ex quibus omnibus patet, non eſſe confictum à viro illuſtri Iohanne Mirandulę principe, (vt ſibi impēgit Reueren D. Petrus Garſias Episcopus Viſellenſis, vt infrà clariùs patebit) quòd præter legem ſcriptam Moſes veram quoque legis expoſitionem à Deo acceperit, & quòd illa deinceps per ſucceſſionem à Moſe Lxx. ſenioribus: & ab illis alijs ſuis ſucceſſoribus fuerit reuelata: & tempore Ezræ in plures libros fuerit redacta, qui dicuntur libri Cabalæ: quos prædictus Mirandula ſumma impenſa ſibi conquiſiuit, (vt ipſemet teſtatur in ſua Apologia de ſua ſuarum concluſionum) neq; enim eos Hebræi Latinis noſtris communicare volunt:

lunt: in quibus quidem libris, ipse Mirandula (vt idem ait) inuenit multa, imò penè omnia consona fidei nostræ, & sacræ Scripturæ, in sensu saltem allegorico vel anagogico. Sicut enim apud nos est quadruplex modus exponendi sacram Scripturâ, literalis videlicet, mysticus siue allegoricus, tropologicus, & anagogic⁹: ita & apud Hebræos literalis apud eos dicitur pefar: quem modum tenent apud eos Rabbi Salomon, Rabbi chemai, & similes. Allegoricus Midras, vnde apud eos sepe audies: Midras Ruth, Midras tyllim, Midras coelet: id est, expositio per Midras: id est, mystica super Ruth, super Psalmos, super Ecclesiasten, &c. Et istum modum sequuntur maximè doctores Thalmudici. Tropologic⁹ dicitur Sechel: quem sequuntur Abraham Gerson, & multi alij: & ante omnes Rabbi Moses Ægyptius. Anagogicus dicitur Cabala. Et hoc quia illa expositio, quæ dicitur ore Dei tradita Mofi, & per successionem accepta modo prædicto, quasi semper sensum sequitur Anagogicum: qui etiam inter omnes est sublimior & diuinior, sursum nos ducens à terrenis ad cœlestia, à sensibilibus ad intelligibilia, à temporalibus ad æterna, ab infimis ad suprema, ab humanis

ipſorum Cabaliſtarum firma eſt opinio. Ita
cognoſcetur eſſe de omnibus alijs, ſi con-
cluſionum Cabaliſticarū videatur mea de-
claratio: nullum eſſe penè articulū in quo
nobiscum Iudæi, per Cabaliſtarum autho-
ritatem ſentire non cogantur. Quanta etiā,
& quā ſolida veritatis fidei teſtimonia vlt-
ra prædicta præbeat hoc Cabaleorum do-
gma, facile videre licet cuiq; ampliſſima il-
lorum volumina tractanti. Ea ſiquidem nō
obſcurè Trinitatis in vnitae enunciant ſa-
cramentum, de Patre, Filio, & Spiritu ſan-
cto, de vnigeniti generatione æterna, de
peccato originis, quo mors intrauit in Or-
bem: de redemptione per paſſionē, & ſan-
guinem Meſſiæ, de eius reſurrectionē: de
virgine cœli Regina alma: de myſtico Ec-
cleſiæ corpore, quod ſancti templum ſunt
Dei, & membra Chriſti, de iudicio, & Mū-
di conſumatione, de pœnitentia & pecca-
torum remiſſione, de mortuorum reſurre-
ctione: de dono prophetiæ, ſcientiæ & ſa-
pientiæ, de allegoria, & ſpirituali ſacri elo-
quij ſenſu, quo Cabala ipſa non modò ver-
ba & ſingula verborum elementa, ſed api-
ces, puncta & quæq; illis adiecta, ad ſubli-
mia & diuina tollit oracula. Vnde aſſidua
meditatione exercetur & ſtabilitur mens

humana in superis. De linguarum in super
& curationū virtute: de Angelica Hierar-
chia, de mundis & immundis spiritibus:
tradit documenta. Et hoc quidem peragit
Cabaleus tribus varijsq; confyderandi mo-
dis: quos qui dijudicare & discernere ne-
queunt, inextricabilibus sanè ambiguita-
tum & errorum implicāt sese nodis. Quo-
rum vnus confyderandi modus est: quem
verborum contextus & literalis intelligen-
tia expostulat. Alius quem allegorię typus
deposcit. Alius, quem prophetandi atque
inhærēdi superis æmulatio requirit. Quos
modos suprā tetigimus: Et hæc omnia pa-
rent in declaratione conclusionum Caba-
listarū. Et omnia supradicta, ac multa alia
quodammodo infinita sunt, quæ per hanc
sapientiam Cabalæ dilucidantur: Vtpote,
quare in primordij operibus, nusquam cō-
memoratum sit incommunicabile nomen
Tetrag. **יהוה**, aut quoduis sanctorum no-
minum, præter illud, quod & creaturis cō-
municari solet, nomen Elohim **אלהים**, qđ
bis & trigesies in illis primordij operibus
seorsum repetitum legimus, cū tamen
creatio opus sit solius creatoris Dei, cui
propriū est incommunicabile Tetrag.
יהוה. Vbi verò secundo capite, cæli & terrę
gene-

generationem resumit, Tetrag. nomē prę-
 nestit nomini Elohim. Istę (*inquiens*) sunt
 generationes cęli & terrę, quando creatę
 sunt in die, quo fecit Tetragramaton Deus
 Elohim, cęlum & terram. Et licet vtrunq;
 eadem, & summę simplicitatis essentiam
 designet, non tamen eadem essentię ratio-
 nem, eandemue humanę intelligentię cõ-
 ditionem enunciant: quemadmodum hęc
 ipsa incomprehensibili vnitare essentiam
 indicat nomē El Sadai (id est, Deus, qui sa-
 tis, siue omnipotens, eadem & Tetrag. no-
 men ostendit, in vno tamen nomine El Sa-
 dai innotuit patriarchis, quos latuit in no-
 mine Tetrag. Iuxta illud Exodi: Apparui
 Abrahę, Isahac, & Iahacob in El Sadai, &
 nomen meũ Tetrag. non indicaui, rectius,
 non cognitus fui eis: pari vtiq; lege de sin-
 gulis sacrorum Dei nominũ iudicandum,
 quod causa scrutanda sit qua propheta nũc
 explicet nomen Eheie, nunc nomen Iah,
 sæpius inuocat Tetrag. cũ punctis Elohim
 אֱלֹהִים, quandoq; cum punctis Adonai, אֲדֹנָי:
 iuxta illud Moysi: Dixit Abraham: Adonai
 Elohim (Domine Deus) quid dabis mihi?
 Multoties insuper ad vnum impetrandum
 votũ orat nomine El, ad aliud nomine Elo-
 him, ad illud Zeuaot, ad istud Sadai, & no-



mine Adonai: Horū similiumq; discrimi-
num rationes, causasq; petendas fore nul-
lus quidem idoneus sacri eloquij scrutator
ignorauerit. Quādoquidem & hi qui phy-
sica corpora, sensibiliaq; rerum naturas
contemplantia, singulas in his portiuncu-
las, & minima quæq; eorū scrutantur sym-
ptomata: & rationes causasq; passim requi-
runt. Longè ideo accuratiori diligētiae stu-
dio sacri, & perpetuò diuinæ menti inscri-
pti eloquij, inspiciendæ sunt partes, earūq;
dictiones, & singula discernenda sunt ele-
menta. prophetæ enim (vt primo de libe-
ro arbitrio Augustino placet, legunt in li-
bro vitæ. Constat autem, quæ sunt in libro
vitæ, non esse mortali voce prolata: quia
illa sunt paradigma, atque ideæ, quæ ca-
ducis his vocibus, literisq;, veluti exēpla-
ria, & sempiternę rationes diuinæ mēti in-
scriptæ respondent, quibus allegorizans &
anagogizans Cabaleus & spiritalis sacri e-
loquij contemplator maximè inuigilat, &
circa illas vniuersum eius negotium stu-
diumq; vertitur: quod planè ad Galatas
Apostolus docuit: duo per allegoriā enun-
cians testamenta, quorum vnum traditum
est in monte Synai, qui terrestri & seruili
iunctus est Ierusalem; alterū datum in mō-

te sancto, iuncto ei, quę sursum & libera est mater nostra, Ierusalem. Vnde Cabaleus, exercet mentem, denudatq; animi vires à cogitatione terrena, & tollit eas ad superiores, vt illis adhæreant. Et propterea in hoc (si aduertis) glossematū genere multis modis dissentiunt Cabalei, alijs numerū, alijs figuram, nonnullis positionē, permutationem, ac combinationem multimodē meditantibus, viresq; animi exercentibus. Et hęc est ratio, quare multi in exponendo sacram Scripturā errant, & se dissentiūt, quia minus aduertunt vim contemplādi, & admirātes, multis varijsq; & inutilibus quęstiunculis sese inuoluunt, & aberrant à tramite recto. Nota tamen, tametsi cōsona & prorsus necessaria sint singula huius generis inuenta, nō tamē necessariū existimant Cabalei, ideo in loco literalī, vel allegorico, vel anagogico intellectu sensisse pphetā. Contēplando (puta) Tetragrāmati elementa יחיה. Alij affirmant ipsum Iod י, ideo primā positā esse literā Tetragrāmati, qđ indiuisibilē punctum vnitatēq; referendo, indiuiduam summę vnitatis essentiā designet. Alij iccirco hanc primam autumant: quia decem vnitates numero ostendit, qui scilicet denarius numerus vnitas quædam

est, totum numerorum ambitū virtute cō-
plectēs, principium & finem. Alij propter
ea primum inter Tetragrammati elemēta
poni pręsumunt, quo tenui suo cacumine,
& vix sensu percepto apice, quasi indiui-
duam, & incomprehensibilem diuinam
essentiam denunciet. Denarius verò ele-
menti numerus decem sephiroth, tres sci-
licet diuinę essentię personas, & septem
sancti Spiritus dona insinuet: Hęc horum-
que similia, licet comperta, & solidę sint
veritatis sacramenta: summa quidem vni-
tate & simplicitate esse diuinam essentiam
principium & finem, incomprehensibilē,
trinamque personis, & dona spiritus dari
sit necesse, non tamē prorsus necessarium
arbitrantur per ipsum Iod. hęc præcipuē
docere & insinuare voluisse prophetam.
Simili modo de alijs huius generis medi-
tationibus iudicandum, quod non ad lite-
ræ, vel allegorię intelligentiam, sed solum
exercendi, seu aptandi animi, superisque
adhærendi cupidine excogitantur. Qui i-
gitur, hoc genus contemplandi Scripturas
attendit, & ea quę in his fidei orthodoxę
præbentur testimonia, ac saluberrima vitę
bonorumque morum documenta consy-
derat, & doctrinam Saluatoris nostri in o-
mnibus

mnibus (Apostoli iussu) ædificari & honorari desyderat, minimè profectò ludricum, perfidumq; eiusmodi Cabaleorum dogma præsumet, sed crebri potiùs laude, præconioq; extoller, & tanquàm pietatis doctrinā amplectetur & fouebit, quæ ad hoc vnum tendit, vt mortalium animos, à prætereuntibus huius caduci Orbis vmbraculis, ad cœlestia, & immortalia numina tollat, iterq; pandat æternæ salutis.

Ea verò quibus rigidus ille & atrox Cabalæ oppugnator Dominus Petrus Garzias Episcopus, id dogmatis retundere, & perfidum persuadere molitur, quam incōsiderata, & viro sapienti indigna sint, facile est cognoscere inspiciēti. Vt autem inania, quæ vir iste in suis, de Cabalistica (vt ipse effutit) perfidia commentitijs ad ignominiā & confusionem Cabaleorum commemorat reticescam, ne friuolis, minusq; frugiferis lectiunculis, benignas lectoris aures occupem. Breuib; dicta eius ponā. Et sunt:

De ista doctrina seu sciētia miror cur Iosephus in libris antiquitatum Iudaicarum non fecerit mentionem: nec nostri Doctores, si tam sancta, tam vera, & tam consona fidei nostræ, vt iste Cabalanorum princeps affirmat & prædicat.

F. A. Si quis attendat, & ratiocinium istud rectè consideret, inueniet id ipsum nõ modò perperam, & falsò discurrere, sed etiam falsa & vana figmenta adsumere: Falsò quidè discurret, quia ab hominis eloquio veritas non dependet naturæ, vt fas sit dictu, quòd homo quantumlibet sapiètia & spiritu polens: non profert, id non est: sed è conuerso quod non est, id sapiens non loquitur: nam dicunt logici; Argumentum ab authoritate, negatiuè, non tenet, sed affirmatiuè. Icirco rudis nimium & inconfyderata argumentatio est, dicere: Apostolus Cabalam non tractat, neq; de ea commemorat, ergo Cabalam respuit & còtemnit: similiter Iosephus nõ illam tangit, ergo illam respuit, vel tunc nõ erat, &c. Quemadmodum turpe & lógè execrandũ est dicere: quia Apostolus de sacrata & Deipara virgine, de indiuidua Trinitate (videlicet ob gentiũ ruditatem) nihil vel non satis explicat, ideo admittèda non esse. Quia insuper Apostolus, Ambrosius, Augustinus, Hieronymus, aut quisquam veterum Theologorũ de cœlesti & Angelica Hierarchia nihil exactè enuntiant, quàm modò amplissima Dionysij volumina pandunt, propterea respuenda sint; quandoquidem plures sanctorum
sa-

sapientumq; fidelium, hæc ipsa tanquã cœlestia oracula amplectantur & fouent. Eadem vtique lege de rudiufcula & vana illa contra Cabalam argutia iudicandum. Quod autem hæc ipsa argumentatio falsa, vanaq; figmenta assumat, palam constat inspiciēti: proponit enim nullum Apostolum, neque aliquem primorum sapientum quicquam de Cabaleorũ tradere vel innuere dogmate: quod apertè quidem falsum & commēritium à quouis illorum scripta sedulò lecti tanti dignoscitur. Omnium siquidem, vt sanctorum sapientumq; anxia sollicitudo & cura potissimè hoc vnũ intēdit, vniuersam scilicet Mosis legē: ceteraq; prophetarũ Agiographa, à literalī atq; terreno intellectu ad allegoriam & spiritalem trāsferre intelligentiam, admonente Apostolo: *Litēra (inquiens) occidit, spiritus autē viuificat.* Cũ igitur hunc spiritalem anagogicũ & allegoricum sacri eloquij sensum Cabalã vocitari libuit, claro argumēto reuincitur: Apostolorum traditionē, & sapiētum sanctorumq; glossēmata, & eorũ sacri eloquij interpretamenta, omni diligentia studio circa Cabaleum versari dogma. Et ideo falsa assumit contradictor, atque ignarus & nominis quidem Cabalę, nec te moueat, & suspi-

suspicientem reddat nouissima patefactio
nominis & doctrinæ Cabalæ: quemadmo-
dum nec tarda Ariopagitæ voluminosa
euulgatio. Nosti enim (vt paulò antè retu-
li) qua cura atque solertia conati sunt pro-
uidi primorum sapiētum velare & circum-
tegere fidei & veritatis Mysteria ad præca-
uendum id, quod iam turbulenta & misera
hac nostra tempestate contingere longè la-
teq; experimur. Qua de causa primorum al-
legorizantium seu Anagogizantiū, seu Ca-
baleorum translationem: quemadmodum
& Dionysij monumenta ædere, & in vul-
gum dare minimè permissum erat, solum
prouidīs, sapiētia & morum honestate vi-
ris: id clam & cum silentij pacto referare fas
erat: donec (turbato exinde rerum euentu,
& seditiosorum tyrannorumq; præualen-
te audacia) hæc arcana & abscondita sapiē-
tum volumina, ad circūforaneos & ad infi-
pientum manus peruenirent, qui quæstus,
& inani gloriæ libidine ea in publicū pro-
ferre, violare, & corrumpere ausi sunt: quo
tandem factū est, vt iam singuli qui sibi ali-
quid literaturæ præsumunt: etiam mulier-
culę, lanij & cerdones, rudesq; agricolę, de
maximis fidei mysterijs altercari & asse-
re: vanisq; & perniciosissimis opinionum
inuo-

inuolucris cuncta prophanare, & imbecillum multitudinem in lubricum & præcipitium deducere non formident. Et propterea nulla te capiat admiratio, quòd Rabbi Simonis principis Cabaleorum, pariter & diui Dionysij monumenta, tanto temporis tractu latibulis & tenebrarum caligine abscondita iacuerunt: Quod si Ecclesiasticas, simul & Thalmudæorum historias inspicias, & Dionysij scripta cum Rabbi Simonis dogmate conferas, planè reperiēs utrunque Coëthaneos, & circa sacratissimę crucis Domini, & Hierosolymitani excidij tempora floruisse: amborum quoque dictata, pari tenore, & simili contemplandi lege tractare rerum arcana, spiritalemq; sacri eloquij tradere intelligentiam. Eorundem etiam scripta, æquali fermè annorum spacio latuisse, & eodem quasi tempore prodijisse in lucem. Idipsum (si aduertis) Iustinianis sanctionibus cum Thalmudæorum codice (nescio quo æmulanti sydere, vel qualatente causarum serie) contigisse dignosces, & tu còsidera quòd omnia quęcunque scripta sunt, ad nostram doctrinam scripta sunt (*teste Paulo*) hoc est dictum: ad intelligentiam Euangelici eloquij sacrę Theologię. Ideo fundamenta sciētiæ Mercurij,

curij, Platonis & cæterorum huiuscemodi, nō deuiant à fundamētis diuinæ Theologiæ nostræ. Quicquid namq; dixere de diuinis antiqui, illud deprōpserunt ex lege Mosaica: & recentiores à Iohanne nostro.

P. G. Contentio inter Christianos & Iudæos de aduentu Messiaë, & de Trinitate personarum, non fundatur in sensu mystico veteris Testamenti, vt Mirandula dicit: quia ex tali sensu non possunt conuinci Iudæi: sed fundatur in sensu literalī, qui communis est nobis & Iudæis.

P. A. Rerum arcana per Mosis legem insinuātur, hoc varia sapientum monstrat auctoritas. Hæc (*inquit Moses Deute. 4.*) est vestra sapientia & intelligentia coram populis: qui audientes vniuersa præcepta hæc dicent: En populus sapiens & intelligens, gēs magna. cū igitur sapientia nihil aliud sit quā altissimarum causarum notio: Intelligentia verò dicatur, qua per cognitās rerū causas, cætera quæ sequuntur deprehēdimus, reuincitur vniuersæ legis mandata altissimarum causarum notitiam, & rerum independentium cognitionem insinuare: cui alludit illud Apostoli: confidis te ipsum esse ducem cæcorum, lumen eorum, qui in tenebris sunt, eruditorem insipientium, magistrum

gistrum infantium, habentem formam scientiæ & veritatis in lege. Adstipulantur etiam his qui foris sunt Iudæi: Vnde Rabbi Moses Ægyptius in præfatione libri directoris, sic ait: Literalis legis intelligentia sic refertur ad sensum certitudinis in ea latitatem, sicut obscura & tenebrosa domus ad preciosam margaritam in ea reconditam: *Hæc ille.* Et huic simile est illud quod dicit Saluator, in Mat. Simile est regnū cælorum thesauro abscondito in agro, quem qui inuenit homo, abscondit, &c. scilicet sub ænigmatibus & figuris: sic fecere prophetæ, & qui de diuinis loquuti sunt. Vnde supradictus Rabbi Moses ubi suprà, ait Diuinę namque legis sollicitudo est veridica de Deo & Angelorum ordine tradere documenta, & ita hominem erudire, vt vniuersum Orbem suo ad amussim ordine deprehendat. Sæpius enim prophetarū sermo, transposito literarū ordine, alijsq; insólitis quibusdam signaculis, grandia quidem sapientię arcana designat. *Hæc ille cap. 43.* Ex quibus tu collige quod bipertitæ recipit & acceptat veritatis arcana auditor Iudæus Cabalista: vno quidē modo, quo firma credulitate suscipit dependentiā & ordinē vniuersi, ita re ipsa consistere, sicut sapiens tradit
Caba-

Cabaleus. Alio modo, quo absque vlla hæ-
sitatione acceptat hunc ipsum rerum ordi-
nem Mosén insinuas-^{se}, typico sensu legis:
cui adstipulatur Gerūdini Rabbi Mosi in
Genesim auctoritas, codice votorum (su-
per illu. Psalmi: Et minnisti eū paulomi-
nus à Dijs) Quinquaginta, *inquiens*, sunt Ia-
nuæ prudentiæ, quæ omnes (vna dempta)
traditæ fuerūt Mosi, easq; palam vel signa-
culis quibusdam lex ipsa ostendit. Hæc ille
per Ianuas prudentiæ gradus indicat, qui-
bus vniuersus rerum ordo cōsistit: vna ve-
rò, quam demptam ait, est tertia illa ex sub-
limioribus sephiroth, cui præcipuè nomen
prudentiæ adscribitur: quæ Trinitatem cū
vnitate creatoris insinuat. Et ideo hanc pē-
tecosten, atque incomprehensibilem Tri-
nitatis ianuam: nec ipse maximus quidem
prophetarum Mosés penetrare meruit, qui
posteriora duntaxat (totum scilicet creatu-
rarum ambitum, perlustrauit fidelis existēs
in omni domo eius, non autem in ipso, qui
fabricauit eam; ait enim: Videbis postero-
ra mea, facies autem meæ non videntur. Ex
quibus clarè patet quàm malè impugnet i-
ste Reueren. Episcopus Cabaleomastix, Io-
hānem Mirandulam, Cabalaneorum prin-
cipem (vteo loco vocat illum supradictus
Episco-

Episcopus, Trinitas enim personarum, & Angelorum creatio, & similitum, de difficili comprobari possunt ex sensu literæ, quæ tamen omnia fidei nostræ arcana probari possunt: ut patet profundanti in Cabala. Et conuinci possunt Iudæi huiusmodi Cabalæ concedens fundamenta. Quapropter stat veritas Mirandulæ, scilicet quod ex sensu Cabalístico Scripturæ conuinci possunt Iudæi. Et sic contradicenti appareteius futillis argumētatio. Quia Christus sapiētia Patris manifestari non potest nisi per sapientiam, quæ ut vidimus, non consistit tantum in literali sensu, quin etiam & in mystico, ut suprà patuit. Quare, &c.

Paulus ait: Litera occidit, spiritus autem *P. G.* viuiificat. per literam occidentem & spiritum viuiificantem, nō intelligit Apostolus, sensum literalem & spiritualem seu Cabalisticum legis Mosaicæ (sicut credidit Mirandula,) sed legem veterem & nouam.

Lex qua conditus est, & qua regitur *Or. F. A.* bis, quam Cabalei (super illud Prouerborum 8: Ab æterno ordinata sum) ante Mundi constitutionem extitisse enunciāt, est ipsa lex, quam primo de libero arbitrio Augustinus summam esse dicit rerum omnium rationem, diuinæ menti inscriptā.

Eteandem Ethnicus ille Cordubensis magnus peripatetici dogmatis interpres, diuinam artem vocat, cuius solum vmbra habet lex ista in Arabię monte tradita. De cuius mandato scribitur, Deute. 30. non supra te est, nec in cœlo situm. De illa verò lege æterna dictum est Psalmo 118: Lex tua veritas: custodiam legem tuam semper in sæculum, & in sæculū sæculi. Beati immaculati in via, qui ambulant in lege Domini. hic loquitur de lege reuelata, cui sequuta est Lex euangelica, quæ bona est annūtiatio scilicet salutis, quæ salus minimè datur per legem scriptam, quæ neminem ducebat ad perfectionem (vt docet Paulus) Beati ergo sunt qui ambulant in lege Euangelica, quæ Ianuam cœli aperuit, quod minimè facit lex scripta, quæ occidit: Euangelica verò lex cuius præambulum est Cabala, quæ spiritus dicitur, viuificat. Huius Cabalæ arcana audiuit Paulus in raptu, cui non licuit ea loqui homini, vulgari scilicet. Quid quæso interest inter Euangelium & Cabalam? profectò nihil. nam Christus volens hoc ostendere, qui auctor fuit Euangelij, ait: Iota vnum aut vnus apex nō preteribit à lege. Et quis est qui puncta, apices, literas & huiusmodi diligenter discurret & exami-

examinat nisi Cabalista (vt patet in declaratione conclusionum Cabalisticarum) neminem vidi ex nostris doctoribus his incumbentem, præter hunc virum omnium planè doctissimum Mirandulam (iudicio tamen meo) quem fortè eius æmuli ex inuidia insequuntur. Obmutescant igitur lucifugæ oblatrare doctrinæ tãti viri, sed potius sui incitiã accusent. manet igitur sub in robore veritas Mirandulæ scilicet quod per literam intelligatur lex Mosæica, & per spiritum Cabala. Vnde Paulus ad Hebræos, ait: Vmbra habet lex futurorum bonorū, futura bona vocat cœlestia, & sempiterna, pro vt paulò antè in eadem Epistola declarat, dicendo: Quæ exemplari & vmbre deseruiunt cœlestium, videlicet superni testamenti & legis: quam ad Galatas 4. Apostolus liberam matrē nostram & cœlestem vocat Hierusalem: de qua scribitur in Psalmo: Lex Dei immaculata, conuertens animas. De alio verò tradito in monte Sinai testamento, subiungit: Testimonium Dei fidele, sapientiam præstans paruulis. Testimonium namque certitudinem præstat de re non visa, quod eò tutius & stabiliiori fide recipitur, quò ille qui perhibet testimonium, sapiētia, & vitæ munditia probatior

habetur, longè magis perficit syncerum veritatis indagatorem fides, & firma per testimonium credulitas, quàm Syllogistica & ratiocinativa de re cognitio. Quare eloquium legis per Moſen traditæ, & Iudæorum multitudini promulgatæ, cum vicissitudine, varijsq; mutationis modis obnoxium sit aliam & longè quidem diuersam esse legem Moſis, à superna & vera Dei lege (quæ Cabala & Euāgelium) necesse est. Vnde Cabaliſtæ Euāgelium præcedentes, & ſi myſteria particularia Chriſti ignorabant, habebant nihilominus fundamenta ex quibus de facili probare illa poterāt. Sicut fecit Rabbi Hachados in Gale razea, ad Antonium Romæ conſulem: in quo penè omnia fidei noſtrę arcana declarat per ſciētiā Cabalæ. Quapropter æternam illam Dei legem, veluti Archetypum, atque ideā ex iſta mandatorum lege tanquam per vmbroſa quadam imagine conijcere oportet. Vnde Hieremias ait: Ipſe enim eſt Deus vi-uēs, Rex ſempiternus, qui dixit: ego Deus, & non muror, & ideo eius quoque verbū in æternum ſtat (vt ait *Pſaltes*) De quo Apoſtolus: Audiui (*inquit*) arcana verba, quæ nō licet homini loqui. Et arcana iſta, ſeu verbum iſtud, eſt idem quod Deus: Ideo hoc
vocat

vocat (super Eſaiam 8. głoſſa ſanctorum li-
brum præſcientiæ, de quo legunt prophe-
tæ. Eundem primo de libero arbitrio Au-
guſtinus, legem æternam appellat, quæ nõ
potest cuiſpiam intelligenti nõ incommu-
tabilis videri. Legis autem ſuſceptor Ho-
mo, cùm parvus Mundus ad vniuerſi habi-
tum, adque imaginem, & ſimilitudinem
Dei factus ſit, ideo perfectio & ſalus eius
requirit, vt magnum Mundum & condi-
torem ſuum facto opereque referat & imi-
tetur. Imitabitur autem, ſi conformi & ſi-
mili lege actus ſuos moderetur, qua regi-
tur Orbis, & per quam ipſe rerum opifex
condidit, & gubernat vniuerſa. Quemad-
modum igitur parvus mūdus homo, ſum-
mi conditoris & vniuerſi Orbis ſimula-
chrum atque imaginem designat: ſic con-
decens eſt, vt eiufdem microcoſmi lex, ex-
ternam magni Mundi legem denunciet,
quod non aliunde quàm per allegoriam,
& myſticam intelligentiam ſeu Cabalam
tradi, & doceri in lege potuit.

Cabala ſub nullo genere doctrinarum P. G.]
continetur: ergo talis nullius eſt auctori-
tatis, ergo falſa, & à Iudæis hæreticis con-
ſicta & inuenta.

Hoc Cabaleorum dogma, tamenſi ex iu- F. A.

niorum Iudeorum inscitia, & mētis hebetudine incōpositum, & quasi verusta quadam rubigine iaceat. id tamen in se multorum allegorizantium traditionem, auctoritate, eruditione; tum etiam facilitate aptandi mortalium animum ad cœlorū regna, superat & longè antecellit. Auctoritate quidem ex eo, quòd Moses quemadmodum, primus erat diuinæ legis pronuntiator, sic & eiusdem (haud dubio) arcanae intelligentiæ explanator: qui cū fuerit omnium prophetarum maximus, constat illius auctoritatem aliorum allegorizantium traditioni longè esse anteponendam. Ideo eruditione præcellit, ex eo quod vniuersa & singula diuinarum humanarumq; rerū primordia ac elementa cōsiderat, eaq; sensim nescit, & suo ordine pandit, quod hactenus à nullo allegorizantium interpretū ita exactè traditum cognouimus. si enim Cabaleorum scripta & dogmata attendas, apertè intelliges lanuas, seu gradus & limites rerum insinuari in lege: quibus anima humana (quæ est omnium spiritalium creaturarum vltima) & ipsum organicum eius corpus (quod est totius corporei Orbis extrema propago) descendunt ab ipso vniuersorum conditore Deo, iterumque
illuc

illuc (quasi per scalam, quam viderat Iacob) ascendunt, & suum repetunt principium, atque æternæ vitæ originem. Docet (Gen. primo) Cabaleorum princeps Rabbi Simeon. Et libro candoris, Rabbi Nehumas. atque iunior Cabaleorum. Rabbi Rechanates: quomodo Bet א litera, primum libri Genesis elementum, suo apice paternum principium, quod supremū diadema vocant, designet, quodque tota illa dictio berescith filialem refert athypostasim, quam & ipsi sapientiam appellant. Secunda dicitur Bara (id est, creauit) processum seu emanationem, significet. Tertia dictio Elohim (id est, Deus, siue Dij) indicat Dei spiritum. Ab hac igitur indiuidua & sempiterna Trinitate vniuersum creaturarum ambitum, cælo & terra comprehensum creari, seu emanare singulatim exinde lex ipsa explicat, vocans primum omnium corporum hypostasim thou, quod interpretatur *admirabile*, seu *inane*: Id autem, quo illud inane distinctionem & existentiam habet Bohu appellat: quod Etymologia sonat, quod illud est, scilicet id quod peripatetici formam vocant, per tenebras, priuationem insinuat: per sex dies operum primordij sex mobilium rerum ge-

nera: Et per sabbathum, septimum genus, quo cessatur à motu designat. Quumque statim postea vniuersi opificium (Epilogi instar) resumit. Hæ (*inquiens*) sunt generationes cœli & terræ. in humanæ fabricæ (vt omnium eorum generabilium, vniuersæ legis finis historiâ digreditur, eiusdem pedetentim ortum, progressum, occasum, atque regressum enuncians. Hæc & similia sublimiora clarè perpendes si sequentia mea perlegeris glossemata. At licet Cabaletorum ædita volumina, hunc præcisè rerum ordinē, & hanc causarum seriem nullibi cōtinuo & claro stylo (ne insipientum & arrogantium temeritas, veritatis corrumperet sacramenta) minus exprimere, & persolvere videantur. Attamē, qui illorum scripta, & docendi modum diligētius consyderat, illorumque documenta hinc & illinc in vnum conferat: planè perpendet vniuersum horum allegorizantium & anagogizantium dogma ad hoc vnum (quasi ad scopum) dirigi, quo primarum causarum, & rerum (vel maximè) humanarum inde pendentium ordinem, egressum atque regressum insinuet. Ex quorum omnium testā, & syncera intelligentia, tota humana salus, atque æterna mortalium

pendet

pendet fœlicitas. Vnde patet quàm perperam iste Reueren. Episcopus supradictam protulerit conclusionem.

Expositiones mysticæ doctorum Hebræorum sunt falsæ : ergo Cabala est falsa & respuenda.

Cabalæ facultas facilitate aptandi ad cœlorū regna digna reputatur, quia viam aperit, & semitā monstrat, qua ille qui cœlestem vitam desyderat, absque anxia, vaga, & titubāte rationis indagine, sese conformem reddat supernum naturæ, & indiuiduæ Trinitatis imagini. Huius dogmatis, pars vna theoretica, quæ speculabilium rerum penetralia consyderat : pars altera actiuosa, quæ animū, & corporis vires pro spiritalibus donis, & huius vitæ commodis impetranda adaptat. Theoretica (quæ admodum & reliqua doctrinarum genera) altiora per ima, & latentia, per notiora nobis denunciat. notiora sunt ea quæ claro & assiduo experimento in nobis ipsis deprehendimus: vnum vniuersa legis mādāta numero & proportionē, humanæ cōpaginis partibus ad amussim respondere conspiciamus. Est enim vulgata Cabaleorum assertio, tot esse affirmatiua & prosequendorū operum in lege mandata, quot

solida quæ corpus humanum sustentant
 mēbra & ossa, numero scilicet ducenta &
 quadraginta octo. Tot insuper prohiben-
 tia & cauendorum operum mandata quot
 neruorū venarumq; meatus: trecēta scili-
 cet & sexaginta quinq;, quibus decem pri-
 maria membra & vniuersum organicū cor-
 pus nectuntur & conflantur in vnum. po-
 tiora & sempiterna legis mēbra sunt decē,
 perpetuò obseruanda mandata decalogi.
 Terreni verò hominis mēbra, quæ & spe-
 ciem perpetuāt, & indiuiduum cōseruant,
 quoq; decem enumerāt Cabalei: videlicet
 cerebrum, pulmo, cor, stomachus, epar, fel,
 splen, ren, genitale, matrix cū annexis. sic
 & primaria cœlestis hominis mēbra decē
 annunciāt. Intellectuale, seu empyreū cœ-
 lum, mobile primū, firmamentū, Saturnū,
 Iouem, Martem, Solē, Venerem, Mercuriū,
 Lunam cum visceribus suo Orbe conten-
 tis. Archetypi hominis membra decē sunt.
 Decem sunt Angelorum ordines. Cunctæ
 deniq; hic expositæ decades, à decem san-
 ctissimis, exemplaribusq; Dei nominibus
 ducunt originē: adeoq; respiciunt, & ten-
 dunt vniuersa. Hoc est, heheie, Iah, Tetra-
 grammatō prolatū Elohim, El, Eloha, Te-
 tragrammaton Zeuaoth, Elohim, Zeuaoth,
 Scadai,

Scadai, Adonai. Eiuscemodi decē Dei nomina, decē sephiroth vocant Cabalei, quarum singulis varia attribuuntur cognomēta, quibus plena est sacra Scriptura. Videas ergo qua ratione, quove fundamento, Reuerend. iste, floccipendit hanc diuinā sapientiam, ipsam appellandam falsam, respuendam, tanquam vanā, superstitiosam, fraudulentissimam, reuelatione dæmonū inuentam, & quantum ad rem nominis illicitam & prohibitam. Addit etiam quòd, idem significatur per vocabulum, Cabala, quòd per vocabulum magus & druydas. Et quod expositiones mysticæ doctōrum Hebræorum sunt falsæ: cū innumerabiles mysticas expositiones proferant verissimas, de Melsiah, quamuis negent Christum Melsiam. Et quando in his errāt, hoc non prouenit ex fundamentis veris Cabalæ, sed ex mala illorum applicatione, sicut faciunt hæretici.

Si doctrina Cabalistica fuerit viuæ vo- P.G.
cis oraculo Mosi tradita: ergo est maioris auctoritatis quàm mystica expositio doctōrum Hebræorum, & per consequens Cabala non continetur sub doctrina expositiua canonis, sed sub doctrina Thalmudica: q̄ falsa est, & fidei nostræ cōtradicens.

Diçq

F.A. Dico quòd expositiones mixticè docto-
rum Hebræorum prolatę secundum regu-
las & fundamenta Cabalę, pari passu am-
bulant cum Cabala. Et huiuscemodi ex-
positiones continentur sub doctrina ex-
positiua (allegoricè vel anagogicè) cano-
nis: similiter & Cabala.

P.G. Si Cabala fuit ab ore Dei tradita, illi non
licet contradicere: ergo Cabala non perti-
net ad expositionem anagogicam, vel al-
legoricam sacrę Scripturę: quia talibus
expositionibus licet quandoque contra-
dicere.

F.A. Non licet contradicere Cabalę, nec ex-
positioni anagogicę, siue allegoricę: hoc
est, fundamentis eius: nec expositionibus
non contradicentibus talibus fundamen-
tis. sicut non licet Christiano contradicere
expositioni sacrę Scripturę, quę omnino
sacrę Scripturę sequitur fundamenta vera.

P.G. Falsum est, quòd ex sensu anagogico vel
allegorico, quem Cabalista consyderat, in
sacra Scriptura, efficacissima argumenta
habeantur contra Iudęos.

Non est inconueniens ex libris Thal-
mudicis, & expositionibus doctorum He-
bræorum cōtra Christianos pugnantium:
sumere argumenta, contra perfidiam eo-
rum;

rum : quia tales libri quamuis contra nos scripti : multa veidè & fidei nostræ consona continent.

Hæ duæ positiones, mihi contradicere *F. A.* videntur. Si non est inconueniens sumere argumenta contra Iudæos ex libris Thalmud, qui secundum istum hominem, omnino sunt falsi: quare nō licebit, assumere huiuscemodi argumenta contra prædictos ex sensu allegorico siue Cabalistico, quam doctrinam ipsi admittunt tanquam veram ab ore Dei traditam? Et si Thalmud per totum est falsum, vt Reuerendus iste asserit: Quomodo in eo sunt multa consona fidei nostræ? nam quod consonat vero, sapit veritatem: nō mirum igitur videtur, si vir iste contradicit Mirandulæ. nam nulli conuenit, qui secum dissidet, ait Caro.

Sensus anagogicus, siue allegoricus non *P. G.* se extendit ad quēlibet passum sacrae Scripturæ: ergo Cabala non pertinet ad expositionem anagogicam vel allegoricā Mosis reuelatam: quia tunc non fuisset sufficiens doctor illius legis.

Negatur hīc consequentia: nam Cabali- *F. A.* sta non tenet quòd Mosis fuerit reuelatus sensus anagogicus, vel allegoricus circa omnes legis particulas : sed tantum circa illas,

las, quibus competit talis sensus: Ideo nō sequitur: ergo Moses nō fuit sufficiens doctor illius legis. Cognouit nempe Moses omnia quæ ventura erant in nouo Testamento in duplici spiritu (vt declarauī in conclusionibus) & hoc, aliqua ex sensu literalī, alia ex sensu tropologico, alia ex sensu anagogico, & alia ex sensu allegorico, &c.

P. G. Doctores Hebræorum, quos Hieronymus, Augustinus, Eusebius, Clemens, & Origenes, ad probationem fidei nostræ allegant, non sunt doctores Cabalistici, sed Thalmudici: aut veritatis Hebraicæ expositores.

P. A. Est aduertendum (vt etiā admonet Mirandula) quod nunquam inuenies, aut rarissimè doctore aliquē, ex nostris: loquor de antiquis, aliquem ex Hebræis nominatim allegantem, sed in vniuersali tantū videbis, dicentes. Sic dicunt Hebræi: Hæc est sententia Hebræorū. Et Mirandula meminit tantū semel inuenisse apud Origenē: qui semel allegat Huillum patriarchā cœtaneum suum. Quare nihil mirū, si & auctores Cabalæ ab eis nunquam audias nominatim allegari. cū ergo doctores nostri antiqui, allegant doctores Hebræos, nihil

hil dubitandum est de doctoribus Cabalæ eos intelligere. Est enim omnis schola Hebræorum in tres sectas diuisa. In Philosophos, & Cabalistas, & in Thalmudicos. Thalmudicos allegari ab antiquis doctoribus nostris non est credendū. Tum quia Clemens & alij, qui Hebræos allegāt, fuerunt ante compositionē ipsius Thalmud, per 140. annos. Tum quia doctrina Thalmudica est contra fidem nostrā conficta, & talem honorem non derulissent nostri illi. philosophos pariter certū est eos non allegare, quia & isti, qui secundū philosophiā exponere cœperunt Biblia, cœperunt à modico tempore. primus enim fuit Rabbi Moses de Ægypto, quo adhuc viuente, floruit Auerrois Cordubēsis. Relinquitur ergo, vt hæc Hebræorū doctrina, cui doctores Catholici ex Hieronymi testimonio tantum deferunt, & quam aded approbant (sit illa quam ipsimet nostri doctores fatentur, & credunt à Deo Mose, & à Mose per successionem alijs sapientibus fuisse reuelatam : & est illa, quæ ex hoc modo tradendi dicitur Cabala.

Papa Innocentius Quartus, & Gregorius P. G.
 rius mandauerunt comburi librum quem Iudæi vocant Thalmud, in quo multæ hære-

hæreses continentur : & puniri illos qui docerent illas hæreses, vel seruant. hoc idem sentiendum & tenendum est de libris Cabalæ.

F. A. Parcât mihi tantus vir, si dixero ipsum ignorasse logicam. Si sic: Licet sanè hanc inferre consequentiã. Alchoranus debet comburi, quia multa continet absurda, Ergo & Euangelium, ac si Euangelium absurda contineret, quod absurdum est dicere. Sic etiam contigit in illa illatione Cabalæ, cùm ex eis fundamentis nõ nisi concinna Euangelio contineantur.

P. G. Qui sequuntur scientiam Cabalæ, habendi sunt tanquam suspecti de perfidia Iudaica.

F. A. Litera namque (quia auerit à cœlesti vita) occidit. Spiritus autem (*inquit Apostolus*) viuificat, animumque restituit sempiternæ vitæ origini. Quò igitur maiori diligentia, quis mentem exercet in superis, & illic refigit intuitum, eò fusius stillant, & irrigant superna fluentia; datque largiter cœlestis agricola Deus incrementum. Hanc autem assiduam meditationem & stabilitatem, seu permanentiam mentis in superis peragere nescit fragilis & terrena mortalium conditio, nisi in his operibus carnis, quasi in

in tenui quodam simulacro, & vmbrosa archetypi imagine supercœlestia prospiciat exemplaria, atq; iugi cogitatione mandata æternę legis contempletur: Alioquin seiungunt & distrahunt animum hæc terrena opera, à riuulis supercœlestium aquarum, & ab ipsa æternitatis origine. Iuxta illud Iacobi: Qui autem perspexerit in lege perfectæ libertatis, & permanserit in ea, non auditor obliuiosus, sed factor operis, hic beatus in facto suo erit. Facti igitur & externi operis beatitudo ex hoc maxime pender, quòd operis factor (quasi speculi inspector, exemplarem & perfectæ libertatis prospicit legem, & in ea manet: quam Apostolus ad Galatas per allegoriam seu Cabalam cœleste Testamentum, & liberam vocat matrem nostram, quæ sursum est Ierusalem. Si ergo factor operis illam perfectè libertatis legem, cuius vmbra (vt Paulus ait) habet lex ista mandatorum, minus perspexerit, neque in ea permanserit, infelix nimirum & miser operator in facto suo erit: Qui enim non ponit Deum (vt Psalter admonet) in conspectu suo, & à dextris suis semper, illius animus: mox labitur, tenditque in præceps & corruit, propterea omne (inquit Paulus) quod-

D cunque

cūque facitis in verbo aut in opere, omnia
in nomine Domini nostri Iesu Christi fa-
cite. Hæc autem perficere & docere opti-
mè nouerunt Allegorizantes, qui singula
externa opera, imò & vniuersa sacri elo-
quij verba & elementa referunt, tollunt-
que ad superos: ita vt per hanc operan-
di & contemplandi legem, quasi ligones,
& vomeres seipsum vigil agri colonus de
arido hoc solo, effodiat, & eruat: & ad su-
percœlestium aquarum riuulos atque
fluenta transplantet, vnde locupletius
fructum suo tempore promat, eiusque
folia (vt canit Psaltes) non computres-
cant: & quicquid faciet, prosperetur. Ete-
nim quæ à sensu prouehuntur ad intel-
lectum, diligentia quadam studiorum &
artificiali ratione colliguntur (secundum
Forpenssem) vltra verò quæ ab intellectu
ad mentem & ad eius lumen pertingunt:
quasi diuinam induunt personam, & ido-
lo carent humano, vt ijs queat nihil à no-
bis cogitari profundius. Super ea igi-
tur ingemuisse visus est idem Selomo,
cū ait: Alta profunditas, seu profun-
da profunda (ita enim Hebraicè legitur)
quis inueniet eam? non dixit, quis ha-
bebit eam: nonnulli enim habuerunt.

Sed

Sed quis inueniet, tanquam difficile, non
autem quoquomodo impossibile : quia
Dominus dat sapientiam, & beati qui in-
ueniunt eam, vt est in sacris oraculis: pau-
corum est igitur inuenire illam, & eo-
rum quidem beatorum : super quos non
suis meritis, sed dono Dei coruscat tam
venerandi luminis splendor. non est e-
nim multitudinis audire sermones Dei:
quapropter clamabant ad Moysen : Loque-
re tu nobis, & audiemus, non loquatur no-
bis Deus. Te (*inquiunt*) audiemus : quod
Onkelus interpretatur Nekabel. Quare
in capitulis patrum ita legitur Mose Ki-
bel : id est, Moyses audiuit, & accepit le-
gem de Sinai. Vnde Cabala dicitur ab
auditu acceptio. Vnde Cabalista ille A-
zariel Bar Selomo Garonensis scribit. non
quidem prophetæ omnes fuerunt poten-
tes audire sermonem ab ore Dei, nisi Mo-
yses. non mirum igitur est, si Reuerend. iste
Episcopus perperam protulerit supradi-
ctam conclusionem, quia animi datur sa-
pientia paucis. vnde verius potest dici,
quod eius positio sapiat ignorantiam,
quàm quod positio Mirandulæ sapiat su-
spicionem perfidiæ Iudaicæ : facile nem-
pe contemnitur quod ignoratur : nam
D 2 nemo

nemo bene iudicat de re quam penitus ignorat. Hæcnolui dixisse exliuore vindictæ, neque quòd in verbis Mirandulæ iurauerim, sed tantum in verbis veritatis. Dico igitur concludendo, rem valde necessariam humano generi cœlitus indultam esse Cabalá, sine qua nemo tam raram, tam difficilem adipisci queat apprehensionem diuinorum, quæ certè non sunt mortalium rationum probationibus, non senticosis inanum verborum contentionibus: non humanis syllogismis propter eorum diuinitatem subiecta, quin imò tam magna, tam grãdia tam infinita, vt vna hominis ætate vel si libeat deniq; pluribus omni quantumcunq; indefesso labore superari non possit. etiam si anni vitæ nostræ tendât in multa sæcula, nobis planè in hac argilla & densi corporis cœmento spirantibus, & corporeo sensu cuncta præsumentibus. Aiunt enim sapientes Hebræorum Magistri, quòd ad explicandum virtutem operis de Berescit carni & sanguini est impossibile. Quantò magis de Merchaua. Et vt sic inuenias sicut dixi. Legito cùm ad manus tuas peruenerint, quæ scripsi, quæ sunt:

Expo-

Expositio, Sepher Iteira Abraha.

Expositio quinquaginta portarum intelligentia.

Expositio triginta duarum semitarum sapientia Dei.

Expositio sem ammephoras siue nominis expansi.

Expositio literarum Hebraicarum.

Expositio Menora, siue candelabri.

Expositio Ihan, siue arboris Se phiro.

Expositio conclusionum Cabalisticarum Mirandula.

Expositio dictorum notabilium precipuorum Cabaleorum.

Expositio numeri formalis & diuini.

Expositio nominis Iesu, & omnium diuinorum nominum.

Expositio Merchaua, siue Gloria.

Expositio Sera hora : id est, porte lucis.

Expositio nominis Tetragrammaton.

Expositio Apocalypsis Cabalistica.

Introductio Cabala.

Apologia pro defensione Cabala.

54 ARC. APOL. CONT PET. GARZ.
*Expositio duplicis in principio Iohannis
videlicet & Mosis.
Liber contra Iudeos.
De immortalitate anima.
De providentia Dei.*

CONCLV-





CONCLVSIONES

CABALISTICAE

NUMERO LXXI.

SECUNDVM OPINIO-
NEM PROPRIAM IPSIVS M^r
randulæ, ex ipsis Hebræorum sapientium
fundamentis Christianam reli-
gionem maximè confir-
mantes.

*Quicquid dicāt ceteri Cabalisti, ego pro P.M.
ma diuisione scientiā Cabale in scien-
tiam Sephirot, & Semot, tanquam in
practicam, & speculatiuam distingue-
rem.*

SCIENTIA est qualitas qua- F.A.
dam, vel habitus in anima ex-
istens, quo, habens, facile, &
delectabiliter operatur, pro-
ptè & expedite ita, quod in-
clinat ad speculandum conclusionem, de
qua est talis habitus. & hæc dicitur specu-
latura.

latiua. practica verò scientia, siue praxis est operatio alterius potentiae ab intellectu, naturaliter posterior intellectu, nata conformiter elici rationi recte ad hoc, quod sit recta: nullus ergo actus intellectus est praxis: quia intellectus, se extendendo, fit practicus: ad sui autem operationem nullus intelligens potest se extendere: quia intellectus non potest regulare operationem priorem naturaliter intellectu; igitur nulla intellectus operatio est praxis. intellectus enim sola extrinsece fit practicus: id est, dicitur practicus ab operatione quam regulat, mediante actu, vel habitu practico, ut patet 3. de anima. praxis igitur proprie dicta, est actus voluntatis elicitus: hoc est, productus ab ipsa voluntate siue imperio voluntatis, ut velle dare eleemosynam: vel imperatus: quia voluntatis actus est naturaliter posterior intellectu: & est conformis rationi rectae, ad hoc scilicet. quod sit bonus, & talis est actus productus ab aliqua potentia mediante imperio voluntatis, ut audire missam à voluntate imperatum: & sic nulla mala operatio dici potest praxis, cuiusmodi est velle furari, occidere. Vnde Aristoteles 6. Ethic. dicit: Electio recta necessario requirit rationem rectam, unde pro

pro electione intelligit volitionem quæ est praxis. Speculatio contrario modo se habet: est enim speculatio intellectus operatio ad nihil aliud extra genus contemplationis seu intellectationis, vel actus intellectus finaliter ordinata: nulla igitur operatio alterius potentiae, quam intellectus est speculatio: ideo nullum videre, audire, nullum velle est speculatio. Ad propositum igitur conclusionis, dico secundum mentem doctoris, quod Cabala diuiditur in speculatiuam, & practicam: non tanquam in differentias essentielles ipsius Cabalæ: practicum enim non dicit formaliter nisi duplicem respectum aptitudinalem ad praxim scilicet conformatiuitatis & prioritatis naturalis, idē, est apta nata, seu habet aptitudinem naturalem dirigere in opus: & est apta nata fieri prior praxi illa operatione: practicum igitur non dicit aliquid per se vnum: ideo sunt passionēs supplentes nobis proprias differentias. quia practicum est quid relatiuum, seu respectus aptitudinalis, qui nunquam est de essentia absoluti: notitia enim est absolutum quid de prima specie qualitatis: nam speculatiuum dicit negationem duorum respectuum, qui insunt practice scientie, sic videlicet, quod il-

la scientia dicitur speculatiua, quæ non est nata præcedere praxim, neque regulatiua praxis, cuiusmodi est notitia qua cognosco hominem esse animal: speculatiuum igitur non est de essentia notitiæ, cum negatio non sit de essentia absoluti: & per consequens non est differentia eius essentialis. practicum ergo, & speculatiuum non sunt essentielles differentię Cabalæ sciētię: non est enim generis diuisio per suas differentias: sed est quasi diuisio alicuius termini cōmunis per proprias inferiorum suorum passionēs velut si diuidatur numerus per par, & impar, & linea per rectū, & curuum. Cabala speculatiua dicitur notitia sephiro: Cabala verò practica dicitur notitia semot: id est, nominum: diuinis nanq; nominibus ante Christi aduentum multa per Hebræos operabantur: nam Moses plura portēta operatus est per nomen Dei Tetr. נון Iosue item, Dauid, &c. in nouo instrumēto Apostoli in nomine Iesu totum Mūdum ad fidem conuertēre.

P. M. *Quicquid dicant alij Cabalisti, ego partem speculatiuam Cabale quadruplicem diuiderem correspondentem quadruplici partitioni philosophiæ, quam ego*

ego solitus sum afferre. prima est scientia, quam ego voco alphabetaria reuolutionis correspondentem parti philosophia, quam ego, philosophiam catholicam voco, secunda, tertia & quarta pars est. triplex merchania correspondet trib. philosophia particularis, de diuinis, de medijs, & sensibilib. naturis.

Quadrifariâ philosophia in vniuersali distinguitur, in philosophiâ videlicet naturalē, moralē, mixtā, & diuinā: prima ab Aristot. in physic. traditur. secunda ab eodē in Ethic. Tertia, de Angelis in parte sua Metha. Quarta tract. de Deo, in reliqua parte Metaph. A' simili, Cabala, sensum literalē docens, dicitur naturalis: Docens sensum moralē historiæ, moralis dicitur: Applicās ad Mesiā, dicitur allegorica: historiā ad æterna deducēs, dicitur anagogicalis sciētia ita qd sensus literalis, dicitur naturalis, moralis, tropologic⁹. allegoric⁹ dicitur mixtus: qd tractat de Angelis, & de Mesiā: anagogicus dicitur diuinus. Ad propositū conclusionis, dico: quod Cabala est duplex, vna est de Bereshith, rerū creaturarum naturalium, cœlestiumq; vires explicans, & legis arcana physicis rationib. exponens:

F. M.

ponens:& in hac perstitit Solomon: Legitur namque in sacris Hebræorū historijs, ille disputare solitus erat à cedro Libani, vsque ad hyssopum, item de iumentis, volucribus, reptilibus & piscibus. Et Moses Ægyptius, & plures alij Thalmudistæ hanc secuti sunt. Hanc vocat doct̃or noster Cabalá alphabetariæ reuolutionis correspondentem parti philosophiæ, quam catholicam vocat. philosophia dicitur catholica: id est, vniuersalis: quia omnium quidditarum abstractarum cognitionem in se comprehendit: & est scientia Metaphysica: & hæc reuolutioni alphabetariæ correspondet: vnde Iudæi viginti duobus modis alphabetum suum voluūt: & per illam reuolutionem omniū rerum quidditates ostendunt, ac earum proprietates: patet in libro Midras Ruth. voluendo enim literas, paradisi ordinē, ac inferni pœnas demonstrant. Adam igitur huius artis perdoctus, nomina ex hisce literis constituta, rebus secundum eorum proprietates imposuit. Sicut ergo Metaphysica, de omnium quidditatibus rerum tractat, sic & reuolutio alphabetaria. Altera est pars Cabalæ, quæ dicitur de Merchāua, quæ secundum hunc doct̃orem est triplex: & includit secundum, tertium, &

& quartum modum: quarum prima est de diuinis sublimioribus, de decē scilicet sephiroth, siue dimensionibus, & ista est de sacrorum nominum contemplationibus: in quibus literæ, numeri, figuræ, res, & elementorum apices, ac lineæ, puncta, & accentus, omnia sunt profundissimarum rerum, magnorumq; arcanorum significatiua. secunda est de medijs scilicet de Angelicis virtutibus, ac eorum nominibus, & signaculis, ac etiam animarum conditionibus. & qui hanc norit, admirandis pollet virtutibus: ita quod dū velit, futura omnia præscit, toti naturæ imperat, in dæmones, & Angelos ius habet, & miracula facit. Huius edoctus Moses, tot signa & portenta edidit: virgam in colubrum, aquas in sanguinem vertit: bruchos, locustas, pediculos, ranas, muscas, ignem cum grandine, vesicas, & tabes Ægyptijs immisit. omne primogenitū ab homine ad pecus interemit; suosq; deducens, mare aperuit, fontem de petra, coturnices de cælo produxit, &c. Hac imbutus Iosue miraculorum arte, stare Solem præcepit. Elias etiam ignem in aduersarios è cælo deuocauit, mortuum puerū vitæ restituit. Daniel leones domuit. Harum tertia est de sensibilibus naturis, scilicet

cet herbarum cognitione, lapideum, & huiusmodi. qua vtuntur communiter Alchimistæ. quoniã de quidditatib. simplicium, deque eorum mixtura tractat. atque de hac arte in conclusione sequenti aliqua dicemus.

P.M. *Sciëntia qua est pars practica Cabala, practicat totam metaphysicam formalem & Theologiam inferiorem.*

F. A. Metaphysicæ scientia est, quæ habetur de propositionib. immediatis, sicut de ente: quia non habet definitionem: Est ergo metaphysica notitia quidditatis puræ ab omni accidēte separatæ, vt hîc, & nûc, & huiusmodi. metaphysica verò Cabala practica, est notitia nos docens operari median-
tibus huiusmodi abstractis quidditatibus, puram videlicet quidditatem actiuam puro passo quidditatiuo cōuenienti applicando; &, qui puras, & simplices quidditates cognosceret, quodlibet factibile sciret facere, quia accidētia nō operātur, sed quidditates, patet de aloë purgato, cuius pars minôr, est efficacior parte maiori non purgata, & huius est ratio, quod in quidditate, & nō in accidentib. consistit virtus. Cabala igitur quæ per huiuscemodi agētes ad passum operari docet, dicitur metaphysica
pra-

practica Cabala, & solus Deus hoc modo
est metaphysicus, vt docet Aristoteles. So-
li enim Deo sunt cognitæ quidditates. Et,
si quis hac scientia pollet, hoc fit diuini-
tatis reuelatione, non intellectus indagine;
multa tamen per experientiam addiscun-
tur, & Cabalisticè operantur, sicut Dæ-
monum expulsionēs ab obsessis per suffu-
migationes rutæ, & bomicis. Quare au-
tem huiusmodi creata talem obtineant
virtutem cōtra malignos spiritus, soli Deo
est cognitum. Cabala igitur practica meta-
physica, hæc omnia posita docet, nominis
tamen Dei inuocatione, Tetrag. videlicet,
Adonai, Elohim, &c. hunc modum Chri-
stus docuit, terram cum sputo linendo, cæ-
ci nati oculos aperuit. & hoc fecit ex con-
uenientia quadam terræ, & sputi cum ocu-
lo, occulta nobis, nota in Christo, qui sa-
pientia est Patris; Et, hoc virtute nomi-
nis Dei, quod est Iesus. Et, hanc Caba-
lam suos docuit Apostolos ipsemet Chri-
stus, dicens: In nomine meo Dæmonia eij-
cient, &c. accipiendo actiua passiuis cōue-
nientia operabimini: quod tamē in nomi-
ne meo, quod est Dei, fiat. Idem fecit Chri-
stus in nuptijs, aquam in vinum cōmutan-
do: hæc nāq; quidditates symbolum habet;
quia

quia vinum est aqua per vitem lambicata: siue stillata: & talis notitia dicitur practica: quia in opus ad extra dirigit, & supra naturam: vt locus Simonis præsentanea sanatio, quod opus creato agēti repugnat: quoniam in tempore agit. Ad conclusionem: (scientia, quæ est pars practica Cabalæ, practicat totā metaphysicam formalem) hoc est, operari docet omne factibile p quarūcunque quidditatum coniunctionem: & præterea practicat totam (Theologiam inferiorem) quæ scil. est notitia effectus per Cabalam operati, per q̄; determinati agentis applicationem, ad determinatum passum, cum Dei nominis inuocatione, ad talem effectum appropriati: vt patet de resurrectione ab Helisæo, & de lapidum descensione, & de mirandis à Mose in Ægypto factis.

P. M. *Ensofph non est alijs numerationibus connumeranda: quia est illarum numerationum unitas abstracta, & communicata, non unitas coordinata.*

I. A. Decem sunt dimensiones diuinæ, siue Sephirot, quæ propriè indumenta quædam Diuinitatis appellari consueuere à Scriptura: quarum suprema, quæ absolutissima essentia

essentia dicitur, à Cabalisticis, Ensoph nuncupatur, cùm sit ipsa essentia in abyssò tenebrarũ retracta, & immanēs, otiosaq; , vel (*vt aiunt*) ad nihil respiciens : idcirco dicitur (*en*) id est, nihil, siue non ens, Soph: id est, finis: quia nos tam tenui ergares Diuinas ingenij paupertate mulctati de his, quę non apparent haud secus, atque de his, quę nō sunt, iudicamus: quoniam Deus est super omnem ordinem existētium: ergo per nihil existentium comprehendi potest: sicut enim intelligibilia, sunt incomprehensibilia, & incōtemplabilia per ea, quę sunt in compositione, & figura: seu, quę sunt composita, & figurata: sic Deus, qui est ipsa vnitas, quasi existens vnus per suam essentiam superponitur mētibus, scilicet angelicis: ab eis namque existens incomprehensibilis à fortiori à nobis. Diuina talis essentia, ab omnibus respectibus abstracta, in coordinatione Sefhiror locanda non est: nam ea, quę coordinantur, diuiduntur, idem sibi ipsi non coordinatur, essentia autem Diuina ab aliqua dimensionum illarum non diuiditur: imò ipsa omnia identificat: ergo non ponitur in illa coordinatione, seu distinctione. Alia ratio est, quia est vnitas super omnes dimensiones, sicut

E ens

ens respectu decem prædicamentorum, & est vnitas per se subsistens. viuificans omnem vnitatem: etenim diffundit vnitatem in omnibus, quocunque modo vnitatem participant. Et, decem illæ dimensiones ab illo Ensoph, vel Diuina essentia pendent: & per ipsam perfecta dicuntur: sola enim essentia in Diuinis est infinita formaliter: & si quæ dimensiones illæ infinitæ dicuntur, hoc est respectu essentiæ, vt hoc mah sapientia infinita dicitur: nam ab essentia prouenit: Sic de misericordia gedulah, iustitia geburah, &c. paternitas est infinita: propterea quod essentiæ infinitæ vnitur identificatiuè, & sic de alijs. Sicut ergo ens non ponitur in prædicamento: quia transcendit illa, & superponitur illis: ita Ensoph essentia non ponitur in dimensionum coordinatione: transcendit enim illas omnes, & illis superponitur, & est vnitas illarum abstracta; nam decem illæ dimensiones adinuicem identificantur ratione essentiæ, in qua omnes vniuntur: abstracta tamen est ab eis: formaliter enim non est hæc, vel hæc: tamen dicitur (communicata) cætera enim in Diuinis infinita data: ab ipsa namque emanant, vel ipsi vniuntur: & fit vnum cum eis:

eis : quia numerationem non admittit in diuinis, omnia vnum in se facit : & hoc est, quod Mosi dixit Deus : Ego sum, qui sum. Et Isaias 45 : Ipsum quidem scilicet à se infinitum, hoc est nomen meum, gloriam meam alteri non dabo : nam alium Deum faceret, si vnum aliud formaliter infinitum faceret, sicut est sua essentia.

Quilibet Hebraeus Cabalista secundum principia, & dicta scientia Cabale, cogitur inenitabiliter cōcedere de Trinitate, & qualibet persona diuina, Patre, Filio, & Spiritu sancto, illud præcisè sine additione, diminutione, aut variatione : quod ponit fides catholica Christianorum. P.M.

Trinitas Cabalisticè hoc modo probatur accipiendo primum legis verbū, quod Hebraicè dicitur bereſith בראשית. interrogat Rabbi Symeon ben iochai : quare prima litera legis sit beth ב : responder idem, quia beth ב prima litera domum significat : nam bait ביה constituit, quod domum significat, & repræsentat chocmah sapientiam superiorem in qua erāt omnia, anteaquam redigerentur in proprias formas : quod Psaltes cōfirmat : Omnia in sapientia feci-

E 2 ſti,

sti, quæ est Filius, teste Paulo, portans omnia verbo virtutis suæ. & alibi: In ipso est omnis thesaurus sapientiæ, & scientiæ Dei: & Ioan. Omnia per ipsum facta sunt: quia quod factum est in ipso vita erat. Et, sicut beth duo in numero importat, ita Filius est secunda persona in diuinis. Sequens litera est res ך, quæ in numero duo importat centenaria, & innuit primam rem productam in rebus crassissimis, materiam videlicet, quæ per dualitatem apud Pythagoræos denotatur. Tertio loco ponitur aleph א litera diuinitatis, & primi fontis omnium bonorum cheter Elion, innuēs quoniam producta materia interuenit dator formarum, influens in beth sapientiam chocmah, & res ך dat, vt materia viuificetur per Filium, qui est sapientia creatrix, & omnium rerum vita: & iuncto aleph cum beth אב ab constituit, quod Patrem significat. qui Pater non potest esse sine filio: & in medio illarum literarum ab, est res ך, ruach: id est, spiritum significans, qui est persona, à Patre, & Filio procedēs. Et sic Hebræi Trinitatem consentur modo Cabalistico. Alio modo probatur in prædictis literis berefith Trinitas, duonim formatur nomina hoc modo. ביהבא

& אש ros, primum significat Filium, ut supra quia beth ב sigillum est sapiētiae chochmah, quia sicut signa cœlestia proprios habent characteres ipsa significantes, ita personæ diuinę. Ros significat caput, quod est Pater, prima in diuinis persona, etiam, quia aleph א ibi positum, est sigillum character Patris. Beresit ergo: id est, Pater, & Filius, Bará: id est, produxit, Elohim: id est, Spiritum sanctum. Aliàs probatur Trinitas Exodi, ubi loquens Deus Mosi, ait: Eheie aser Eheie, אהיה אהיה אהיה hoc est (reddendo verbum verbo) *ero qui ero*; nostra verò traductio habet: Ego sum qui sum: quod minimè stare potest. ibi enim antepositur aleph, quod futurum tempus facit. Eheie ergo: id est, filius, aser, אשר quod conuersum componit ros אש quod caput significat, & repræsentat Patrem, caput & prima diuinitatis persona, Eheie אהיה: id est, Spiritus sanctus. Deus igitur in suo magno nomine Mosi Trinitatē ostendit. Trinitatem probet Mercurius, dicens: Mentem prouenire ex humida natura, & ipsi asstare. His verbis mysterium Trinitatis innuit, cuius persona media est Filius, & sapientia Dei: quæ aquæ naturam sapit: Iuxta illud: Et aqua sapientiæ salutaris po-

tauit illum. Hæc igitur sapientia ex humida natura: id est, ex aqua, quæ Filius Dei est, scaturiens communicatur mortalibus: nõ quidẽ copia ea, & sublimitate, de qua meminit Christus, cùm ait: Nemo nouit Filiũ nisi Pater: sed ea duntaxat, de qua alibi dixit: Quæcunque audiui à Patre meo, nota feci vobis. Quem sapientiæ gradum inferiorẽ Elchana, doctor quidem insignis, vocat filiam, superiorẽ verò Filium. Et vbi est Pater, ibi adest Filius, sunt enim correlatiua. Et de hac sapientia apertè subinfert Mercurius, dicens: Vocẽ quãdam audiui dicentẽ. Lumen illud ego sum mēs, Deus tuus, antiquior quàm natura humida: quæ Filius est, vt diximus. Sed inter ipsum Patrem, & Filium est medius, & colligans amor, qui Spiritus sanctus dicitur. Et quomodo hæc mens cum personis Diuinis se habeat, ipse declarat. Ait enim, vox egrediebatur, quàm ego luminis vocẽ existimabam: & ex hac luminis voce verbum factum prodijt. Verum hoc naturæ humidæ astans, eam fouebat: ex humidæ autem naturæ viscerib. syncerus ac leuis ignis euolans protinus alta petit, quod, Lux vera, Filius & sapiẽtia dicitur. De quibus luminibus Ecclesia canit: Lumen de lumine, Deum

Deum verum, de Deo vero. Ab hoc autem lumine primo (ut ipse Mercurius ait) verbum factum prodijt, posterius natura, quā ipsum primum lumen. Quod verbum paulo inferius, vocat mentis germen lucens, & Dei filium postea de Spiritu sancto subnectens ait: quod est syncerus ac levis ignis, nunc ad ima descendens, nunc ad alta euolans. Quorum trium imaginem nos portamus: Patris videlicet per supremam portionem, qua Deum intelligimus: Filij verò per cognitionem, & verbum de ipso Deo productum: Spiritus autē sancti per amorem quo Deo afficimur: aut cum pro eius amore ad opus applicamur. Hic breuibus me expedio: quia alibi diffusius pertractaui.

Tria magna Dei nomina quaternarij, quæ P.M.

sunt, in secretis Cabalistarum per mirabilem appropriationem tribus personis Trinitatis ita debere attribui, ut nomen Eheie אהיה sit Patris, nomē Iehonah יהונah sit Filij, & Adonai אדני sit Spiritus sancti. intelligere potest, qui in scientia Cabale fuerit profundus.

Omnes gentes atq; linguæ præcipuum Dei nomen quatuor solum pronunciant *F.A.*

literis: hinc Ægyptij, quē nos Deū, Theut
nominant: Perſæ, ſire; Magi, orſi; Græci,
theos; Arabes, Alla; Mochomet, Abdi: nos
accepimus ab Angelo, Ieſum: Tuſci, Eſar;
Hebræi illud quatuor vocaliū יהוה ineffa-
bile nomen vtcunq; poſſunt, exprimūt per
Adonai. Volūit Deus vbiq; quatuor literis
inuocari: quoniam & ipſe per quatuor gra-
dus cuncta diſponit, ſcilicet eſſentia, eſſe,
virtute, & actione. componit cœleſtia item
triplicitatibus ſignorū. quatuor ignea, qua-
tuor aërea, quatuor aquea, & quatuor ter-
rea: & quæ ſub cœlo ſunt quatuor ſimiliter
elementis. Et hoc nō potuit eſſe, vt omnes
nationes in hoc vno conuenerint niſi di-
uinitūs inſpirati fuiſſent. Hinc Lacedæmo-
nij ſummum Iouem quatuor auribus de-
pingere ſolebant. Et apud Orpheum fer-
tur, Neptunus quadrijuges currus impel-
lere. Quatuor quoque ſunt Diuini furoris
ſpecies, à ſingulis numinibus proceden-
tes, ſcilicet à Muſis, à Dionyſio, ab Apo-
line, & à Venere. Item Ezechiel propheta
vidit quatuor animalia iuxta fluuium Co-
bar, & quatuor Cherubim in quatuor ro-
tis. Item Daniel quatuor vidit animalia, de
mari aſcendentia, & pugnantes quatuor
vêtos. Item Iohannes in Apocalypſi, vidit
quatuor

quatuor animalia oculorum plena antè, & retrò, & stabant in circuitu Sedis Dei : & vidit quatuor Angelos, quibus datum est nocere terræ, & mari, stantes super quatuor angulos terræ, tenentes quatuor ventos, ne flarent super terram, neque super mare, neque in nullam arborem : quæ omnia nomini quadrilitero competunt. De quibus a'ias in libro de numero triplici. In hoc magno nomine $\aleph \gamma$ he η litera duplicatur, significans Spiritum sanctum habere duos effectus. primū η significat Spiritum sanctum nexum esse Patri, & Filio. secundum he η significat eundem Spiritum sanctum connectere hominem cum Deo : & hoc est, quod dicit Christus : Regnum Dei intra vos est : id est, habitat in vobis Spiritus sanctus, tanquam nexus connectens vos cum Deo : propter hoc, locus Spiritus sancti dicitur Malchur : hoc est, regnum : cui Adonai $\aleph \delta \aleph$ appropriatur, ut dicit conclusio. Iodheuahue siue Iehouah $\aleph \eta \aleph$ congruit filio Messiae, & Patri : quod probans Christus, ait : Pater manifestavi nomen tuum hominibus, quod (intellige) incognitum erat illis. quod etiam sibi competat, probat, dicens : In nomine meo dæmonia eijcient, linguis loquentur

nouis, serpentes tollent, & si mortiferum quid biberint, nō eis nocebit, &c. nomina enim diuina radij sunt diuini esse, quę sanctiores hominum animos penetrant: vnde Plato in phileb. Reuerentia mihi semper erga Deorum nomina, non humana quędam formido est, sed maximum quemque timorem exuperat. Iodeuauhe autem, & Iesus idem װ idem sunt, vt patet experto in Cabala, sicut clarē deduxi in denomine Iesu. Aliqua tamen est apparens differentia: nam Iesu nomen aliquid admittit nominis Iodeuauhe & aliquid superaddit. admittit duplex he ם & addit litteram scin ן, quod euersum sic ן includit duplex he. scin ergo valet duplex he ם, ista additio scin ן spiritus magni nominis Tetrag. significat םםםם, quare sine ipso alioquin proferri nequit, & hoc est, quod dicit Esaias: Fecit tibi nomen nouum, quod os Domini nominauit, sicut patefacit lectio Euangelica, dicens: Quod vocatum est ab Angelo Dei videlicet, vicem gerentem, priusquam in vtero conciperetur: nouum ergo est dictum Domini nomen, quo ad prolationem, non tamen significatum variat. Alia ratio, quamobrem illi addatur scin ן est, quia scin ן est prima littera dictionis

tionis sabbat שבת, quod *requiem* vel *quiescere* significat: & quia Christus Messias venit tribuere requiem, ut ipsemet Christus testatus est, dicens: Ego veni ut vitam habeant. Venit enim Filius hominis quærere, & saluum facere, scil. genus humanum, quod perierat: ideo addita est illa litera scin w duplex he n includens. Sequitur ergo quod Iodheuaue sit nomen Filio appropriatum: nomen verò Eheie הייה est Patri appropriatū, & signant *ero*, tempus futurum, ratione aleph א antepositi. quare nec Filius, nec Spiritus sanctus, dicere potest, *ero*, nisi quatenus Pater illis esse communicat: Eheie ergo Patri Cheter appropriatur, tanquam primæ dimensioni, Iodheuaue filio Chocmah, tanquam medio. Adonai Malchut, Spiritui sancto tanquam ultimæ Sephirah. Vide de nomine Iesu.

Nullus Hebraeus Cabalista potest negare, P.M.

quod nomen Iesu ישו , si eum secundum modum, & principia Cabala interpretamur: hoc totū præcisè, & nihil aliud significat, idem: id est, Deum Dei filium, Patrisq; sapientiam per tertiam Diuinitatis personam, quæ est ardentissimus amoris ignis, naturæ humanæ in unitate suppositi unitum.

Memini

℞. M. Memini me alibi satis declarasse, nec li-
 teram, nec apicem in lege positos, vacare à
 mysterio : à fortiori attendendum est hoc,
 in nomine magno Tetrag. יהוה , vbi iod
 litera prima nominis illius multa præsi-
 gnat: nam subtilis virgula illius literæ, sur-
 sum extensa, & inuisibilis, Patrem Cherer
 ostendit à creatis inuisibilem, vt testatur
 veritas, dicens: Quis nouit Patrem, nisi Fi-
 lius, & cui, scil. Spiritui sancto voluerit, sci-
 licet Filius reuelare : ideo reliqua duo capi-
 ta literæ iod, Filium, & Spiritum sanctum
 præmonstrant : & ita iod totam ostendit
 Trinitatem. duplex he η , duplicem vnio-
 nem nobis ostendit, scilicet personarum
 Diuinarum adinuicē scilicet Patris, & Filij
 in vinculo amoris Spiritus sancti : & vnio-
 nem factam hominis cum Deo pereun-
 dem Spiritum sanctum. ponitur etiam ibi
 vau, & quod vitæ arborem significat: quia,
 vt ait *Apostolus* : Deus est in quo viuimus,
 mouemur, & sumus: similiter huiusmo-
 di literę sunt circulares: vt iod, & decem im-
 portat, decies 10. refert 100. he η reddit
 quinque, & quinquies 5. reddit 25. Item
 vau, & significat sex, & sexies 6. reddit 36.
 quod est idem. sunt ergo literę nominis
 magni circulares, ad modū esse Dei, quod
 à sa-

à sapientibus dicitur esse figura circularis,
 cuius centrum est vbique, & circumferen-
 tia nusquam, Iod, ך, importat 10. numerum
 videlicet vltimum simplicium: vltimus e-
 nim non possumus in numeris simplici-
 bus progredi: sic Deus est vltimus noster
 finis, & ei debentur decimæ. Sed, quoniã
 omnia nomina Diuina in nomine Iesu ך
 continentur: ideo hoc aliquantulum adum-
 brabimus: sum namque hic inferius mul-
 ta dicturus. In nomine Iesu sunt duæ lite-
 ræ nominis Tetrag. scilicet iod & vau, ך
 iod significat totam Diuinitatem in Chri-
 sto esse: ideo ipse in Apoc. Ioannem allo-
 quens dixit: Ego sum alpha ך, & omega ך,
 principium & finis: quæ soli Deo compe-
 tunt. ponitur etiam vau, ך significans Chri-
 stum esse vitæ authorem, omnes beatifi-
 cantem in requie illa æterna: vt testatur
 Iohannes: Hæc est vita æterna, vt cognos-
 cant te Deum, scilicet Christum, quo ad
 Diuinitatem, & quem misisti, scilicet visi-
 bilem in carnem Iesum Christum. & per
 hoc ex duplici he ך, constitutum est scin ך,
 quod Sabbat constituit, & significat quie-
 scere (vt suprâ patuit) vt clarè nobis de-
 monstraret, quod ipse daturus esset in se
 credentibus requiem vitæ. scilicet æternæ:
 ideo

ideo ipse ait : Venite ad me omnes, qui laboratis, & onerati estis, & ego reficiam vos : non indiguit ergo Christus duplici he ה, in suo nomine: quia ab æterno, prima unio à Spiritu sancto facta est, scilicet Patris & Filij: item secunda, hominis, scilicet cum Deo: nam cum patriarchis, & prophetis facta præfuerat, secreta Diuinitatis illis reuelando : sed quia venit dare requiem æternam, ideo per positionem scin ש, nomē Tetrag. innouauit יהוה, non quo ad significationem: idem enim significatum habent literæ nominis Tetrag. יהוה & ישׁוּ: Diuinitatem namque significant: nomen igitur Iesu est nomē antiquum, quod ante Abraham Adonai vocabatur: post Abraham vero Sadai שׂדאי: Mosis tempore Iodheuahē יהוה: Christi tempore Iesu ישׁוּ vocatū est. concludimus ergo, secundum conclusionem istam, quod iod in nomine Iesu positum, significat Christum esse Dei filium, & Patris sapientiam : nam iod est sigillum chocmah sapientiæ Diuinæ: vau significat Christum esse vitæ authorem. scin includens duplex he ה, denotat Christum cum Patre vnitum per primum he & vnitū humanitati per secundum, qui venit, vt nos sabbathizaret: id est, requiē daret nobis: Et
sicut

sicut Tetrag. est nomen soli Deo competens, sic nomen Iesu soli Christo competit, eò quòd Diuinitatis nomen sit puræ creaturæ repugnans: ideo nec ante Christum, nec post vllus vnquam hoc nomine vocatus fuit. est enim Diuinitatis non etymologiae nomen quod est saluare: sic enim multi sunt vocati Iesuah vel Iehosuah. & Iesugna idem est quod salutare, siue saluator.

*Ex precedenti conclusionē intelligi po- P. M.
test, cur dixerit Paulus: Datum est Iesu
nomen, quod est super omne nomen: & cur in nomine Iesu dictum sit,
omne genu flecti, caelestium, terrestriū,
& infernorum, quod etiam est maxime
Cabalisticum: & potest ex se intelligere,
qui est profundus in Cabala.*

Nisi omnium nominum virtus in nomine Iesu includeretur, non dixisset Apostolus: Dedit illi nomen, quod est super omne nomen: est quidem super omne creaturarum omnium nomen, etiam Angelorum, teste Paulo. tantò melior Angelis effectus, quanto differentius præ illis nomen hæreditauit. & quoniam virtus nominum omnium Diuinorum includitur in nomine Iesu dicemus,

cemus, quod hoc nomen sit super omnia nomina, attributa exprimens, vel proprietates particulares: nam, sicut illi dedit omnia Pater, sic etiam ipsi donauit nomen, illa omnia importans, ut nomen sit nominato conueniens. illi ergo omnes creaturæ genua flectere debent, quia (ut vidimus superius) Diuinitatis est nomen: ut enim in præhabitis patuit Iesu est nomen Tetrag. quod stirps est, & truncus omnium enumerationum Diuinarum, quarum nomina sunt cognomina ipsius Tetrag. & lex ab ipso pendet, & prophetæ: quare dicitur lex Tetragra. eò quèd in hoc nomine data sit. Et, qui hoc nomen distinctè cognosceret, nouam legem formare sciret: & omnes creaturæ ab ipso pendent in esse, & conseruari: idem de Iesu nomine asserendum est, cum idem sit, & consequenter omnia illi flectere tenentur genua, tanquam suo opifici, & conseruatori. Et dicta legis, ac prophetarum ab eo sunt. ergo est nomen super omne nomen. vnde Paulus Colof. cōplacuit omnem plenitudinem habitare in eo: ideo est omnium creaturarum opifex, *ut ait Apostolus*: portans omnia verbo virtutis suæ: domus enim ad extra, à domo sit ad intra: ideò primò Deus Mundum idea-

lem

lem formauit, quā hunc inferiorem: quare
 Deus primò ideas creaturarum, in intelle-
 ctu suo formauit: qui intellectus produ-
 ctus est eius Filius: cui Pater omnia com-
 municauit, ideo etiam & omnē ideam, Fi-
 lius verò cum Patre Spiritui sancto Spi-
 ritus sanctus executor existit. rerum ad ex-
 tra in esse reale, quæ prius fuerant in men-
 te Diuina in esse ideali: &, nisi Filius Choc-
 mah, Spiritui sancto Binah tribuisset ideas,
 ipse Spiritus sanctus ad extra in esse reali
 haud eas posuisset: Filius igitur est hu-
 ius causa executionis: creata ergo, Christo
 tanquam Patri debentur: Lex item, & pro-
 phetæ à Iesu pendent, sicut à Tetrag. pater
 per Augustinum, 12. de Trinitate dicen-
 tem: Legem præfuisse in verbo antea, quā
 daretur, ratione sup. idearum, à Patre Filio
 communicatarū: Elchana idem affirmat,
 dicēs: quod Lex initiū facit a beth ב, quod
 est sigillum chocmah sapientiæ verbi: hoc
 nomen igitur Iesu est super omne nomen.
 Aliàs probatur legem à Iesu Mofi datam
 fuisse sic: Magno mysterio liber Leuiti. in
 quo de sacrificijs tractatur, incipit vaicra
 וַיִּקְרָא: id est, *vocauit*: vbi non sine mysterio
 dicit Scriptura in voluminis huius prin-
 cipio: Et vocauit Mosen, non exprimens

quis vocauerit, sicut dicere consueuerat. & vocauit Dominus, & loquutus est Dominus, & huiusmodi: vnde quis vocauerit, inquirendum est. si supputeretur numerus per eius literas illius principij, quod est yaicra, mysterium incipit indagari. Dant enim illæ literæ in Hebræo 316. adiuncto aleph א, ubi innuitur Iesu יֵשׁוּעַ, quod nomen tantundem in numero reddit: & est illius nomen, qui sacrificijs virtutem dedit: cui adiungitur aleph א, Patrem significans cum Filio existentem, & secum omnia operantem, vt ipsemet Filius testatur: Pater meus vsq; modò operatur, & ego operor. & iterum: A me ipso facio nihil, sed sicut docuit me Pater, hæc loquor, scilicet Mosi, & prophetis. Et qui me misit, scilicet ab initio, loqui illis mecum est. Ab isto igitur Christo paterni luminis pleno incipit liber, qui agit de sacrificijs offerendis ipsi Patri, & typum gerentibus veri sacrificij, quod ipse Christus obrulit, & in virtute cuius illa sacrificia vmbratica offerebantur. Hic ergo est, qui existens non tantum ante Mosem, sed antequam Abraham fieret, Mosem vocauit, & excitauit, vt faceret ea, quæ ipsum præfigurabant: & vt de eo in capite libri Genes. scriberet, incipiendo legem à berh sigillo

Agillo Filij, vt dixi. Ideo loquens Christus
legisperitis, ait. vt habetur Ioan. Si credere-
tis Moſi, crederetis forſitan & mihi: ille
nanque de me ſcripſit.

*Si qua eſt de nouiſſimis temporibus hu- P. M.
mana coniectura, inueſtigare poſſumus
per ſecretiſſimam viam Cabale futu-
ram eſſe ſeculi conſumptionē, hinc ad
annos quingentos, & quatuordecim,
& dies 25.*

Carnis reſurrectio omnē captum tranſ- F. A.
cendit humanum: nec de ea plenam fidem
habere poterimus, niſi à Diuinis oraculis
edoceremur: vnde Iob: Scio, quod redem-
ptor meus viuit, & in nouiſſimo die de
terra ſurrecturus ſum, & tuſum circumda-
bor pelle mea, & in carne mea videbo De-
um Saluatorem meum. Et Martha: Scio
quòd reſurget frater meus in nouiſſimo
die, Iohan. hoc idem affirmatur à cæteris
Euangeliftis, & in Epiftolis Paulinis. ſi er-
go carnis reſurrectio eſt tantum credita, &
tantummodò per ſanctos edocta, multò
magis dies determinata vniuerſalis iu-
dicii nos latebit. ideo dicit Chriſtus:
Non eſt veſtrū ſcire tempora, vel mo-

menta, quæ Pater posuit in sua potestate.
& iterum de die illo, vel hora: Nullus scit,
neque Angeli cœlorum, nisi Pater solus, &
ille cui scilicet reuelatur ab ipso Patre. Qui
ergo à Patre luminum sunt edocti, aliqua
possunt prognosticari de illo examine ex-
tremo: inter quos est filius Dei, qui re-
spondens Apostolis multa præuia docet,
dicens: Audituri enim estis prælia: & sub-
infert de Pseudoprophetis, & de filio ini-
quitate Antichristo: qui diem nouissimū
per aliquos dies præcedet, vt affirmat ipsa
Veritas, dicens: Oportet primū hæc fie-
ri, sed nondum statim finis. Et continuò
subinfert signa propinquiora, dicens: Erūt
signa in Sole, & Luna, & stellis, &c. Matth.
24. dantur multa signa, siue enarrantur à
Christo. Et sunt septem. primū enim sunt
prælia & conspirationes gentium in gen-
tes. Secundum, bonorum persecutio. Ter-
tium, scandalum multorum. Quartum, o-
dium inter proximos. Quintum, seductio
multa per Pseudopphetas. Sextum, fri-
gefacta charitas. Septimum, abominatio
desolationis. Quæ omnia ab vna radice
prouenire videntur: & vnam indicant sæ-
uissimam pestem, quæ nos incautos, ple-
runque torquet, amorem videlicet pro-
prium

prium & inordinatissimum. praelia enim oriuntur, quando quis vult sibi vendicare quod non debet: & tunc boni huic malo resistentes vexantur. Tertiò, insurgunt scandala, quando homo sequitur inhonestum appetitum suum. Quartò sequitur odium inter malo litigantes. Quintò deceptio, seductio, fraus. Iuxta illud poetæ: *-dolus an virtus quis in hoste requirat.* Sexta frigescit charitas, radix omnium bonorum. quæ omnia sunt dispositiones ad suscipiendam abominationem illam & filiū iniquitatis: amota omni dispositione ad veniam impetrandam, & ad tempus vindictæ protrahendæ. signa ergo ista à Patre edocentur, quia ordo iustitiæ verè exigit ut pœnitentibus differatur vel amoveatur pœna, & sententia peccato respondens. Quod est in sola potestate Patris, qui toti tribunali iustitiæ præsidet, à quo omnes iudicantes dependent. Vnde sicut mutari potest sententia, potest etiam mutari tempus iudicandi, Et quia sic exigit iniquitas impij: ut ex improviso in nequitia sua deprehendatur, sicut ipse iudex perhibet: Estote parati, quia qua hora non putatis, Filius hominis veniet. Et iterum: Sicut factum est in diebus Noëh, & in diebus

Lot: Sicerit dies, in qua reuelabitur Filius hominis. nec erit impijs iusta querela, si ex improviso deprehendetur. cum iam omnes præmoniti fuerint, ut sint parati. Et id summa prouidentia factum est: ut non solum simus parati hora aduentus iudicij, sed etiam toto tempore, ut semper benefacientes, ipsum intrepidi expectemus. Vnde Augustinus ait: Latet vnus dies, ut omnes obseruentur dies. Cabalistæ secretiora sacræ paginæ perscrutantes, probant extremum diem, per dies mundialis fabricę nec inconcinne. Apud enim secretiores Theologos sæpius millenarium annorum pro die computatur, iuxta illud Dauidici carminis: Quoniam mille anni in conspectu tuo, sicut dies externa quæ præterijt, similiter Petrus in sua canonica idem affirmat, sex dies ad operandum hebdomadæ conceduntur, septimus verò dies requiei dedicatur. Et iterum: sex annis pro colendis agris: septimo, & agro, & cultori requies indicitur. Non mirum igitur si postquam sex millia annorum varijs incommodis, aduersante satana procuratis, laborauerit humanum genus, requiescet in septimo millenario: ligato tamen prius satana à Christo, ut ne amplius seducat genus huma-

humanum in illo felici millenario. Cùm igitur sit, quod ex diligenti Hebræorum supputatione tum, quando doctores has posuit conclusiones, non restabant de sex millenarijs, nisi anni quingenti & quatuordecim, & viginti quinque dies. sequitur quod post illos paucos dies intrabimus in septimum millenariū sabbathi, & quietis. Facta tamen prius discussione generalis iudicij. Hebræi etiam oraculum quoddam habent in Eliæ prophetæ studiolo inuentum: in quo habetur, quod Mundus durare habet duobus millibus annis sine lege, Et duobus millibus sub lege, & totidem sub Messiah. Christus tamen præuenit tempus sui aduentus per ducentos annos: & huius ratio fuit: quia Deus in conferendo dona, semper præuenit tempus: in mala inferendo, subsequitur, & lento gradu procedit. Et propter hanc præuentionem conquerentes Dæmones, ab obsessis à Christo expulsi, clamabāt: Quid nobis, & tibi Christe. quare venisti ante tempus (id est, ante completū duplex millenariū à Mose) torquere nos. Et si Paul⁹ dicat: At vbi venit plenitudo tēporis, misit Deus Filium suū, &c. hoc intelligitur de tēpore clemētiae Dei, quæ semper præuenit, vt dixi:

quæ per gratiam complet, quod per naturam fieri nequit. concludimus ergo quod post sex millia annorum veniet Christus iudicare viuos, & mortuos: Et post iudicium durabit Mundus mille annis in pace: hoc est, in æternum, & in obseruantia legis, vt ait *Sophonias*: seruient ei humero vno. hæc sunt, quæ ex coniecturis à rebus inferioribus excerptis, de temporis extremi determinato cursu haberi possunt pro nunc.

P. M. Illud quod apud *Cabalistas* dicitur *chocmah* חכמה illud est sine dubio, quod ab *Orpheo Pallas*: à *Zoroastre*, paterna mens: à *Mercurio*, Dei filius: à *Pythagora*, sapientia: à *Parmenide*, Sphæra intelligibilis nominantur.

F. A. Sapientia Diuina, quæ filius est Dei, varijs nominibus à diuersis doctoribus nominatur: primò ab Hebræis *Chocmah* vocitatur: vnde sicut habet traductio nostra: omnia in sapientia fecisti: Hebræi habent, *bechocmah*, &c. Hæc sapientia Diuinitatem idearum plenam significat, & primogenitum, & attribuitur Filio. *Orpheus* illam appellat *Palladem*, ex *Iouis* capite natam. hæc enim est Dei patris imago altissima,

sima, quadam tamen relatione, aut aliquo
 absoluto intrinseco, tanquam genita à ge-
 nerante distincta: quæ apud Eccl. ait: Ego
 ex ore Altissimi prodij ante omnē creatu-
 ram primogenitam. Nata est igitur Pallas
 de Iouis cerebro: hoc est, à paterno intelle-
 ctu: vnde intellectus Diuinus cognoscen-
 do essentiam, tanquam sibi obiectum pro-
 portionatum, hanc notitiam genitam pro-
 ducit, quæ est Filius. A' Zoroastre mens pa-
 terna vocatur: vnde mens est intellectus,
 essentiam habēs præsentem in ratione ob-
 iecti, & actu illam intelligens A' Mercurio
 dicitur filius Dei: vnde in Asclepio: Deus
 meus, atque Pater, mentem sibi aliam opi-
 ficē peperit. & alibi: Monas gignit mona-
 dem, scil. Dei filium primam mentem, Di-
 uinum scil. intellectum: tradunt Plotinus,
 & Philo, à Deo patre manantem, quemad-
 modum à loquente verbum, vel sicut à lu-
 mine lumen, hinc & verbum, & sermo, &
 splendor Dei patris, nomina accepit. Diui-
 na enim mens, cum se vnico & nusquam
 interrupto actu, absque vlla internotione
 aut vicissitudine, intelligit Diuinam essen-
 tiam, tāquàm summum bonum prolem &
 filium in se progenerat: quæ est plena in-
 telligentia, plena sui imago & plena Mun-

di exemplar, quod Iohānes noster & Mercurius verbum nominant, siue sermonem. Pythagoras sapientiam vocat. Parmenides Sphæram intellectualem, cuius centrum est vbique, circumferentia verò nusquam: quia ipse Deus, vera sphæra est, in ipsum terminās, à quo & principium habet. nam ipse est principium, & finis omnium. Hinc omnia creata, quæ Dei vestigium habent, ad rotunditatem tendunt: vt de cœlis, terra, cæterisq; elementis manifestè patet. Et hoc idem est de alijs. Quamuis non ita clarè appareat. Cētrum autem sphæræ huius, quod est tota hæc mundana machina, est vbique: quia omnem locum occupat: cū vltra Mundum non sit locus. Circumferentia verò, quæ est ipse Deus omnia ambiens, nusquam est: quia à loco non capitur, sed ipse omnia capit; quia vt est capacissima figura, nec principium, nec finem habens, sic sapientia illa diuina omneis continet ideas, & est infinita: diuersa ergo nomina eandem realitatem significant, sapientiam videlicet diuinam. Est igitur idem, mens apud Mercurium, quod intellectus apud Plotinum, & sapientia apud authorem libri sapientiæ, dicitur. Quod patet bene perspicienti huiusmodi sapientum sententias.

gentias. Ait enim Mercurius: Quicunque Dei munere mentem consecuti sunt (ô Tati) secundum operum comparationem pro mortalibus immortales habentur: intelligentia sua cuncta complexi, quæ in terra sunt; & quæ in mari: & si quid est præter ea supra cælum: Atque adeò se ipsos exigunt, ut ipsum quoque bonum intueantur. Quod sanè cum perspiciunt, eam, qua hic vescimur, vitam miseriam quandam arbitrantur. Despicientes utique tum etiam corpora omnia, ad vnum solum feruntur. cui adstipulatur Plotinus, dicens: Hæc est vita felicitium hominum, & eorum, qui intellectum adepti sunt, fuga solius ad solum, quod appetunt. multa quoque huiusmodi dicit in tractatu quem de pulchro ædedit. nec ab his discrepat author libri Sapientiæ, qui ait: Omnium enim artifex docuit me sapientiã. Et quicquid de Diuinis dixere philosophi, habuerunt à prophetis, variatis vocabulis: sic asserit Aristoteles, de Diuinis loquens. dicens. sic docuerunt patres Chaldæi, qui fuerunt Iudæi. Quare illorum præcipuus pater Abraham venit de Aram Chaldæorum terra: Idem affirmat Eusebius, & quidam alius philosophus, de Platone
verba

verba faciens, dicit: Plato est alter Moyses
 Attica lingua loquens.

P.M. *Modus, quo rationales anime per Archangelum Deo sacrificantur, qui à Cabalisticis non exprimitur, non est, nisi per animam à corpore separationem, non corporis ab anima, nisi per accidens, ut contingit in morte osculi: de qua scribitur: Preciosa in cōspectu Domini, mors sanctorum eius.*

F.A. Chaldæorum philosophi stupendam quandam narrant mentis nostræ potentiā, videlicet fieri posse, ut mens ipsa tota acie in Deū defixa Diuino numine impleatur: atque sic lumine impleta, effusis radijs per singula media, vsque ad hoc crassum, tenebrosū, graue, mortale corp⁹, ipsum quoque copioso lumine circumfundat, reddatq; stellis simile, & æquè coruscans, tum etiam radiorum suorum copia, ac leuitate tollat in sublime, tanquam stuppam eleuatam per ignis flammam; aliquando totum corpus, veluti spiritum ad longinquas partes transferat: sicut de Philippo legitur in actibus Apostolorum, quando baptizato Eunūcho in India, statim inuentus est Azoti: & de Habacuc, similia penes Daniele, sic

fic de Petro Apostolo. Et de alio Petro exorcista penetratibus portas clausas, custodes, euaserunt, & vincula. In hoc admirari debet nullus: si enim melancholici ambulant in somnis, & per inuia vadunt, & ascēdunt per inacessa, & exercent vigilantium opera: quorum non est alia ratio in natura, quàm fortis imaginatio si inquam tanta est virtus imaginationis, vt se possit insinuare, cui velit, nulla loci, nec temporis intercapedine impedita, secū trahat graue corpus, non est dubitādum, quin maior sit potentia mentis, si quando fuerit naturam suam affecuta. sed nunc ad exēplar tam copioso lumine cœlestium stellarum animæ abundant, & ingēs inde in corpora sua redūdet copia luminis: sic Moſis facies adeò splendebat, vt non possent intendere in illum filij Israhēl ob vultus eius splendorem: sic Socrates transfiguratum fuisse legitur, sic Zoroaster, sic Enoch, & Helias igneo quodam curru cœlos ascendisse: sic Paulus tertium cœlum raptum esse: homo enim per corporis naturam sub fato est, per mētem verò est supra fatum. Et mens spiritum nostrum adiuuat. Vnde Mercurius asserit, mēs est adiutrix animarum, eas in bonum proprium reuocans: & adeò vnit eas cum

Deo

Deo: similesque ei efficit, ut animæ ex sui cognitione Deum cognoscant, & sint vti Deus in corpore humano. Hinc alibi dicit idem Mercurius, nisi te Deo equaueris, Deum nunquam intelliges. nā simile semper à simili suo cognoscitur. Expurgatus itaque, & menti: id est, radio diuino vnitus homo melior in Deū euadit, vnde ipse subnectens, ait: Extende te ipsum in magnitudinem sine termino, emersus è corpore: totum supergredere tēpus, æternus existens: mente & cōtemplatione videlicet. sic Deū denique cognosces impossibile in teipso nihil existimās: teipsum immortalem putata comprehendere cuncta potentem, sciētiā omnem, atque omnem pariter artem, omni sublimitate sublimior effectus, omni fundo profundior, assistens omnibus Mūdi partibus, cōlo terræq;, & mari. Quod Paulus tetigit dicēs: Viuit verò in me Christus: verbum videlicet, in quo sunt omnia, & per quod omnia comprehendendi possunt. Quomodo verò mens nostra se habeat cū Deo, Mercurius id aperto sermone referat, dicens: quid mens nostra ab essentia Dei nullo modo diuisa est; sed ei est coniuncta, sicut radius Solis cum ipso Sole. nam hæc mens Deus est in hominibus. Hinc nonnulli

nulli ex hominum numero Dij dicuntur:
eorūq; humanitas diuinitati proxima est.
propterea nō ab re Iohannes ait: Dedit eis,
scilicet hominibus potestaté filios Dei fieri.
Et hoc tripliciter: primò si se à carne &
sanguine dimoueant. Secundò si lucē, quę
omnes illuminat, suscipiant. Terriò si re-
generentur secundum Deum. Anima ita-
que in mentem per rationem ascendit, vbi
diuino lumine repletur: & tūc fieri potest,
vt pars rationalis animę (quem possibilem
intellectū peripaterici vocant) ad hoc per-
ueniat, vt sine cōuersione ad phantasmata
discurrat, & operetur. Habere mentē hoc
modo, est habere regnum Dei. hoc videtur
innuere Christ⁹, vbi de regno Dei, quod vo-
cat vitā æternā, agens ait: Hęc est vita æter-
na, vt cognoscant te Deū verum, & quem
misiisti Iesum Christū. nā hæc cognitio ha-
beri nequit sine mente: quā lumē Diuinū,
& lucem illam omnes illuminantē esse di-
ximus: sine quo lumine Deū cognoscere,
vel contemplari nequimus: sicut nec So-
lē, nisi Solis lumine videre valemus. Hinc
Psalmographus canit: In lumine tuo, vide-
bimus lumen. Regnum enim Dei est Di-
uinitatis habitatio in nobis per lumen, &
amorem ipsius Dei. Quod lumen cū
Christus

Christus nobis attulerit, non immeritò de seipso loquens, dixit: Regnū Dei intra vos est. Et illa Diuinitatis habitatio in nobis, meritò vocatur Regnū Dei: quia illud Diuinum quod in nobis habitat, venit à loco, qui apud secretiores Theologos dicitur Malchut, quod *Regnum* significat. Regnum autem illud est numen, quod omnia inferiora dijudicat, & regit: eosq; quibus sese communicat, Reges facit: nam per virtutē Diuinitatis in nobis habitantis, omnibus imperare, & dominari possumus. Iuxta illud Saluatoris: Ecce dedi vobis (per communicationem videlicet Diuinitatis) potestatem calcandi super serpentes & scorpiones, & super omnem virtutem inimici. Quod autem hoc sit Regnū Dei, paulò inferiùs ipsemet declarat dicens: Si in digito Dei eiicio dēmonia, profectò peruenit in vos Regnum Dei. Hæc enim virtus, & potestas prouenit ab illo numine, quod dicitur Regnum Dei. Quod quidem Regnum, ante omnia querendum est: cū ab ipso omnia bona depēdeant: vt ipse Christus nobis insinuat, dicens: Quærite primū Regnum Dei: & hæc omnia adiiciētur vobis. tantum est deniq; ipsius rationis imperiū, vt quotiescunque aliquid incurrit, vel in
men-

mentem, vel in naturam, vel in corpus, nō potest transire in animam, nisi ratio sese ad hoc intendat: hoc modo in sensibus exterioribus, anima nec videre, nec audire, nec sentire, nec pati se quicquam percipit, donec ratio cogitatrix id prius percipiat: percipit autem, cū vacat, vt patet in eis, qui obuios sibi nō aduertunt, dum aliud quippiam attentius cogitant. & iste est modus, quo rationales animę Deo sacrificātur, qui à Cabalists silentio præteritum est: & est animæ à corpore separatio modo prædicto: tunc enim sensibus non vtitur, distracta à mente, nō corporis ab anima: etenim anima non desinit informare corpus: & talis raptus, seu extasis dicitur mors preciosa: mors iustorum, & hanc mortem quærebat Solomon, vt patet in canticis Canticorum dicens: Osculetur me osculo oris sui, reuelando mihi secreta Diuina, quæ haberi non possunt, nisi quis moriatur modo prædicto. prophetę omnes recipiendo reuelationes, sic moriebantur, alioquin minimè reuelationes recipere capaces fuissent: sicut ait Mosi Deus: nō videbit me homo per mētis excessum, & viuet scil. vita sensitiua, vt dixi: idē prophetę in suarum principio reuelationū, incipiunt. Visio Esaię prophe-

tæ, & sic de cæteris, & pro tunc erant mor-
 tui: idè in raptu Paulus erat mortuus mo-
 do prædicto, & tunc vidit arcana Dei, sicut
 ipse testatur, siue in corpore, siue extra cor-
 pus nescio, Deus scit: quia tales pro tunc ex-
 tra hunc statum existunt. Mercurius sapien-
 tiam suam, quam mentem vocat, hausit, nõ
 ex studio literario, cùm sapiens dicat: Om-
 nis sapientia à Domino Deo est, cui ad-
 stipulatur Iacobus, dicens: Si quis indiget
 sapientia, postulet à Deo: qui dat omnibus
 affluenter. Et hoc modo concinnè petat:
 præmissa videlicet animi purificatione. nã
 in maleuolam animam, non introibit sa-
 pientia: nec habitabit in corpore subdito
 prædictis: *vt Sapiens inquit.* vnde, vt intel-
 ligamus sapientiam hanc à Deo venire, &
 ab insufflatione, & chrismate Spiritus san-
 cti subinfert sapiens. Spiritus sanctus disci-
 plinæ: id est, infundens disciplinam, effu-
 giet fictum. Viginti itaq; & octo annis el-
 borauit Mercurius, vt méré adipisceretur,
 illustraretur videlicet lumine Diuino. Vn-
 de & sapiēs effectus est. Et per *mentē*, intel-
 ligit Mercurius intellectu adeptum, vt pe-
 ripaterici dicūt. vnde aduertendū est secū-
 dū academicos, & secretiores Theologos:
 quod homo præter rationalem discursum,
 illu-

Illustratur diuino quodam radio: vt Iohannes ait: Erat lux vera, quæ illuminat omnē hominem venientem in hunc Mundum. Quam lucem Aristoteles vocat *intellectum agentem*: Plotinus simpliciter vocat *intellectum*. Hebræi verò *nessamah* נֶסֶמָּה, vel *spiraculum vitarum*: Augustinus autem *portionem superiorem*. Quæ lux & si omnibus inest, non tamen ab omnibus apprehenditur: vt Plotinus testatur, vbi eam vocat *oculum*, dicēs: Quem oculum habent quidem omnes, videntur verò perpauci. Quod Iohannes antea dixerat: Et lux in tenebris lucet, & tenebræ eam non comprehenderunt. Qui autem ad eam sunt expurgati, vt lucem illam videre possint, hi consequuntur mentem, adipiscuntur intellectum, & sapientiæ veræ compotes efficiuntur. Ad hunc gradum acquirendum, multa sunt præuia. sunt enim necessariae orationes, eleemosynæ, cordis, corporisque munditia. Et mens ista, cum animali nostro quomodo se habeat, docet Trismegistus apertè. Quibuscunque animis (*inquit*) præsidet, suo illos fulgore illustrat: eorum morbis, malisque resistens. Quemadmodum enim medicus eruditus egrotantis corpus doloribus afficit, vrendo illud, atque secando,

recuperandæ sanitatis gratia. sic quoque mens voluptuosam affligit anima, vt radices voluptatis euellat. Et hæc vera & collustrata cōscientia, vel synderesis omni malo remurmurans. Subinfert autem idem Mercurius de ijs, qui mētis sunt expertes: Quorumcunque (*inquit*) hominum animæ mētem nequaquam fortitæ sunt gubernatricē, eadem, quæ & brutorum animæ patiuntur. Dimittit enim eas mens cupiditatum imperio: ad quarum expletionem ardenti quodam impetu feruntur: rituq; ferarum immoderatè irascuntur, & cupiunt, & (quod deterius est) nullum libidinibus finem imponūt, nullumq; malarum passionum reperiūt terminum. His autem velut lictorem & iudicem: Deus legē dedit. Quæ lex proponit ea, quæ homo fugata & sopita mēte cognoscere nequit. Et maximè genius proprius, & etiam tali influxui prepositus est maximè Archangelus Michaël, vel cæteri inferiores Angeli, ei addicti, qui circa nos operātur, opem ferendo nostro spiritui ad hanc cognitionem assequēdam, & hi in virtute Archangeli Michēlis, cui sub sunt, agūt, tamē dicitur, quod est Michaël, quia boni Angeli semper ad bonū trahunt; sicut mali ad malum, & hoc est, quod dicitur

cit Paulus : Caro concupiscit aduersus spiritum : id est, Diabolus Satā incitat ad malum. Spiritus autem aduersus carnem : id est, Michaël incitat ad bonum. Cū corpus hoc nostrum menti contrarietur, quomodo debemus circa ipsum nos habere ; id referat Mercurius. Ait enim, nisi prius (& fili) tuum corpus oderis, te ipsum amare non poteris. Quamprimū verò non te, sed ipsum Deum dilexeris, mentem protinus consequeris. Et odio habendum est corpus, quia (*vt idem Mercurius subinfert*) impossibile est vtriusque simul intendere, mortalibus videlicet atque Diuinis. Corpus enim mortale est, spiritus verò Diuinus. Electione autem vnus, alterum amittitur, & quotiescunque vnus cura remittitur, alterius actus intenditur. hinc dixit Apostolus : Cū infirmor, in animali videlicet homine tūc fortior sum, scilicet in spiritali homine. Debilitandum est itaque illud animale, cū ea, quæ Dei sunt, non percipiat, & tantum spirituale distrahat, quantum in ipsum præuallet. Et ad hanc sapientiam adipiscendam, docet Mercurius filium suum, dicens : Lauari oportet in patera, hanc rerum cognitionem vocat : tam creatarum videlicet,

quàm Diuinarum. Vnde ablutio Mercurij, & aliæ Platonis idem videntur. Quomodo autè potest quis cognitione abluì, docet summus doctòr, dum ait: iam vos mundi estis propter sermonem, quem ego locutus sum vobis. nec mirum si sermo & sapientia Dei abluat animas: cùm ipsa sapientia dicatur aqua. in qua quidem aqua, lauamur in baptismo: nam huius veræ & supramundanæ aquæ hæc elementaris est signum. Expurgat autem & pulchram facit animam rerum cognitio, maximè Diuinarum: vt Zohar plerisque in locis docet, differens quantam purificationem, & vtilitatem suscipiat meditans in lege, sapientia plena animæ ergo sacrificantur per Archangelum, quando rapiuntur in ekstasi, & moriuntur modo prædicto: adiuuant ad hoc Michaël, vel Angeli eius: & hoc semper fit, quando pars rationalis adhæret nefamah, siue superiori portioni: tunc enim relinquit nephes partem animale: & tunc moritur talis per accidens: id est, per aliud hoc est, realiter non separantur anima & corpus, sed separantur quo ad officium sensuum corporalium (vt dixi) quare huiusmodi non videt, &c. Quomodo autem Angeli nobiscum operentur ad talem

talem transfigurationem, Ofori tradenda est doctrina: quare, &c.

Non potest operari per puram Cabalam, P.M.
qui non est rationaliter intellectualis.

In Cabala operatio fit per potentiam intellectualem: nam illa operatio fit in virtute Diuinorum nominum, huiusmodi effectibus appropriatorum: talium enim nominum cognitio ad intellectum, & ad partem rationalem attinet. operari ergo per Cabalam est à sensibilibus abstrahere insensibilia: hoc est, intellectualia, *ut ait Paulus.* Inuisibilia Dei per ea, quæ facta sunt, intellecta conspiciuntur. Proculus verò vir utique Christianissimus cōtrarium tenet, scil. quod Deum venari non possumus per sensibilia argumenta: huius est ratio talis: quia omnis nostra argumētatio fit ex sensibilibus: nam, secundum Aristotelis doctrinā, nihil est in intellectu quin prius fuerit sub sensu: natura verò diuina merè est spiritualis: ergo nullam probabilitatis conuenientiam cum creatis sensibilibus habet. Alia est ratio, quia syllogismus est compositus ex maiori, minori, & conclusione: per cōpositionem verò, rem merè spiritua-lem, & simplicē intelligere non possumus,

ut est Deus. Hęc Proculus, in libro de inuē-
 tione Patris: ubi probat, quod venari Patrē
 per sensibilia non possumus. Pauli autē ver-
 ba à Dionysio ita declarātur, præsupposito
 Aristot. dicto phys. 2. quod non possumus
 per philosophiam causam primam intelli-
 gere: sed hoc facere si volum⁹, oportet nos
 induere aliud indumētum, vel habitū, scil.
 metaphysicum: ratio est, quia Deus est mo-
 uens, non motum: physica verò scientia nō
 considerat nisi de motis. sensus ergo Pauli
 est secūdum Dionysium, quod à creatis o-
 portet nos abstrahere illud totum, quod
 non est de eius quidditate, vt puta, consi-
 derare humanam naturam, siue humanita-
 tem puram abhinc. & nunc abstractam, nō
 per argumentū, sed per intellectū. & sic in-
 ueniet, quod homo est Dei imago, etiam &
 Mundus: nam cū sit vnus Deus, Mundū
 creauit vnum: cū ipse sit infinitus, Mun-
 dum creauit rotundum: cū ipse sit æter-
 nus, Mundum creauit incorruptibilem, &
 æuiternum: cū ipse sit immensus, Mun-
 dum creauit omnium maximum: cū i-
 pse sit summa vita, Mundum etiam vitali-
 bus exornauit seminibus, ex sese cuncta gi-
 gnentem: & cū ipse sit omnipotens, sua
 sola voluntate, nō vlla naturæ necessitate
 Mun-

Mundum, non ex præiacente materia, sed ex nihilo creauit: & cum sit summa bonitas, verbū suum, quod est prima omnium rerum idea optima sua voluntate, essentia-lique amore complexus, mundum hunc extrinsecum ad exemplar Mundi intrinseci. videl. idealis fabricauit: de ideæ tamē essentia nihil extrā mittendo, sed ex nihilo creauit, quod ab æterno habuit per ideā. Creauit etiam Deus hominem ad imaginem suam: nam sicut Dei imago est Mundus, sic imago Mundi est homo: ideo homo ad imaginem, quasi imaginis imago est, iccirco microcosmus dictus est: hoc est, paruus Mundus. Mundus animal est rationale immortale, ita & homo, dempta immortalitate: & est hæc nonnullorum opinio: ita de hominis animo dicatur. quòd sicut Deus nec tangi potest, nec auribus percipi, nec oculis cerni, neq; ab vlllo compelli: ita nec hominis animus: hæc omnia cognoscit, qui probabiliter est intellectus: quia secundum Aristot. homo maximè est intellectus: & per hunc intellectum abstrahentem cognoscimus Deum membra habere: de quibus satis dixi in porta lucis, & alibi: habet enim membra Deus: hoc est, virtutes operatiuas. ad similitudinem

membrorum nostrorum, remotis tamen imperfectionibus, quæ sunt in nobis. Ad conclusionē igitur : qui vult per Cabalam operari, oportet adire Diuinorum nominum loca, talibus effectibus deditorum. quare ait Veritas : In domo Patris mei mansiones multæ sunt, quæ nominum attributa, & proprietates cognoscuntur, non per argumenta, sed per rationem, siue per intellectum, patet Moſis exemplo: qui sanare volens Mariam sororem suam, à Deo lepra percussam, ob murmurationem, contra Moſen factam, eò quòd ægrè ferret, Moſen coniugalem torum diuertisse, vt Diuino vacaret honori, & reuelationibus, eò quòd ipsa quoque, & Aaron frater eius vacarent eiusmodi officio, sicut & Moſes : & tamen obseruabant coniugia; quod cognoscens Deus, ipsam lepra percussit. propter quod Moſes vir mitissimus ei compatiens, ad nomen pietatis accedens, pro ea orando dixit : Elna rapha nala אל גא רפא נל, hoc est dictu. ò Deus (misericordiæ) quæso sana eam, rogo. quod & obtinuit. Oportet ergo qui vult operari per Cabalam, esse rationabiliter intellectualem, vt sciat distinctè cognoscere nominum attributa, quod fit per rationem : alioquin
nihil

nihil fieret. Aliter, & doctius, prædicta conclusio sic declaratur. Cabala operativa est potestatis plurimæ: & est altissimis plena mysterijs, & rerum profundissimam cōtemplationem secretissimarum complectitur, qualitatem, substantiam, virtutem, imò totius naturæ cognitionem apprehendit, & quomodo res inter se conueniant, & differant, & qualem occultam proprietatem cum Diuinis attributis habeant, ostendit. propter quod mirabiles effectus, vniendo actiua passiuis proportionata, interuenientibus Diuinis nominibus, facere docet. Hęc est ars artium, scientia scientiarum ad consummatissimæ philosophiæ principia viam habens; Philosophia enim regulatiua diuiditur in Physicam, quæ docet eorum, quæ sunt in Mundo naturam, illorum causas, tempora, effectus, loca, modos, euentus, &c. in Mathematicam, quæ docet nos tres dimensiones, in terram, & in cælum porrectas; in Theologiam, quæ docet, quid Deus sit, quid intelligentia, quid mens, quid Angeli, quid Dæmones, quid anima, quid religio, quid sacramenta, quid mysteria, quid virtutes Theologicæ, &c. Hasce treis præcipuas, & singularissimas facultas

cultates operatiua Cabala complectitur, vnit, & actuat: meritò igitur ab antiquis probatissimis viris summa, sanctissimaq; scientia est habita: Inter quos fuit Zoroaster, Trismegistus, Mercurius, Plotinus, Proculus, Orpheus Thracius, Appolinus Tyaneus, Pythagoras, Plato, & complures alij philosophi. De Hebræis multò excellentiores prædictis. primus Abraham senex, porta lucis, hortulus nucis, &c. Quicunque igitur in hac arte studere affectat, oportet quòd in physica sit eruditus, in qua rerum qualitates demonstrantur, & cuiusuis entis occultæ proprietates aperiantur: oportet etiam, quòd sit in mathematicis imbutus, scil. in stellarum aspectibus: à quibus virtus sublimis, & proprietates pendent: opus est præterea, quod in scientia theologi valeat, vbi immortales substantiæ manifestantur: quæ omnia dispensant, & administrant. Qui ergo talibus non pollebit scientijs, non poterit esse rationaliter intellectualis: nullū enim opus ab ipso extabit: quia non est aliquod opus verè magicum quod hæc tres facultates non complectatur. Mirabilia huius artis non sunt, nisi per vnionem, & actuationem eorum, quæ seminaliter, & separatè sunt

sunt in natura, quod idem est, quod maritare Mundum.

Qui operatur in Cabala sine admixtione P. M. extranei, si diu erit in opere, morietur ex binsica: & si errabit in opere, aut nō purificatus accesserit, deuorabitur ab Alzazele per proprietatem iudicij.

Quando quis Deo vacat, debet tota mē- F. X.
tis attentione, & spiritus sursum ascendere, vt in missarum, ac diuini officij celebratione fieri debet, & nullatenus impertinentium phantasmatum debet ingressum permittere accedens ad cultum diuinum, vt docet Veritas dicēs: neminem per viam salutaueritis. Et Eliseus seruo suo Iezi, idē præcepit, ad nos admonēdum, vt per nullam quamq; rem mentē nostrā interrumpere debem⁹, nec cogitatione, nec loquutione, nec sensu, nec verbo, nec opere: quia hoc est, extranei admixtio, siue impertinens: & qui diu in hac cōtinua sublimiorū contemplatione perstiterit; quæ quatenus profundissima mentis intentione animū incorporeæ sapientiæ coniungit, eatenus vehemētioribus suis agitationibus ipsum seuocat à sensibilibus, & corpore, vt ait *Plato*, ita quod corpus quasi dissolui viderur, & ra-

& talis sic perseverans, moritur ex binifica
siue ex raptu, qui est animæ abstractio, &
alienatio, & illustratio à Deo proveniens:
per quem Deus animam à superis dela-
psam ad infera, & rursus ab inferis ad su-
pera retrahit. & sic quasi semimortuus sen-
sibus relinquitur. Et hoc est, quod Pythag.
docet, dicens: Si tu relinquendo corpus in
ætherem liberum transieris, eris immorta-
lis Deus, huic Mundo mortuus. Sic legi-
mus Zoroastrem, Pythagoram, Socratem,
Heraclitum, Platonem, Plotinum raptu
solitos se vocari; Et sic multarum rerum
ediscere sapientiam. Apud Augustinum
sanctum legimus, prout ipse narrat de sa-
cerdote Calamensi: Iacebat (*inquit*) simili-
mus mortuo sine anhelitu: & cum vrere-
tur, & secaretur, non sentiebat. patet etiam
de raptu multiplici sancti Francisci. Ta-
ta est igitur animæ imperium, quando scil.
suam naturam assecuta fuerit ita, quòd non
fuerit sensuum grauata illecebris, vt virtu-
te sua non modò in corpore manens, sed
aliquando compedibus soluta extra cor-
pus volitans ad supercœlestem cohabita-
tionem, vbi Deo quamproxima, & quam-
similima, Diuinorum effecta receptaculū,
diuino lumine oraculisque repletur: &

tunc

tunc efficitur lumen Dei secundum Cabalistas: Etenim secundum Ciceronem, quando peruenerit ad illum statum, qui supremus est gradus contemplatiuæ perfectionis, tunc rapitur ab omnibus creatis speciebus & intelligit, non per species acquisitas, sed per inspectionem ad ideas, omniaque idearum lumine cognoscit, cuius luminis Plato dicit paucissimos in hac vita homines participes fieri. Attentio tantam vim habet in opere, ut secretiores Theologi dicant nihil fieri posse per verba & orationes sine ipsa attentione, quam ipsi cauana נצחנות vocant. Vnde est sapientum & commune adagium, quod imaginatio facit casum: ut Auicenna, & alij scribunt. Hinc Apostolus dicebat: Orabo spiritu, orabo & mente: psallam spiritu, psallam & mente. Vnde innuit, quod nisi mens attendat, oratio cassa nullaque penitus est. Quamuis operando in sacris nobis obstat defectus istius attentionis, quia tunc deficit numerus & harmonia rationalis in opere efficacissima. Magis tamen obstat quando opera domestica contrariantur sacris: sicut per Isaiam Deus protestatur, dicēs: Cum multiplicaueritis orationem, non exaudiam: quia manus vestrae plenae sunt.

sunt sanguine. Si quis enim operatur in facris contrariante alio opere, aut inattentè, errat, & deuoratur (*vt secretiores Theologi dicunt*) ab Hazazele per proprietatem iudicij: proprietas iudicij est talis, quòd errantes in operibus diuinis, dantur in manibus Alzazel, seu Diaboli: qui virorum virga dicitur, vt habetur 3. Reg. vbi dicitur: Quod Solomon correptus fuit in virga virorù, & in plagis filiorum hominum: nam & si, vt aliqui dicunt, Solomon sustinuerit aliquos hostes & inimicos: sed nullus hostis eum infestauit, neque ipsius domum dum viueret. Et licet Razon, Adadehezer & Iereboham inimicati fuerint ei: nihil tamen ei nocuerunt, vt habetur, tertio Regum: corripere igitur in virga virorum & in plagis filiorum hominum (*vt Zohar asserit*) est aliquem tradere in interitum Satanæ secundum carnem: vt spiritus saluus fiat. Sicut Paulus Corinthium illum tradi iussit. Et sic etiam (*vt ipse Zohar asserit*) traditus fuit Solomon in ditionem Asmodei: qui ipsum à regno eiectum per aliquot annos in deserto detinuit. Vbi componens Ecclesiastem, dixit: Fui Rex in Ierusalem: ac si tunc non esset. Sic & Nabuchodonosor regno expulsus fuit: vt Daniel refert.

refert. Tunc enim Asmodei effigiem & indumenta Regia indutus pro Rege iura reddebat. Hoc secretum referans Paulus ait : Qui manducat & bibit indignè, iudicium sibi manducat & bibit, non dijudicans corpus Domini. Confert igitur multum in operibus Divinis mentis attentio. nam intelligentiæ à grauaminibus corporeis solutæ sola mète operantur: sicut anima sola voluntate & intentione mouet pro libito omnia corporis membra. Et si à dextra per aliquod membrum operatur, vitur ipso, tanquam instrumento: dū corporeo carcere detinetur. nā si ab ipso corporis ergastulo absoluta esset, non indigeret instrumēto alicuius membri: sed à se ipsa operaretur. Operatur quoq; in bonum consonantia ipsa, in malū verò dissonantia: sicut ex lupi præsentia tristatur ovis, quia dissonantiam eius sentit. Hinc est Hagarenorum adagium, quod amicus flatus confortat: inimici autem perturbat. Et hæc est ratio quare simplices & idiotæ aliquādo fortiùs operantur, quā sapientes. Quia simplices magis diuino quā humano sensu ducuntur, & magis dispositi sunt ad suscipienda diuina charismata, & illustrationes. Hinc per Isaiā inquit Deus: Ad quem

H respi-

respiciam nisi ad pauperculum, & contritum spiritu, & trementē sermones meos, quia Deus est magis illius familiaris, dicente Christo: Confiteor tibi Pater Domine cœli & terræ: quia abscondisti hæc à sapientibus, & prudentibus, & reuelasti ea paruulis. Requiritur etiam puritas & purificatio in ijs, qui Deo seruire student, quod declarat Plotinus, dicens: si nondū cognoscis te pulchrum, & Mundum, statuarium imitabere. Hic enim, ubi statuā optat pulchram, partim abscindit, partim quoque dirigit, & expoliturus abradit, partem leuigar, & abstergit: donec faciem in statua exprimat speciosam. Ita & tu tolle superuacua, obliqua dirige, obscura purgando collustra: neq; desinas circa statuam tuam elaborare, quousque diuinus virtutis fulgor tibi subrutilet. Si hoc ipsum euaseris, ac purus iam habitaueris ipse tecum, nihil habent impedimenti, neq; duce ampliùs, iudiceq; egeas: tunc solitarius effectus ingentem poteris aspicere pulchritudinem. Oporteret enim visurum videndo cognatum similemque effici. Et post multa concludens, dicit: Efficiatur igitur quis diuinus, pulcher, atque Dei formis, si modò Deum sit, & pulchritudinem inspecturus.

Et

Et si talis in Cabala operans errauerit in opere, aut purificatus non fuerit secundum ordinem datum à doctoribus, is tradetur in manibus Alzazelis, qui & satan dicitur. Sortitur enim varia nomina Diabolus, ratione diuersarum tentationum ab ipso nobis illatarum: vnde Homerus, & Virgilius illum canem tricerberum vocant: à Dante verò cum tribus faciebus describitur, ad significandum triplicem tentationem, quibus vitur nos tentando, & ex his varia sortitur cognomina: quatenus enim ad auaritiam inducit, Mammona dicitur: prout de superbia Asmodeus: prout verò stimulat pruritum carnis, Alzazel nomen illi attribuitur. Qui ergo in hac arte, operando errauerit, is in carnis miseriam ab Alzazele inducitur. Et hæc punitio fit secundum hunc doctorem, per proprietatem iudicij, hoc est, prout Deus sic decreuit secundum regulas Geburah mensuræ Dei iustitiæ. hoc est etiam, prout Deus sic decreuit: aliter enim fieri nequit, nisi secundum decretum hoc definitum fuerit, vel permissum. Tradetur ergo in Alzazel in manibus, tanquam tortoris punientis, secundum proprietatem iudicij determinati à Deo Gebu-

rah, Qui determinat, avarum tradi in potestate Mammonæ: superbum in potestate Asmodei: carnalem, in potestate Alzazel: hæ sunt iudicij proprietates.

P. M. *Per litteram scin, ך, quæ mediat in nomine Iesu ך, significatur nobis Cabalisticè, quod tunc perfectè quieuit, tanquam in sua perfectione mundus, cum iud coniuñctus est cum vau ך, quod factum est in Christo, qui fuit verus Dei filius, & homo.*

F. A. Nominis Iesu, literæ, puncta, & accentus, magni sunt mysterij, imò hoc etiam verum fit de tota lege, non tam Mosaica, quàm euangelica, Hebraicè tamè notatis: quòd affirmans Christus, ait: Iotha vnum, aut vnus apex non præteribit à lege. Nihil enim ibi inane ponitur: cuncta igitur diligenter speculari oportet. Littera ad partem inferiorem, puncta ad mediam, accentus ad supremam pertinent. Iesu ך autem nomen hæc tria in se includit, ideo perbellè Paulus ait: In ipso est omnis sapientia. Littera igitur scin ך, in nomine Iesu posita, significat nobis Cabalisticè (hoc dico, quia nulli alij cōsiderant tã diligenter diuina mysteria litterarum, sicut Cabalisticè) & tunc

perfectè quieuit Mundus, cum iod
coniunctū est cum vau, ך. Vnde nota quod
multa mysteria continentur in nomine Ie-
su ךו, per numeros theologizando: Qui
modus apud Hebræos est celebratissi-
mus, vocitatus Ghemateriah (*vt declaravi
in loco suo*) sicut & in alijs diuinis nomi-
nibus. Vnde hunc modum philosophandi
prosequuntur Pythagoras, Plato & omnes
Academici. prima enim litera ipsius no-
minis est iod, י, quæ decem significat, &
denarium illum celeberrimū innuit, qui
est finis omnium numerorū: & cui debentur
decimæ tanquam causæ finali & beati-
ficanti. Vltima verò litera est vau, ך, quæ se-
narium numerum reddit, numerum qui-
dem perfectum: quo (*vt Augustinus disse-
rit*) creatus est Mundus: & quæ arborem
vitæ significat: illam videlicet vitam, de
qua scriptum est: Ego sum vita. Media au-
tem litera est scin, ך, quæ tercentum præ-
stat. Et hæc innuit remunerationem, quæ
fit per centenarium ter complicatum: tres
diuinitatis personas innuens: quarum vi-
sio est merces nostra. Hinc Saluator de eo,
qui ipsi perfectè adhæserit, loquens, ait:
Centuplum accipiet: & vitam æternam
possidebit. vita enim æterna est diuini-

tas illa continens tres personas : quilibet responder centenarium : adeo vt explicentur in trecenta , vnitati essentiae cōiuncta: & collecta in illud vnum, quod omnibus summopere necessarium est : vt Christus dixit: Tanti est hoc nomen Iesu, vt Pater audito eius nomine , statim concedat petita in nomine eius : quia per nomen Iesu ^W datur peccatorum remissio (*teste Petro.*) Remissionem peccatorum accipere, per nomen eius. Et per ipsum habetur salus: vt ipse Petrus perhibet, dicens. Alibi: non est aliud nomen datum hominibus, in quo oporteat nos saluos fieri : nisi videlicet istud. Tota etiam virtus diuinorum influxuum reperitur in nomine Iesu. Hinc ipse Christus per nomen suum tradidit Apostolis virtutem, miracula & prodigia faciendi, dicens: In nomine meo dæmonia eiicient, linguis loquentur nouis: & *quæ sequuntur.* Quod nomen acquisiuit ipse operans redemptionem humani generis. sicut Apostolus referauit, dicens: Humiliauit semet ipsum, factus obediens vsque ad mortem, mortem autem crucis. propter quod & Deus exaltauit illum: & dedit illi nomen, quod est super omne nomen. Quiescere ergo, siue quies, est vnio

vnio conuenientis cum suo conuenienti;
 quod fit, cū res suū adepta est finē. Cū
 sit ergo, quòd Deus noster vltim⁹ sit finis;
 ideò quis tunc quiescit, quando suo crea-
 tori Deo vnitur per fruitionem: sed Mun-
 dus nunquam quietem adeptus est istam,
 nisi post Iesum; ideo in nomine illo poni-
 tur scin, שׁ quæ est prima litera nominis Sab-
 bath שבת quod *quiescere* importat (vt *suprà*
dixi) & significat quietem nostram in no-
 men Iesu, יֵשׁ, efficiendam: nam ante Chri-
 sti aduentum Mundus haud in quiete fuit:
 pater: nam Deus primò Adam patrem no-
 strum creauit; qui non quietem, siue æter-
 nam vitam tribuit, sed mortem sic, quòd
 potius nos mortificauerit, quàm viuifica-
 uerit. post eum venit Abraham; qui Dei
 cultum vnus erexit, sed non perfectè nos
 quietos reddidit, at potius illi dictum est:
 In semine tuo benedicentur omnes tri-
 bus terræ: id est, in Christo de eius lum-
 bis venturo, benedicendę sunt: id est, quie-
 randę, siue glorificandę. post eum venit
 Moses, qui scriptam dedit legem, at non
 quietem: propterea quod nemo iustifica-
 tur (Paulo teste) per legem: vnde hanc
 quietem reliquit Christo, quare in mul-
 tis Scripturę locis de Christo loquitur.

Deut. dicens: prophetam magnum de fratribus vestris suscitabit Dominus similem mihi: ipsum audite. Alia validior auctoritas ponitur, Genes. à Iahacob prolata: Veniet Mefsiah, & ipsi congregabuntur: Hebraicè יבא שליל, Iabo selo velo: horum capita nomen Iesu ישו constituunt, ad significandum quod quies facienda erat per Iesum. Et hanc auctoritatem Iudæi negare nullatenus possunt: quia targom Ionathæ exponit de Mefsiah. Venit igitur Iesus, & nos Deo reconciliauit: & à nobis originale, & actuale peccatum amouit: tandemque cœli Ianuam primus aperuit: quia nemo ascendit in cœlum primò, nisi qui descendit de cœlo, in incarnationem videlicet, & sine ipso nemo potest illuc intrare, ut ait Veritas ipsa; sine me nihil potestis facere. Et David: Tu es, qui restitues hæreditatem meam mihi. Et Christus: Si exaltatus fuero à terra (in cœlum videlicet) in die ascensionis, omnia traham ad me, per desiderium. Vnde ait August. Fecisti nos Domine ad te: & inquietum est cor nostrum, donec requiescat in te: quia scilicet es nostra quies; sicut ipse Christus testatur, dicēs: Venite ad me omnes, qui laboratis, & onerati estis, & ego reficiam vos. Ducimur
ergo

ergo per Christum ad illum finem, propter quem creati sumus. Conueniēs igitur fuit, in eius nomine sciri literam ω ponere, *quietem* significantem. Alia litera huius sanctissimi nominis Iesu est Iod: id est, quod (*ut supra vidimus*) totam repræsentat Trinitatē, ut ostendat, quod in Christo est tota Trinitas, & diuinitas, ut ipse ait: Ego in Patre, & Pater in me est. Et de Spiritu sancto ait Math. Spiritus sanctus super me, eò quod vnixerit me, &c. Alia litera eius nominis est yau, γ , u, & significat arborem vitæ, fontem vitæ, panē vitæ, & ipsam vitam, ut ipse ait: Ego sum via, veritas & vita. Et Paul. Viuo ego, iam nō ego, viuit verò in me Christus. vnde locus Christi in Cabala dicitur Tipheret תִּפְּהֶרֶת : & est in medio Sefhirot positus: & influit in omnes alias Sefhirot vitam, & bonū influxum: ita Christus omnibus communicat viuentibus vitam, & esse: & per illam viam, per quā à Deo esse accepimus, per eādem à Christo deducimur ad Deum, qui & Tipheret seu pulchritudo dicitur: in quo (*secundum Paulum*) viuimus, mouemur, & sumus: & si per animam formaliter viuimus; radicaliter in Tipheret: hoc est, in Christo, tanquam in radice idealī viuimus. præsens vita, propriè non

est vita: nam (vt ait Paulus) quandiu in hoc Mundo viuimus, peregrinamur à Domino: Christus enim in nos vitam diffundit: sursum nos reuocat ad quietem: vnde propriè quiescere, est finem, ad quem conditi sumus, assequi; sicut lapis in terræ centro quiescit, tanquam in loco sibi conuenienti: propter hoc Christus in Apocalyp. ait: Ego sum alpha & omega. Et, quia ipse solus hoc facit, ideo hoc nomen Christo competit, & nulli alij. Ad propositum igitur, In nomine Iesu ω , duæ literæ retrag. $\eta\eta$ includuntur, iod, γ , videlicet quæ est litera Patri competens (vt norunt antiqui Theologi, vocantes ipsum Patrem coronam supremam) & vau, γ , quæ est vita, designans Filium. Duo verò he $\eta\eta$, significantia Spiritum sanctum. (alterum in eo, quòd est nexus Patris & Filij: alterum in eo quòd est opifex & medium, quo Pater & Filius se nobis communicant) mutata fuere in scin, ω , quod est principium Sabbat ω : id est, *requiei* (vt dixi.) Ad quam dandam venit Iesus, sicut ipse testatur, dicens: Venite ad me omnes, qui laboratis & onerati estis: & ego reficiam vos. In cuius figura iubetur Leuitici, ne ager seminetur anno septimo requiei dedito. Quia Deus tati fa-

ti facit quietem diei & anni sabbatharij, vt promittat dare fœcunditatem terræ duplicatam anno sexto: vt expressè habetur in textu. Quod ordinatum fuit, vt in hoc septenario obseruaremus quietem, quam ipse obseruauit post Mūdi fabricatā: & quā seruat in liberatione & remissione: quam ipse facit anno sabbathario. Quam remissionem Hebræi vocant Semitha נַחְמָה à verbo samat נָחַם, quod significat *remisit*. Ordinata quoque fuit huiusmodi requies, vt inde indicaretur millenarius sabbatharius: in quo, vt *Iohannes inquit*, ligato satana, omnes erunt sacerdotes Dei & Christi: & regnabunt cum illo mille annis: id est, æternaliter, in quiete, videlicet per hunc annum sabbatharium figurata. Et hæc est requies significata per scin ם literam nominis Iesu ך, mediantem. Figuratur etiā requies ista per annum Iubilei qui perficitur per quadratum septenarij. In quadragesimo. n. nono anno erat semitah נַחְמָה prædicta, quod *remissio* interpretatur. Quia in hoc tempore Iubilei diuersa fiebant. primò enim remittebantur peccata. Et hoc erat in quadrato septenarij, memori remissiui. Et id fiebat quadragesimo nono anno. postea liberabantur captiui & serui:

&

& omnia ad pristinos possessores reuertebantur. Et hoc fiebat anno quinquagesimo, Qui numerus protrahitur ex primo & ultimo circulari, quinario videlicet & denario: quādo alter per alterum complicatur. Quinquies enim decem, reddūt quinquaginta: & è cōuerso. Sicut enim planetæ omnes completo suo curriculo, aliud eodē ordine incipiūt. Relictis autem alijs de Sole loquamur. Sol completo cursu per duodecim signa, iterum eundem cursum repetit, & in qualibet repetitione, tota terra renouatur, noua dās germina, nouos flores: nouosq; fructus, adeò vt videantur redire, & restitui omnia perdita. sic completa supramūdanorum syderum reuolutione sequitur annus sabbatharius. Et cōpleta reuolutione quadrata, sequitur plena restitutio, & renouatio omnium, quæ perdita & alienata fuerant. Hoc enim diuinus ordo exigit, vt, quæ æternitate gaudere nequeūt, saltem renouatione conseruentur. Et hoc fit officio Spiritus sancti, propter hoc mysteriosè missus fuit sup Apostolos in quadrato septenarij numeri: id est, in quinquagesimo die, vt per illum Apostoli annuntiarent Mundo Euangelium: id est, quietē vitæ æternæ, vt patebit in sequentib. Qui-
uit

utigitur Mundus cum iod cōiunctus fuit
cumvau in nomine Iesu.

*Per nomē iod, he, vau, he, יהוה, quod est no P.M.
men ineffabile: quod dicunt Cabalista
futurum esse nomen Messia, euidenter
cognoscitur futurum eum Deum Dei
filium, per Spiritum sanctum hominē
factum: & post eum ad perfectionē hu-
mani generis super homines paracletū
descensurum.*

Nolebāt antiqui patres secretiores Theo F. A.
logi, ut ait Rabbi Tarphon, & Rabbi Moses
Ægyptius, & plures alij, qui scripserunt, se-
cundum præcepta magistrorum, illud no-
men Tetrag. cuiquam mortali ostendere,
nisi admodum digno. Sic enim dixerunt,
quòd nō tradatur nisi humili, & ei, qui stat
in dimidio dierum suorum, non iracundo,
non ebrioso, nec prauis moribus sædato,
sed viro pacifico, & qui suauiter loquatur
cum creaturis, & qui custodiat illud cum
munditia: talis enim dilectus est sursum,
& circa nos desideratus deorsum: & timor
eius cadit super creaturas. Et istud nomen
est innominabile: non enim qualiter scri-
bitur, profertur: nam scribitur iod he vau
he, יהוה, profertur verò per Adonai. Hoc di-
cunt

cunt Cabaliste. Et si hoc nomen leuetur in mutationibus, hoc fit in duodenis reuolutionibus, & etiam in proprijs characteribus simplicibus, sic videlicet, יהוה, vel etiam in characteribus integris sic יהוה יהוה, hæc fieri non possunt sine magno discrimine vitæ: & debet fieri, siue proferri nemine audiente: quatuor tamen illæ literæ non sunt magnum Dei nomen nouiter nominabile, prout prophetauit Esai. nomen nouum (quo scilicet ad prolationem) faciet Dominus: non quo ad significatum. Et hoc est nomen Iesu ישו. Messiam vocari Tetrag. יהוה nomine pater per doctores Hebræos. Vnde Targum Rabbi Ionathæ sic dicit: Ecce dies venient, dicit Dominus. Et statuam Dauid Messiam iustum, & hoc est nomen eius, quod ipsi appellabunt eum, Deus יהוה (Tetragrámaton) iustus noster. super plantum Ieremiæ ubi dicitur: Quia elongatus est à me consolator conuertens animam meam. Quod est nomen Messiae? Rabbi Abba dixit: Deus יהוה (Tetragrammaton) est nomen eius. sicut dictum est Ieremiæ 23: Hoc est nomen eius, quo vocabunt eum, Deus (Tetragrammaton) iustus noster. Dixit namque Rabbi Leui. Fœlix ciuitas, cuius nomen est, sicut nomen

Regis

Regis sui, sicut scriptum est Ezechielis ultimo, & nomen ciuitatis ex die, Deus (Tetragrammaton) ibi. Et nomen Regis sui, sicut nomen Dei sui. vt dictum est, & hoc est nomen eius, quo vocabunt eum, Deus iustus noster. Hæc traditio. Nomē igitur Tetrag. יהוה futurum erat nomen Messiae Iesu ישו , sicut ab Esaia prænuntiatum fuerat, dicente: nomen nouum faciet Dominus super terram. Et si Dauid de hoc nomine loquēs dicat: In capite libri scriptum est de me. Cui adstipulatur Paulus dicens: Ipse est primogenitus in multis fratribus. & alibi clariùs. Qui est imago Dei inuisibilis, primogenitus omnis creature. si igitur est omnibus antiquior, etiā nomen eius omnium antiquissimū esse debet. Dicitur tamen nouum Messiae nomē, quia nondū in terris fuerat auditū. per nomē etiam sæpe numero apud sapiētes virtus Dei intelligitur: vocatus fuit Messias nomine nouo, quia venit cum virtute noua nedum faciendi miracula (quia in nomine Tetrag. multa per Mosē & alios facta sunt miracula) sed cum virtute noua facilius & perfectius remittendi peccata, aperiendi cœlos, pacificandi omnia, quæ in cœlis, & quæ in terris sunt, attrahendi omnia
ad

ad se, & multa huiusmodi faciendi, quæ nūquam aliàs facta fuisse leguntur. Et quamuis in nomine Iesu, desint illæ duæ he n n nominis Tetrag. תתנן, non per hoc cadit à dignitate diuina. Nā Paulus horum sacramentorum conscius, dixit: Dedit illi nomen, quod est super omne nomen. Interposita enim fuit inter duas literas quadraliteri, loco duarum literarum prætermissarum, scilicet in ו; Quæ litera (vt dictum est) Sabbat כשב: id est, requiei principium est. Et hoc in figura valde mysteriosa factum est. Vnica enim est litera tres habens ramos. Et hæc innuit personarum Trinitatem in vna essentia. Quarum trium personarum virtus in Iesu habetur conclusa: non tantum ex Augustini sententia, dicentis: Opera Trinitatis ad extra sunt indiuisa, sed ex sacris oraculis. Dixit enim Gabriel: Virtus Altissimi obumbrabit tibi: Ecce Pater. Et expressè Spiritus sanctus superueniet in te: Quorum scilicet virtute paries Filium, qui dicetur & erit filius Dei: nam cum ipso semper fuit Pater. Iuxta illud: Qui me misit (Pater videlicet) mecum est. Fuit quoque semper Spiritus sanctus. sicut dictum est Iohanni: Super quem videris Spiritum sanctum descendentem & manentem, hic est,

est, scilicet filius Dei & Redemptor qui baptizat in Spiritu sancto, quem submissurus erat in pentecoste, ut patuit in præcedenti conclusione. Etiam (ut supra vidimus) in hoc nomine sunt duo he n, in scin ם inclusa; & est iod ך, & vau ם per primum he n, signatur unio Patris & Filij, æterna à Spiritu sancto facta per mutuum amorem: quia he n est sigillum Binah, loci Spiritus sancti: per secundum he n significatur: quod Christus Dei filius unendus erat cum homine per assumptæ humanitatis unionem. Iod ך, est sigillum chocmah loci filij Dei, & in se continet totam Trinitatem, siue diuinitatem. Concludendum est ergo quod Iod he vau he ם ך, est nomen Messia: id est, Iesu: Quapropter Christus in diebus carnis suæ dixit: Quicquid petieritis Patre in nomine meo, dabit vobis. Et post suam carnis resurrectionem, ait: In nomine meo dæmonia eijcient, & quæ sequuntur, silentio præmittit nomen magnum: in quo Moses, & cæteri prophetæ usque ad Christum miranda operabantur. Non arrogauit hanc sibi rapinam, ut se arbitraretur æqualem Deo esse. Hoc rectè egit: quia sensit magni nominis virtutem, à Patre sibi donatam,

tam, atque in proprio nomine suo conclusam. Dedit itaque potestatem hominibus: qui miracula perpetrarent, loquerentur linguis, & huiusmodi; quæ fiebant in virtute nominis magni Tetrag. Sed hoc nostro temporis curriculo à Iesu citra portare debemus ipsius Iesu ✠ nomē in corde, & consequenter magnum Dei nomen ✠, in ipso nomine Iesu inclusum. Et hoc est quod dicit Auctor, quod in virtute huius sanctissimi nominis, Spiritus sanctus est descensurus ad humani generis perfectionem, ut testatur ipse Christus dicens: Spiritus sanctus, quem mittet Pater in nomine meo, &c. Et hoc factum est in die Pentecostes: propter quem pusillanimes Apostoli, mulierum verba pauentes, audaces facti sunt, non timentes principum verba, nec minas, nec verbera, neque necem: imò gaudentes, ibant ad mortem, nihil principum iussa timentes: quoniam digni sunt habiti pro nomine Iesu contumeliam pati, propter scilicet Spiritum sanctum receptum: amor enim foras mittit timores: quia, moriendo, vitam acquirere putabāt: quoniam Christus est vita nostra, teste Dauid: Apud te est fons vitæ, ratione cuius ponitur vau, & quod est sigillum arboris vitæ.

Ex

*Ex mysterio trium literarum, quæ sunt in
dictione Sabbath שבת possumus inter-
pretari Cabalisticè, tunc sabbathizare
Mundum, cum Dei filius sit homo: &
ultimò futurum sabbathum, cum ho-
mines in Dei filium regenerabuntur.*

Sabbathum idem est, quod requies: in
hac .n. dictione scripta Hebraicè שבת sunt
tres literæ: primò est beth ב quod est sigil-
lum summæ sapiëntiæ chocmah, quæ & Fi-
lius dicitur Dei: & est thau ת ultima litera
alphabeti Hebraici, rationem finalem de-
signâs: reliqua est scin ש litera, huius prin-
cipium dictionis Sabbath: id est, requiei.
Apud Cabalistas prima dictionis litera to-
tam significat dictionem, vti & apud nos
ε; valet pro cætera, &, i, pro id est, scin ש,
ergo litera dictionis Sabbath, totam di-
ctionem signat. Si igitur hoc totum taxa-
tur, hoc importat, sapientia, vel filius Dei
est finis; & requies: quæ præcipuè Chri-
sto conuenit, sicuti probat Paulus, cum
Hebræis differens; Davidis afferens di-
ctum: Hodie si vocem eius audieritis, no-
lite obdurare corda vestra, &c. nam, si
Moses eis requiem præstitisset, nunquam
de alia loqueretur: hac die itaque relin-

quitur Iesus sabbathissimus populo Dei,
qui ingressi sunt, aut ingrediētur in requiē
eius: in qua ipse quiescit. Festinemus ergo
in requiem illam ingredi. Hanc Apostoli
authoritatem sequens Augustinus contra
Manich. dicit: In Christo enim tāta requie-
scit plenitudo diuinitatis, vt omnia, quę in
antiqua lege diuersissimis partita rationi-
bus videbantur, multigenis sacrificijs, quā
plurimis pręceptis, inexplicabilibus cę-
remonijs, hoc vnico absoluūtur fine, Chri-
sto Iesu: qui (vt ipse Apostolus ait) Est fidei
author, & consumator; & in quo omnia
consumari, & quiescere debent. Quę re-
quies in hoc continuo motu, & peregrina-
tione vite huius haberi non potest, ideo in-
quit Paulus: Festinemus ingredi in illam
requiem, quę est cęlestis patria, & vita æ-
terna, quę datur à Christo, vt ipse testatur:
Ego veni vt vitam habeant. Et alibi: Ego
vitam æternam do illis. Et, vt se vitę ob-
iectum ostendat, subinfert: Pater meus,
quod maius est omnibus, dedit mihi (sci-
licet essentiam) vt obiectum in quo omnes
beari debent. Et alibi: Hęc est vita æter-
na, vt videant te Deum, & quem misisti
Iesum Christum. Christus ergo est verum
sabbathum: ideo ait: Venite ad me omnes,
qui

qui laboratis, & onerati estis, & ego reficiam vos: & inuenietis requiem animabus vestris. In ultimo maximè finali iudicio hoc verificabitur, cùm Christus vnicuique, secundum opera propria, reddet. Et tunc secundum hunc Doctorem regenerabimur scilicet per reassumptionem carnis gloriosæ. Et tunc regenerati sunt, nedum Israëlitaë, sed etiam cæteri homines. Vnde David canit: In omnibus gentibus salutare tuum: Ideò confiteatur tibi populi omnes. Et Apostolus: An Iudæorum Deus tantum? nõne & gentium? Et clariùs postea: nam idem Dominus omnium, diues in omnes, qui inuocant illum. Vnde ad hoc referandũ ipse Apostolus adducit illud Oseæ: Vocabo non plebem meam, plebem meam. Deus enim nõ suum populum fecit suum: quia regenerauit etiam eos, qui non erant ex plebe sua, & fecit vernaculos suos & de domo Israël. Nam Israël significat hæredem Dei, aut militantem sub Deo. Hic omnes per baptismum regenerati meritò domus Israël dici possunt. Vnde Christus per vniuersum Mundum destinauit Apostolos, vt prædicarent, docerent, & generarent omnes meliori genitura: sicut scriptum est: Euntes ergo docete omnes gen-

res, baptizantes eos in nomine Patris & Filij & Spiritus sancti. Et sic Christus dans virtutem regenerandi omnes, dicitur vniuersalis Pater & Iudex, primariumque omnium fundamentum. Et in hac regeneratione aliquid noui producit, non corpus, non anima, nec tertium illud resultans ex utroque, sed vnus spiritus: Iuxta illud prophetæ: Cor Mundum crea in me Deus, & spiritum rectum innoua in visceribus meis. si enim in pœnitente fit renouatio & creatio quædam noua, multò magis in regenerato. spiritus enim differt ab anima, vt dicit Augustinus, de spiritu & anima. Vnde per virtutem sermonis Dei (vt ait *Apostolus*) separatur ab ea. Inquit enim, quòd sermo Dei pertingit vsque ad diuisionem animæ ac spiritus. spiritus itaque in regenerato, aut renouatur, aut de nouo producit. Iuxta illud Apostoli: Non enim accepistis spiritum seruitutis iterum in timore: sed accepistis spiritum adoptionis filiorum Dei, in quo clamamus Abba pater. Ipse enim spiritus de nouo generatus testimonium reddit spiritui nostro, quod sumus filij Dei per istam nouam regenerationem, sicut Iohannes ait: Et in signum regenerationis istius. Regnum promissum

missum Israël, datum est gentibus. Quia lapidem quem reprobauerunt ædificantes, hic factus est in caput anguli. Et hoc assignatur à summa veritate in causam verbi subsequenter, quod est: Auferetur à vobis regnum Dei, & dabitur genti facienti fructum. Etiam quia regnum temporali promissum fuit illis, qui erant in figura & secundum carnem: regnum autem æternum omnibus, qui in Christo Iesu pie vivere volunt. Filij etiam regni secundum nomen ij sunt, qui habent in signe Abrahæ: id est, circumcisionem: aut in signe Christi, quod est baptismus: Filij aut regni secundum veritatem, sunt ij, qui in veritate adhærēt summo regi Christo. Vnde ipsemet Christus à centurionis fide propulsatus ait: Multi ab Oriente & Occidente venient, & recumbēt cum Abrahā, Isahac & Iacob in regno cælorum: filij autem regni eiicientur in tenebras exteriores. Misit igitur Deus Filium suum vnigenitum (*inquit Iohan.*) vt omnib, salutem daret, & quietem, & vt faceret nō plebē suam, plebem suam. Quia vult Deus omnes saluos fieri. Fuit igitur regeneratus & renouat⁹ homo in aduētū Christi: sicut ipsemet ait: Oportet vos nasci denuò. nam sicut olim homo genitus fuerat à patre ter-

reno secundum hominem animale: Ita
regenerari debuit à Patre cœlesti secundum
hominem spirituale & cœlestem. Iuxta
illud Apostoli: Primus homo de terra ter-
renus: secundus homo de cœlo cœlestis.
Qualis terrenus, tales & terreni: qualis cœ-
lestis, tales & cœlestes. Et quamuis anima
nostra producta fuerit à Deo omnium for-
marum datore, productione cōmuni, quā
naturalem vocāt: sicut & bestiarum animæ
productæ fuerunt: Non sufficiebat ad hoc,
vt hæredes Dei, & cohæredes Christi esse-
m⁹. Ideò oportuit nos renasci, & filios Dei
fieri: vt ipsius Dei idonei hæredes essem⁹.
sabbathizauit igitur Mundus, quādo filius
Dei factus fuit Homo: nam tunc totus Mū-
dus affecutus est suum finem: id est, Deifi-
catus est. nam homine facto Deo, omnes
creaturæ factæ sunt Deus: cū homo ha-
beat esse cū lapidibus, viuere cum arbo-
ribus, sentire cum animalibus, intellige-
re cum angelis (*secundum Gregorium*) Ideo
Deificato homine, Deificata sunt omnia
creata, sabbathizata, & quietata. secundo
sabbathizabit Mundus in iudicio, quando
vniemur cū Christo capite nostro, pamo-
rē, & fruitionē, vt ipse Christus testatur di-
cens: Volo, Pater, quod sicut ego & tu vnū
sumus,

sumus, ita & isti vnum sint in te, per vnionem charitatis & amoris. Et hoc significatur per literam scin, w quæ componitur ex duabus he n, talem vnionem significantibus, vt suprâ visum fuit.

Qui sciuerit, qd est vinũ purissimũ apud Cabalistas, sciet, cur dixerit David: Inebriabũtur ab vbertate domus tue: & quam ebrietatem dixerit antiquus vates Musæus esse felicitatem: Et quid significant tot Bacchi apud Orpheum. P. M.

Lac, vinum, & aqua, in sacra differunt Scriptura: Lac enim semper in bonam accipitur partem: significat nanque rerum diuinarum intelligẽtiam, seu sapientiam: Et hæc fuit in Christo. De quo loquens Esai. ait: Butyrũ, & mel comedet. butyrum autem nihil est, quàm lac coagulatũ; ided subdit: vt sciat reprobare malum, & eligere bonum. Et Moyses vice Dei ait: Dabo vobis terram fluentem lacte, & melle. Vnde secundum secretiores Theologos, hæc promissio intelligitur de Diuina sapientia; eò quòd, secundum Hebræos prophetiæ, spiritus solum fuit in Hierusalem donatus, siue in promissionis terra. Euangelium item in illis partibus, primò
I 5 fuit

fuit promulgatum, quod est verè sapientia
 Patris. Et quamuis Daniel Babylo ni hunc
 prophetiæ spiritum affecutus fuerit, hoc
 prouenit ex influxu Euphratis fluuij, qui
 transit illac; Et qui de voluptatis paradiso
 originem trahit:& secum aliquam eius in-
 fluxus partem defert. principaliter tamen
 talis prophetandi spiritus est in Hieroso-
 lymitis partibus, vt patet de omnibus pro-
 phetis, qui inde originem traxere. Lac
 igitur diuinam significat sapientiam: &
 mel gustum, ex sacrae Scripturæ intelligen-
 tia, habitum significat: nam legere, & non
 intelligere, nullum affert fructum. Lac igi-
 tur, & mel sunt semper associata. Aquæ di-
 uinam legalem significant sapientiam; vn-
 de Psal. percussit petram, & fluxerunt a-
 quæ. Hæc petra erat Christus, *Paulo teste.*
 petra autè erat Christus: fu... enim lex da-
 ta à filio Dei, & ab ipso pender, cum primò
 esset in illo (*secundum Augustinum*) antea-
 quam promulgaretur, vt *suprà dixi.* per-
 cussit ergo Moïses hanc petram, Christum
 petendo supernorum notitiam, scilicet
 Theologiam primam, seu Euangelium. Et
 fluxerunt aquæ inferioris Theologiæ: hoc
 est, notitia legalis. petra Christus illis aquã
 dedit, notitiam videlicet tabernaculi con-
 struendi,

struendi, & sacrificiorum offerendorum,
 &c. nobis verò lac tribuit, sacram scilicet
 Theologiam siue apertam, & claram illo-
 rum ceremoniarum denique notitiam, &
 sicut lac est aqua dulcius, ac nobilius: ita
 Euangelium est perfectius, & suavius lege
 Mosaica. Nam ex ore Dei processit Euan-
 gelium. idem David, hoc anhelans lac Eu-
 angelij, dicebat: Quam dulcia faucibus
 meis eloquia tua super mel & fauum. non
 loquebatur de Mosaica lege, quæ dura, &
 aspera extabat. Vinum in Scriptura sonat
 in malum. Vnde Lot inebriatus cum filia-
 bus concubuit. Noë hauſto vino veren-
 da monstrauit. Doctor ramen iste laudet
 ipsum vinum quod duplex est. vnde Da-
 uid loquens de proprietate vini dicit: Vi-
 num lætificat cor hominis (*secundum Pro-
 phetam*) non loquitur de vino illo, quod
 Nazareis & sacerdotibus sacra peracturis
 interdicebatur. Hoc enim exhilarans cor
 ipsorum lætitia quadam corporea atq; ve-
 nerea, distrahebat eos à lætitia contracta &
 saturnia: qua veri amici Dei solent cum
 ipso Deo oblectari. sed de illo vino est ser-
 mo, quod effigiat Christi sanguinem in re-
 missionem peccatorum effusum. A quibus
 peccatis exoneratus homo, ea lætitia exul-
 tat

tia exultat, cui similis non habetur. Hinc David, dum esset in peccatis, dicebat: Redde mihi lætitiā salutaris tui. Quæ lætitiā etiam oblectantur Angeli, qui (*teste summa Veritate*) gaudent super vno peccatore penitentiā agente. Loquitur etiā de vino illo in domo Patris æterni sumendo: de quo summa Veritas ait: Amen dico vobis, nō bibam de hoc etiam genimine vitis; donec bibam illud nouum in regno Dei: Quo etiam vino inebriantur sancti, sicut summus Pastor omnium dixit: Donec bibam illud nouum in regno Dei. Et illud erit vinum conuersum in sanguinem Christi, quem bibemus, sicut & manducabimus panem conuersum in corpus eius, cū viuemus in patria, meritis & vita acquisita ab ipso Christo: qui corpus & sanguinem pro salute nostra tradidit. Et vinum illud nouum stillabit ab illa vite, quæ ait: Ego sum vitis, & vos palmites, qui manet in me, & ego in eo. Et hic videlicet sentiet cibum & potū, quo vtor in symposio Patris mei; in cuius pignus & arrham tradidi corpus meum & sanguinem in cibum & potum. Hinc ipse propheta David subinfert: Et torrente voluptatis tuæ potabis eos. Et sicut hoc inferius vinum plus æquo sumptum nocet, quia

quia vnumquodque nutrimentum & oblectatio non minus in proportione, quàm in re ipsa consistit. Hinc cibus disproportionatus natura vel superfluitate nocet, pari modo Sol sua luce & calore cõfortat: nimis verò nocet. studium quoque, vnde prouenit cognitio veritatis, est iucundissimum (adeò vt Lactãrius dicat: Nullus suauior est animæ cibus, quàm veritatis cognitio) nihilominus superfluè & vltra vires frequentatum ad nocuam atramq; bilem conducit. Sed quid dicemus de vino spirituali & cœlesti, quod sumitur vsque ad vomitum. Iuxta illud: Memoriam abundantiae suauitatis tuæ eructabunt. Hæc quippe eructatio non erit ex nimia superfluitate, sed ex lætitia & iucunditate cordis, illa suauitate debitè repleti. nam & spiritualia conuenienti mensura donantur. Iuxta illud: Vnicuique secundum propriam mensuram. Et Deus in Isaia promittit dare hoc vinum & lac absq; vlla comitatione: quia bonorum nostrorum non indiget (vt in Psalmo dicitur) idèò gratis dat. Etiam quia diuina & spiritualia vendi nō possunt, nec debent. Hinc Christus gratis aquam obtulit in templo, & in cœna nouissima, præ magna munificentia
ait;

ait : Accipite & bibite ex eo omnes. Et Deus sæpiùs promisit patribus dare terram, lac & mel fluentem. Quod lac est (vt dixi) sapientia rerum diuinarum ad allequendam hanc proposuit Solomon se abstinere à vino, Ecc. 2. Quia non contentus sapientia rerum inferiorum per vinum significata (quam perierat ad regendum populum nulla prorsus de rebus Diuinis ac superioribus mentione facta) cogitauit ad meliorem sapientiam se transferre. Cum qua sapientia, quia non conuenit hæc rerum humanarum peritia. Hinc proposuit ab illa se abstrahere, vt liberiùs ad meliorem transuolaret. Ideo in Canticis ait: Osculetur me osculo oris sui, quia meliora sunt vbera tua vino : Cui respondet sponsa dicens : Veni in hortum meum, & dabo tibi vbera mea. Quod sapientiæ genus lac denominatum cum nõ possit haberi per studium, ac diligentiam humanam, sed per Diuinam reuelationem : quæ fit purificatis, raptis & mente subleuatis. (Quem excessum antiqui Theologi vocant mortem osculi. Ideo flagitans ipse Solomon huiusmodi osculum) dicebat: Osculetur me osculo, &c. quia videlicet melius est lac propinatũ ab vberibus excelsis, quàm vinum: id est,

Id est, cognitio rerum inferiorum. Per *vinum* igitur intelligitur sapientia rerum inferiorum : per *lac* autem sapientia rerum diuinarum : & per *mel* gustus ipsius sapientiae. Quæ quidem sapientia tantò melior est, quantò lac & mel meliora sunt vino. Vinum enim ex vite procedit, lac verò ex animali, & mel ex ape. Quæ omnia meliora sunt plantis. Vinum tamen duplex est, scilicet purum, & mixtum : primum est sapientia, quæ de Deo habetur sine admixtione erroris : & hoc est vinum purum, & laudabile, non illius quidem sapientiae superioris, quæ à chocmah procedit. Et in Scriptura lac dicitur, quod paucis datur; vinum verò pluribus. de hoc in Canticis inuitat accipere, dicens : Bibite amici mei, & inebriamini. Et Psal. Calix meus inebrians, quàm præclarus est. Quem calicem propinans in die Pentecostes ad eò inebriauit Apostolos & discipulos, vt putarent homines, qui aderant, eos esse temulentos : Ebrij quippè erant, & pleni illius vini: quod verè cor hominis lætificat. Et Græcè dicitur *Paracletus*: id est, consolator. quod degustans Petrus in monte Tabor, dixit: Domine bonū est nos hîc esse. Item Paulus degustans, ait: Cupio dissolui, & esse cum

se cum Christo, vt illud melius, & nouum bibam in domo Patris eius. Dauid, gustato hoc vino, cæteros inuitat, dicens: Gustate, & videte, quoniam suauis est Dominus. Hoc vinum amoris gustârunt martyres ita, quòd ebrij ad mortem currebant, vt citiùs illud melius degustarent. Et hoc vinum exprimitur ex vite Christo, qui dicit: Ego sum vitis vera. Et vinum venit à Tipheret, qui est Christi locus, & virtus eius. Et Moyses poëta, & Theologus Græcus ponit fœlicitatem in huius purissimi vini gustu. Vinum mixtum cum errore est malum: quod patet in Solomono: qui primò lac bibi purissimæ sapientiæ, vt patet in Canticorum canticis: miscuit tamen inferiorem sapientiam rerum creatarum cum lacte Diuinæ & superioris sapientiæ: quia post affecutionem diuinæ sapientiæ lactis, omnium spirituum immundorum potestatem concupiuit habere, & maximè Asmodeum dæmoniorum principem captū appetijt: Et hoc duabus cum foueis. vna lactis plena, & altera vini: nam post superiorum agnitionem per lac designatam, didicit artē notoriam siue magicam per vinum designatā: ideo ait: Miscui vinū cum lacte meo. Et in hoc Solomon ab Asmodeo

deo fuit captus, eò quòd genua curuauerit coram Baal, ab ipso addiscendi hanc artem auxilium petendo : quam ob causam in carne, non in anima fuit punitus : sicuti Deus patri suo Dauidi, promiserat dicens: Si peccauerint filij tui, percutiam eos virga virorum : id est, per tortores Dæmones: qui & in Scriptura dicuntur virorum virga: id est, flagellum in carne tantum, vt dicit Rabbi Beniocai in Elzohar. Et Paulus Corinthum, qui cum nouerca concubuerat, tradidit vi Dæmonis in interitum, vt spiritus eius saluus fieret. Et propter hoc Solomon fuit regno priuatus, quandiu ab Asmodeo fuit possessus ; sicut & Nabuchodonosor, vt patet Ecc. vbi ait : Fui Rex in Hierusalem, &c. fui dixit. quasi dixerit; quandoque eiectus fui. & ad se reuersus ait: Deum time, & mandata eius obserua. Ideo de talibus loquens Deus Deut. ait: Vinum vultu bibent amarissimum: nam sicut laccum vino mixtū, citò corrumpitur, & putrescit, sic & isti. Dicit igitur conclusio. (Qui sciuerit quid est vinum purissimum apud Cabalistas) quod (intellige) est sine admixtione erroris : & est ex parte Geburah (sciet cur dixerit Dauid : Inebriabuntur ab vbertate domus tuæ) id est,

K

tiphe-

tipheret: quæ est domus Christi. ad quam David in illis verbis sermonem dirigebat. Et est domus Iacob, in qua Christus regnat, vt Gabriel dixit Mariæ (& quam ebrietatem dixerit antiquus vates Museus) qui dixit omnes beandos fore in tipheret, qui est Christus: quod confirmat ipse, dicens: Ego vitam æternam do eis (& quid significant tot Bacchi apud Orpheum) omnia Mundi entia aliqua ex superis numina fauentia sibi habent, & præsentia, vt puta, ventis præest Æolus: Blado, Ceres; terræ ops: mari Neptunus. Inferis Vulcanus: vino autem præest Bacchus. Et apud Orpheum sex Bacchi inueniuntur: id est, sex proprietates vini tipheret: Ipse nanque tipheret, influxum continet sex inferiorum sephiroth, per quas beandi sumus singuli.

P.M. *Qui coniunxerit Astrologiam Cabala, videbit, quod sabbathizare, & quiescere conuenientius sit post Christum die dominico, quàm die sabbathi.*

P.A. Sabbathum diligenter custodiri præcipitur, adiunctis grauibus cōtra transgressores comminationibus, vt pater in Exodo: quia ad honorē maiestatis diuinę pertinet, qui

qui in sabbatho potissimè Deo exhibetur. Et quia Deus omnia præcepta tradidit in beneficium nostrum, satis est, per quietem in ipso die seruata; ipsi Deo assimulemur. Cuius quidem assimulationis Deo semper cura fuit. Quamuis in alijs præceptis non tam clarè exprimatur ratio, quàm in isto. Ait enim legislator: Quiescite in die sabbathi, sicut requieuit Deus in die septimo ab omni opere, quod patrauerat sex diebus. In sabbatho nempè, homo ab omni negotio & cura distrahente liber per sacrificia & orationes erigebatur in Deum: cum quo domesticè agens sanctificabatur, & semidiuinus efficiebatur. Et quod illi in septima die sabbathi obseruabant, in prima sabbathi obseruamus nos. Tam acriter igitur puniebantur qui sabbathum violabant: quia præceptum hoc pertinet ad primam tabulá, contra cuius præcepta facientes habentur tanquam rei criminis læsæ Maiestatis. Et ideo blasphemus iubebatur lapidari, & omnis idolatra penitus exterminari. Etiam adultera lapidari iubetur, quia peccat contra primam tabulam dum iniuriam facit copulæ in cælo factæ ijs, supernis. quorum matrimonium hoc sacramentum magnum est, vt Apostolus docet.

Violâtes etiam sabbathum, acriter puniebantur, quia præceptum hoc maximi momenti erat. Vnde non sine causa huic solo præcepto præponitur memento. nam obliuiscens diei sabbathi, obliuiscitur propriæ salutis. nec præponitur memento præcepto cultus & amoris Dei, quia ille debet esse continuus. sed obseruantia sabbathi prætermittebatur in sex diebus operis. Hinc admonebatur populus vt relictis negotijs quantumuis vtilibus Dei & propriæ salutis recordaretur. Et lapidantur isti, quia contra huiusmodi (*ait Abacuch*) de populo suo. Lapidés de pariete clamât. Sed etiam hoc parum est, respectu illius, quod dicitur in sententia contra eum lata, quòd anima eius debet perire vel incidi (*vt litera Veritas habet*) de populo suo. Cùm hæc sit vera excommunicatio & abscissio membri putridi, & irremediabilis facta nō ab homine, sed à Deo sabbathum trāsmutatum est in dominicam diem apud Christianos: Quia sic Petrus iussit, *vt dicunt Canonistæ*: cui & Paulus consentire videtur, dicens: nemo vos iudicet in cibo aut potu, aut Patre diei festi, aut neomeniæ vel sabbathorum, quæ sunt vmbre futurorū. Sed cùm nihil absque ratione fecerit, nec Apostoli,

stoli, id meritò voto fecissent, nisi aliqua ratione ducti fuissent. Ratio ergo legis immutatae est, quia Christus eo die resurrexit, & dedit initium nouae vitae: quae est excellentior quiete, in sabbatho obseruanda. Quiescebant enim Iudaei ab omni opere corporeo ac seruili. sed nos, quibus datus est introitus in nouam vitam, & operationem, huiusmodi opus operari debemus, de quo ait Apostolus: Si consurrexistis cum Christo, quae sursum sunt sapite, non quae super terram. Alia ratione hoc factum est (vt *Paulus Orosius* ait) Iudicium fiet in die dominico, & consequenter introitus in Regnum, quo tendimus. Et ideo hunc diem obseruare debemus, vt iudicium ac regnum prae oculis semper habeamus, maximè in die festo, quo spiritalibus vacare debemus. Mutari igitur debuit sabbathum, in lege & prophetis adeò celebratum. non quidem mutanda erat requies septimi diei, qui sabbathum dicitur. Sed absque læsione legis mutabilis erat dies: vt docent etiam Rabbini Hebræorum. Nam de tali mutatione huius diei clarè in Osea dicitur: Et cessare faciam omnem solennitatem eius. neomeniã & sabbathũ. Quod nunc oculata fide videmus, experimentoq;

comprobamus. Et de meliori sabbatho in Isaia dicitur: Et vocabis sabbathum delectabile, vel delicatum, vt habet traductio vulgata. Quod quidem sabbathum melius est priori sabbatho: & est dies, quam nos *Dominicam* vocamus. Hebræi sanctificando diem dominicum seruarent legem cum non sit indictus eis dies determinatus, sed solummodò dies septimus. Vnde sententia est Hebræorum Rabbiorum, quòd si quis in itinere esset, & diem sabbathi omitteret, incipiens à quocunque die, & septimum sanctificans, legem seruaret. Et sic diem seruare possent, quem nos *Dominicum* appellamus: qui est dies Solis. Et si contendant dicentes, quòd sabbathi diem seruare debet, supramundano dedicatum Saturno, quem Binah vocant (vnde annus sabbatharius & annus Iubilei; remissio quoque & quies, possent etiam seruare, diem Solis supramundani videlicet: vbi ipsi suum patrem Israël vel Iahacob immediatè locant. vbi etiam est sedes Messiae, qui nouum hoc ordinauit Testamentum. Vnde dictus fuit, Sol iustitiæ à Malachia. Qui etiam solarem erexit Ecclesiam: in qua comprehendit Hebraicam synagogā, saturniam & lunare. De qua-

quarum vtraq; simul canit propheta, dicēs:
 Thronus eius sicut Sol in conspectu meo,
 & sicut luna perfecta in æternū. Vnde He-
 bræi tantò digniores essent in synagoga vel
 Ecclesia hoc solari, quantò Sol perfectior
 & dignior est luna. Conuenientissimè ita-
 que hic Saturnius dies, qui ab Hebræis o-
 lim obseruabatur, apud Christicolas in so-
 larem diem commutatus est. cū Religio
 Christiana à Sole archetypo vim & influ-
 xum suscipiat: sicut Hebræorum synagoga
 à Saturno. Ideò ipsi (*vt dictum est*) sabbathū
 Saturni diem obseruabant: nos autem So-
 lis diem colimus. nam & institutor huius
 religionis Sol à Malachia dicitur: nō utiq;
 hic nobis visibilis, sed melior, q̄ ab ipso Ma-
 lachia & ab Ecclesia Sol iustitię denomina-
 tur. Et hoc totū factū est, quia Deus in tota
 lege nihil aliud præ tendit, q̄ nos ipsi crea-
 tori conformes fieri: vnde, si quis toto suo
 conatu naturali, sibi à Deo præstito, in Deū
 tenderet, quamprimū ad perfectionis gra-
 dum perueniret: eò quòd in habentib. sym-
 bolum, facilis est trāsitus. Homo autē Deo
 maximè conuenit, non solum per animæ
 imaginē, sed per corporis cōpages: tot e-
 nim ossa magistralia in corp⁹ nostrū posuit
 Deus; quot affirmatiua in lege continētur

præcepta, videlicet, 365. vnde Dauid; Re-
uela oculos meos, ad cognoscendum sci-
licet compagem corporis mei. sequitur;
Et considerabo mirabilia de lege tua, scilicet,
conformari corpori meo. Atq; ad hoc me-
lius faciendum, præcepit Deus Exo. 20. vt
sabbathum custodirent; hoc est, septimo
die quiescerent Mundo, & Deo vacarent;
quoniam tali die q̄ ieuuit Deus; vt homo
ei assimularetur. pro eius tamen clariori
notitia, nota quod omnes Mundi natio-
nes tenentur sabbathizare: hoc est, septi-
mo die quiescere, Deoque vacare: siue se-
ptimus dies fuerit sabbathi, siue Domini-
ca, siue Iouis, &c. vt, si quis solus in deserto
habitās, diem obliuisceretur Dominicum,
huius sufficeret vnum determinatum diem
hebdomadæ pro septimo sibi constituere,
illumque sanctificare (vt supra dixi) Iudæi
sabbathum sibi in septimum constituere.
Et ratio huius fuit (vt dicit Petrus Illiacus,
nam quælibet secta duos habet planetas
sibi fauentes. In deorum verò secta Lunam
habuit, & Saturnū sibi addictos; ideò sab-
bathum Saturno deditū obseruabant & in
fauorem Lunæ eorum festa attendeban-
tur circa ipsius Lunæ plenilunium; sic-
ut Mosi præceperat Dominus, vt Lunæ
cursus

curfus attenderet, Christus verò nouam sectam constituens, religionē videlicet Christianam, dedit ei fauētes duos planetas Solem videlicet, & Mercurium supramundanos: id est, tripheret Solem domum Christi: de quo dicitur; est sol iustitiæ Christus Deus noster, Et Mercurium: nihil enim est in his inferioribus, secundum Platonem de Rep. quin illud (cuius hoc inferius est sua imago) sit in superis, siue in cœlo supramundano; In eo enim sunt rerum veræ quidditates, vt puta, equi, asini: quod affirmat Iohā. in Apocal. dicens: Vidi equos: & serpentes, &c. in supremo scilicet Mundo archetypo; res enim quælibet visibilis suum habet esse correspondens superiori Mundo. Tres sunt Mundi, supremus videlicet, medius, ac infimus, quod ostendit Iohan. dicens: In Mundo erat (scilicet Deus) archetypo: hoc est, in se ipso: in quo sunt idealiter omnes creaturæ. Sequitur, & Mundus (infimus qui scilicet sumus nos quamdiu in medio Mundo degimus) eum non cognouit. homines enim non cognouerunt Christum dominum Deum, Mundum supremum archetypum; cuius medius, & infimus Mundus sunt eius vmbra: vt ponit Plato, exemplum de alligato ad columnā,

qui nūquam vidit nisi lucernæ lumen post
tergum lucentis: & per hoc solū videt vmb-
bras prætereunrium. sicut ergo in hoc visi-
bili Mundo sunt septem planetæ materia-
les & visibiles: ita & in supremo sunt septē
imateriales, & inuisibiles, vt patet de se-
ptem numerationibus; quibus septem An-
geli subsunt, ab ipsis septem dimensiōni-
bus influxum recipientes; atque influen-
tes in septē planetas inferiores: Et postre-
mò in nos ipsi: nam (*secundum Arist.*) neces-
se est hunc Mundum inferiorem elemen-
tarem superioribus lationibus gubernari:
planetæ igitur scētis dominantibus, sunt
Mundi supremi archetypi, qui dicuntur &
dimēsiōnes. Ad rem igitur. Ex quo lex scri-
pta venit à Binah, cui Elohim quiescit: &
tories in Mundi fabrica nominatur: & dici-
tur Saturnus supramundanus: & est Mo-
sis locus: per quem ad 49. portā eiusdem Bi-
nah peruenit: & per illud lumen dedit le-
gem: ideò sabbathi diē sibi Iudæi ascie-
re: & ab ipsis sanctificatur; & in illo die quie-
scunt. non igitur sabbathi dies à Iudæis in
memoriam Dei quiescentis sanctificatur,
quia hoc non præcepit Deus; sed quod se-
ptimus sanctificaretur dies, qualiscunque
fuerit ille. præcepit etiam lunam ipsis suis
in

in festis obseruare: nam luna supramunda-
na dicta Malchut, eis fouebat, vt patet in
porta lucis. Venit Christus, qui est Tiphe-
ret Sol supramundanus. De quo Moses
Deut. Orietur vobis sol iustitię: id est, Chri-
stus, quod ipse approbans, dicit: Ego sum
Lux Mundi, scilicet supramundana dicta ti-
pheret: ideo in honorem Christi diem Do-
minicum pro septimo ad quiescendum, ac-
cipimus. Habemus etiam & fauentem no-
bis Mercurium Archetypum, dictum Iesod,
vt infra patebit. Et quoniam quilibet pla-
neta habet suum angelum sibi assistentem:
& quia Michaël est Angelus, nobis fauens;
ideo diē Mercurij in peculiarem habemus.
Dicit ergo cōclusio: Qui cōiunxerit Astro-
logiam Cabalæ: id est, qui applicauerit hanc
inferiorem Astrologiam superiori Astrolo-
giæ Cabalæ (qua Abraham vsus est) clarè co-
gnoscer, quod sabbathizare conuenien-
tius sit post Christum die Dominico, quàm
die sabbathi ratione supradicta: & hoc ap-
plicando dies, & horas planetis arche-
typis eo modo, quo fit in Astrologia hac
inferiori. Quæ hoc modo fit: prima ho-
ra diei Dominici attribuitur Soli: quia
Sol tunc regnat: propter quod talis dies vo-
catur Sol, secundę horæ eiusdem diei præ-
est

est Venus: tertiæ Mercurius: quartæ Luna;
 quintæ Saturnus: sextæ Iupiter: septimæ
 Mars: octauæ iterum Sol: nonæ Venus: de-
 cimæ Mercurius; vndecimæ Luna: duode-
 cimæ Saturnus: decima tertiæ Iupiter: de-
 cima quartæ Mars: decima quintæ tertio
 Sol; decima sextæ Venus: decima septimæ
 Mercurius: decima octauæ Luna: decima
 nonæ Saturnus: vigesimæ Iupiter: vigesi-
 mæ primæ Mars: vigesimæ secundæ, quar-
 to Sol; vigesimæ tertiæ Venus: vigesimæ
 quartæ Mercurius. primæ horæ sequenti
 Luna præest: idcirco dies sequens diem Do-
 minicum Lunæ dedicatur. Sic in archety-
 po regnant planetæ supremi, & influunt in
 inferiores planetas materiales: Hoc mon-
 straret præest Soli, Lunæ Machut, Marti
 Geburah, Mercurio Iesod, Ioui Gedula,
 Veneri Nezach, Sabbatho Hod. Et sic con-
 clusio remanet declarata.

P.M. *Si dictum illud prophetæ: vēdiderunt iu-
 stum argento: Cabalisticè exponamus,
 nihil aliud nobis significat, quàm hoc
 scilicet, ut Deus redemptor venditus
 fuit argento.*

F.A. Apud mortales preciosius est aurum ar-
 gento, non tamen apud Deum: nam in ma-
 iori habetur pretio; iuxta sententiam sum-
 mæ

mæ Veritatis, auro templum præferentis;
 qđ illud videbatur ornare: in multis quo-
 que Scripturę locis viderur argentum præ-
 ferri. hinc Abraham præcipuus pater, non
 auro, sed argento emit sepulchrum pro se,
 & vxore sua, sacramentorum plenum. Et
 omnia pia in lege argento commutantur.
 & hoc, quia argētum est in dextra coordi-
 natione: sicut est verbum, & sapientia Dei
 choemah: & sub ipsa est Ghedulah locus
 argenti, in misericordiam prætendentis.
 Aurum est in sinistra aquilonari Geburah;
 iuxta illud Iob: Ab Aquilone aurum venit,
 David insuper paruipendebat aurum, re-
 spectu legis, dicens: Dilexi mandata tua
 super aurum, & Topazion. Vnde Sapiens:
 nec comparaui ei (scilicet sapientiæ Diui-
 næ chocmah) lapidem pretiosum, (tendē-
 tem videlicet in Aquilonem Geburah) Au-
 rum igitur significat iustitiam, argentum ve-
 rò pietatem, propter hoc in lege prohibe-
 tur fieri Deos argenteos, quod argentum
 cum pietate conuenit, & à loco pietatis e-
 manat: vt innuatur non esse facienda idola
 sub prætextu cuiuscunq; pietatis. Et idem
 prohibet Exodi: ne faciamus illa sub præ-
 textu alicuius terroris. Vnde statim subin-
 fert: neq; Deos facietis ex auro: quod à ter-
 rois

roris loco procedit ab Aquilone videlicet, *vt dicit Iob*. Alius terminus declarandus est iustus, qui in triplici differentia inuenitur: Est enim iustus in lege: id est, custodiēs legem. Alius est iustus: id est, iustificatus, *vt dicit Paulus*. Iustificati quidem per gratiā pacem habeamus per Dominū, &c. Alius est iustus, sine peccato existens, & alios iustificans, vt est Christus, secūdum quod ait Iohānes: De plenitudine eius, omnes accipimus. Atq; talis iustus est fundamentū Mūdi, *vt ait Psal.* Et Paulus: Fundamentū aliud nemo ponere potest prāter id, quod positum est, quod est Christus Iesus. Christus enim venit à Iesod, quod *fundamentum* significat: & ab illa dimensione venit creaturā viuiificatio, & nostra iustificatio. &, quamuis Elzohar dicat hunc iustum alios iustificantem fuisse Abraham: qui nouus homo venit cum nouo fœdere: tamen, cū de futuro propheta loquatur, qui Abraham posterior fuit; vel, si de præsenti immobili loquatur, puræ creaturæ competere minimè potest: ideo verus iustus fuit Christus, alios iustificans: qui venit à Iesod, tanquā nostræ salutis fundamento. non negamus Abraham fuisse iustum, sed alios nō iustificauit: imò per credulitatē in Christo habitam, iustificatus

stificatus fuit, vt dicit Scriptura: Credidit Abraham Deo, & reputatum est illi ad iustitiam. Dicit igitur conclusio (si dictum illud prophetæ) scilicet Amos. 2. (Cabalistice exponamus) scilicet accipiendø argentũ pro misericordia, & pietate, & iustum pro fundamento Mundi (nihil aliud nobis significat, quàm s. vt Deus) dicit Deus: quia (vt vidimus) Messiah est Deus: etenim nomen eius Iesus est nomen diuinitatis (Redēptor) quia venit à Iesod, à quo vita procedit: sic & Christus vitam nobis donauit, vt ipse ait: Ego vitam do eis (venditus fuit argento) id est, propter pietatem, quam erga nos ferebat (peccatores, qui eum vendiderunt, argentum acceperunt, vt Iudas triginta argēteos) id est, remissionem pijsimam suorum peccatorum. Argentũ enim significat misericordiam, mors Christi vita nobis.

Si interpretationẽ suam aduerterint Cabaliste super hac dictione hu ארנקה significat ipsum quod est, de Trinitatis mysterio, multum illuminabuntur. P.M.

Deus nēpè vnus est, sicut habetur Deut. F.A.
6. vbi dicitur: Audi Israēl, Dominus Deus tuus, Deus vnus est. Et hoc dictum est, ne error

error inuaderet quempiam audiētem verba, quæ videntur innuere multipliciter in Deo. vt illud: Deus Abraham, Deus Isaac, & Deus Iacob. Eriam cū audiuntur diuersa nomina quibus vocatur Deus; vt Elohim אלהים, El אל, Adonai אדני, Tetragram שדך Sadai שדי, & huiusmodi: etiā cū audiuntur, quæcunque enumerationes, quæ Deo aut Diuinis attribuuntur. Cū Deus huiusmodi sit, vt nunquam ab unitate discedat, per quasque enumerationes in ipso factas. Nam omnia quæ in eo sunt ratione suæ infinitatis adeo identificantur, vt semper liceat, & debeat dici, quod in eo omnia sunt vnum; in quam sententiam nō modò lex, & Theologi nostri conueniunt, sed etiam Philosophi. Quod & rationibus probant. Hinc Aristot. Homeri sententiam profecutus, ait: Entia nolunt malè disponi, ideò vnus princeps. Plato autem Parmenidem imitatus non tantū dixit, quod omnia, quæ sunt in Deo, sunt vnum, sed omnia quæ sunt, in quantum sunt, in Deo vnum sunt. Et quāuis decāter Psaltes: Deus Deorum Dominus locutus est. Vnus tamē est Deus per essentiā: multi autem per participationem. Quo sensu alibi dixi demones: Ego dixi, Dij estis, & Filij excelsi omnes.

innes. Quod exponens Christus, dixit: quod Dij sunt, ad quos sermo Dei factus est: nā denudò (vt *Iacobus ait*) genuit nos verbo veritatis. sunt etiā Dij per participationem, & per chrisma diuinitatis: iuxta illud Iohannis: Dedit eis potestatem filios Dei fieri: Dicuntur etiam Dij per virtutis excellentiam, vt ait *Aristot. in Eth.* Et sic dicuntur, quia vicem Dei tenent. sicut de Iudicibus in Exodō dicitur: Ad Deos vtriusque causa perueniet: id est, iudices. Et propheta: Deus stetit in synagoga Deorum: in medio autē Deos diiudicat: id est, iudices qui male iudicant. Quāuis igitur isti dicantur Dij participatiuè, non tamen per essentiam, quia solus Deus fruitur hac gloria. Vnde Isaïæ 42. dicitur: Hoc est nomen meum: illud *hoc*, non est relatiuum, quia nihil ipsum præcedit, per quod illud possit referri. Igitur illud hu *הוּ* significat, *hoc vel ipsum*, qđ est scilicet nomen meum. Sicut in Exodo dicitur: Ego sum qui sum, (vt habet nostra communis traductio) sum ille videlicet: qui sum à me ipso, & à nullo dependens. Sed vt mysteria secretiora tangamus (in hoc verbo hu *הוּ* sunt tres literæ, quarū vna aleph *א* videl. pertinet ad Patrē tanquam eius sigillum: vau *ו* ad Filium, he

L n, ad

נ, ad Spiritum sanctum eadem ratione, ut
 secretioribus Theologis notum est. Item
 aleph א est cheter Pater mittēs Filium. Vau
 ו est chomah missus: He ה est Binah Spiri-
 tus sanctus vniens naturā diuinā cum hu-
 mana. Et sichu שכן Cabalisticè expositum,
 Trinitatem includit. Et illud hu, est nomē
 Dei ab omni ratione extrinseca remotum,
 significans ipsum Deum in solitaria sua na-
 tura Hebraicè Ensofph ענושפא nuncupatū.
 Qui sic consideratus, hanc gloriam, scilicet
 essendi hoc ipsum à se, alteri non commu-
 nicat: sicut subinfert prædictus vates, di-
 cens: Et gloriam meam, hanc videlicet, al-
 teri non dabo. nō quòd inuidus sit ille, qui
 est forma boni liuore carēs: ut canit Boëtius:
 nō quippè est inuidus, sed communicat o-
 mne communicabile. Hoc autem implicat
 contradictionem maximam, quod videli-
 cet Deus sit penitus à se, & alteri tradatur.
 nam qui sub altero recipitur, nō potest es-
 se à se. Imò Pater nec Filio, cui omnia dedit,
 hoc donauit: quātum ad personam produ-
 ctam, quę non est à se, sed à Patre: sed in eo,
 quod est idem in essentia, est à se: cætera au-
 tem omnia ipse Filius se habuisse à Patre fa-
 tetur, dicens: Omnia tradita sunt mihi à Pa-
 tre meo. si autē tota Trinitas intelligatur,
 ipsa

ipsa à nullo depēdet, sed omnia ab eo: Ideo hoc nomen gloriæ hu קדוש , est nomen Trinitatis: Et hu idē est quod, ipsum quod est, scilicet à se. Quod nomen soli Trinitati cōpetere potest. Manet igitur veritas conclusionis huius: Quod Cabalistæ aduertentes interpretationē huius dictionis hu, de Trinitatis mysterio multum illuminabuntur:

Qui cōiunxerit dictum Cabalistarum di- P.M.
centium, quod illa numeratio, quæ dicitur iustus, & redemptor, dicitur etiā Ze, cum dicto Thalmudistarum dicentium, quod Isahac ibat sicut Ze, portans crucem suam, videbit, quod illud, quod fuit in Isahac præfiguratū, fuit adimpletum in Christo: qui fuit verus Deus argento venditus.

Si Deus enim secundum Amos prophe- F. A.
tam, non facit nouum super terram, quin primò illud annuntiet per prophetas sanctos suos, quantò magis decens fuit, vt Christi aduētus prædiceretur à sanctis prophetis, & præfiguraretur à patriarchis: Fuit ergo multifariam à prophetis præsignatus. primò à Mose, vt ait ipse Io. scil. Moses de me scripsit. Petrus & Paulus in suis actibus idem testantur, dicentes: Huic omnes

prophetæ testimonium perhibent, remissionem peccatorum accipere per nomen eius. & Luc. 14. incipiens à Mose interpretabatur illis in omnibus Scripturis. Studeuit enim Deus diuina occultare mysteria, vt videntes non viderent, & audientes non intelligerent: & hoc propter eorum imbecillitatem, & indignitatem, prout prædixerat Esai. propheta. Doctor igitur iste intendit probare Christum, à multis prophetis fuisse prædictum: pro cuius noticia sciendum est, quod ze \aleph , addita litera nun, \aleph , reddit zon \aleph , quod *Ouem* significat. Sciendum est etiam, quod non est res in Mundo, quæ suum verius esse non habeat in Deo, vt ait Mercurius Trismegistus, & Marsilius Ficinus de consensu Platonis. Sciendum prætereà, quòd quæque in his inferioribus creata, suum habent esse ab aliquo planeta: à simili nostrum esse in Deo pender à quopiam planeta supramundano, vt puta ab aliqua Sephirah. & sibi inuicem correspondent superiores, & inferiores planetæ. Sicut ergo creata pendet ab aliquo determinato planeta inferiori: ita etiam pendent ab eo planeta superiori, tali inferiori planetæ correspondente: & ita quælibet res locum quæpiam possider
in

in archetypo planeta quopiam. & sic dicimus: Leonem esse in Gedulah, Ceruum in Tipheret: ze verò ouis est in loco ubi est zadic זדיק: id est, *iustus*: eisdem namque literis scribuntur, zon זון ouis, & zadic. Et talis locus dicitur Iesod. Isahac itaque portans ze: id est, ouem, Christum præfigurabat, qui est in Iesod, ut in superioribus vidimus: nō negatur tamē quin ipse sit etiam locatus in omnibus Sefhirot, diuersis attributis sibi additis. Habet enim Christus omnium Sefhirot proprietates, ac attributa, ut ipse testatur; omnia dedit mihi Pater. Et Paulus complacuit omnem plenitudinem habitare in eo. Et Esaias; Requiescet super eū spiritus sapientiæ, & intellectus, &c. Et alibi mulieres septem (id est, septem enumerationes) accipient virum vnum (Christum) sic enim exponit Origenes. Christus ergo quatenus immolādus, erat in Geburah iustitia, prout per passionem suam fecit misericordiam, est in Gedulah pietate: Ideo ait Iohannes: Christus venit, non in aqua solū: id est, misericordia Gedulah; nec in sanguine solū: id est, in Geburah mera iustitia: sed in aqua, & sanguine: id est, in Tipheret aqua misericordiæ, & sanguine iustitiæ mixto. Nam Tipheret continet vir-

tutem, & influxum Gedulah, & Geburah. Et Isahac est à latere aquilonari, sacrificijs dedito, vbi sanguis effunditur. Quatenus verò Christus contulit nobis requiem gloriosam, est in loco David vocato Malchut: prout tamen ipse fuit sacerdos Deo pro nobis seipsum in holocaustum offerens, est ex parte Abraham: id est, Gedulah pietatis. Quatenus verò occisus est, fuit attinens ad Isahac: id est Geburah. Dicit igitur conclusio (Qui coniunxerit) coniungere est in eodem aliqua distincta ponere, vt vnire illud, iustus, & redemptor, & ze, in Iesod (cum dicto Thalmudistarum dicentium, quòd Isahac ibat cum ze:) Textus nò dicit quòd Isahac portare ze, siue Quem, ex quo ipsemet immolandus erat: Thalmudistæ tamen dicunt, quod ipse portabat quem per voluntatem, scilicet: nam voluntariè in sacrificium se obrulit: agebat enim tunc 37. annum: & pater eius senio confectus existens 137. annorum: quare fortior patre extabat filius: dicit tamen textus, quod ibant pariter, non in membrorum viribus, sed in voto (portans crucem suam) id est, ligna crucem significantia (fuit adimpletum in Christo) quia dicitur ovis, non per proprietatem, sed per
f. m. j.

similitudinem, & voluntariè se obtulit, vt ipse dixit; potestatem habeo ponendi animam meam, & sumēdi eam. Et Abraham, Patrem æternum figurabat, immolantem filiū Christum; sicut testatur ipse Pater per Esaiam: Propter scelus populi mei percussit eum. Iussu fuit Abrahæ immolari Isahac in monte Moriah qui est in Ierusalem, quæ iccirco dicta est visio pacis, quia pax fuit ostensa pro mortalibus post oblationē Isahac, figurantis illum, qui per sanguinem suum pacificauit ea, quæ in cœlis & in terris sunt: vt *Apostolus ait*: Et ad montem illum perrexit Abraham cum filio. primò strauit Asinum, corpus videlicet, & hominem animale, tanquam indignum tam sublimi mysterio. secūdò iuit cum duobus iuuenibus: id est, duobus populis, pro quibus Isahac in figuram offerebatur. Futurus enim erat pater Iahacob & Esau, Israëlitarum videlicet & Idumæorum: pro quorum quolibet impetrauit fauorem, oblatus in fauorem Christi, pro salute Israël & gentium, & pro salute hominis animalis & spiritualis immolati. Iuxta illud: Homines & iumenta saluabis Domine. Tertiò portabat ligna, figurātia ligna crucis, in remedium peccati per lignum commissi. Quartò habet gla-

dium & ignem: quem Iesus venit mittere in terram, ut ipsemet testatur. Quintò applicuerunt die tertio: quo homo perfectè purificatur. Sextò, pergebant pariter, in voluntate videlicet. Hinc pariter meruerunt offerēs & oblatus in figuram illius: de quo dictum est: Oblatus est, quia ipse voluit. Et iterum: Sic Deus dilexit Mundum, ut Filium suum vnigenitū daret. Aries ille cornibus inter vepres hærens, fuit ab Angelo præparatus (ut *Zohar asserit*) ut pro Isaaci immolaretur. Et hoc in complementum figuræ illius: cuius suprema portio (Diuinitas videlicet) per Isaac figurata: & pars inferior (humanitas videlicet) cōditionibus & passionibus humanis irretita: qui pro peccato offerri consueuerat. Sicut & Christus pro peccato oblatus est. De hac oblatione dicitur Malachiæ: A Solis ortu vsque ad occasum, magnum est nomen meum in gentibus, & vbique offertur nomini meo oblatio munda. Vnde præter populum Hebræū habebat Deus cultores, offerentes sibi oblationes mūdas. Iuxta illud Iohannis: Multas oves habeo, quæ non sunt ex hoc ouili. Nam ovis ipsa, pro reliquis ouibus oblatus est. Loquitur etiam vates, futura prænuntians (*secundum Hieronymum*) tanquam præsentia,

sentia, loquens de oblatione facta à Christo pro ouium salute : quæ quotidie commemoratur ab omni natione, quæ sub cælo est, demptis Hebræis & Hagarenis in seruitutem (vt *Paulus ait*) generantis. Ad se enim Christus moriens in cruce traxit sacerdotium Melchisedech Hebræorum, & omnium numinum sicut ipse prædixerat : Cùm exaltatus (*inquit*) fuero à terra, omnia traham ad me ipsum. est enim Christus sacerdos in æternum, quia functus est sacerdotio legali (cùm non habeant Hebræi neque templum, neque sacrificium) perseuerant sacerdotes Christi: & vsque in sempiternũ perseuerabunt: quia hoc est nouissimum, & æternum sacrificium & sacerdotium: vltra quòd non erit aliud. Fungitur etiam sacerdotio sempiterno in cælis, & si mortalem hanc vitam terminauit: sicut apertè testatur Paulus ad Hebræos. Alij quidem plures facti sunt sacerdotes, eò quòd maneat in æternum, sempiternum habet sacerdotium: Vnde & saluare in æternum potest, accedēs per semetipsum ad Deum: semperviuens ad interpellandum pro nobis. Et iterum: Talem habemus pontificem, qui consedit in dextera sedis magnitudinis in cælis, sanctorum minister, & ra-

bernaculi veri : quod fixit Deus & non homo: cœli videlicet. Diuino decreto humani generis redemptio per lignum facta: sicut canit Ecclesia, vt qui in ligno vincebat, & per ipsum humanum genus infecerat, per lignum quoque vinceretur, & expiaretur homo. Et non fuit hoc lignum aliquod combustibile : sicut de cruce dicitur, quod fuit composita ex cedro, cupressso, oliua, & palma. Sed quid hæc ligna ad salutem animarum? Igitur de lignis illis est sermo, de quibus propheta canit: Et cedri libani, quas plantauit, scilicet Pater æternus ne eradicentur: vt in Euangelio dicitur: Lignum enim & arbor eodem vocabulo dicuntur ab Hebræis hez **זי** videlicet. Quarum arborum prima secundum æternam fœturam, fuit Adam, in quo vicit Diabolus. Secunda verò ratione fœturæ externæ, sed dignitate, & decreto mentis Diuinæ prima fuit Christus in quo victus fuit Diabolus. Quod Apostolus clarè referrat, dicens : Quoniam quidem per hominem mors, & per hominem resurrectio mortuorum. Nam per Christum fuit data nobis victoria: per Crucem autem, tãquam per instrumentum & patibulum. Et hæc crux fuit torcular positum in vinea. Mat. 21.

vbi

vbi Christus exprelsit vinum illud, sanguinem videlicet suū preciosum, sicut innuit Isaias, dum inducit Angelos Christo ascēdenti, dicentes (vt *Dionysius exponit.*) Quare rubrum factum est indumentum tuū: sicut calcantium in torculari? Quibus respondens ait: Torcular calcaui solus. Nam solus ipse Christus sustinuit tormētum crucis in Redemptionē humani generis: nec volūit habere coadiutorem, ne alijs, sed ipsi soli Redēptori teneremur. Hinc Paulus ait: Palām triumphans illos: id est, de illis in seipso. Vnde perbellē crux fuit torcular: quia in ipsa totum vinum sanguinis Christi expressum fuit. Et hoc est quod dicit conclusio: quod Isaac ibat sicut ze, siue zon: id est, ovis portans crucem suam. Et positus fuit in cruce Christus ovis, tanquā signum, cui contradiceretur: sicut Syme-hon prædixerat: Positus fuit in signum, in quod omnes dirigere debent sagittam intentionis suæ: sicut docet Apostolus, dicens: Curramus ad propositum nobis certamen, aspicientes in authorem fidei, & consummatorem Iesum: qui proposito sibi gaudio sustinuit crucē, confusione contempta. Positus fuit in signū, & vexillum terrificum contra hostes humani generis:

iuxta

iuxta Isaïæ : Leuabit Dominus signum in nationes, & congregabit profugos Israël; vt videlicet sub ipso militent. Et paulò superius: Ecce radix Iesse : qui stat in signum populorum. Contradicitur autem huic signo ab ijs, de quibus Apostolus : Nos (*inquit*) prædicamus Christum crucifixum: Iudæis quidem scandalum, gentibus autem stultitiam. Quibus verbis omnia genera contradicentium cruci Christi complexus est. Laudatur tamen lignum illud crucis Sapientiæ 14. vbi habetur: Benedictum lignum, per quod fit iustitia, quamuis pendens in ligno maledictus censeatur per legem. Deut. 21: Et hoc quia ipsum lignum est instrumentum iustitiæ diuinæ: quæ bona est, Sic quoque benedici potest ignis, quo quis torquetur, vt salutem consequatur. Iuxta illud Apost. Vniuersis quæ opus quale fuerit, ignis probabit. Si cuius opus arserit igni, detrimentum patietur; ipse autem saluus fiet. Ignis igitur crucians maledictos, alios purgat, vt saluentur. Benedictum tamen fuit lignum crucis, in quod reducta fuit omnis Mundi iustitia, patiente primo homine spirituali, ad expurgandum delictum primi hominis animalis: & in quo ipse homo spiritualis præbuit

buit vim qua regeneraremur omnes immaculati. Nam (vt *Augustinus ait*) de latere Christi patientis exiuit virtus baptismi, in quo regeneramur. Et si maledictus sit, qui pendet in ligno, quia sic lege statutum erat. Et etiam quia (vt altius cōscendamus) sicut omnis remunerandus benedicitur: sic omnis puniendus maledicitur. Quod clarè discere possumus à forma sententiæ quam Christus dixit se laturum in extremo iudicio. Nam bonis dicet: Venite benedicti Patris mei, percipite regnum. Punientis verò: Ite maledicti in ignem æternum. Cùm igitur suspendendus in ligno, esset condemnatus, consequenter, & maledictus erat: id est, malo dicatus. Sed cùm Christus adiudicatus fuerit cruci, non tantum à Pilato, sed à Patre æterno (*sicut scriptum est:*) Filius quidē hominis vadit, sicut scriptum est, seu definitum est de eo, ideò videtur fuisse maledictus. Vnde ait Apostolus: Christus factus est pro nobis maledictum: quia maledictus omnis, qui pendet in ligno. Quod sanè declarando dicimus, quòd Christus suscepit omnē sententiam, quam merebat quicunque transgressor, & consequenter maledictionem: vt sublata maledictione, omnes benedicerētur. Hinc
ibi

ibi dicit Apostolus: Christus nos redemit à maledicto legis. Et iterum: Maledictus fuit, vt in gentibus benedictio Abrahæ fieret in Christo Iesu. Auctoritas Zachariæ igitur in qua in cap. 9. dicitur: quòd Mes-
siah erit iustus, & Saluator: adimpleta est in Christo, qui fuit verus Deus: verbum enim præcedens dicit, hu מָשִׁיחַ : id est, ipse est Saluator iustus alios iustificans: quia, nisi fuisset Deus, non saluatus fuisset homo: Et illud hu, Diuinitatem significat: vt in præcedenti conclusione patet.

P. M. *Per dicta Cabalistarum de rubedine Esau, & dictum illud, quod est in libro beresit Rhaba, quod Esau fuit rubeus: & rubeus eum ulciscetur. de quo dicitur: quare rubeum est vestimentum tuum, habetur expresse, quod Christus, de quo nostri doctores eundem textum exponunt, ille erit, qui ultionem faciet de virtutibus immundis.*

P. A. Varij homines varios à planetis tam materialibus, quàm Diuinis influxus recipiunt: vt Abraham subest Gedulah pietatis plena: & Isaac subest Geburah, timore, ac iudicio abundans, &c. Sic pariter de ceteris dicatur creatis: vt nix, aqua, lana, argentum,

gentum, & quæque alba misericordiam prætendunt, & ponuntur in Gedulah: Aurum item, & purpura, ignis, & omnia rubea prætendunt iudicium, & ponuntur in Geburah Aquilonari. De quo Eſai. Ab aquilone venit aurum. Color viridis, qui de extremis participat coloribus, venit à Ti-pheret medio inter Gedulah, & Geburah. Christus verò fuit rubeus, dicente Eſaia vice Angelorum: Quis eſt iſte, qui venit de Edom, tinctis veſtibus de boſra? Edom, vel potiùs Adom, idem eſt, quod rubeus. Et Chriſtus vt hoſtia venit de Geburah rubea. Angeli igitur (*ſecundum Dionyſium*) videntes Chriſtum aſcendere cum triumpho ex victoria parta in cruce, dixère: Quis eſt iſte qui venit, &c. Et venit de Edom, quod *carnem*, & *sanguinem* ſignificat. Hinc dixerunt: Quare rubrum factum eſt indumentum tuum, intinctum videlicet de Boſra, quod *vindemiam* ſignificat. Factus nanq; fuit (*vt Michaas ait*) ſicut qui colligit in Autumno racemos vindemiæ. Vindemiauit enim vineam ſuam, de qua plerique in locis habetur. Et vindemiauit fructus nondum produetos ab ijs, qui eum ſecuturi erant: nam ait Iohannes: Agnus occiſus eſt ab origine Mundi. Hinc tunc decreti fuerunt
omnes

omnes fructus colligendi in omnibus futuris, & temporibus virtute crucis: in qua vindemiauit, & præbuit, vnde fructus producerentur. Lex etiam Mosaica, eò quòd lex erat timoris, & pœnæ; venit à Geburah: ideo, dum daretur, mons fumigabat, tonitrua, & fulgura audiebantur. Quare autem Christus, vt hostia ab illo loco veniret, est, quia, per quæ quis peccat, per ea puniri debet: cum sit ergo quod homo per sanguinem, & carnem peccauerit; quia caro, & sanguis regnum Dei non possidebunt: Ideò Christus volens pro nobis satisfacere venit in sanguine, illum pro nostra salute effundens. Vnde Esai. Liure eius, scilicet Christi, sanati sumus. nam naturæ ordo hoc exigit, quòd ægrotante corpore medicina sumatur à capite in beneficium omnium membrorum. Cum igitur Christus (*teste Apostolo*) factus sit caput corporis Ecclesiæ, & mystici: quod ad similitudinem corporis nostri ordinatum est. Et hac medicinam amarâ pro nobis sumere debuit omnibus, propterea sentiens ipsius medicinæ horrorem, ipse Christus caput nostrum: Orauit Patrem, dicens: Pater, si possibile est, transeat à me calix iste: statim tamen voluntati paternæ se submit-

tens.

tens. Ideo ait Esai. de Christo in persona Patris loquens : Propter peccata populi mei percussi eum. Et hoc per animalium sanguinem præfiguratum fuit qui figuratiuè effundebatur in peccatorum remissionem, & efficaciter in carnis emundationem : sanctificabat enim ille animalium sanguis carnem ; de hinc præfigurabat Christi sanguinem animam sanctificaturum : ideo Christus fuit rubeus tanquam totius humanæ naturæ caput, medicinam sumens, ut membris præberet sine amaritudine sanitatem. Et propter hoc etiam instituta est circumcisio, tanquam quid passionis Christi figuratiuum : nam (ut ait Paulus) ferè omnia in sanguine mundabantur : quia per Christi sanguinem omnia sanctificanda erant : venit ergo Christus à Geburah : ex qua dimensione veniunt ministri iustitiæ Dei : quare dicitur, ab aquilone omne malum : id est, Angeli tortores, quos & benè Elohim Scriptura vocare consuevit : id est, filij Dei punientis scilicet Geburah. Christus verò, qui illos debellare venerat, emisit sanguinem suum, quare dixere Angeli in ascensu Christi in cælum : Quis est iste qui venit, &c. ad significandum, quod per sanguinem suum pro nostris peccatis satisfac-

M fecerit,

fecerit, figuratis per carnem & sanguinem. Dicit igitur conclusio (per dicta Cabalistarum de rubedine Esau) Cabalistæ dicunt, quod Esau rubeus, rubeum Messiam per carnis assumptionem significat (in libro bresit raba) id est, in libro Geneseos ampliato magis, quàm Mosis Genesis dicitur (quod Esau fuit rubeus:) nam Esau significat *hominem animale*, qui Edom: id est, *rubeus*, vel *sanguineus* dicitur: cuius filij, cum sint ei similes, eodem nomine, quo & pater, appellantur. Iuxta illud Apostoli: Primus homo de terra terrenus: secundus homo de cœlo cœlestis. Qualis terrenus, tales & terreni, & qualis cœlestis, tales & cœlestes. Significat etiam naturam humanam ex peccato per carnem, & sanguinem contracto rubeam (& rubeus) scilicet Messias existens in peccati carnis similitudine (eum vlciscitur) vindicando Dæmones, maximè Samaelem, qui in cratera inferiori correspondet Geburah, & in huius signum dixit: ponam sedem meam ad Aquilonē, & ero similis Altissimo, Christo videlicet venturo in Geburah quò à Christo superato, dixit Christus: nunc princeps huius Mundi eijcietur foràs, ipsum spoliando, & eius sequaces aquilonares (qui

vltio-

ultionem faciet de virtutibus immundis) & hoc, quando fuit in cruce exaltatus. Idem ait Christus: Si exaltatus fuero à terra, omnia traham ad me, à nobis amouendo, peccati pondus. Et hoc est quod dicit Paulus, inimica destruetur mors. Et hoc erit cum ad patriam deuenerimus: de qua dicitur: Et mors ultra non erit. Sed prius in terfecto Antichristo (*ut Paulus testatur*) à spiritu Domini Iesu. In ipso enim Antichristo Diabolus, qui & Angelus mortis, & ipsa mors appellatur, omnem vim, omnemque robur suum collocabit, adeò ut eo destructo pereat omne robur eius. etiam hoc adimplebitur, quando à Christo dicetur: Ite maledicti in ignem æternum; cruciandi videlicet cum Diabolo, sublata ab eo omni potestate tentandi; & nocendi. Quod tamen erit in virtute crucis Christi, in qua ipsum iam debellauit, ut ipsemet perhibet, dicens: Nunc, id est, cum crucem ascendero, princeps huius Mundi eijcietur foràs: & omnia traham ad me ipsum, & sic per passionem Christi debellatus fuit hostis.

*Per illud dictum Hieremiæ: Lacerauit P. M.
verbum suum, secundum expositionem*

Cabalistarū, habemus intelligere, quòd Deum sanctum, & benedictum laceravit Deus pro peccatoribus.

F. A. *Deus laceravit.* hæc positio de se est falsa, cùm Deus sit impassibilis, & illacerabilis. Deus enim est ab omni iactura immunis: quare positio supradicta est abusiua locutio, nisi dicatur: Deus est in humanitate passus: & est communis expositio, non tamen sequitur. Deus in humanitate passus est. Igitur Deus est passus. Si Deus non patitur, quomodo igitur pro nobis passus est. Ad notitiam igitur huius habendam, sciendum, quòd sicut hæc est vera: Verbum caro factum est, ita & Deus passus est. prima de rigoris sermone est falsa: nam valet à tertio adiacente ad secundum adiacens. Sic verbum caro factum est: verbum igitur factum est: consequentia non tenet: nam verbum non est factum. Errârunt fortè traductores textus huius, sicut errauit in Genesi Biblia traducens, vbi dicitur: Fiat lux, & facta est lux: quæ est falsa: quia lux non fit, cùm æterna sit: lux enim illa idem est, quod Deus, omnem illuminans naturam seu creaturam: vnde textus Hebræus habet: Iehi: id est, *fit*, hor: id est, *lux* *vinifi-*

viuificans, videlicet omne viue : sic à simili, fortè voluit textus habere : verbum fuit caro : id est, repleuit animam Christi & consequenter totam carnem Diuinitate: Deus enim totum replet Mundum, teste Hieremia : Cælum, & terram ego impleo. Et Virgilius de mente Platonis, ait:

Spiritus intus alit, &c. Et Orpheus:

Deus est quodcūq, vides, quodcūq, mouetur,
&c. Et quamuis omnia Deus impleat, perfectiori tamen sorte hominem : qui cæteris creatis est magis Diuinitatis capax: quia (*secundum Pythagoram*) Diuinum genus hominibus inest. quare Christi discipuli, repleti fuerunt in Pentecoste, prout Dauid prædixerat, dicens : Repleti sunt omnes Spiritu sancto, &c. De Mose dicitur: quòd erat vir Diuinitatis plenus. Huius repletionis causa naturalis assignatur ab Aristot. dicente : Non datur vacuum in natura : ita nostris in animis. Animæ igitur nostræ, aut Dei sunt plenæ, aut Diaboli. Vnde à Luca dicitur; & ingressi habitant ibi: ingressi inquam primo recedente Deo. & è contrario. & quantò vna anima est melior, tantò Diuinitatis est plenior: cùm ergo Christus fuerit magis Dei plenus quàm cæteri omnes, ideò propter Antoninam

siam dicitur chrisma. vnde Christus, Messias, & vnctio idem est Chrisma, & oleum idem sunt: oleum verò, & Diuinitas idem etiam existunt: nos igitur dicimur Christiani: quia vncti sumus: Diuinitate nobis inhabitante, dummodo in gratia existamus: & qui magis est vnctus, plus de Diuinitate participat: & quoniam Christus est magis nobis vnctus prout prædixerat Dauid, dicens: Vnxit te Deus, Deus tuus oleo lætitiæ præ participibus tuis. adeò, vt excellentiorem omnium effecerit in Diuinitate ipsa communicata. quare per Antonomasiā, & Hyperbolem quandam dicitur Deus: sicut vinum nimis lymphatum dicitur aqua vinata, versa vice vinum modicè lymphatum dicitur vinum lymphatum: nam virtus vini excedit aquæ virtutē, in primo è contra. Ita nos, & sancti participamus de Diuinitate primo modo, Christus autē secundo modo. Videas, quomodo dicitur primò Deus: quia Diuinitas excessit humanitatem in Christo: fuit tamen Christus semper homo, ob hoc igitur Christus dicitur vera vnctio, & Messias, quæ idem sunt. Nos verò homines Deati, siue Deificati. Primò ergo dicimur homines: quia in nobis est magis de humanitate, quàm

te,quàm de Diuinitate:quare non dicimur Christi, sed Christiani: Nam sicut Christiani nomen à Christo nomine descendit: ita vnctio nostra ab vnctione Christi deriuatur, prout prædixerat Dauid, dicens: Sicut vnguentum in capite, quod descēdit in barbam Aaron, quòd descendit in oram vestimenti, &c. Vnguentum istud fuit diuinitas: quæ primùm Christo abundantius fuit, illi communicata, scilicet pro se: & pro nobis tanquam capiti, & conueniens fuit, vt quem Deus excellentiorem, regem, sacerdotem, & redemptorem constituerat, illum Diuinitate quoque magis decoraret: quod oleum in sancta Scriptura dicitur: ideò primò Christum tanquam caput vnxit: deinde descendit in barbam Aaron: id est, in Sacerdotes: qui dicuntur sacerdantes: à Sacerdotibus descendit in vestimenti oram: id est, ad plebem per sacramenta à Sacerdotibus ministrata. nec obijciant aliqui: dicentes: quod vnctio ista nō arguit in Christo Diuinitatem, sed tantummodò coniunctionem. Christus enim declarat qualis fuerit huiusmodi vnio, dicens: Rogo, Pater, vt, sicut ego, & tu vnum sumus, ita & isti vnum sint in te. Vnio verò Christi cum Deo qualis fuerit, decla-

rat ipse, dicens: Ego in Patre, & Pater in me est. Et alibi: Ego, & Pater vnum sumus; quæ omnia Paulus declarat, dicens: Qui adhæret Deo, vnus spiritus efficitur cum illo. Si ergo omnes effici possunt vnus spiritus cum Deo, cur non erit cum ipso vnus ille: qui propter Antonomasiā dicitur Messias, Christus, & vnctus, videlicet, Diuinitate: qua adeò plenus erat, vt de eius plenitudine omnes accipiam⁹. Ad rem igitur: Verbum caro factum est: id est, Verbum fuit caro: replendo videlicet animam, & carnem Diuinitate, humanitatem excedente: quam obrem Christus dictus est Deus: à simili, ad conclusionis propositum (Deus lacerauit verbum suū:) id est, Deus lacerauit Christum hominem, factum Deum exsuperanti Diuinitate: hoc supposito, non sequitur quodquam inconueniens, videlicet, quòd Deus sit laceratus: sed, quòd homo factus Deus, sit laceratus. Et ad hunc sensum exponit Bonauentura illud Iacobi dictum: Suscipite insitum verbum: id est, incarnatum: quia humanitas tota per Adæ peccatum sterilis admodum terra facta est, & infructuosa: idcirco, si bonum operatur, hoc fit ex insito verbo: id est, Diuinitate à nobis parti-

participata. Exemplum arboris sterilis, in qua inseritur arboris fertilis ramus: ille ramusculus tantæ existit virtutis & efficaciæ, quod arboris sterilitatem deuincēs, reddit illam fœcundam bonorum fructuū, suo generi conuenientium: ita humanitas nostra sterilis arbor existens, vnctio Diuinitatis per Christum in nos diffusa, tanquā per caput, facit nos fructus bonos producere: iccirco ait Christus: Sine me nihil potestis facere. Verūm hæc vnctio, siue Diuinitas tali modo in Christo est insita, vt humanitatem superârit: & ita Deus dicitur incarnatus: quia Christum perfudit Diuinitate, at non, quod Deus descendens de cœlo in terrā: sed vt Sol in viscera terræ radios suos emittens, & tamē Sol non descendit de cœlo, est etiam habens diuinitatem, quare est persona diuina.

Per responſionem Cabalistarum ad quæſtionem, quare in libro Numerorum cōiuncta eſt particula mortis Maria, particula vitula ruſa, & per expoſitionem eorum ſuper eo paſſu, ubi Moſes in peccato vituli dixit: Dele me, & per dicta in lib. Zohar, ſuper eo textu: Et eius liuore ſanati ſumus. Redarguuntur in-

P.M.

M 5 cui-

euitabiliter Hebraei, dicentes, non fuisse conueniens, ut Christi mors satisfaceret pro peccato humani generis.

P. A. In hac conclusione Doctor intēdit probare, qualiter quis pati potest pro alio ita ut pro peccatis proximi satisfaciat. Et primo adducit quandam Cabalistarum respōsionem, quam faciunt super hanc quæstionem: quare Numeri 20. ponitur mors Mariæ sororis Moſis, ordo oblationis virulæ rufæ: ponitur Numeri 19. vnde ibidem dicitur: Locutus est Dominus ad Moſen, & Aaron, dicēs: Ista est religio viſtimæ quam constituit Dominus: præcipe filiis Israël: ut adducant ad te vaccam rufam ætatis integræ: in qua nulla sit macula: nec portauerit iugum: tradesq; eam Eleazaro Sacerdoti: qui eductam extra castra immolabit in cōspectu omnium. Et tingēs digitum in sanguine eius, asperget contra fores tabernaculi septem vicibus: comburetq; eam cunctis videntibus, &c. & inferiūs: Hæc vacca pro peccato combusta est. & sic per totum illud capitulum, dicit efficaciam emundationis huius virulæ rufæ. Et, licet omnes expiationes à summo legislatore fuerint mixto ordine constitutæ, mysteriū tamen vac-
cæ ru-

cæ rubeæ excellentissimum, & super alia sacrificia celeberrimum existimatur. Cum id ordinatum esset in expiationem immanissimorum scelerum, & transgressionis primorum parentum, & conflati vituli. *In expiationem* dico, quatenus figuratiuum patiebatur sacrificium: nam verè omnia expiantur in Christo. Et, quò hoc mysterium de vacca rubea excellentius redemptionis opus præfigurauit, eò est celebrius. Cuius mysterium aliququaliter percurramus. primò vacca, siue vitula eligitur, tanquam debilior sexus; ne credamus expiationem fieri ex virtute ipsius animalis: non enim ex animali, sed ex diuino numine influebantur: vnde expurgatio fieret, scilicet, à Christo rufò, carnem ab homine rufò trahente scilicet ab Adam. cuius nominis prima litera est aleph א, & est litera diuinitatis: & Dam ד, quod *sanguinem* significat: quapropter Paulus vocat Christum, Adam secundum: quia per aleph א literam denotatur eius Diuinitas: & per Dam, eius humanitas sanguinolenta. Dictus est etiam David electus Domini: Hebraicè admoni: id est, *rubeus*. fuit enim David rufus, ita & Christus in cruce: & in personâ quoque, vt picturæ docent, fuit etiam rubeus,

rubeus, in vestibus, ita, vt (*Dionysio teste*) Angeli admirantes, dicerent illud Esaiaë: Quare rubrum factum est vestimentum tuum. Et hoc ratione feruoris sui, in sua vestimenta diffusi. Fuit igitur hæc vacca rufa, ad figurandum expiationem, faciendam per hominem iustum cœlestem, à peccato cōtracto per hominem rubrum terrenū. Et hæc perfecta esse debebat, & nulla macula deturpata, alterius videlicet coloris. nullūq; iugum seruitutis portare assueuerat: vt plenè indicaret expurgationem, quæ fieri debebat in lege libertatis, perfectissima fore ab eo, qui ab omni seruitute nos liberauit. Iugulabatur quoq; vitula ipsa extra castra: propterea, & Iesus, vt sanctificaret per sanguinem eius populum: extra castra passus est, vt expiaret eos quoque, qui per peccatum extra cœtum iustorum exclusi erant, iuxta illud Saluatoris: Non veni vocare iustos, sed peccatores, & alibi: Venit Filius hominis querere, & saluū facere, quod perierat. In sanguine quoq; vitulę iugulatę, Sacerdos intincto digito aspergebat cōtra fores tabernaculi septies numerus quidā remissionis, vt iudicaret remissionē in sanguine agni hominis holocausti faciendam, qui etiā ipse solus est ostiū, per quod ad salutem

lutem ingredimur. Et fuit combustus ab illo igne, quem ipse in terram mittere venit. Cabaliftæ igitur dicunt, quod sanguini vitulæ subsequitur mors Mariæ: ad significandum, quod oblatio illa vitulæ pro peccato Mariæ, contra fratrem suum murmurantis, eam à morte liberauit: id est, à peccato à fortiori, sanguinis Christi albi per innocentiam: & rufi per charitatem sanare debet à culpa, ut ait Paulus, differēs cū Hebræis. Si enim sanguis hircorum, & vitulæ aspersus sanctificat ad emundationem carnis, quantò magis sanguis Christi. Immolabatur etiam vitula in testimonium homicidij non commissi: id est, fiebat in testimoniū infamiæ. Sed ut ad altiora cōscendamus. Vitula offerri iubetur, quæ non portauerit iugum significās Christum, qui nullum portauit iugum peccati. Vnde immolabatur in testem innocentiae in figuram Christi, qui à Iohanne dicitur testis verus & fidelis. Nec enim poterat haberi testimonium verum, illius occulti homicidij, cadaueris videlicet inuēti, nisi ab illo summo veritatis fonte, qui ait: Ego sum veritas. Sicut igitur fiebat multæ expiationes per animalia, Christum omnium propitiatorem figurātia. Sic fiebat dilucidatio veritatis per animal illud,

Iud, quod ipsum veritatis fontē figurabat.
Et expurgatio illa fiebat in mysterium expiationis factæ ab vniuersali peccato. Nam cadauer inuentum in via est humanum genus, quod in hac peregrinatione fuit occisum ab illo Serpente: per quem (*vt inquit Apostolus*) mors introiuit in omnes. Vnde de mandatū fuit, vt causa diuolueretur ad seniores (*vt in textu habetur*) illos forsitan, de quibus Iohānes ait: Et supra thronos viginti quatuor sedebant viginti quatuor Seniores, astantes videlicet summo iudici Deo. Ex quorum quidem seniorum consilio accipiebatur vitula à iugo libera, caro videlicet Christi, & deducebatur ad vallem asperam, & saxosam, nunquam aratam: pro cibo videlicet pietatis præstando (quæ val-
lis indicat Caluariæ locum, vbi non arabatur, sed puniebatur rei mortis, & ibi expi-
batur homicidium istud causatum, non ab homine simpliciter, sed à Diabolo occultè procuratum. adeò vt inter mortales author huius homicidij reperiri non posset. Potest ergo quis pro alio mereri. Et hoc idē probatur alio medio sic. Moses ascendit in montem, vt legem acciperet: vidensq; populus, quòd moram faceret Moses, descendit de monte: cōgregatus aduersus Aaron, dixit

xit: Surge fac nobis Deos, qui nos præcedant: quod & fecit, formans opere fusorio vitulum conflatilem: dixitque: Hi sunt Dij tui Israël, qui te eduxerunt de terra Ægypti, &c. Quamobrè iratus Dominus, dixit Mosi: Dimitte me, vt irascatur furor meus cōtra eos, & deleam eos, faciamq; te in gentem magnā. Moses verò fidelis in tota domo Dei orabat Dominum, dicēs: Cur Domine irascitur furor tuus contra populum tuū, quē eduxisti de terra Ægypti in fortitudine magna, & in manu robusta: ne quæso dicant Ægyptij: callidè eduxit eos, vt interficeret in montibus: Quasi diceret Moses: De me nihil curo. Dele me de libro, in quo me principem super hunc populum elegisti: & alium cōstitue in eorum ducem: & parce populo. Non enim intuitu honoris sui orationib. obstabat, sed honoris Dei: ne scilicet æmuli Deum diffamarent: tanquam populi sui illusorē. Ex his patet Mosi fidelitas in tota domo Dei: & ideò Moses fuit exauditus: quare placatus est Dominus, ne faceret malū, quod locutus fuerat aduersus populū suū. Moses ergo potius elegit deleri de libro vitæ, quàm permittere, vt destrueretur populus. Nec enim peccauit eligens separari à Deo: imò summum

num indicauit signum fidelitatis in Deū; cum prætulerit gloriam Dei suo cuius cōmodo: illi potissimè, quòd omnibus charius esse debet Iuxta dictū Saluatoris: Nolite gaudere, quia spiritus vobis subiiciuntur: sed quia nomina vestra scripta sunt in cœlis, vel in libro vitæ. Id verò neglexit ob gloriam Domini, dicens: Ne fortè dicant Ægyptij, callidè eduxit eos, &c. & iterum recordare Abraham, Isahac, & Israël seruatorum tuorum, quibus iurasti, &c. Quasi diceret: ne dicāt impij te fuisse transgressorem fœderis & promissi patribus facti de terra posteris tradenda. Nec enim me mouet, quòd his peremptis maiori (vt promittis) pōpulo præficiar. Nam tuam, non meā gloriam quæro, quam etiam salutē propriæ præfero. Et ideò Moses dictus est fidelis in tota Dei domo, cum pro omnium salute tā instāter deprecatus sit: vt etiam pro ea impetranda proprij commodi (vt nuper dictum est) oblitus fuerit. Fidelis quippe fuit Noeh in generatione, ac familia sua tantū, cum pro eius salute Arcam fabricauerit. Verūm Moses nunquam Deo acquiescere voluit: nisi prius obtenta pro tota Dei familia salute. Fuit etiam Moses fidelis in tota domo Dei: cum primo honorem Dei procuraue-
rit.

rit. Etiam nedum figuratiuæ domus & familiæ, sed etiam figuratę, quę ex figuratiua procedere debebat, salutę procurauit, dicens: Mitte quem missurus es. Ergo vnus pro alio mereri potest: quia petebat pati pro populo suo. Ita à simili Christus potuit pati pro nobis: primò enim passus est pro peccato in cœlis commissio ab Angelis: æqualitatem Christi desiderantibus: quare ipse de se attulit figuram Ionę dicētis: Propter me orta est hæc tempestas, proijcite me, &c. Angeli enim expiati fuerunt per sanguinem Christi, vt Paulus innuit, dicēs: Pacificans per sanguinem crucis eius, siue quę in cœlis, siue quę in terris sunt. Et quamuis sanguis exquiratur in expiatione peccati, quod per sanguinem contrahitur: Angeli tamen per sanguinem expiantur: & si ipsi carne, & sanguine careant. Vnde Paulus ait: *Pacificans*, non autem, expurgans: pacificauit enim accusatores nostros, qui in cœlo coram tribunali Diuino exquirebant sanguinem in expiationem peccatorum nostrorum: quem lex, non sine magno mysterio exquirat. Expurgauit itaq; quę per sanguinē inquinata sunt, quę autem per ignem superbię, igne expiantur: alia verò per aquam. Sicut

N in

in libro Numerorum dicitur: Omne quod transire potest per flammam, igne expurgabitur: quicquid autem ignem sustinere non potest, aqua expiationis sanctificabitur. Hinc Paulus nō dicit absolute, omnia, sed penè omnia mundantur in sanguine. Angeli enim superbiæ, igne expiantur, qua expiata quomodocunque pacificati sunt. Similiter propter Christum, quoniā orta est tempestas peccati Adæ, in voluptatis paradiso existentis; desiderans ipse quoque gradum Messiaë. Imò necesse fuit Christum pati: alioquin nec Mariæ peccatum, nec Moysis in aquis contradictionis, nec Aaron in conflatione vituli, nec Dauidis dimissum fuisset, prout ipse dicit: Quoniam si voluisses, sacrificium dedissem, holocaustis utique non delectaberis. Et concludens alibi dixit: In te Domine speravi: quoniam tu es, qui restitues hæreditatem meam mihi. Et huius ratio est, quia horum peccata fuerunt in Spiritum sanctum, ideo inexpiabilia, solū verò per Christum Dei filium. Et huius ratio est: quia familiares Deo, & à secretis eius adeò, ut omnia penè arcana sibi reuelata fuerint participesque Diuini verbi, & virtutum sæculi venturi: errârunt, *ut dixi*. Et de huiusmo-

iusmodi dicit Paulus: Quod semel prolapsi, impossibiliter per pœnitentiam releuantur, nisi (intellige) à Christo mediatore: prout prophetauit Esaias: Liore eius sanati sumus. quod dictum exponit Elzohar de Mefsiah: qui sua morte omnes sanauit. Multa sunt peccata quę per legem morte plectebantur. Et primò blasphemi: qui lapidabantur, & homicidæ, qui interficiebantur: vt in Leuitico habetur. Adultera quoque, & Mœchus lapidibus obruebantur: vt in Deut. Et Leuitico habetur. pari modo, & coiens cum bestia, aut fœmina, iumento se supponens, vt in Exod. & Leuit. demandatur. Nec secus cum masculo coiens coitū fœmineo. Quod vitium nonnulli vocant contra naturam. Similiter filius proteruus. sic & violātes Sabbathum lapidabantur, vt in libro Numerorum legimus. Et visum fuit, vt huiusmodi expiarent peccata morte propria. Quia sacrificia figuratiua huiusmodi peccato expiare nequibant dictante diuina sententia, quòd ij erant rei mortis: Ideò morte animalium expiari nō poterant, sed sola morte illius, qui omnes, tanquā pater, & prima omnium origo in se cōtinebat. Vnde in eius morte aliquomodo moriuntur, & eius

sanguine expiantur, sicut per sanguinem, & semen primi parentis infecti, omnes inficiuntur. Et tam gratum fuit obsequium Deo huius oblationis, quam Christus fecit pro omnibus, ut acceptaret illam pro peccata, quam omnes mortales pro delictis suis sufferre debebant. Iuxta illud Isaïæ: Dolores nostros ipse tulit. Et expressè habemus in Scriptura, quòd Christus tulerit omnia peccata supradicta, pro eis satisfaciens morte sua sola. Id habemus à Paulo, dicente: neque per sanguinem hircorum aut vitulorum, sed per proprium sanguinem introiuit semel in sancta, æterna redemptione iuante. Et alibi: Nunc autem reconciliauit in corpore carnis eius per mortem exhibere vos sanctos, & immaculatos. Quod & Isaïas apertè prædixerat, ut patet intuenti, & cognoscenti vim vocabulorum, quibus ipse vritur. Omnia enim peccata, quæ sacrificijs expiabantur, vocabantur *chatah* חטא seu *chatah* חטא, siue *assam* אשם, aut *saga* שגא; id est, peccatū per fragilitatē aut per incuriam commissum, vel defectus in explendis commissis maximè sacris, & huiusmodi. Sunt quoque alia peccata graviora, quæ dicuntur *hauon* חון: id est, *iniquitas*, *ressa* רשא: id est, *impietas*, & *pessah* פסח: id

id est, *rebellio*, in quorum numero est Blasphemia, homicidium, adulterium, & reliqua supramemorata, quæ per sacrificia nūquam expiata fuisse leguntur. Quod autē huiusmodi per Christum expianda essent, Isaias perhibet, dicens: Et posuit Dominus in eo iniquitates omnium nostrū. Vbi in Hebræo habetur, hauon culanu עון כלני. Et iterum: & ipse infirmatus, vel vulneratus est propter scelera nostra, percussus propter iniquitates nostras. Et iterum: propter scelus populi mei percussi eum. Hinc habetur fortissimum argumentum, cui nullus adhuc Hebræus potuit respondere: in probationem, videlicet quòd Christus esset vêturus ad tollenda peccata: quæ per sacrificia tolli nō poterāt, quod cognoscens David, qui homicidij reus erat, dicebat: quoniā si volūisses, sacrificiū dedissem: utique holocaustis non delectaberis: id est, non placaberis: vel holocaustum non placebit: ut Hieronymus benè interpretatur. Nec enim per sacrificium aliquod expiari vnquam potuit homicidium, nisi per oblationem illius, qui mortem destruxit, & vitam omnibus condonauit. Nam virtute ipsius absolui mus ab homicidio. Quod tamen temerè vel facilè fieri non debet, nisi

prius fartiantur damna ex morte interfecti illata. Mors igitur Christi adeò fuit efficax & fufficiens Tribunali illi, vt cuius fufficiat, qui reus mortis reperitur. Vnde ficut fuit interfectum totum genus humanum ex radice primi parentis infecta: Ita omnes expurgantur per radicem regenerationis, quæ eft Chriftus. Hinc Apoftolus audacter dixit: Sicut in Adam omnes moriuntur: ita & in Chrifto omnes viuificabuntur, & à morte liberantur. Potest ergo vnus pro alio pari, & mereri. Et fic Chriftus pro omnib. paffus eft.

P.M. *Quilibet Cabalifta habet concedere, quod
Meffias eos à captiuitate Diabolica, &
non temporali erat liberaturus.*

F.A. Mefiam futurum Deum, & hominem non eft sanæ mentis, qui ambigat: quod oftendunt verba Iahacob: non auferetur fceptrum de Iuda וְיָחִיד הָיָה הָיָה hoc in nomine cōtinentur omnes quatuor literæ Tetrag. וְיָחִיד, interposita litera dalet, ד, quæ quatuor importat in numeris. ex quo innuitur Diuinitas, & Regia Maieftas: quæ continentur in tetrag. habita ac inuenta fuisse in corpore humano quadrario ex quatuor elementis: quibus eft compositum. Cùm igitur
tur

tur Melsiæ competat illud sacrum nomen
 & fuerit verus homo, facile intelligimus i-
 psum esse verum Regem supramūdanum,
 & de vera tribu Iuda; quamvis pro tempo-
 re peregrinationis suæ latuerit in quadra-
 rio corpore humano: nunc autem Regia
 pompa est in solio cœlesti, cum qua appare-
 bit in secundo aduentu etiam mortalibus:
 ut ipse testatur: Cū venerit Filius homi-
 nis in sede Maiestatis suę, &c. Si futurus er-
 go Melsias est Deus, in meliorem igitur
 sortem reducturus erat populum Israël, is,
 quàm Iehuda possederit: quare, interro-
 garus Christus à Pilato, an Rex esset, re-
 spondit: Tu dicis, quia Rex sum ego: Re-
 gnum meum non est de hoc Mundo. Sed
 supramundanam radicem habēs in arche-
 typo, Malchut dicto: à quo descendens ori-
 ginē traxi. Quare dixit alibi: Exiui à Patre,
 & veni in Mundum: iterum relinquo Mū-
 dum, & vado ad Patrē. cū exaltatus fue-
 ro, omnia traham ad me: liberando eos à
 captiuitate satanica: primò eius culpam au-
 ferendo, postremò illis conferendo gratiā.
 Ideò malefici nostri temporis nihil aut pa-
 rum operantur respectu antiquorum. Eo
 quia sublata est potestas malarum virtutū:
 quarum fauore multa faciebant Antiqui:

sicut summ⁹ princeps prestat⁹ est, dicēs:
Nunc princeps huius Mundi eiicietur for-
rās. cuius eiectionis tria evidentissima si-
gna habemus. Primum enim est, quia iam
non amplius Diabolus adoratur in Mūdo.
Quamvis nescio quid, de quibusdam Indis
particularibus dicatur: sed vnus flos, non
facit ver. secundum est, quia vlteriū dæ-
mones non dant responsa, vt olim sole-
bant. sicut Plutarchus longo sermone dis-
ferit. Citans Plotinum, Cleombrotum,
& multos alios. Tertium, quia oblata est
in aduentu Messiae, diaboli potestas sicut
Porphyrus veritate compulsus perhibet,
dum ait:

Ablata est Pythij vox haud reuocabilis vlli

Temporibus longis: etenim iam cessit Apollo

Clauibus oclusus silet.

Hinc quidam
malus Dæmon apertè Cypriano con-
fessus est, dum veller Iustinæ animum
ad amorem suum flectere, quòd Christus
in eos præualuerat: Et nostris tempori-
bus nonnulli artem magicam callentes
dixerūt, se habuisse ab ipsis spiritibus, quòd
Christus ab eis potestatem abstulit. Hinc
parum vel nihil huiusmodi malefici fa-
cere possunt: Christus igitur traxit ad
se omnem potestatem inimici. Ideò di-
xit:

xit : Cùm exaltatus fuero à terra, omnia traham ad me ipsum. Omnia videlicet numina & virtutes rerum, & nominum quoruncumque. vnde Paulus: Quoniam complacuit, scilicet Patri in ipso habitare omnem plenitudinem. Et iterum, expolians principatus, & potestates, palàm triumphans, illos traduxit in se ipso. De huiusmodi liberatione habetur Exod. vbi dicitur : Quia manus super sedem Dei ad pugnandum pro Domino contra Amalec in generatione, & generationem Amalec iste pugnans contra Israël, fuit nepos Esau: quem Deus oderat, natus ab Elipham filio ipsius, nefaria commixtione cum Tamna concubina. In quem tota pollutio & immunditia Hesau collecta fuit. Vnde Dæmoniacus totus erat. Imò diabolicus, nedū figuratiuè, sed per proprietatē. Sicut de proditore dixit summa Veritas : Vnus ex vobis Diabolus est. Hinc ipse Hamalech summo Deo, eiusque primogenito Israël, ac omni cælorum hæredi semper inimicus fuit. Et manus ista quæ est super sedem Iah יי: id est, Dei, pugnans contra Hamalech, dor dor דור דור: id est, à generatione in generationem: vt in Exod. dicitur. Facta est, vt suauior esset concentus operum Dei : ipse

summus moderator statuere voluit malum contra bonum penè in omnibus. Eo igitur ordine statuit principem lucis Christum, contra principem tenebrarum Diabolum. Contra quem ipse Christus ab origine Mundi (*teste Iohanne*) occisus est. Et ipse est manus aut virtus cui dictum est : Sede à dextris meis : Quæ manus adeò pugnavit, ac pugnat contra Diabolum : ut, quisquis vicerit, & vincat, eius favore vicerit vincat. Iuxta illud Apost. Deo autem gratias, qui dedit nobis victoriam per Iesum Christum. Ipse enim expolians principatus, & potestates (*ut idem Apostolus perhibet*) palam triumphavit in semetipso. Manus igitur fuit primò in se, postea in Davide ׀׀׀ qui per numeros more, & ordine Hebræorum (quem ipsi *Ghemateria* dicunt) quatuordecim reddit : quot & Iad ׀, idem manus. Hinc non sine causa & mysterio dicitur, quòd David debellavit Amalech. Quem & omnes veri christicolæ debellare debent, edocti à principe Christo, qui ait: nunc princeps huius Mundi eiicietur foras. De qua pugna loquitur Moses in libro Num. dicens : Iccirco dicetur in libro bellorum Domini, qui est Euangelium, quod dicitur liber bellorum Dei. Ideo Moses de futuro

futuro loquitur : quia futurum erat Evangelium. & ibi. narrantur bella principis gloriæ cōtra principē tenebrarū. & pugnat quotidie in membris militātibus, quousq; conducantur ad veram quietem, de qua dicitur in Isaia : Requiescet populus meus in pulchritudine pacis, in tabernaculis fidei, in requie opulēta. Et in eodē : Posuit in eo Dominus iniquitates omniū nostrū, & liuore eius sanati sumus. Hæc est redemptio Israël. & Dauid propheta : Misit verbum suum, & sanauit eos, scilicet à culpa, & à potestate Diabolica. Diuisit enim spolia eius, vt ait Isaia tradens in mortem animam eius. Quod clarè reseat Paulus, dicens : Tulit chirographum de medio : quod erat contrarium nobis : & affixit illud cruci expolians principatus & potestates. In qua quidem cruce tradidit in mortem animam suam. Qua traditione liberauit captiuos infernum & potestates tenebrarum expolians : quia illic detenti erant propter peccata : quæ non expiabantur, nisi morte propria, vel Christi, qui pro omnibus mori dignatus est. Vnde Dauid (vt *suprà diximus*) expiari non poterat nisi per propriam mortem, quod tamen non fecit. Ideo necesse fuit

fuit quòd Christus sit mortuus pro eius expiatione, alioquin, nondum expiatum esset eius peccatum. Ideo volens inducere pusillanimes in spem Christi, dixit: Respice in faciem Christi tui : per quem supple habemus plenissimam peccatorum remissionem : *vt Petrus & Paulus perhibent.* Qui Christus tantam adinuenit gratiam coram Patre pro nobis: vt iubeat nos omnia petere in nomine ipsius. Hinc cùm aliquid à Patre obtinere volumus, meritò dicere possumus: Respice in faciem Christi tui. Et quamuis per passionem Christi debellatus fuit hostis antiquus. Tamen magnam vim adhuc possidet contra nos, vt inducat ad scelera multa. Hoc prænuntiatum fuit à propheta, qui Patrem inducit, Filio hæc verba promētem : Sede à dextris meis, donec ponam inimicos tuos scabellum pedum tuorum. Quod exponēs Paulus Corinthis, ait : Oportet illum regnare, donec ponat omnes inimicos suos sub pedibus eius : & tunc inimica destruetur mors. Et idem ad Hebræos scribens, repetit: Quamuis igitur inimici per crucem & mortem Christi deuicti sunt : nihilominus adhuc dimissi sunt, tanquam hostes mortalium: vt habeant, vnde decertantes coronā merean-

reantur. Ideò Mefsias à captiuitate Diabolica nos liberauit : & non temporali, quia permittit nos, quandiu hîc degimus, tentari à Diabolo, non tamen vinci, niſi velimus. Liberauit tamen nos à peccato originali, per baptiſmum, & mortali per cætera ſacramenta, ſine quibus ſacramentis minime manuſ eius euadere poteramus. Et in hoc apparet fatuitas Iudæorum Meſſiam expectantium, qui à captiuitate temporali in qua detinentur liberari.

Quilibet Cabaliſta habet concedere ex dictis doctorum huius ſcientiæ, hoc manifeſtè dicentium, quod peccatum originale in aduētū Meſſiæ expi. bitur. P.M.

Peccatū originale apud Hebræos multiplici nuncupatur vocabulo. vocant enim ipſum Iezer hara : יצר הרע, quod idem eſt, quod *plafma*, ſive *figmentum malum*. Fr. Rabbi Ioſes ſuper illud: Quoniam ipſi cognouit figmentum noſtrum, ait : Triste, & tenebroſum eſt fermentum: contra quod teſtimoniū perhibet, qui creauit illud, quod malum ſit. Magiſtri autem dixerunt: Tris- tis eſt planta, cōtra quam plantatoꝝ ipſius teſtimonium perhibet, quod mala ſit, iuxta illud Hier. 11 : Deus exercituum, qui plan- F. A.

plantaui te, locutus est super te, vel de te
malum, & vocatur yecer hara: id est, *figmen-
tum malum*. Rex & senex, quia omnes ei
obediunt & coniungitur homini ab infan-
tia eius, vsque ad eius senectutem, quare
dicit Rab. Samuel filius Nachamani: non
cum socio suo per vnā horam ambulat,
& efficitur ei amicus: sed yecer hara: id est,
figmentum malum natum est cum homi-
ne, & cum eo crescit cunctis diebus eius,
sicut scriptum est Gen. 8: Figmentum ho-
minis cordis malum à pueritia sua, & in
hoc peccato perstitere omnes ab Adamo
vsque ad Christum: patet per dictum Rab.
Meir, dicentis: In hora, qua stetit Israël su-
per montem Sinai, vt legem acciperet: di-
xit eis Deus sanctus & benedictus: non da-
bo vobis legem, nisi dederitis mihi fideius-
sores, quod seruabitis eam: & hinc dabo
vobis. Dixerunt coram eo: Domine Mun-
di patres nostri fide iubebunt pro nobis.
Ait Deus benedictus: patres vestri tales
sunt, quod ipsi fideiussoribus egent: Abra-
ham enim reus est mihi: quia Gen. 15. di-
xit mihi: Domine Deus in quo sciā, quod
possidebo eam: Isahac etiam reus est mihi,
qui dilexit Esau inimicū meum. Dixerunt
ei, Isahac erit ille. Dixit Deus: ipse quo-
que

que reus est mihi: quia dixit Esai. 40: Abscondita est via mea à Domino. Dixerunt ei: prophetæ erunt illi. Dixit Deus: etiam & ipsi rei sunt mihi: sicut dictum est in Hier. 2: Et pastores culpabiles, vel rei fuerunt in me. Et tunc ait illis: Super eorum malum dabo vobis eam. Hoc igitur peccatum usque ad Messiam perseveravit semper in omnes, ut prophetavit Esai. Deus obuiare fecit in eo peccatum omnium nostrum. Hæc dicunt Thalmudistæ. Cabalistarum sic est opinio: quod originale peccatum, per circumcisionem expiabatur: quæ fuit ex patribus: id est, Abrahæ data, & in lege confirmata: quare dicit lex: Anima, quæ non fuerit circumcisa, delebitur à populo: id est, à saluandorum numero. Et per legem fuit completa expiatio ab originali peccato: sed per vituli adorationem amisit vim expiatiuam circumcisio: quare non amplius circumcidebantur: nam eis non remittebat originale peccatum. Et hoc est, quod dicitur, quod, post talis vituli adorationem, amiserunt vestimenta, in Oreb habita: Non loquitur de vestibus, quas ex Ægypto filij Israël portauerant. Sed de vestimentis illis intelligitur, de quibus dictum fuit: Amice, quomo-

quomodo huc intrâsti, non habens vestem nuptialem? Quas quidē vestes dedit Deus primis parentibus ad tegendam nuditatem & ignominiam ipsorū, & has tribuit omni Israēli: vt in Ezechiele longo sermone ipse Deus differit, dicens: Expandi amictum meum super te, & operui ignominia tuam. Vestiui te discoloribus: calciaui te hyacintho: cinxi te bysso: indui te subtilibus: ornaui te ornamento: dedi armillas in manibus tuis. & cætera, quæ ibi enarrantur, mysterijs plena, & hæc omnia, vt candida & pura sint coram Deo, lauari debentur. Et hæ vestes in Deo quibus nos regit, sunt septem. De quibus loquēs, dicit: Dominus regnavit, decorem induit, induit Dominus fortitudinem, & præcinxit se virtute. Et alibi: Amictus lumine sicut vestimento. Hæc vestimenta obtinuerunt Israēlitæ in monte Oreb, in receptione legis. Quoniam eousq; habuerunt legis vigorem, & circumcisionis: &, post talem adorationem, remanserunt nudi absq; vestimentis cooperientibus illud peccatum, vt Adæ, &, si deinceps circumcisio Iudæis profuit, hoc prouenit, quia Deus cooperuit illos pelle agni, Christi: id est, in merito Christi, & nō in virtute legis, sicuti Adæ.

Deus

Deus post peccatū, induit eum vestem pelliceam, remittendo peccatū merito praeuissae passionis suae. non enim fuit Deus lanius, agnos occidens. Cū enim animalia fecerit bina & bina, si duo vel quatuor occidit ad perficiendas tunicas: num creauit alia deinceps? non quidem fuit lanius, siue sarcinator: sed hæc sunt per allegoriā dicta. nec enim ex alia pelle factæ fuerunt huiusmodi tunicæ, quæ ex pelle illius agni, qui tulit peccata Mundi. Qui quidem Agnus (vt Iohannes ait) occisus fuit ab origine Mundi, & ipsius meritis omnium peccata teguntur. Iuxta illud prophetæ: Beati quorum remissæ sunt iniquitates: & quorum tecta sunt peccata. Vnde & sententiæ illius: Et vestiuit eos: si Hebraicè scriptæ literæ vertantur, prout consueuere Cabalisticæ facere: dicunt: Et Iesu cor: id est, *refugium eorum*. Sic enim scribuntur verba illa Vailbissam וַיִּלְבַּשׁ: id est, & vestiuit eos. Quæ literæ, si vertantur, dicunt Iesu lebam וַיִּלְבַּם: id est, *cor eorum*. Et idcirco agni sanguis, qui aspergebatur, figurabat talem circumcisionem illis prodesse in virtute agni immaculati, Christi. Quare, post Christi aduentum, non est amplius necessaria circumcisio: eo quod Christus omnem à

O nobis

nobis abstulerit maculam, nos viuificando. Vnde Iusti etiam in morte sua dicuntur viuentes, & maligni etiam in vita sua dicuntur mortui. Quo peritis in Cabala non erit obscura Dei sententia (*secundum Reuchlin.*) in die qua comederit ex eo, morte morieris: videlicet non corporali, sed spiritali. nam vixit Adam post esum vetitum vltra nongentos annos, in momento tamen ipso mox atque legem transgressus erat, morte moriebatur. In peccato, *inquā*, suo, toti humano generi & prolis futuræ propagationi æternis inferiorum habitaculis destinatæ sentico nimis & contagioso. Quousque Dei placito veniret Messias ille redemptor, qui hominem in paradysum reduceret, non terrestrem, sed cœlestem, & vitam liberis redderet, quam parens amiserat, æternam non temporalem, animæ nō corporis illam ipsam Dei familiaritatem & iucundissimū Diuinitatis aspectum, omni voluptate plenissimum. In hunc omnes veri Cabalistsæ nō sophistici: totam suam fiduciam figunt atque locant. In hunc omnia sanctarum Scripturarum salutaria vaticinia retorquent: De terra promissionis: De Ierusalem ciuitate: cuius participatio est in idipsum: De monte Dei,
& lo-

& loco sancto eius, & via sancta: & sanctuario, & atrijs Domini: & templo Domini: & domo Domini: & porta Domini: & cæteris similibus multis: quæ Rab. Moses Ægypti⁹ in suo Misne: id est, Deutero. Sic etiam intelligi de cœlesti beatitudine voluit. Qua de causa, multum & sæpe cum Thalmudistis certant Cabalistæ: & plurimum utriq; in duas eunt sententiâs. Illi omnem liberationem regis Messia de corporali captiuitatē: seu dispersionē conantur ad rûmultū, ad strepitus armorum: ad expeditiones bellicas: ad expugnationes regnorum, ac regionum & deuastationes terrarum: & Israëlitiçi exercitus victoriam referre: ut quondam saluatore Mose legimus aduersus Chananæos & Palæstinos maioribus suis cōtigisse: aut saltem ad exquisitum euasionis ingenium quo sunt in alijs liberationibus: ut multi vafre, ut ego puto sanctē vsi: quando tot sæculis sub tot regnis dispersi exultârunt: ut sub Babylo-nico annos septuaginta sub Persico quinquaginta quatuor: sub Græco centum & triginta: nunc sub Romano mille quingētos, necdū fortis. Rectius, meo arbitratu, Cabalistæ Messiam esse venturum putatis ad liberandum miseros humani gene-

ris mortales : de vinculis iniustitiæ originalis : ad dimittendum , & ad saluandum piè Deo seruientium animas in Adam patre nostro à vita æterna exclusas : vsque ad satisfactionem Messiaë , quàm ad saluandum temporale regnum secundum Thalmudistas.

P. M. *Ex principijs Cabalistarum euidenter dicitur , quod per aduentum Messia tolleretur circumcisionis necessitas.*

F. A. Abraham duos habuit filios mysteriosos : vnum de ancilla, & alterum de libera: qui de ancilla, secundum carnem natus est: qui verò de libera, secundum spiritum: qui duo duplicem in nobis figurât hominem, animale videlicet, & spirituale: qui semper adinuicem certant. Et, quemadmodum Deus iussit, eum, qui secundum carnem natus fuerat, eijci ab Abraham : ita & carnalis, siue animalis homo debet à nobis eijci: & homini spirituali supponi: non enim sumus carnis debitores: nam, si secundum carnem vixerimus, moriemur. In cuius adiutorium Deus duo dedit testaméta: vnum in môte Sina: alterû in monte Sion. Prima igitur lex data est, in sanctificationem hominis animalis: quare illis data est
priapi

priapi circumcisiō, quod est membrum animale, & sensuale; cuius effusione sanguinis ~~et~~ ^{eretur} talis homo animalis. Deus magis ~~et~~ ^{eretur} sit præcidi carnem & sanguinem ex illo membro quàm ex alio: cum peccatorum primorum parentum expurgandum vide ~~et~~ ^{eretur} fuisse propter carnem & sanguinem: quia nimis celsit & indulgit mulieri & parti sensitivæ persuadenti. Quod cognoscens Trismegistus, ait: Homo à contemplatione patris, in spheram generationis collapsus est. Conuersus videlicet ad dimidium sui, quod est mulier: sicut docet Plato. Postremò venit Christus, sanctū instituens Euangelium, hominē sanctificans spiritualem per aquā: idcirco ait: Nisi quis renatus fuerit denuò ex aqua, &c. quasi dixerit, non satis est ad salutem nasci secundum carnem per circumcisionem: sed oportet iterum renasci secundum spiritum per baptismum. Vnde disponēte Deo, homo nascitur in peccato, baptismo expurgando. Paulus apertè hoc declarat, dicens: Concluserit Deus omnia sub incredulitate & peccato, ut omnibus misereatur: Tolle peccatū: ubi dignoscitur misericordia Dei. Vbi redemptio, ex qua tenemur Redemptori. Vbi gloria Redēptoris nos redimē-

ris. Hinc alibi dicit Apostolus: Omnia cō-
clusit Scriptura sub peccato: vt promissio
ex fide Iesu Christi daretur credentibus.
Et hoc est magnū sacramentum inter om-
nia fidei negotia. Mutari enim debebat cir-
cumcisio remedium peccati originalis in
baptismum: sicut prædixerat Ieremias, di-
cens: Ecce dies veniūt (dicit Dominus) &
feriam domui Israël, & domui Iehuda fœ-
dus nouum: non secundum pactum, quod
pepigi cum patribus vestris. Et quādo hoc
fuerit: per Isaïam declaratur, dum de vn-
cto à Spiritu sancto: & misso ad prædican-
dum loquitur. Quod Christus de seipso
interpretatur: vt *Lucas refert*. Postque sub-
infert: Fœdus perpetuum feriam eis. Fœ-
dus fuit Baptismus. Iuxta illud: Qui credi-
derit, & baptizatus fuerit, saluus erit. Ideo
populus Israël traductus fuit per mare:
quod Ægyptijs fuit sepulchrum. In figu-
ram veri baptismatis: in quo omnia desi-
gnata per Israël populum Dei, saluatur:
corpus autem, vel animalis homo, in Æ-
gyptijs figuratus, consepultus iacet. Iuxta
illud Apostoli: Cōsepulti sumus cum illo
per baptismum in mortem. Et alibi: Cir-
cumcisi estis, non in expoliatione carnis:
sed in circumcissione Christi: consepulti ei
in

in baptismo: in quo & resurrexistis: quo ad animā videlicet: per fidē operationis Dei: qui suscitauit illū à mortuis, & cōsequenter nos membra eius. Quoniam in Christo omnes nos viuificabimur: dūmodo moriamur cum eo in baptismo. Iuxta illud: Sicut in Adā omnes moriuntur, &c. Et mutauit Christus circumcisionem in baptismum. Quia sicut Deus in statu legis seuerē mundari iusserat hominem à prima labe in sanguine, qui sub Tribunalis seueri ditione situs est: sic quoq; voluit in statu gratiē ipsum hominem mundari per aquam à templo Dei & sede pietatis & gratiæ emanantem: pacato prius Tribunali iustitiē per sanguinem crucis eius: siue quæ in cœlis, siue quæ in terris sunt. Hinc ipse Christus (vt *Iohannes ait*) venit in aqua & sanguine, vt seruaret rigorem legis, quæ exigit, vt omnia penè mudentur in sanguine. Postea tribuit aquam in ablutionem perfectā: & in signū clementiē & gratiē dādā, quæ aquea est, vt antiqui Theologi habent. Et in signū Tribunalis iustitiē in circumcisione Hebrēi utebātur cultro ferreo: vt etiā est in frequēti vsu apud eos, qui circuncidūtur. Et quamuis dicatur in Libro Exodi, quòd Zipora vxor Mosi accepit acutissimam petram: &

circumcidit filium. Hoc non habetur in veritate literæ, quòd fuerit acuta, vel non: sed ibi dicitur: quòd accepit zor^{am}. Quod vocabulum: & si *petram* significare potest: tamen hîc significat *nouaculam*: vt expressè exponit Targum Chaldaicum ponēs pro zor tenarâ, quod apud Chaldæos *nouaculam* significat. Iussit igitur Deus ferro circumcidi, qui nullum ferramenti genus admisit in Templi fabrica. Legitur enim in volumine tertij Regum, quòd malleus & securis & omne genus ferramēti non sunt audita in domo Dei cū fabricaretur. Quia in Templo, vbi petebantur remissiones & gratiæ multiplices: non debebat sentiri aliqua durities & seueritas per ferrum denotata. Secus autem fieri debuit in circumcisione: quę fiebat in vindictam carnis & sanguinis, quæ fuerunt occasio peccati. Hinc scriptum est, quòd Adam peccauit suafu mulieris, quæ partem animale: carnē videlicet & sanguinē significat. nā (vt *Theologi dicunt*) circumcisio fiebat in expiationem peccati originalis: sicut apud nos baptismus. Quod expressè Gregorius asserit: quare circumcisio vltro non est necessaria, cū totaliter scilicet in vtroque homine per baptismum renascamur. Plus
enim

enim facit baptismus in parte animali, ipsam mortificando, quàm fecerit antiquæ legis circumcisio, quod patet, quia antiquæ legis patres nubere tenebātur, & castitatis votum prohibitū illis erat, hocque propter continentiae difficultatem. Nunc autem omnibus castitatem vouere cōdonatum est. Notandum est tamen, quod circūcisio triplicem statum habuit. Primò ante Christū. Secundò Christi tēpore. Tertiò post Christum. Primò erat necessaria. Secundò erat permissa. Tertiò mortifera fuit, *vt docet Paulus*. Quoniam si circumcidimini, Christus vobis nihil proderit, quia talis sumens illā, quasi diffideret Christi merito, remota tamen tali intentione dicunt aliqui, quod, si quis circumcidi vellet, non peccaret: tenebatur tamen ad totalem legis obseruantiam: quia ex quo accepit signum in se, est, ac si vouisset illam obseruare, quod tamen permittitur, sicut permittuntur consilia Evangelij voueri, & obseruari sub præcepto, vti de religiosis patet. Christus verò nos à tali iugo liberauit cæremoniarum, quare non tenemur tale circumcisionis signum suscipere: propter nouam baptismi genituram. Sicut prædixerat Rab. Akiba in libro yoma. cap. yom akipurim: id est, *dies propitiationū.*

Dixit Rab. Akiba: Beati vos Israël coram illo, à quo mundati eritis. Et quis mundabit vos? Pater vester qui est in cœlis: de quo dictum est in Ezech. 36: Et spargā super vos aquas mundas, & mundabimini, absque scilicet circumcisione. Hoc probat Rab. Iehosuah in libro Iebamot: id est, *fratrum*, cap. Hasolem: id est, *excalceatus*. sic ait: Qui baptizatur, & non circumciditur: ecce ipse est Gher: id est, conuersus de gentilitate ad veram fidem: sic enim inuenimus in matribus, scilicet in Sarrah, & Rebecca; in Rachele & Lia, quę fuerunt baptizate, & non circumcisę. Alia ratio est. Paul. Rom. 9. dixit: Omnia penè mundabantur in sanguine: & sine sanguinis effusione nō fit remissio. Et, quoniam Christi sanguis effusus, sat est pro mille mundis reparādis: idcirco nō ampliùs valet circumcisio: nam circumcisio figura fuit Christi sanguinis sua in circūcisione, & in cruce effusi. Et perfectius baptisma in Christi sanguine fundatum, peccata delet, quàm circūcisio, quia tam mulieres, quàm viri eo vti possunt. Quare proiectus est fratrum accusator Diabolus, vt habet Iohannes in Apocalypsi. Qui ante Christi aduentum omnes nos gētiles coram Deo accusabar tanquam peccati originalis obnoxios:

noxios: & immūdos tam quo ad spiritum, quam quo ad partē animalem. Post Christi aduētum cessauit: ideò Apostolus ait: Empti enim estis pretio magno, Christi scilicet sanguine, non corruptibilib. auro, & argento. Sanguis igitur circūcisionis, qui iustitiam seueram Geburah significat גבורה, mutatus est in aquā gratiæ Gedulas גדולת, quare circuncisionis pactum nō manet, sed baptismi, quod cōfirmat Rab. Barachias in libro midras cohelet: id est, in expositione libri Eccle. super illud: Quid est, quod fuit? ipsum, quod erit, dicit. Sicut fuit Redēptor primus: id est, Moses: ita erit Redēptor vltimus: &, quemadmodum Redemptor primus fecit ascendere puteum (in potatione scilicet ouīū Ietro) ita Redēptor vltimus, qui est Mefsias ascēdere faciet aquas, sicut dictum est Iohelis vltimo: Et fons de domo Dauid exiuit & rigabit torrentem & planiciem sēculi. Targum Ionata dicit: Et erit rigans planiciem sētim. Setim verò cuiusdā regionis Græciæ est nomē: ex qua vt in lib. Maccabæorum habetur, Alexander Macedo egressus est, quod tamen adimpleri cōrigit, cū, Apostolis baptismum per vniuersum Orbem prædicantibus, Græci baptizati sunt.

Neces-

P.M. *Necessariò habent concedere Cabalístæ secundum sua principia, quod verus Messias futurus est talis, ut de eo verè dicatur, quòd est Deus, & Dei filius.*

R.A. Messias futurus Deus probatur per Esaiam dicentem: Et vocabitur nomen eius Emanuel *לְעִמָּנוּאֵל*: id est, *nobiscum Deus*: modo excellentiori, quàm vnquam antea, alius fuerit. Sequitur idem propheta Messias redemptor dictus est Himanuel: id est, *nobiscum Deus*. Quamuis enim Deus semper omnia repleat (ut Ieremias, ipsius Dei personam agens, perhibet, dicens: Cœlum & terram ego impleo.) nihilominus in aduentu Messiae, Deus esse nobiscum dictus fuit: quia peculiari quodammodo fuit in redemptore, sicut ipse peculiari atq; perfectiori chrismate vnctus fuit. In aduētu enim eius Ianuas cœli Deus aperuit: adeò ut non tantum ipsum; sed omnia membra eius peculiari quodammodo diuinitas perfuderit & vnexerit. Hinc Christiani dicimur: id est, chrismate & diuinitate vncti; qua vnctus fuit Christus præ participibus suis, prout dicit Psaltes, non vnctione oliuarum; sed diuinitate, quæ oleum in Scriptura sacra nominatur. Hinc sapiens canit in Canticis canticorum:

corum : Oleum effusum nomen tuum : id est, virtus nominis tui, quæ diuinitas est; vt veri sapientes exponunt. nam miracula & prodigia, quæ sunt in nominibus diuinis, non sunt per virtutes characterum: sed per Diuinam virtutē; per characteres illos denotatam. qua diuinitate, & quo chrismate vnguntur omnes; omnia enim sunt plena Deo; peculiarius autem homo. Et hic quanto melior est, tantò magis de diuinitate participat. redemptor autem, cùm fuerit Dominus omnium: præ omnibus participibus suis hac diuinitate meritò vnctus est. Hinc ab Hebræis *Messias*: à Græcis verò *Christus*: id est, vnctus per anthonomasiā dictus est. Vnctus autē & linitus fuit verbo: quod carnem & animam ipsius Christi assumpsit ipsam perfundēs. sequitur infrà idem propheta, dicens: Et vocabitur *el giber* אל גבר id est, *Deus fortis*: *Pater futuri sæculi*. Vnde illud *el Deum* significat, sicut apertè Baruch ait: Hic est Deus, qui scilicet in terris visus est: & cum hominibus conuersatus est. Et Ierem. Tu autem in nobis es Domine & nomen tuum inuocatum est super nos. Et cui loquebatur Ieremias? Ille vtrique: cui paulò antè dixerat: Quare colonus futurus es in terra: & quasi viator declinans ad manendum.

dum. Idem confirmat Rab. Abba, dicens: Deus Tetrag. est nomen eius: sicut dictum est Ieremiæ 23: Hoc est nomen eius, quod vocabūt eum, Deus Tetrag. noster. & Rab. Leui. Felix ciuitas, cuius nomen est, sicut nomen Regis sui, sicut scriptum est Ezech. ultimo: Et nomē ciuitatis ex die, Deus Tetrag. & nomen Regis sui, sicut nomen Dei sui. Quòd etiam sit Dei filius, probatur per Solomonem, Prouerb. 4. vbi dicitur: Filius fui patri meo, tener, & solus, siue vnicus filijs, vel filiorum matris meæ. Quæ quidem expressè verba de Dei filio loquuntur, non de Solomone: non enim patri fuit solus, cū eius pater Dauid plures alios habuerit filios: nec vnicus matris suæ filiorum: cū Bethseba mater eius alium præter ipsum filium non haberet: nam, etsi aliū ante ipsum habuerit: ille tamē, antequam Solomo ipse genitus esset: infantulus abierat: vt patet 2. Regum 12. Intelligitur ergo de filio Dei Messia, qui non solū secundum Diuinitatē filius Dei erat ab æterno genitus, verū secundum humanitatem quoque, solus, vel vnicus filiorū matris suæ: hoc est, ex omnibus synagogæ filijs (quæ ad Diuinam incarnationem mater Dei dici debebat) ipsi Deo patri Filius per Diuinæ natu-

ræ vnionem futurus tener erat Messias, ratione immēse pietatis suę, quare dicit: Ego veni vocare peccatores, &c. Et de Oue perditā, &c. Et, si quis sitit, veniat ad me, & bibat, &c. Item Solomō Prouer. 31: Quid, fili mi? quid fili vteri mei, quid fili vtorum meorum, &c. Super hæc verba dicit Rab. Abrahā aben Ezra: Simile est hoc Regi, qui filijs ciuitatis iratus est. Iuerunt ergo ciuitatis filij, & supplicāunt filio Regis, vt regem placaret: iuit filius & placauit patrem suum. Cumq; Rex per filiū placatus esset, iuerunt filij ciuitatis ad agēdas gratias Regi. Rex verò dixit eis: Mihi vos gratias agitis? ite & filio meo gratias agite: nā, nisi ipse fuisset, iam ciuitatem destruxissem, & hoc est, quod dictum est: Osculamini Filium: *Hæc ille.* Et Rab. Nathā super illud Exod. 13: Sanctifica mihi omne primogenitū, dicit. Mosi dixit Deus sanctus. Quemadmodum feci Iacob bechor: id est, *primogenitum*, sicut dictum est Exod. 3: Filius meus primogenitus meus Israël: ita ego faciam Regem Messiam primogenitum, sicut dictum est Psalm. 89: Ego primogenitum dabo eum, altissimum Regum terræ. Hæc probatio conclusionis Thalmudicè sat est: modò eandem Cabalisticè probo: & suppono, quod

quod Cabalistæ habent concedere, quod
 Messias futurus esset magis Diuinitatis
 plenus, quàm humanitatis: ergo habet cō-
 cedere ipsum futurum Deum: habent etiā
 concedere, quod Dei sit filius: cuius ratio
 est: nām sapientia Diuina chocmah, dicitur
 filius Dei. &, cū Messias plus de hac sa-
 pientiā habuerit, quàm cæteri omnes: ergo
 dici debet Dei filius, eadē ratione, qua di-
 citur Deus ratione chrismatis humanitatē
 superantis. minor patet per Solomōnem
 Prouerb. 4. dicentem: Quoniam documē-
 tum bonum dedi vobis, legē meam ne de-
 relinquantis, quia filius fui patri meo tener.
 Cū autem (*secundum Aristot. 2. de Anima*)
 duri carne, secundum intellectum sunt in-
 epti, molles verò: id est, teneri, bene apti,
 idcirca ad ostēdendam dispositionem hāc
 suam optimam, ad recipiendam patris do-
 cumenta, tenerum se dixit esse: id est, bene
 disciplinabilem, & rectæ, ac infinitæ sapiē-
 tiæ capacissimū. Sed cui tener? patri meo,
 inquit. De tali ergo patre loquatur, neces-
 se est, qui non nili recta docere potest. Hic
 autem solus est Deus. Sic ergo exponitur:
 legem meam ne derelinquantis, quia filius
 fui patri meo tener: hoc est, quia illam à pa-
 tre meo accepi, qui errare nequit in docen-
 do:

do: nec etiā ego errare potui in addiscēdo,
quia fui tener: id est, infinitæ capacitatis ad
eam recipiendam. Et ideò Isaias de Mes-
siah loquēs, vbi suprā: subdit: Butyrum &
mel comedet, quia sapientia diuina per lac
designata, in ipso plenissimè fuit. Iuxta il-
lud Apostoli: In quo sunt omnes thesauri
sapientiæ & scientiæ absconditi. Comedit
etiam mel, quod est gustus ipsius sapiētiae,
quem habuit per omnes. Sicut præ cæ-
teris viguit sapientia confirmatur: nam, si-
cuti Filius est æternaliter à Patre genitus:
ita æternaliter diuinam habuit sapientiam
à Patre infinitam. Sapientia quoque, quam
secundum humanitatem erat habiturus,
ab ipso Deo ortum habere debebat, qui
animam ab instanti creationis suæ, summa
gratia, omnibusque habitibus præ cæte-
ris imbuere debebat. Cū itaque Solo-
mon hoc in libro de filio Dei, qui homo,
futurus erat, parabolicè, ac ænigmaticè lo-
quatur: idcirco loquitur de filio Dei, qui est
sapientia genita: & Deus ratione istius infi-
nitæ sapiētiae, quæ maior est, se debebat in
Christo, rāquam in capite. Est igitur modo
dicto, Deus. Et filius Dei, quia humanitati
Christi cōnita fuit diuinitas, in vnitate
suppositi, vt communiter docēt Theologi

nouitiores. Imaginantur enim tria esse in
 homine: naturam videlicet, naturam singu-
 larem quam hæc heitatem vocant, & ratio-
 nē personæ, quæ in duplici incōmunicabi-
 litate constat: specifica videlicet, & indiui-
 duali, quam appellant quo & quod. Et hāc
 aduenisse Christo à diuinitate dixerūt: vel
 à verbo: aut à persona secūda Trinitatis illi
 singulari humanitati vnita. Ista opinio de-
 bet admitti, quia habemus à peripatetico-
 rū duce, quod operationes fiunt à supposito.
 Cū igitur videamus in Christo aliquas
 operationes omnē humanā & creatā virtu-
 tem penitus transcendentis, necessariò fa-
 tendū est illas à supposito vel à persona di-
 uina processisse. Sed de ijs quę operatus est
 Moses vltra omnes vires creatas, adeò vt
 Méphitici sapientes coacti fuerint confite-
 ri, quòd digitus Dei esset illic. Hoc factum
 est, quia cū Mose erat Angelus (vt in *Exodo*
legimus) qui & ipse est persona, per quam
 Deus, vel quæ in virtute Dei operatur. Vn-
 de & legē ipse Deus per angelū dedit. Iu-
 xta illud Pauli: Lex data est per Angelos in
 manu mediatoris. Vnde Christus volens
 cōprobare personam Diuinā in se existere,
 ait: Opera, quę ego facio, ipsa testimonium
 perhibent de me. Et paulò pòst: Si non
 vultis

vultis (*inquit*) mihi credere, operibus credite, vt cognoscatis, & credatis, quia Pater in me est, & ego in Patre. Et iterum: Qui credit in me, opera quæ ego facio, ipse faciet: & maiora horum faciet. Et nedum probatur talis persona Diuina propriè ex operibus: sed ex modo operandi, præcipiendo enim & non inuocando ipse operatus est. Et etiã quia alijs tribuit vt in nomine eius operentur, quod fieri nequiret, nisi nomen eius Diuinam virtutem contineret. Nam (*vt in tractatu de nomine Iesu patuit*) Moses omnia portenta fecit in quadriliteræ nomine. Sic & omnes posteriores prophætæ. Nullus autem in nomine alicuius puræ creaturæ miracula operatus est, Christus etiam declaratus est filius Dei testimonio Patris, dicentis: Hic est Filius meus dilectus. Et quamuis de populo Israël dixerit Deus: Filius meus primogenitus Israël. Exod. De Israël tamen non subinfertur, quod de Iesu, videlicet, In quo mihi bene complacui. Nō enim Deus sibi complacet in creaturis (cū ipse sit fœlix sine creaturis) sed sibi complacet in verbo producto, quod amat & à quo amatur per amorem reciprocum, qui est Spiritus sanctus. Et si scriptum sit de sapiëntia Dei, in Prouerbijs:

Delitiæ meę esse cum filiis hominum: sunt quippè delitiæ Dei producendo hominē & implendo ipsum multiplici bonitate. Quę delitiæ sunt in seipso, & proueniunt à seipso communicante: non autem ab eo, cui cōmunicantur. Sed de Filio dicitur: In quo mihi bene complacui. Manet igitur veritas conclusionis. videlicet: Quod Cabalistę necessariò habent concedere: quòd verus Messias futurus sit Deus: & Dei filius.

P.M. Cùm audis Cabalistas ponere in Thesua informitatem, intellige informitatem per accidentia ad formalitatem, non per priuationem.

P.A. Aristoteles de physico aduentu, tria ponit eiusdem scientiæ principia, materiam scilicet, formā, & priuationem: & si à quā plurimis in hoc redarguatur: æquiuoca nāque nō simul numerātur: patet de hoc termino canis, qui latrabilem canem, & sidus cœleste, & piscem marinum, & pictum signat: de quibus nō possumus dicere, quòd sint quatuor canes: quia æquiuoca non cōnumerantur (*vt dixi*) ita incongruè dicitur, quòd materia, forma, & priuatio sint tria principia, cùm principium de illis æquiuocè dicatur. Dimissis autem duobus primis prin-

principijs, de tertio verba faciēs, dico quod priuatio est duplex. quædam est propriè dicta, & quædam impropriè, prima est, quæ priuat formam actualem in subiecto cum potètia, & aptitudine ad illam, quæ sic describitur. priuatio est negatio in subiecto apto nato sic, quod priuatio de significato formali non dicit nisi puram negationem, connotando subiectum aptum natum, ad formam cuius est priuatio: Ita quod nihil addit priuatio vltra negationem, nisi subiectum aptum in quo fit, vt cæcitas in catello ante nonum diem. Secunda impropriè dicta, & est priuans formam in subiecto, ad illam non apto, vt in lapide cæcitas: qui cæcus impropriè dicitur: quod etsi non videt, tamen non est aptus ad videndum, ad propositū dicitur in Genesi: In principio creauit Deus cælum, & terram: terra autē erat inanis: id est, informis: actualiter enim nō informabatur: poterat tamen informari: habebat nanque potentiam ad formam; & hoc est, quod dicit conclusio (intellige per accidens ad formam) quia forma actualiter non acciderat materiæ non per priuationem scilicet impropriè dictam; sic quod denotaret materiam forma priuatam, siue tamen aptitudine ad illam. Dicit ergo

conclusio: (Cùm audis Cabalistas ponere
 in thesua, thesua est terminus Cabalisticus,
 materiam nudam forma priuatam signifi-
 cans, cum aptitudine tamen ad formam;
 patet per id, quod dicitur in textu Hebrai-
 co dicente: Terra erat bohu בְּהוּ: id est, *va-*
cua. Ly beth litera, ב, significat, *in*, & litera
 vau, ו, vltimò posita, significat *ipsum*: est igitur
 sensus. In quo scilicet subiecto, vel ma-
 teria, ipsum scilicet subiectum informan-
 dum erat forma: nam illa priuatio erat cum
 aptitudine ad formam secūdam Hebræos
 tohu vabohu תְּוֹהוּ וָבֹהוּ ferè vnum & idem
 significant. nam est tohu: quod neque for-
 mam habet neque figuram; sed in propin-
 qua est dispositione, vt illam recipiat. id
 quod Græci hiiuli חֵיילִי: id est, ἵλη vocant.
 Alij verò vocāt chomar arison חֹמֶר אֲרִיסוֹן
materiam primam. Et intelligitur per ter-
 ram confusio quatuor elementorum. Et
 rachia רָחִיעַ vox sonat non firmamentum,
 sed *extensionem*, iuxta illud: Extendit cœ-
 lum sicut pellem. nam ex aquis fecit rem
 extensissimam & sphæras quasdam: quas
 æquè vt summum cœlum: quod primò
 creauit שְׁמַיִם vocat. Hebræi tamen infe-
 riorum cœlorum machinam vocant, *mer-*
chaiah, מְרֻכָּה. Quando igitur Moses di-
 xit:

xit: In principio creauit Deus cœlum & terram; Intellexit de materia vtriusque cœli scilicet & terræ: quæ si sit eadem vtriusque: adhuc lis sub iudice pender. Disceptant nanque physici. Moses tamen edoctus ab eo, qui vtrumque fecit, soluit dubium, Vnde non ignarus nec ambiguus: sed eruditissimus philosophus aliam & aliam materiam cœli & terræ ponit: vt patet ex eius modo loquendi: quo vtitur, dicens: In principio creauit Deus cœlum & terram; id est, materiam cœli & materiam terræ, nam de vtriusque materia est ibi sermo: cum quia de forma cœli in secundo, & de forma terræ in tertio die pertractat: tum quia apertissimè innuit se locutum fuisse de materia terræ ex ijs quæ sequuntur, videlicet: Terra autem erat tohu nabohu, quod interpretatum habet: Terra erat cahos, in quo ipsum scilicet producendum inerat: in potentia videlicet (*vt dixi*) Et in secundo die alteri scilicet cœlo formam dedit, dū dicitur: sit Arachiha in medio aquarum: id est, extensum, vel expansum omnium cœlorum. Vnde sequitur: Et vocauit Arachiha cœlos. Arachiha non est firmamentum, vt habet nostra traductio, sed glōbus, & massa omniū cœlorū, *vt dixi*,

& probatus per id: Fecit Deus duo luminaria magna, & stellas: & posuit ea in arachiha: nec aut in firmamēto: id est, stellato cœlo posita sunt luminaria illa, sed vnū quodque in orbe suo. Arachiha igitur significat glomeratū quoddā ex omnib. cœlis. Terræ verò formam tribuit tertio die, in eo, quod ait: Congregentur aquæ quæ sub cœlo sunt in locum vnum, vt appareat arida: quam aridam vocauit terram. patet igitur conclusio.

P.M. *Si duplex aleph אא quod est in textu: non auferetur sceptrum, &c. coniunxerimus ad duplex aleph, quod est in textu: Deus possedit me ab initio. Et duplex aleph, quod est in textu: terra autem erat inanis: per viam Cabala intelligemus ibi Iacob de illo vero Messiha locū: qui fuit Iesus ישו Nazarenus.*

F.M. In Genesi 49. dicitur: Lo iasur seuet mihuda ymechokek miben raglau had chiau o filo velo iikeat hamim לא יסור שבט מיהודה ומחקה מבין רגליו עד כי יבא שילחלו יקחה עמיו. Latine sic: Non recedet sceptrū de Iehuda: & scriba de medio pedam eius, quousq. veniat filo. In hoc textu Hebræo tātum modò sunt duo aleph אא. In Prouerb. 8. c. dicitur: Adonai

Adonai chanani refit darcoked miphalau
 meaz יחיה קנני ראשית דרכי קדם מפעליו מאז
 Latinè sic : *Dominus possedit me in initio viae
 suae ante opera sua ab antiquo.* In hoc textu He-
 braico sunt etiam tantum duo aleph אא. In
 Genesi cap. 1. habetur: Veaarez aieda tohu
 vebohu vechofech haal pene teom ver-
 uach elohim mera chephet haal pene a-
 maim : וחארץ היתה חתה ובחור וחסך על פני
 חתים וריח אלהים מרחפת על פני חמים. La-
 tinè sic : *Terra autem erat informis & inanis : &
 tenebraerāt super faciē abyssi : & spiritus Dei moue-
 bat se super faciē aquarū.* In textu hoc Hebrai-
 co, sicut & in cæteris duobus textibus su-
 pradiçtis, sunt tantum duo aleph אא. Et a-
 leph אלה plenū importat mille. & per mil-
 lenarium intelligitur cubus denarij, vltimi
 omnium numerorum : Finis enim nume-
 rorum simpliciū est denarius. Qui, si qua-
 dretur, centenarium reddet : si autem in cu-
 bum reducatur, millenarium reddet : vltra
 quem numerum extendi nequit : quia ex-
 tensus est in longum, latum, & profun-
 dum. Vltra quam dimensionem alia non
 datur sicut bene docet Aristot. de Cælo &
 Mundo. Dandus est igitur hic numerus fi-
 nalis Mundo : id est, homini, qui est finis o-
 mnium rerum creatarum. Et in hoc homo

assimilatur Deo, cui competit mille: sicut habetur in Canticis: Et mille tibi Selomo: id est, *regi pacifico*: qui est ipsamet pax, & finis omnium rerum ac principium. qui Deus denotatur per literam aleph א, quæ est prima literarum alphabeti, & vnũ importat. Si verò proferatur integrè אלא aleph mille significat (vt dixi) finem videlicet omnium numerorum. Vnde dando ipsi Deo aleph, recognoscimus ipsum esse principium ac finem Mundi: Ideò Deus tanquam eius conditor, cùm sit trinus, tres condidit Mundos. primus est Mundus archetypus: de quo Iohannes loquitur, dum ait, quod Deus erat in Mundo: id est, in semetipso. Secundus Mundus est hæc machina tota bona: de qua Iohannes profertur, dicens: Et Mundus per ipsum factus est. Tertius Mundus est homo qui parvus Mundus nominatur. Et de hoc loquitur Iohannes, dicens: Totus Mundus positus est in maligno: id est, tota hominum massa, in maligno posita est, quia infecta ab antiquo serpente. A qua infectione liberari nequit nisi renascatur ex filio Dei. Quod apertè refferat Iohannes, dicens: Scimus, quòd omnis, qui natus est ex Deo, non peccat; sed generatio
Dei

Dei conseruat eum; & malignus: id est, diabolus non tangit eum. postea subinfert: Et Mundus totus: id est, omnis homo carnalis positus est in maligno, scilicet peccato. Et Mundus iste odit Deum: sicut habetur in Iohanne: si Mundus vos odit, scitote quod me priorē vobis odio habuit. Hoc odium est in Mundo minori: qui sumus nos. nam in ipso Mundo minori est anima diligēda: & est corpus vel animal nostrum odio habendum; quorum typum gesserunt Iacob & Hesau: de quibus scriptum est Iacob dilexi: Hesau autem odio habui. Et quoque in homine spiritus, qui natura Deum diligit, & in Deum tendit: & est concupiscentia vel caro: quæ spiritui aduersatur tanquam inimica. pari quoque modo in Mundo maiori est portio Diuina, quæ est collectio filiorum Dei: qui Deum diligunt & ab eo diliguntur: & est portio filiorum Mundi & diaboli: qui Deum oderunt, & à Deo odio habentur. Hinc Christus omnia cognoscens, de vtriusque dixit: Ego pro eis scilicet qui Dei sunt, rogo: non pro Mundo, quoniam totus est, positus in maligno (*vt ait Iohannes*) & hoc quia omnis homo pronus est ad malum ab adolescentia sua, vt in Genes. dicitur,

dicatur, quia Mundus totus hic inferior materialis est. Hinc tendit ad malignitatem: sicut & materia. Etiam quia propulsa est Dei bonitas à malitia nostra: à qua bonitate destituti semper in peius corruimus. Hunc Mundum fabricauit Dominus, vt ostenderet bonitatem suam. non enim ab externis causis (vt Boëtius & Hieroc. testantur) impulsus: sed ex mera bonitate sua Mundum fabricauit. Et hoc, quantum ad causam impellentem siue suadentem. Verum causa finalis (quæ potissima est) ea fuit: vt sapientiam suam, quam Filium esse dicimus, extrà manifestaret. Hinc propheta canit: Omnia in sapientia fecisti. Et, vt per eandem Mundum ipsum repararet. Vnde Apostolus vocat Christum, Dei virtutem & sapientiam. Et iterum paulò inferius ait: Vos estis, scilicet redempti in Christo Iesu, qui factus est nobis sapientia, iustitia, sanctificatio & redemptio. Et, vt per ipsum bearemur omnes. Et Dei participes efficeremur. Et cum sit virtus Dei Mundum hunc inferiorem creauit, quem distinxit inter bona millenaria (*secundum secretiores Theologos*) quorum duo prima significant principium humani decursus: duo millenaria secunda medium; duo tertia finem. Ait enim

nim oraculum Eliæ celeberrimum: Duo millia in vacuo: id est, sine lege, & sine Messiah: duo millia in lege: duo millia in Messiah, consumabuntur videlicet. Et hæc sex millenaria respondent sex diebus fabricæ: ut à Moſe & Petro edocemur. Christus autem præueniens venit in tempore legis, nondum complêto duplici illo binario numero millenario. Hinc clamabant mali dæmones: Cur venisti ante tempus torquere nos fili Dei. Præuenit nanquē per trecentos annos. Et sic opus Dei: & tōtus Mundus viuificatus fuit in mediō annorum, sicut prædixit Abacuch: In medio annorum viuifica illud, scilicet opus tuū. Et illud innuit per id quod subinfert: In medio annorum notum facies, cū iratus fueris, misericordiæ recordaberis. Venit ergo Christ⁹ in quarto millenario, quia sicut Sol iste visibilis pductus fuit die quarto: sic Sol iustitiæ, cui hic visibilis respōdet, oriri voluit millenario quarto, cū ipso quarto die fabricę cōueniente. Quia, *ut Apostolus ait*: Venit in plenitudine temporis (*ut dixi*) circa finem quarti millenarij; præueniens videlicet tempus; circiter trecentos annos (*ut dixi*) nam moris est pientissimi Dei lento gradu ad vindictam procedere; cum mi-

sericor-

misericordia autem & gratia præuenire. Iuxta
 illud Prophetæ: Misericordia eius præ-
 ueniet me. Et iterum: Præuenisti eum in
 benedictionibus dulcedinis. Fuit igitur
 plenitudo temporis, intercedente miseri-
 cordia & pietate, qua (*vt dictum est*) præue-
 nire solet Deus, vt eius proprium est. Hinc
 Ecclesia canit: Deus, cuius est proprium
 misereri semper & parcere. Nam sicut mil-
 le sibi competit, Canticorum 7: Et mille
 tibi Solomo, qui pax sibi interpretatur (*vt
 supra dixi*) est enim ille verus Rex pacis Chri-
 stus, qui habet pacem à seipso: id est, à diui-
 nitate, in seipso existente. Nam aliunde,
 quam à Deo, vera pax haberi nequit. Iuxta
 illud ab Ecclesia celebratum. Da nobis il-
 lam, quam Mundus dare non potest, pa-
 cem. Ita parcit in millibus, vt habetur in
 Exo. id est, toties quoties homo conuerti-
 tur ad Deum. Iuxta illud Ieremiæ: Tu autē
 fornicata es cū amatoribus multis, tamen
 reuertere ad me (dicit Dominus) & ego sus-
 cipiam te. Sed ad sublimiora ascendendo,
 parcit Deus in millibus: id est, in millena-
 rio: id est, in virtute pietatis, & clementiæ
 diuinę, cū millenarius sit numerus Diui-
 nus: quaternarius verò elementaris, & cor-
 poribus addictus: vnde punit in quater-
 nario:

nario. Secundum quod peccatum, per corpus materiale : vel elementare animæ annexum, peccat homo. ideo dicitur in Exodo: quòd Deus reddit iniquitatem patrum filijs ac nepotibus , in tertiam ac quartam generationem. Duplex igitur aleph positum in supradictis verbis Geneseos, signat duo millia annorù sine lege, ab Adam scilicet vsq; ad Mosem. fuit ætas illa inanis, & vacua, & informis, absque lege, & cognitione Dei perfecta. Et hoc quia Deus deduxit & aluit totum genus humanum & corpus pro exigentia ætatum: sicut prouehitur particularis homo: cuius prima pars ætatis libera relinquitur: vt augmento naturali & corporeo vacet. Duplex verò aleph positum in dictis Iahacob, signant secundam ætatem, vel statum Mundi sub lege. Nam secūda pars regitur fræno doctrinarū & legis, quo seipsum iam virum factū, moderari possit. Duplex insuper aleph positum in Prouerbijs, Significat tertiam Mundi ætatem, vel statum sub Messiah duraturam, per duo millia annorum: & in ista ætate vacat homo cœlestibus : ad quæ in fine sui cursus iam tendit. Quæ cœlestia potissimè Messias docuit in fine mundanæ ætatis. Iuxta illud Apostoli:
In

In quos fines sæculorum deuenerunt. Sex igitur aleph, trifaria distinct. trinam legem ostendunt naturæ videlicet, scriptę, & gratiæ. Horum temporum priinum, & prima generatio, lege natura tantummodò directæ, absque sacrificijs, & gratiæ influxu, quodammodo arida, & inanis fuit. Secundum temporis spatium aliquid lucris, & fauoris ex lege natura: id est, legis naturæ reportauit. In tertio autem tempore manipulos plenos Christi gratia suffulti, ipsi iudici, & Deo patri offerre concessum est. Hinc illud apud Hebręos Helię oraculum supradictum manet probatum. Ad propositum igitur conclusionis Iahacob in illis verbis ostendit nobis, Christum fuisse verum Mesiā, quia venit in millenario quarto circa eius finem.

P. M. *Per hanc dictionem, quę scribitur per aleph, Iod, & Scin (& signant virum) qui Deo attribuitur, cū dicitur vir belli, de Trinitatis mysterio per viam Cabalę perfectissimè admonetur.*

P. A. Hebræi hominem multis nominibus nominant ׀ Adam אדם, Geuer גבר, Enos אנוש, & Ais איש. Primum à terra sumptum est: nam Adama אדמה *terram* significat. Secundum

eundum ab aëre : nam auer אַוֶּר *aërem* no-
 tat. Tertium ab aqua: nā enos *hominem vio-*
lentum significat, more decurrentis aquæ.
 Quartum sumitur ab igne: nā es אֵשׁ *ignem*
 significat: In quolibet trium primorum
 hominum est vna tantum, aut nulla Diui-
 nitatis litera : in quarto autem nomine
 sunt duæ, aleph א scilicet & י, sicut enim scri-
 bitur אֵשׁ יִשְׂרָאֵל, siue ais. Vbi innuunt Cabali-
 stæ hominem virtutē præditum bis esse
 diuinum, natura scilicet qua continet ima-
 ginem Dei, virtutē, qua continet similitu-
 dinem: quare ad rem, virtus ita definiri po-
 test. Virtus est operatio assimilans homi-
 nem Deo, atque Deificans. Quare Hebræi
 nullum hominem, ais: id est, *virum* appel-
 lant, nisi probum, & virtutibus præditum:
 sicut nos nō dicimus de doctis, & magna-
 nimis, quod sint homines docti : nam hoc
 nomen homo, est nimis commune: sed di-
 cimus, quod sunt viri docti, &c. Hoc igitur
 nomine, ais, vocatus est Christus quia de
 eo scribitur in Exodo : Deus vir pugnæ,
 quod etiam de Messiah intelligitur : vnde
 Rab. Iohanan super illud Zachariæ cap.
 primo : Vidi noctem, & ecce vir equitans
 super equum rufum, vel sanguineum : &
 stans erat inter myrtos, quierant in cōual-

Q le:

le: ibi itaque sic dicit: vidi noctem: voluit enim Deus sanctus, & benedictus totum convertere Mundum in noctem. Et ecce vir equitans super equum rufum. Non est vir hic, nisi Deus sanctus, & benedictus. Et stans erat inter myrtos. Non sunt myrti, nisi iusti: sicut dictum est, Hester. cap. 2: Et erat nutritius hadassa: ipsa est Hester: *Hadas* enim Hebraicè, *myrtus* Latinè dicitur: ad cuius intellectum, sciendum est, quod in midras Theilim super Psal. 20. hoc modo legitur: Deus sanctus & benedictus vocavit Messiam nomine suo. Et quod est nomen eius? Tetrag. est nomen eius, *vt dictum est*. Exod. 15: Deus vir pugnae. Ergo Messias est Deus, est etiam homo, quare sequitur. Equus eius rufus: id est, habens corpus suum suo sanguine in morte rubefactum; in pugna, in qua Diabolum victurus erat, quare non ineptè hoc in loco *vir pugnae* vocatur. Et si Christus Rex salem & pacis dicatur, venit tamen bellans & pugnans. Est nempe commune adagium: Bellamus ut pacem habeamus: Christus enim suscepit bellum, ut omnia pacificaret. Bellavit quoque, ut adipisceretur coronam, stante edicto à Paulo promulgato: Non coronabitur, nisi qui legitimè certauerit. *Ideo ipse-*

ipsēmet Christus ait: Oportuit pati Christum, angustias videlicet & bella, & ita intrare in gloriam suam. Bellauit etiam, ut vincēs, daret nobis, debilibus & inualidis militibus principium & virtutem victoriæ obtinendę. Iuxta illud Apostoli: Deo autē gratias, qui dedit nobis victoriam, per Iesum Christum dominum nostrum. Christi primus conflictus fuit cum Diabolo, ut Iohannes ait: Facto silentio præliatus est Michaël contra serpentem antiquum, pro Christo adhuc tenello, & nuper à matre ædito (ut Iohannes innuit) nolebat enim Dæmon parere edicto à Patre æterno facto; de quo Paulus cum Hebræis agens meminit: Et cū introduceret (inquit) primogenitum in Orbem terræ, dicit: Et adorant eū omnes Angeli Dei. Ideo princeps militiæ Christi Michaël, pugnam pro eo aggressus est contra hostem ipsius Iesu. Pugna igitur ista fuit Christi causā, quem aliqui admittebant in imperatorē & ducem, alij verò nequaquam. Quæ pugna facta in cœlo, facta fuit postea in horto voluptatis. Quando videlicet Adam, suggestionē serpentis, qui fuit caput omnium rebellantium, voluit comedere & deuorare lignum scientiæ boni & mali, quod Chri-

stus est. Voluit enim tanquam primus homo & parens omnium sibi vindicare illum primum locum, qui Christo reseruabatur, *vt infra dicitur*. Et Christus in persona propria in Mundo, cum dæmone multos conflictus habuit. Primus conflictus describitur à Matthæo, quem habuit in deserto. Et fuit triplex. Primò carnis bellum intulit descriptū sub velamine lapidū, quos transmutandos in panes obrulit. Nam gula ad carnem spectat. Venit etiam cum turba superbiæ, dum ipsum supra pinnaculū Templi adductum hortatus est, *vt ad fastū inde se deijceret absq; læsione*. Tertiò cum acie auaritiæ pariter ac superbiæ inuasit eum : dum omnia regna Mundi ei ostensā promisit. Ductus igitur fuit Iesus in desertum à Spiritu sancto inflammato, *vt viriliter pugnaret, victoriam reportans, quæ venenum toti humano generi ab hoste propinatum amoueret; & dulcorantem gratiam tribueret*. Et pugnans Christus cum Diabolo, sicut in cruce fuit derelictus à Patre, *vt pateretur* (nam si cum Patre fuisset beatus, pœnas utique nullas sensisset) sic in hoc congressu derelictus fuit à Patre. Nec enim fuisset laus vincentis, si adiutus & suffultus virtute illa diuina bellasset. Nec
obstat

obstat illa Damasceni sententia, quòd Iesus nunquam dimiserit semel assumptum. Nam dormiente homine, anima dimittit ipsum naturales operationes exercere, nec tamen derelinquit ipsum, nec abit illa anima viuificans. Sic diuinitas non recessit à Christo, sed dimisit eum pugnare, sitire, esurire, fatigari ex itinere, & huiusmodi pati. Aderat tamen ei gratia Dei, qua merebatur. Sicut & cæteri homines, qui ipsum secuti sunt, gratia Dei suffulti meruerunt. Quamuis ij longissimo interuallo Christum secuti sunt. Nec enim Christus secundum diuinitatem (qua beatus erat) sed secundum voluntatem humanam, gratia repletam, meruit. Exodi quoque 17 dicitur. Vidi super sedem manum bellantem. Iad 17 *manum* significat, & loquitur de Dauide, qui fuit manus Dei: id est, fortitudo Dei, qui Goliath, & leonem interfecit. Et fidelius bellatoris officium gessit, quàm quisquam alius, contra Amalechitas, qui nec pacem, nec trehugam voluit habere cū Amalechitis, nece eorum vlli eius oculus parcebat, imò nec eorum iumentis. Saul verò, quia iumentis pepercit, eorum iumenta seruando, in sacrificium Deo offerendum, reprobatus à Deo,

eieſtus fuit ex regno. Præceperat enim illi
 Deus, vt nec Amalechitis, nec eorum bo-
 nis indulgeret, quæ omnia noſtri figura e-
 rant, vt ſemper contra inimicum noſtrum
 Diabolum pugnare habeamus; nec vnquã
 cum illo pacem habeamus, quia Regi no-
 ſtro inimicatur Chriſto, vt patet in Apocal.
 vbi dicitur, quod Diabolus voluit interfi-
 cere Filium mulieris: id eſt, Chriſtum, vt
 ſuprà patuit. & Chriſtus contra ipſum pu-
 gnans, dixit: Nunc princeps huius Mundi
 eiſcietur foràs, &c. Et Paulus Coloſs. ex-
 polians principatus, & poteſtates. & non
 ſolùm ipſe fuit vir fortis bellator, verum
 etiam nos fortes contra diabolum facit,
teſte Hieronymo: debilis eſt hoſtis, qui non
 vincit niſi volentem. Chriſtus igitur eſt
 vir, vt patet in Num. 24: Ego Dominus vir
 non mentietur. Habetur idem in libro bel-
 lorum Domini, de quo Eſai. Legite in li-
 bro bellorum Domini, qui eſt liber vitæ.
 In illo libro ſcriptum eſt: Adonai vir bel-
 lator. ad rem, Iad יָד *manum* ſignificat. Et lo-
 quebatur de Dauide, qui Chriſti fuit ſigu-
 ra: quapropter dicitur ad concluſionem,
 quod vir, Hebraicè iſ יָשָׁר, in quo vocabu-
 lo ſunt duæ literæ diuinitatis aleph א, &
 iod י, prima litera hanc dictionem con-
 ſtituit

stituit ab אב, & Patrem significat primam personam in diuinis : sicut aleph א est prima litera in alphabeto Hebraico, constituitur etiam ipsa literis ex duabus iod, & vau יו, quæ significant numerum 26. qui est numerus tetrag. יהוה quod nomen competit binach midah proprietati Spiritus sancti, punctato tamen punctis elohim. Appropriatur etiam Tipheret mansioni Iahacob, in qua regnare debebat Messias : vt habetur ab oraculo Gabrielis. Et sic tota Trinitas manifestatur in litera aleph & vnitas etiam personarum, ratione illarum trium literarum, vnā literam constituentium. Alia litera diuinitatis ibi posita est iod י, quod attribuitur cheter Patri ratione summitatis superioris : & binach Spiritui sancto, ratione alterius acuminis inferioris. Et cochmach Filio, ratione fusti ipsius. Et quia tres supradictæ personæ sunt vnum in essentia : ideo additur illis litera scin שן tres lineas rectas includens in vnitae literæ : quæ etiam scin includit tetrag. Sicut & litera aleph. Quare per dictionem is שן א quæ *virum* significat (Christum videlicet) de Trinitatis mysterio, per viam Cabalæ perfectissimè admonemur. Vide de nomine I B s v.

P.M. *Per nomen, quod tribus literis scribitur, he n. vau & aleph, quod nomen Dea propriissime attribuitur: & maxime conuenienter non solum ad Cabalistas, qui hoc expresse sapius dicunt; sed etiam ad Theologiam Dionysij Areopagite per viam Cabala Trinitatis mysterium cum possibilitate incarnationis nobis declaratur.*

F. A. Cabaliste tetrag. nomen n n n diuidunt, & ex literis eius tria componuntur nomina, scilicet iah n, hu n, vehu n, primum ex prima & secunda litera componitur, scilicet ex iod, & he, hoc modo n iah, quod idem est, quod *Deus*, & *Patrem* chetar signant, totius diuinitatis fontem. Secundum nomen, ex secunda & tertia constat litera sic hu n: quod ipse interpretatur, & signant *Filium*: nam ipse est, quem prophetæ ad saluandum genus humanum venturum prædixerunt: & digito quandoq; monstrandum, iuxta illud Esaia 35: *Deus ipse veniet, & saluabit nos.* Tertium nomen, ex tertia & quarta constituitur litera, scilicet ex vau, & he, sic n & id totum sonat, quod *ipse*, & Spiritum sanctum denotat: quia & ipse post Filium quoq; mitti visibiliter

ter debebat, sed non eodem modo: qui Filius in humanam naturam mitti debebat, Spiritus sanctus verò in columbæ specie & in linguis igneis, tanquam sub signo: nam litera he n communis est primo & secundo nomini: vau verò secundo & tertio, quare planè ostenditur filium consubstantialiorem esse Patri, à quo genitus est: & Spiritum sanctum consubstantialiorem esse Filio, qui consubstantialis est Patri, vt palàm liqueat, & Filium esse in Patre, & Patrem in Filio: & Spiritum sanctum in vtroque. Ad propositum conclusionis dico, quod istud nomen hu **און** cōtinet in se Trinitatis mysterium: nam aleph est sigillum Patris cheter, vt *sapè dixi*. In lege & in Scriptura, nullum verbū incipit à litera vau, **ו**, in sua radice: nō quod hoc sit à casu, nec ex eo quod vau sit coniūctionis nota, quia tale non potest esse principium sermonis, sed semper sequitur aliquid præmissum. causa ergo huius potissima est: quia litera illa arborem vitæ significat, quæ in medio paradisi collocata est. vnde in verbis radicalibus, nunquam ponitur vau, **ו**, nisi in medio dictionis: sicut cor, vbi est principium vitæ animantis, in medio corporis collocatur. Et si contingat illam literam esse in principio aut in fine: id

Q 5 est,

est, non radicaliter, sed consequenter, aut ministerialiter, vel communicatiuè. sicut & vita in medio corporis existens, omnib. alijs membris communicatur, & arbor vite in medio paradisi sita omnes arbores eiusdem viuificat. Vau, igitur est sigillum Filij tipheret arboris vite. He n est sigillum Spiritus sancti & binach, & signant vnionem Dei cum homine, per carnis assumptione, vt dixi. Eadem conclusio Thalmudicè probatur: nam Zacharię 9. habetur: Exulta valde filia Sion: iubila filia Hierusalẽ: ecce rex tuus veniet tibi iustus & saluator ipse (id est, hu כח) pauper: & ascendens super asinam, & super pullum filium asinarum. Ex quibus verbis diuinitas, & humanitas demonstratur. Rab. Barachias super his verbis: Iustus & saluator, dicit adducẽs verba Rab. Menachem Rachenad super Genesi cap. 3. ita dicentis: Salus Israël est salus Dei sancti & benedicti, vt dixit Rab. Barachias sacerdos, quia scriptum est Zacharię 9. c. Iustus & saluator, & non iustus saluator ipse. Vbi senex ista sacerdos ostẽdere conatur, quod Deus saluãdo Israël: id est, fideles, saluator dicatur, ex eo quod Propheta iste, iustus & saluator, dicat: per *iustum* nanque Deum intelligit, & ratio super quam eius dictum

Etum fundari videtur, est, quia quem-
 admodum operis perfectio in operan-
 tem redundari solet : sic humani generis
 saluatio in Deum quodammodo resul-
 tat. Idcirco igitur Propheta iuxta huius
 doctoris expositionem, Messiam salua-
 tum dixit: quia cum ipse tanquam Deus
 humanum genus saluaturus esset, ipsius
 humani generis saluatio in eum tanquam
 in salutis auctorem redūdatura erat. quam-
 obrem non ineptè hoc loco 70. inter-
 pretes sensum magis quàm verba secuti
 transtulerunt, iustus & saluator. Quare
 ostenditur eius diuinitas ibi. Iustus &
 saluator ipse. hæc enim Hebraica dictio,
 hu יהא : id est, *ipse*, apud Hebræos diui-
 num est nomen & *Deum* significat quòd
 Esaiaë 42. patet, dum ipsemet Deus ait:
 Ani Adonai hu semi יהוה יהא שמי: id
 est, *ego Deus, ipsum est nomen meum*. cum igi-
 tur Zacha. dicitur: Veniet tibi iustus, & sal-
 uator ipse : in his exprimere voluit, quòd
 Esaiaë clarè cap. 35. expressit, dicens: Elo-
 him hu iabo vero Sánaché. אלהים יהא יבא
 וישיעב: hoc est, *Deus ipse veniet, & saluabit*
nos. Saluare enim propriè solius Dei est: cæ-
 tera, quæ in eadem auctoritate continētur,
 Messiaë humanitatem exprimunt, vt pau-
 pertas

pertas & super asinam sessio, &c. quod autem hæc de Messiah intelligi debeât, patet per Rab. Selomonis glossam. Quæ sic ait: Ecce Rex tuus veniet tibi, non potest hoc exponi, nisi de rege Messiah. Quia dictum est hîc: Et dominium eius à mari vsque ad mare, & à flumine vsque ad fines terræ. & nō inuenimus talem dominatorem in domo secunda: hoc est, tempore secundi templi fuisse. Ex quibus apertè liquet, regnum Messiae spiritualiter intelligendum esse, cū regnum temporale & paupertas simul esse non possint. Rab. etiam Hadarsan in expositione Geneseos, super illud 49. eiusdem libri dictum: ligans ad vitem pullum suum. sic dicit: cū venerit Messias in Ierusalem, ipse erit cingēs asinum suum, & equitabit, & super eum veniet in Ierusalem, vt ducat seipsum in paupertate, vel humilitate: sicut scriptum est Zachar. 9: pauper & humilis, equitans super asinum: Et ad palmitem filii mi asinam suam: *hac ille.*

P.M. *Si Deus in se, vt infinitū vt unum, & secundum in se intelligatur, vt sic nihil intelligamus ab eo procedere, sed separationem à rebus, & omnimodam sui in seipso clausionem, & extremam in remo-*

remotissimo suae diuinitatis recessu profundam, ac solitariam retractionem, de eo intelligimus, ipso penitissimè in abyssu suarum tenebrarum se contegente, nullo modo in dilatatione, ac profusione suarum bonitatum, ac fontani splendoris se manifestante.

Abraham in suo de formatione disponit F. A.

Ilan sephiroth ad modum arboris decem ramos habentis, qui dimensiones, vel sephiroth dicuntur, & arbor illa est fundamentum totius Theologiae tam nouae, quam antiquae, variatis tamen terminis. Et haec arbor est ad instar arboris decem predicamentorum Aristotelis; in quibus decem, quicquid est finitum, & limitatum ponitur. Propterea quod infinita, ut Deus, & illimitata, ut ens vnum verum in predicamento non ponuntur; & hoc nec propriè, nec reductiuè; materia etiam prima, non ponitur in ipsis, quia sub ipsis est à simili, essentia nuda diuina, in se considerata sine respectu intrinseco, & extrinseco, est transcendens ad modum entis; & non ponitur in coordinatione sephiroth; similiter creatura, quia est inferior ad illas dimensiones, ideo non ponitur directè in illis, nisi reductiuè, ut Adam, Abraham, Isaac,

Isaac, Iahacob & Dauid (*vt declaratum est in Merchaua*) qui sunt pedes Merchauah, ad modum propriarum passionum, quæ reductiuè in prædicamento ponuntur, & hæ dimensiones decem sunt, & non plures: quia non datur numerus simplex maior denario, & ratio huius est: quia nõ datur in mente diuina ideo denario maior. Quare intellectus noster nihil apprehendere potest, nisi illud tale sit ideatum in mente diuina. Et Esai. ponit has decem sephiroth: in vnum adducit septem inferiores, ibi: & requiescet super eum spiritus sapientiæ, & intellectus, &c. Et alibi ponit tres superiores: de quibus singulis super Ilan, dixi: similiter super portam lucis. Et paralipomenon 25. & 26. ponuntur omnes decem ordinate. Ad conclusionem igitur dico: Quod si cõsideretur Deus in se, quatenus ad vnitatem suam intrinsecam; ita, quod nec quatenus Pater, nec quatenus creator, &c. dico, quod hoc modo cognoscitur in abyssu suarum tenebrarum: id est, obscure à nobis cognoscitur: absconditur enim à nobis tanquam in nube. Nam nubes nobis beneficia duo cõferunt, obtegunt enim nos ac mitigant Solis vigorem, & pluuiam præstât. Lux enim eius nimis excellens percellit oculos minus

nus dispositos, aut tantę luci non assuetos:
& calor exiccans, & exæstuans perurit aliquando: vtrumque tamen necessarium est.
Ad quorum temperamētum summus moderator nubes pro tempore interiſci iubet, quę lucem comprimant, & arefacta maffaciant & irrorent. Non secus nubes illę meliores, quorum istę simulachrum tenēt, interponuntur tanquam velamina: quādo non possunt debiles mortaliū oculi in gloriam, & splendorem opificis veri quidem Solis intendere: in quod spectaculum lucidissimū (*inquit Plotinus*) si oculus sordibus infectus: nedum purgatus, aut ignauia debilis intēdat: caligabit protinus, nihilq; discernet. Ideo, ne offendantur oculi sic infecti, opponitur nubes. Sicuti populo murmuranti gloria Domini, apparuit in nube, *vt in Exodo legimus*. Et iterum: Veniam ad te in caligine nubis, vt audiat me populus loquentē ad te. Sic & ascēdente Moſe ad Dominum in montis verticem nubes operuit montem, ne offenderentur vulgares oculi intendentes in gloriam Domini, quę erat tanquā ignis ardens super verticem mōtis. Et Ezechieli loquens, atrium & domū, vbi erāt, nube compleuit. Sic quoq; tertio Regū legimus, quod Deus loquens Solomoni
in

in templo: ne gloria eius ibi apparens offenderet oculos conuiuentes, nebula impleuit templum, & domum. In hunc itaque modum Deus sese inferioribus præbet, ut in Psalmo canitur: Nubes & caligo in conspectu eius. Quod & cum Apostolis obseruauit: quando enim eis gloriosus apparuit, nubem præmisit, quæ eos obumbraret: ne eorum adhuc debiles oculi à splendore gloriæ suæ instar Solis splendentis offenderentur. Et hoc est, quod dicitur: Deum nemo vidit vnquam, scilicet essentiam nudam in se, & in esse absoluto: imò nec sancti possunt: & si Paulus dicat: Videbimus facie ad faciem. non enim sequitur, video Petrum à facie ad faciem: video igitur eius echairatem à cæteris distinctam: à simili non ualer. Video Deum à facie ad faciem: video igitur essentiam, ut essentiam. Intellectus naturali lumine potest certis rationibus intelligere primò quidem esse Deum: deinde quid non sit ipse Deus: scire autem quid sit ipsa natura Dei propriè, nec intellectus noster, nec angelicus lumine naturali potest: est enim natura illa longo interuallo super essentiam, & intelligentiam, quantumcumque perfectam: sed solæ mentes beatæ intelligunt, quid sit Deus, sub lumine quodam plus-

plusquam naturali: cum ipse Deus se menti coniungit, quasi tanquam forma, quam videat, & per quam videat. Hinc Plotinus animus (*inquit*) perfectè purgatus priùs per vnionem diuinam. Deus efficitur, quã cognoscat quid sit ipse Deus: sed Deum perspicere, naturamq; ipsius sub cunctis rationibus suis apprehendere nullus intellectus nullo lumine valet. Vnde Marsilius Ficinus: Nullum vestigium nobis occurrit vsquam eorum, qui Deum has absoluta ratione perspexerint, quoniam nulli perspicere licet: nec rursus eorum, quibus palam ipsa diuina natura paruerit, percipientibus quidem; nec interim complectentibus, nec enim vel ipsi exprimere, vel alij capere possunt, quod ipsi contemplati fuerint in excelsis; nam &, quæ Paulus cognouit in raptu, non licuit homini loqui. Et Plato: Diuina (*inquit*) dici, doceriq; non posse; sed in animo pio ad Deum accedente; subito tandem diuinum ex alto lumen accendi, quod quidem seipsum intus alat; quasi neget eiusmodi lumen extrinsecus emicare. Est enim Deus in se abstractus vnitas, nõ in re qua quauis vnita sedem habens: sed vnionis vnitatisque vbique causa. Essentia quoque & intellectus dici potest tanquam

R essen-

essentię omnis intellectusq; causa; non tã-
quam essentialis quidam intellectualisue
forma. Plato in Timeo appellat Deum, ap-
pellatione quadam prodigiosa superessen-
tialitatē nominans essentialitas apud Me-
taphysicos est simplicior quàm essentia.
Deus igitur, nō solū simplicissimum ens
est: sed ipsa simplicitas. Vbi igitur Deus i-
psū vnū, vel vnitas vel monas cognomi-
natur: primò quidē per ista significatur nō
esse Deos plures, sed vnicū: non compo-
sitū, sed simplicissimū. Ipsum igitur Deita-
tis excelsę superessentiale, ipsa scilicet su-
perbonitatis superessentia, quicquid deni-
que sit: neq; vt rationem vel potestatē: neq;
vt intellectū, aut vitā, vel essentiam lau-
dare fas est vlli ex his, qui veritatis omni ve-
ritate superioris sunt amatores: sed vt ex-
cellentissimè segregatā ab omni habitu vel
motu: vita: imaginatione: opinione: nomi-
ne: sermone: cogitatione: intelligentia: es-
sentia: statu: firmatione: vnione: termino:
infinitate: & vniuersaliter ab omnibus, quę
in ordine entium collocantur (vt dicit Fic-
inus in suo de Theologia.) Hac igitur ratione
Deus ipse alioquin simpliciter proferēdus
dicitur: & primus Deorum Deus & diuini-
tatis Deitatisque vniuersę principium. Et
hanc

hanc unitatem appellant Cabalistsæ in Deo ipsam diuinæ infinitatis singularitatē nulli foris cōmunicabilem: discretionem verò dicunt processionem rerū ex Deo manantiū. Nisi enim processio fiat, nec Deus habebit à quo distinguatur: nec vlla rerum erit inter se distinctio, cuncta siquidem in Deo sunt vnū. Res ipsæ procedentes conseruat interim mutuā vniōnem: nam in vno quodam conueniunt cū sint ab vno. Et ponens hanc unitatē (qualem modò diximus) personarum considerant distinctionē: rursus in hac distinctione communionē. Tū midoth seu dotes siue attributa omnes per excellentiam Deo tributæ: sic in vnaquavis persona sunt: sicut in alia. Tū quia quælibet persona est in alijs cuncta simul atque distincta: quemadmodum lumina luminibus insunt. Ynde Dionysius in suo de diuinis nominibus loquens de vniōne discretionēq; luminum, ait: Quando in aula eadem lampades accensæ sunt plures, videmus omnium lumina ad vnum aliquod coniuncta lumen, vnumq; splendorem indiuiduum præferētia. Neque posset (vt *arbitror*) aliquis lampadis huius lumē ab alijs ex aère cūcta lumina cōtinente secernere: & alterum absque altero cernere. Quippè

cum tota in totis sine mixtione sint inserta. Iam verò si quis lampadem vnam è medio tollat: lumen quoque proprium eius totum abeuntem lampadem comitabitur. Nec quidquam aliorum luminum secum trahens: neque ex suo cæteris aliquid linquens. Erat enim (*vt diximus*) illic totorum ad tota exacta quidem vnio: nec vlllo modo commixta; nec vlla ex parte confusa: *hæc ille*. Hoc sic probatur, si in aula lucernis tribus illustri deambules: tres vmbrae resulant. Præterea, si ingentem tabulam lucernis illis opponas: cuius in medio sit foramen; lucernæ tris per foramen illud tria lumina è transuerso traijciunt in oppositū. Vnde conijcimus emicantia lumina in aëre inuicem non cōfundi; sed quamuis sint coniuncta loco, pura tamen sunt, suamque proprietatē seruant inter se discretam. Spiritalis enim eorum natura facit vt nō commisceātur inuicem in nouam communēq; formam; sicut solent corporeæ qualitates. Quamuis Astrologi putant multis radijs vim nouam aliquam procreari. Radijs tamen interim non commixtis. Si igitur lumina ob incorpoream proprietatē in corpore tamen existētia; munus id consequuntur; vt & vnita inuicē: & simul discreta inter

ter se mirabiliter esse possint. Multò magis id habent, quæ magis sunt à corporib. separata. Vt ipsius animæ virtutes atque sciëntiæ. Magis etiã ipsæ inter se substãtiæ animarũ. Magis insuper inuicẽ intellectus Angelici. Maximè omniũ Trinitatis diuinę personę. Cuius quidẽ tam vnitatis quàm discretionis participatione quadã singula deinceps pro modo suo gradatim vnionẽ discretionē reportant. Geminã tamen in Trinitate consideramus discretionẽ, secundum Dionysium. Tum quia existentia Patris, alia est atq; Filij; & existentia Filij Patrisq; alia est, atque Spiritus. Tum etiam, quoniam actus Patri proprius, quod est generare non cõuenit Filio. Neque actus Filio proprius: id est, nasci, Patri cõpetit. Similiterq; procedere ad Spiritum solum pertinet. Ideo nec Pater est Filius: neque Filius est Pater. Neq; Spiritus sanctus simili ratione. Hanc eandem doctrinam docent Cabalistsæ, dicẽtes: Tris primas sephirot conuenire & identificari in Ensoph. Et vocãt illas, cheter chocmah, & Binah. à quo cheter tanquam à primo fonte originis procedit chocmah sapiëntia Filius. Ideo chocmah competit nasci, & cheter generare, neq; nasci competit cheter: neque generare competit chocmah. Si-

militer procedere pertinet ad Binah; & nō conuenit neque cheter, neque chocmah. Nec generare, nec generari, nec procedere, competit Deo. Si Deus in se, vt infinitū, vt vnum, & secundū se intelligatur, vt sic nihil intelligimus ab eo procedere: sed separatione à rebus, & omnimodam sui in se ipso clausiōem, & extremam in remotissimo suæ diuinitatis recessu profundā, ac solitariā retractionē, de eo intelligimus, ipso penitissimè in abyssu suarum tenebrarum se contegēte: nullo modo in dilatatione, ac profusione suarum bonitatum, ac fontani splendoris se manifestante. Nam si cōsideratus est absq; relationibus: tamē intrinsecis quā extrinsecis: & à Cabalisticis hoc modo vocatur Ensoph: id est, nō finis, siue ens infinitum, absconditum, obtenebratum, quamdiu sic manet. Et cū sit in se totū lumen; aliud generare nō potest quā quod ipse est. Nec suscepti luminis aliud, quā lumen fieri potest. Si ergo lumē est, qui lumen genuit, & lumen est qui lumen suscepit. Iam quodammodo idem inuenitur esse & qui genuit, & qui lumen suscepit. Ita tamen vt ille hoc esse credatur per naturā. Iste verò hoc agnoscat per gratiam. Propter hoc ergo vnū lumē in multa se lumina par-

participatione perfudit, vt multos illuminatos ad vnum lumen reformaret. vt dum illud participando, multi acciperent in illius forma omnes vnum apparerent. Lux enim cheter Patris inuisibilis, in se procedens in nos: & exiens ad manifestationem vacuos inuenit & inanes à vero bono: & infundens se nobis: replet nos secundum vniuscuiusque nostrum virtutē & capaciatem: & cum repleuerit, conuertit nos, vt non dissideamus à cheter Patre corona superiori: sed in eandē similitudinem & imaginem respiciamus ad ipsum qua non discordamus ab ipso. Replet quidem illuminando: & conuertit lumina faciendo. Replemurenim in eo, quòd in eo lumen accipimus. Còuertimur aut, in eo quod ex accepto lumen & ipsi lumina sumus. Nam in eo cum lumine vnum sumus, & in lumine vnū sumus, quod lumē sumus: & est vnitas in vna similitudine in, vno lumine & in vna claritate, & vnū illuminās, & lucens lumē.

*Ex precedenti conclusione intelligi potest P.M.
cur dicatur apud Cabalistas quod
Deus induit se decem vestimētis, quā-
do creauit saeculum.*

F. A. In præcedenti cōclufione fatis vidimus, quemadmodū Deus in pura & nuda effentia apprehendere nequimus: quare vestitum varijs indumentis sese nobis ostendit opifex: nō membra quidem vt testā ipsius, veluti nostra carnea, protegantur à frigore; & ob honestatem velentur: sed ea sunt hæc indumēta in quibus, & per quæ Deum cognoscere possumus. per hæc enim vestimēta omnis virtus, ab eo manans, procedit. nam à Deo nudo: id est, penitus semoto ab omni respectu, nihil fluit. Et Enshoph vocitatur fons omnis bonitatis. in eo enim quod influit, relationem quandam induit quod vestimentum dicitur; vnde ergo nobiscum agens induit se septem vestimentis extrinsecis, & tribus intrinsecis agens in diuinis ad intra. Volens enim Deus cōstituere fabricam mūdānam: primò archetypam fundauit, emanando personas diuinas, Patrem videlicet cheter, Filium chocmah, & Spiritum sanctum Binah: quia nisi primò hæ præcessissent, minimè creata machina subsecuta fuisset. quare actiones sunt suppositorum. Deus igitur summo pere hic, remotus ab omni relatione, antequam increata sese diffunderet, Filium genuit, qui cum Patre vnà Spiritum S produxit,

duxit, & primam vestem induit, paternitatem videlicet. Et de hoc vestimento loquitur Iacobus, cum dicit : Pater luminum. quia ceter Pater est lux inaccessibilis. de quo David: Amictus lumen, sicut vestimento. Pater in sinum suscipiens Filium, quem genuit, induit se vestimento celsitudinis. de quo Paulus : Excelsior cœlis factus: ab utroque Spiritus sanctus procedens, induit se vestimentum igneum, de quo Exod. Erat autem species gloriæ Domini quasi ignis ardens, post illam sanctissimam, & intrinsecam productionem, se in creata voluit diffundere. unde septem alia sumpsit vestimenta, quibus nobiscum ageret, & versaretur. Deus & si vnus sit, sortitur tamen multa nomina. Et quamuis Zacharias dicat: Et nomen eius vnum. Vnum quippè est nomen Dei exprimens. quantum fieri potest : ipsum Deum in se quod est Adonai נדנ. Iuxta illud Psalm. Adonai nomen illi : sed in quantum Deus induit diuersa vestimenta : vt diuersa nobiscum agat, sortitur diuersa nomina: nunc pietatis, nunc iustitiæ, nunc pulchritudinis: nunc decoris: & cetera huiusmodi, penè innumerabilia. Quando autem perfecto fabricæ articulo omnia reducentur in

vnum: tunc (*Zacharias ait*) erit Deus vnus & nomen eius vnum. Cùm non variè, sed vnicè nobiscum agat. pro nunc autem, Deus dicitur vestitus quamplurimis vestimentis: Deus enim est nudus, si in seipso consideretur absque alio ad extra respectu, & in abyſſo sui fontani splendoris (vt visum fuit in præcedenti conclusione) si verò cum creaturis agat, aut ad ipsas respiciat, induitur relationibus, tanquam vestimentis quibusdam. Hinc (*secretiores Theologi dicunt*) quando Deus voluit Mundum creare, induit se decem vestimentis. Quæ vestimenta, alio nomine dicuntur mensuræ: quibus Deus metitur omnia, quæ nobis tribuit. Iuxta illud: Vnicuique secundum propriam mensuram. Vnde David prædicat Deum lumine vestitum, dicens: Indutus est Dominus lumine. Quamvis alibi dicat; posuit tenebras latibulum suum. Et iterum nubes & caligo in circuitu eius. Nube igitur, caligine, & tenebris Deus tegitur respectu debiliū nostrorum oculorum: qui nequeunt deprehendere ipsius opera, quæ valde sublimia & occulta sunt. Iuxta illud Baruch: non est, qui possit scire viam eius: neque qui excogitet semitas eius: Ipse tamen est lux summa, omnia collustrans:

strans: habitatque (vt *Apostolis ait*) lucem inaccessibilem. Induit autem lumen: dum cum creatis agit: eis formas naturales & gratuitas tribuens, quæ tanquam radij, ab illis vestibus, vel mensuris procedunt, per quas nobiscum operatur. Hinc formam dare volens rebus, dixit: sit lux. Dicitur etiam vestitus confessione & decore. quia (vt dicunt antiqui & secretiores Theologi) agens cum creatis concentum & decorem induit. quod Hebræi dicunt hod vehadar חדר וחדר: concentum enim induit dum omnia consonantissima reddidit. Iuxta illud Boëtij: *Tu numeris elementa ligas.* nec tantum elementa ligauit: sed totum corpus mundanum & humanum cum anima: omniaq; inferiora cum superioribus. Decorẽ verò induit, dum facit, quantum decet. Christus omnium Dominus harum mensurarum induit se confessione, quando ipse dixit: Confitebor tibi Pater, Domine cœli & terræ: decore verò quando transfiguratus est. Tunc enim vestimenta eius facta sunt alba sicut nix. Deus igitur nobiscum agens, septem præcipua sortitur nomina, quæ sunt quædam eius indumenta: nam cum sola bonitate & amore inductus fuerit ad opus & in amore produxerit,
nomen

nomen sortitur clementiæ, quod est el אל, elohe אלהי, Quod el *Deum* significat: clementissimum videlicet & pium; quamuis aliquando etiam *fortem* significat, vt sæpius Aquila interpretatus est (vt dicit Hieronymus) de quo habemus in Psalmo 40. el elohim Adonai דיהוה דבריר אל אלהים: quod interpretatum habemus: *Deus deorum dominus loquutus est*. Eius Midah siue *proprietas* dicitur Gedulah. Et quia non tantum pietas, & misericordia exquiritur: sed aliquando iustitia & seueritas in flagitiosos, & improbos: ideo est aliud tribunal Dei: quod dicitur iustitiæ seueræ, & punitiue, timoris & roboris: & tunc Deus vestit nomine elohim אלהים: & significat *Deum robustum coaptans culpas per pœnam*. Hoc nomen ponitur nedum in his duobus extremis prout Deus agit nobiscum, sed medio temperamento harmonizans, & pulchrificans omnia, aliud sortitur nomen, & dicitur tetrag. יהיה eius midah tipheret appellatur: Quod in Psalmis ponitur plerisque in locis, maximè in Psalm. 96: Et quia summus princeps tam impietatem quàm secundum iudicij: aliquando remissius agit: ideo adsunt aliæ duæ mensuræ, seu duo vestimenta, vnde immediatius & remif-

remissiùs influat. Et tunc Deus vocatur Adonai zeuaor יְהוָה צְבָאוֹת, Et elohim zeuaor אֱלֹהִים צְבָאוֹת: Midot dicuntur: hod & nezach: *confessio & magnificentia*. Quia verò Deus vitam communicat omnibus, unde omnia viuant, sortitur aliud nomé quo dicitur Elchai אֱלֹחַי: id est, *Deus viuus*. Dicitur etiam sadai שָׂדֵי: id est, *sufficiens pro omnibus*: mida dicitur Iesod: id est, *fundamentum*. Agens tandem Deus domesticè, & generali quodam influxu cum omnibus, dicitur Melech Adonai אֲדֹנָי מֶלֶךְ: id est, *Rex & Dominus omnium, omnia gubernans, & princeps regum terra, & Dominus dominantium*: & Mida eius dicitur malchut: id est, *Regnum*. Hæc sunt indumenta quibus Deus induit se, quando sæculum creauit. Christus nempe his vestibus indutus erat. Vnde Lucas narrat, quomodo mulier ad tactum vestimenti Iesu sanata est. Quia diuinitatis virtus, quæ in Christo Iesu erat, nedum in corpore, sed etiam in vestimento eius redundabat: nam cum mulier ad vestimenti tactum suscepisset sanitatem: sensit Christus virtutem, quæ exierat. Hinc dixit: Tetigit me aliquis: nam & ego noui virtutem de me exisse. Quòd multi cognoscentes rogabāt (vt Marcus refert) vt himbriam vestimenti ipsius

ipſius tangerent. Quotquot autem ipſum tangebant, ſanabantur. Quæ veſtimenta fuerunt primò tunica inconfutilis, quæ baptiſmum ſignificat, ſacramentum quidem non reiterabile: alterum verò erat tunica diuiſibilis, ſacramētum videlicet pœnitentiæ, toties quoties opus eſt reiterabile. Ab his etiam duobus veſtimentis diſtillat ſanitas animæ. Veſtimenta itaque dicuntur huiuſmodi ſacramenta, quia nuditatem noſtram & peccata regunt: ſunt etiam hæc ſacramenta ſeptem, fidei noſtræ ſignificantia ſeptem veſtimenta, cum quibus Deus nobiſcum agit: cū ipſum nudum apprehendere nequeamus. ſunt ergo veſtimenta iſta Chriſti, decem veſtimenta ſeu proprietates, quas Deus induit, dum Mundum creauit, & agere cum creaturis decreuit. A quibus veſtimentis (*ſecundum ſecretiores Theologos*) prouenit, quicquid nobis communicatur. Quæ omnia cū in Chriſto concluderentur, cui Pater omnia dedit: non potuit quippiam ex ipſis emanare quin ipſe Chriſtus ſentiret. Hinc non ſine cauſa dixit: quod ſenſerat ex ſe virtutem exiſſe. & hoc concludit diuinitatem Chriſti. Diuinæ igitur veſtes Deum alias præ fulgore immenſo (*vt di-*
ctum

ctum est) inuisibilem, nobis visibilem præbent. nam si non poterant aspicere filij Israël in faciem Moysi ob splendorem vultus eius, *vt Paulus inquit*, in quo videlicet & splendebat parvus radius diuinitatis, sed necesse erat velari faciem: quid dicendum est de luce illa diuinitatis immensa: quam ideò ipse Paulus vocat inaccessibilē: quia apprehendi & attingi nequit à nobis. necesse est igitur vt contegatur si videri debeat. Contegitur autem aliquando, lumine, rebus creatis visibili, aliquando vestimentis albis pietatis, clementiæ & amoris: aliquando rubeis iustitiæ & fortitudinis: aliquando purpureis, donorum videlicet Spiritus sancti, vt Cabalistæ exponunt, aliquando viridibus, vitæ & gloriæ: aliquando concinnitate & decore regio: multa huiusmodi vestimenta Deus induit: quibus agens nobiscum tot tantaque oblectamenta tribuit quot & quanta capere possumus. Fœlicius autem beati in aspectu illarum vestium oblectantur & beantur.

Qui intellexerit in dextrali coordinatio- P.M.
ne sub pietatis ordinatione ad sapiētiā,
perfectè intelliget per viā Cabalæ, quo-
modo

*modo Abraham in die suo per rectam
lineam vidit diem Christi; & gauisus est.*

- I. A.** In diuinis est leua, & dextra manus: quamuis Deus sit ab omni figura corporea, & ab omni situ absolutus. Et dicuntur hæc per similitudinem quandam, qua in nobis inuenitur: omnia enim quæ facta sunt, tenent saltem Dei vestigium: & facta sunt secundum exemplaria supernorum: sicuti magno mysterio dictum est de tabernaculo à Mose fabricato. quem alloquens Deus, dixit: Inspice & fac secundum exemplar, quod tibi in monte monstratum est. Nam idæ, quæ sunt in Deo (*teste Augustino*) exemplaria sunt rerum producendarum: rerum enim omnium, quæ hic inferius sunt, vera ratio, & exemplar in Deo est, requirenda, non ea nota, & lege corporea, qua sunt hic inferius, verum longè meliori. Idcirco solium Christi iudicantis habebit dextrum & sinistrum. Vnde in dextra ponet oues, & in sinistra hædos: ipse verò stabit in medio. Hinc oraculum Gabrielis dixit: Regnabit, scilicet, Iesus, in domo Iahacob in æternum. Iahacob enim in archetypo, siue in supernis mansionibus medium tenet

tenet inter Abraham, qui dextram tenet,
 & Isahac, qui sinistram possidet. Et quàm
 optimè Iudex sedere debet inter dextram
 pietatis, & sinistram iustitiæ : vt hanc cum
 illa contemperet. Et ideo Zebedæi peten-
 tes sedere vnus ad dextram, alter autem
 ad sinistram Iesu, dictum fuit: Nescitis quid
 petatis, quia petebant, quod nondum me-
 fuerant. Hinc Christus dixit eis: Potestis bi-
 bere calicem, quem ego bibiturus sum.
 nam ipsum bibenti datur præmium. Et si
 Christus postmodum dixerit : Calicem
 quidem meum bibetis. Attamè, quod pe-
 tebant, eis promittere noluit : quia fortè
 petebāt, quod alijs præparatum erat. Hinc
 dixit eis Iesus : Sedere ad dextram vel ad
 sinistram meam non est meum dare vobis,
 sed quibus paratum est à Patre meo. Et
 magis credendum est, quòd hæc illis di-
 xit, quia ambo reponendi erant in dex-
 tra. Ideo malè petebant, quòd alter illo-
 rum locaretur in sinistra maledicendus vi-
 delicet & puniendus. Dextera itaque est
 pietas : sinistra verò seueritas : in dextrali
 igitur coordinatione sephiroth primò po-
 nitur chocmah sapientia diuina, qui Fi-
 lius dicitur : inferiùs ad illam in recta li-
 nea dextrali ponitur Gedulah, pietatis,

S ac mi-

ac misericordiæ plena. & ibi locatur Abraham : de quo dicitur, quod vir erat maximè pius, & libenter hospitio pauperes recipiebat : quare meruit angelos hospites habere. in cuius memoriam vsque in hodiernum diem in valle Hebron constructum hospitium extat : cuius bonis quotidie quinque millia peregrinorum pane, & carne pascuntur. Et, quia locus ille in diuinis dicitur meridies; ideo de Abramo dicitur, quod ambulabat, pergens ad meridiem : id est, proficiscens in influxum Gedulah. Et hoc est, quod dicitur Genes. Abraham completo colloquio, quem cum Deo habuit, reuersus est ad domum suam in Hebron, siue ad locum suum. Tota enim Genesis descriptio ad allegoriam tendit. Explorauerat pater Abraham multa esse loca in domo Patris æterni. Hinc nunc ad vnum, nunc ad alium locum recurrebat : vt nomina, quibus ipse utebatur, indicant apud sapientes. Et hoc, vt ab aliquo ipsorum locorum veniam (si fieri posset) impetraret, sicut è conuerso Bilaham tentauit diuersa loca Samaëlis, offerens in quolibet illorum sacrificium : vt ab aliquo ipsorum impetraret. Vnde Israhël malediceret. non enim erat horum sacra-

sacramentorum mignarus. Videns igitur Abraham, quòd non inueniebat locum, vnde veniam impetraret pro Sodomitis: reuersus est ad locum suum meridionalem videlicet: vbi tentoria figere consueuerat. Qui à Cabalisticis Gedulah dicitur, seu cheset: id est, misericordiæ ac clementiæ tribunal; cui præsidebat Abraham senex tanquam primus pes Merchauah; id est, *gloriæ Dei*. Ideo de eò dicitur, quòd Abraham expendebat solum modò argentum. Non eò, quia aurum non esset in vñ: cùm dicat Genes. quòd aurum fluuij è voluptatis Horto egredientis, erat bonum, & in pretio: sed Scriptura studuit innuere locū, vnde erat Abraham, & vnde influxū iugiter hauriebat. A meridie enim talē hauriebat defluxum, vnde argentū venit. Quod & per aliā allegoriam Moses declarauit, dicens, quòd ad meridiem tentorium tendebat: & ibat proficiens, seu proficiscēs versus meridiē. Nec de auro fit mentio, vbi de Abraham est sermo, quia ipse non erat Aquilonaris, cuiusmodi est aurum, quod ab Aquilone venit, sed meridionalis. Propter hoc in Genes. dicitur, quod Abimelech dedit Abrahamæ mille argenteos, in velamen oculorum Sarę, eò quòd malè eam acceperat: nec

fuerat ea abusus. Similiter ibidem dicitur, quòd Abraham emit speluncam duplicem ab Ephron filio Chet pro sepulchro Saræ tot scyclis argenteis. Abraham igitur in loco inferiori existens: ad chocmah filium in recta linea dextrali, potuit Christum filiū Dei videre, siue diem eius: id est, lucem, & gloriam eius, & humanationem. Qui Abraham lumine illius filij perlustratus, ritus bonos Dei familiæ dedit. Deum enim trinum cognouit, & quomodo & quando per canales fistulas se creatis participem reddit. Et, ob mirabilem eius scientiam, Deum appellari meruit. Potuit igitur videre, imò vidit, & gauisus est, idque, quando Deus iussit eum foràs exire: id est, extraterminos naturalis ordinis, vt ostenderet illi stellas: de quibus Apostolus ait: Sicut stella differt à stella in claritate, sic sanctus à sancto in gloria. Deus igitur eleuauit ipsum, vt cognosceret innumerabile multitudinem in semine suo, Christo, saluandam: & ipse hoc credidit, & reputatum est illi ad iustitiam: id est, ad pietatem in Deum: hoc enim est proprium credere, & Deo adhærere: quare Hebraicè dicitur, *Zedacha*, quæ est fides cum adhæsiōe. Et hæc fides facit ad salutem. Fides enim vt uiuat,

uat, ad opus conducit, opus verò fidem præsupponit. Abraham igitur in vtraque perfectus cōmendatur, & aliquando seorsum de fide, & aliquando de obseruantia mandatorum. Quæ referata fuerant à Deo ipsi Abrahæ non minus, quàm Mosi, quamuis iubente Deo, populo tradiderit, & Scripturæ commendauerit, vt patet Genes. 26. Et sic Abraham seruauit legem, præcepta, & statuta: possunt ergo hæc obseruari. Quare malè garriunt dicentes, quòd lex obseruari nequit, & quod Abraham ex sola fide, & non ex opere iustificatus sit. Reputata quidem fuit fides Abrahæ ad iustitiam, reputata fuere & opera, propter quæ promissa fuit benedictio omnium gentium in semine eius, id maximè, quando obtulit filium Isahac in sacrificium, quem etsi in fide obtulit (*vt inquit Apostolus*) illa tamen oblatio non erat fides ipsa, sed opus fundatum in fide, quæ est fundamentum spiritualis ædificij: vidit igitur Abraham in die suo per rectam lineam, quæ est in dextrali coordinatione sephiror, diem Christi: id est, cognouit chocmah sapientiam diuinam incarnandam in die: id est, in lumine sibi dato desuper, quod chesed dicitur: id est, clementia

& gratia, quæ in tali ordine rectè supponitur chocmah: propter quod gauisus est.

P. M. *Effectus qui sunt secuti post mortē Christi, debent convincere quemlibet Cabalistam, quod Iesus Nazarenus fuit verus Messias.*

F. A. Effectus in Christi morte secuti fuerunt signa, quòd Christus fuerit verus Messias. Primò Sol obscuratus est: quia fuit Solis eclipsis miraculosa: fuit enim facta in plenilunio: ideo non erat naturalis: sed supernaturam, & miraculosa: quia eclipsis Solis debet fieri in nouilunio, vel circa: tradit enim historia Evangelica, ut cunctis stupentibus, ab hora sexta usque ad horam nonam Sol obscuratus est: & tenebræ factæ sunt super vniuersam terram. Dies autem passionis Christi erat Luna quindecima, scilicet dies oppositionis luminarium: nam (ut dicunt Evangelistæ) Christus prima die annorum passus est, scilicet in die sancto Paschæ: quod Exodi 12. quindecima die mensis primi iussu est celebrari. Cum igitur eclipsis, vel Solis obscuratio naturaliter fieri nequeat, nisi in nouilunio, scilicet prima die lunæ cum ipsa
Soli

Soli coniuncta est: sequitur necessario, quòd illa Solis eclipsis non fuit naturalis, sed purè miraculosa, & supra naturam, & in hac eclipsi, quinque fuerunt miracula: primum ex parte temporis: illa enim erat diēs plenilunij, & non nouilunij, vt contingit in alijs eclipsibus. Secundum miraculum fuit ex lunæ cursu, quæ naturaliter motu proprio ab Occidente in Orientem progreditur. in hac autem eclipsi visa fuit à Dionysio citissimè veniēs ab Oriente versus Meridiem, vsque dum stetit sub Sole, vbi per tres horas quieuit: & claritatem Solis hominibus obumbravit: postea verò ad proprium locum versus Orientem ferè in instanti regressa est: & sic hora sexta, & hora nona visa fuit sub Sole, sed vesperi: Sole occidente ipsa in Oriente apparuit, Soli opposita. Tertium miraculum fuit ex parte, à qua eclipsis incepit: omnis nanque naturalis eclipsis Solis incipit à parte occidentali corporis Solis: sed tunc illa eclipsis à parte Solis orientali: vt enim dicim⁹, Luna retrocessit ab Oriente versus Meridiem, & sic primò tetigit Solem ex parte orientali. Quartum miraculū fuit ex parte, in alijs eclipsibus pars Solis, quæ primum occultatur, primum apparet post eclipsis

medium: in hac verò eclipsi Solis pars occidentalis, quæ postremò eclipsim passa est, primùm detecta fuit: contra verò de parte Orientali, eò quod luna non pertransiuit Solem, sed stetit sub eo, & postea retrocessit. Quintum miraculum fuit ex eclipsi duratione, nam Solis eclipsi naturalis, aut nullam, aut paruam habet moram: verùm in hac eclipsi (*vt Euangelistæ dicunt*) fuit mora trium horarū naturalium: scilicet ab hora sexta, vsque ad horam nonam. Aliud miraculum ponit Hieronymus, quod scilicet non modò ex lunæ interpositione Sol est obscuratus, sed ipse suos retraxit radios, vt vel Dominū in cruce pendentem non videret, vel ne crucifigentes & blasphemantes Christum sua luce fruerentur. De huiusmodi eclipsi dicit Flegō philosophus (*vt refert Eusebius libro 13. olympiadum, olympiade 202. Magna, & excellentius inter omnes: quæ ante eam acciderāt, defectio Solis facta, dies, hora sexta ita in tenebrosam noctem versus, vt stellæ in cælo visæ sunt, terræq; motus in Bithynia Nicææ, vrbis multas ædes subuerterit. Sed (vt Origenes dicit) hic Flegō declarauit hoc fuisse factum sub Tyberio Cæsare. non tamen expressit tunc fuisse oppo-*

oppositionem luminarium. Attestatur & ille eximius philosophus Dionysius: cui nomen Ariopagita ab Ariopago, quod cōcilium prius erat nouem virorum, qui ex nouem primis magistratibus eligebantur; postea ad quinquaginta vsque creuerūt ex præcipuis tum doctrina, tum sanctimonia, & sapientia, tum etiam diuitijs: ne paupertate impulsī mentirētur, vt Andretio in secundo, & philocorus in tertio rerum Atticarum scribunt. Quibus sapientibus causę maiores delegabantur cognoscendas. Is ad Polycarpum scribēs: Apolophanem sophistam, quia nō admitteret variationem Solis in Mesiæ morte exhibitam. his verbis redarguit, nescio quo spiritu afflatus, ad diuinationē prorupisti Apolophanes, quando vnā mecum aspiciens eclipsim contra naturæ ordinem, tempore Christi patientis ad me cōuersus dixisti hæc, præclare Dionysi, sunt vicissitudines rerum Diuinarū: & si potes argue, nēpe tecum vnā præsens fui, vnāq; aspexi, iudicaui omnia, dignaq; sum admiratione prosequutus. Et quodam spiritu duct⁹ dixi, aut Deus patitur, aut tota Mundi machina destruetur. Cui etiam integerrimo philosopho si non credis, audi quid Astronomi dicāt. Æsculus in eo ge-

nere peritissimus: tunc temporis Solem in ariete, & lunam in libra volui astronomico calculo decernit: quando defectum passus est Sol stante plenilunio, quo Iudæi de morte pascha suum celebrabant. Sol igitur, moriēte Christo, virtutem suam amisit, *vt Lucas narrat*: vt indicaretur, quòd supramundanus Sol virtutem suam contraxerat: derelinquens ipsum Christū sub tribunali iustitię seuere Geburah, amoto fauore & claritate, quam ei præstare cōsueuerat ipse supernus sol (Tipheret) qui ipso nascēte, noctem illustrauit: contraxit autem lumen iste Sol, qui erat diuinitas, quo ad humanitatem, quæ remansit obscura & afflicta. Nam alioquin ipse Christus non fuisset passus. Sol igitur iste est Christus, qui Sol iustitię dicitur, Malachiæ, non solum replens omnia lumine: sed erigens Ecclesiam inefficientem, sicut Sol: ad cuius aduētum cessat Luna synagoga. Nam eclypsis ista Solis in morte Christi, facta fuit per interpositionem lune inter Solem & terram, & eius lumen impediuit per spatium trium horarū: tandem Sol præualuit, ad locum vnde exiuit, reuertēs, & significabat synagogam lunariam, volentem impedire lumē (gloriā) Christi, quòd & fecerunt per tres dies, quibus

bus in sepulchro iacuit. In resurrectione tamen sua contra Iudæos præualens, splenduit eius gloria & fama, michans per vniuersum Orbē, quod factum fuit per Apostolorū prædicationē. Soligitur iste Christus suum cognouit occasum (*vt David decantat*) in morte sua, & ortū in resurrectione, vt ipsemet propheta subdit: Ortus est Sol & congregati sunt, scilicet discipuli in vnum, qui prius dispersi erant in eius morte. Nec Solis statio tēpore Iosuae, nec eiusdem retrogradatio tempore Ezechiae, ita fuere miraculosa. In morte item Christi, Angeli, assumptis corporibus, auditi sunt flere Christi mortē, prout Esaias prophetarat. Angeli pacis, amarē flebant. Planctus etiam magnus, qui factus est in morte eius hoc idem ostendit: sicut prophetauerat Zacharias. Hoc enim testatur Iohānes, factum fuisse in morte Christi. Et idem Vates subdit: Aspicient ad me, quem transfixerunt, vel vulnerauerunt, aut pupugerunt, *vt in Apocalypsi dicitur*. Dachar דַּחַר enim quodlibet illorum significat. Statim autem subinfert Propheta: Et plangent eum, quasi planctu vnigeniti: & erit planctus in Ierusalem, sicut planctus Hadadrimon in campo Magedon. Quando videlicet Iero-

Ierosolymitæ planxerūt Iosiam Regem iustum, ibidem interfectum à Pharahone ne-
chao: sicut in libro Paralipomenō legitur:
Vates autem hic nō loquitur de huiusmo-
di plāctu pro Iosia factō (vt Iudei somniāt)
sed de alio ei simili. Et hic est planctus fa-
ctus, & qui quotidie fit in memoriam mor-
tis Christi, à mille & quingētis annis citrà.
Quod de nullo alio legitur, & David hunc
crucifixum planxit, quod ostendit dum di-
xit: Lauabo per singulas noctes lectū meū;
lacrymis meis stratum meum rigabo. Vn-
de per mathe מַטֵּה, non tantum *lectum*, sed
virgam significat: virgam dico crucis. Super
hanc enim plangens peccator, meritò pa-
rientis in cruce facillimè veniam impetra-
re potest; & sine hoc adiutorio nequaquā.
Voce etiam magna moriens, aliquid diui-
nitatis ostenditur in Christo. Homo enim
suffocatus autem deficiens moritur; & sic
inoriens nullatenus emittere clamorē po-
test. Moriens ergo Christus clamauit: vt
ostenderet se non ex oppressione vel debi-
litate mori, sed ex volūtate. Iuxta illud Io-
hannis: Potestatem habeo ponendi animā
meam: & potestatem habeo iterum sumē-
di eam. Clamauit autem voce magna: vt o-
mnia ad se traheret, sicut ipse prædixerat.

Nam

Nam inter cetera, quæ attrahere solent, annumeratur clamor. Qui clamor auditus fuit nedum ab astâtibus; sed etiam à Patre: qui ipsius spiritum suscepit. Auditus quoque fuit à cælo quod tunc apertum fuit ab angelis, qui felicitius eius animam portârunt quàm animam Lazari in sinum Abrahamę. Auditus quoq; fuit ab inferno: qui suos reddidit mortuos. A' terra quoque auditus est: quæ mota est, & scissis lapidibus & monumentis reddidit corpora, quæ antè susceperat. Auditus fuit à gētib; , ex quibus centurio dixit: Verè filius Dei erat iste. Auditus quoque fuit à lege: cū velum templi illam obtegens scissum sit: reſeratis legis & prophetarum sacramentis. Auditus denique fuit à toto Mundo, omniq; posteritate omnium, qui ad hunc clamorem cucurrerunt ad Christū. Omnia enim abhorrerunt mortem Christi capitis. Vnde omnia elemēta, sydera & reliqua omnia pati visa sunt, patiente Christo. Ideo ad hoc ostendendum velum tēpli scissum est. Quāvis in hoc sit aliud maius sacramētum. Moriens enim Christus & cōsumans opus redemptionis nostrę (*vt ipsemet perhibet, dicēs*) consummatum est: omnia legis sacramenta, & Prophetarum oracula reſerauit. Iuxta illud

Iud Apostoli: Nos verò omnes reuelata facie gloriā Domini speculamur: conscendentes à claritate in claritatem, quousque trāsformemur in eandem imaginem, quæ est filius Dei. Cū data sit nobis potestas filios Dei fieri, imitantes illum, qui Deus factus est homo: pro nobis in cruce exaltatus omnia ad se traxit virtute diuina. Tanta enim fuit virtus passionis Christi: vt cōmemoratio ipsius sufficiat pro omnibus sacrificijs legalibus, quæ omnia sua peculiari ratione sancita fuerunt. Hinc Dionysius vocat Christū quoddam totum. Attraxit quoque Christus moriens omnia numina, omnes virtutes cœlestes. Sicut Paulus horū sacramentorum non ignarus referat, dicēs: Expoliās principatus & potestates traduxit confidenter: palam triumphans illos in seipso. In seipsum videlicet; reducens omnium illorum virtutem. Quæ virtus cōtinēdi omnia actu (*vt aiunt*) proprium Dei est. Nam homo continet omnia potestate: vt Mercurius docet, & sapiens innuit. Et propter hoc post mortem Christi oracula filuerunt: sicut iam prēdixerat Deus serpēti dicens: Inimicitias ponam inter semē tuum, & inter semē mulieris: protestans quòd per semē mulieris (Christū videlicet)

con-

Conterendum esset caput serpētis: sicut patet de morte Dei pan, in morte Christi (*ut dixi de nomine magno Iesu.*) Hæc in nullo alio moriēte facta sunt: nec in Mosis morte, nec Abrahæ, nec reliquorū, ergo Christus fuit Messias, quare est omnibus principalior, & excellentior, tanquam Iesod: id est, fundamentum aliarum creaturarum, & principiū omnium rerū, quare in illius morte omnes creaturæ, tanquā in morte Domini sui sunt motæ in signum doloris fundamenti sui: amant enim illum sine quo nec ipse existere possint, quo amore seipsas diligunt, sicut Boëtius ait: Hic est cunctis amor, reputantq; bono sine teneri. Quia nō aliter durare queant, nisi conuerso rursus amore refluant causæ, quæ dedit esse.

Ex hac conclusione, & trigesima superiùs P.M. posita, sequitur, quod quilibet Cabalista habet concedere, quod interrogatus Iesus, quis esset? rectissimè respondit, dicens: Ego sum principium, qui loquor vobis.

Deum vnicum esse rerum omnium creatorem philosophi omnes affirmāt; pro hac veritate asserenda Socrates, & carceres, & mortē sustinuit, ut Apuleius, & Aulus Gellius

lius restantur. Plato, & Trismegistus aiunt; quòd Deus Mundi est vnus: quia Mundus est vnus. Auicenna asseuerat fieri non posse esse duo à se necessaria. Nec aliud à se habere vt sit necessariò, nisi Deus. Aristoteles & Homerus: Nò est bona numinum multitudo, vnus ergo princeps, & Deus, imperator vnus, vnus prouinciæ iudex, in naui gubernator vnus, & vnus in mundana fabrica opifex, vnus moderator. Pythagoras vnitatem dicebat esse Deum, & bonum intellectum, dualitatem verò dæmonem, ac malum, cæterùm sacræ literæ super omnes hoc dogmate sunt respersæ. Sic scripsit Moses: *שמע ישראל, אלהינו אחד*: id est, *audi Israël, tu videlicet, qui Deum principem habes: Dominus Deus tuus vnus est.* Et alibi: Videte quod ego sum solus, & non est alius præter me. & Psalm. non est Deus præter Dominum, & non est Deus, præter Dominum: & non est Deus, præter Deum nostrum, qui fecit cælum, & terram: & est filius Dei, per quem cuncta creauit Altissimus: est enim (*secundum Augustinum*) ars Patris. quapropter cantat Dauid, dicens: Omnia in sapientia, qui est Filius, fecisti: portat enim Deus omnia verbo: id est,

est, ratione idearū. in ipso sunt omnes the-
sauri sapientiæ & sciētię Dei, imò est Deus,
vt *suprà 30. conclusione patuit*. Ergo Iesus in-
terrogatus, quis esset? rectè respondit: Ego
sum principiū: id est, Deus, qui loquor. Et
hoc quia est primogenitus omnium crea-
turarum: vt innuit *Paulus*. & etiam quia est
principium in quo facta sunt omnia: sicut
prima litera descriptionis fabricæ indicat:
quæ est beth א, sigillum videlicet sapientię,
Dei filij, & verbi carne humana vestiti. nam
sicut illa litera est principium totius descri-
ptionis, verbum videlicet, per quod (*te-
ste Iohanne*) facta sunt omnia, & ipsummet
est principiū reparationis vniuersi & prin-
cipium omnium nostrarum bonarū actio-
num. Hinc apertè dixit: Sine me nihil po-
testis facere. Est etiam principium beati-
tudinis & consequendi finis. Voluit enim
Christus omnes nos vnire simul in idem
corpus, qua vnione non datur maior, cu-
ius ipse caput effectus omnia membra re-
geret, & in ipsa influeret quod sacramen-
tum *Paulus Colossensibus* tam clarè expli-
cat, vt declaratione non egeat, dum ait:
Ipse est caput corporis Ecclesiæ, nosque
membra eius, & ne superna crederentur
exclusa, iterum ait: Ipse est caput omnis

T prin-

principatus, & potestatis. Et iterum cum Ephesis: Et ipse dedit caput super omnem Ecclesiam, quæ est corpus ipsius, & plenitudo eius, qui omnia in omnibus adimpleretur. Et quomodo nos simus eius membra, explicat idem Paulus cum Romanis differens: Sicut vnum corpus, multa membra habet, omnia autem membra corporis cum sint multa: vnum tamen corpus sunt, ita & Christus: in vno etenim Spiritu omnes nos in vnū corpus baptizati sumus, siue Iudei siue gentiles, siue serui, siue liberi & omnes in vno Spiritu potati sumus, vnum est igitur ex omnibus membris corpus, cuius principium siue caput est Christus. Et ideo in omnes articulos & artus influit vitæ nutrimentum, regimen ornatū, & quicquid ad ipsius corporis sustentaculum, & fomētum pertinet. & quamuis vita & motus (*vt nonnulli sapientes existimant*) sit principaliter in corde, tamen ex sententia Galeni, Haliabatis & aliorum qui de natura, & conditione corporis humani scripserunt omnis virtus motiua, sensitiva, & rationalis est in capite. Sunt quoque in capite omnes sensus interiores. Vnde membra dicuntur regi à capite, tanquam à duce, & repleti virtute, veluti riuuli, & aluei replentur

plentur à fonte, quæ omnia prouenire secundum spiritalem influxum à nostro capite Christo minimè ambigendum est. in ipso enim sunt, & ab ipso replentur omnes sensus interioris hominis, cum nec gustare, nec videre, nec odorare, nec audire possumus, quæ Dei sunt, nisi per virtutem huius capitis Christi, dicente Paulo: Gratia Dei sum id, quod sum: quæ gratia emanat in vos per Iesum Christum. sicut enim abscisso capite nihil, quod in trunco remanet: aliquid operari potest: sic abscedente Christo ab homine, abscedit vita, & ex consequenti omnis operatio, & motus qui ad ipsam vitam spirituale pertinet. Quare Christus perbellè dicitur, principium: & hoc est quod dicitur in Apocal. Ego sum alpha & omega: id est, principium & finis. Et in eodem dicit ipsemet Christus de se ipso: Ego sum primus & nouissimus. Plato in Phædrone de primo scilicet principio, dicit, principium autem sine ortu est: ex principio enim necesse est quicquid generatur oriri: ipsum autem ex nullo. nam si principium interiret, neque ipsum ex alio, neque ex ipso aliud nasceretur. Siquidem ex principio omnia oriuntur oportet, si ergo principium motus

T 2 est,

est, quod seipsum mouet. Hoc autem neq;
mori, neque nasci potest alioquin omne
cælum, omnisq; generatio concidat desi-
natq; necesse est: neq; rursus vnquam con-
stare possit vnde hæc motum nacta orian-
tur: est igitur immortale quod seipsum mo-
uet. Est igitur Deus, nedum primum o-
mnium principium, sed eorundem mediū
ac finis. Vnde Plato de legibus dicit: si ita-
que ad eos dicimus Deus ô viri sicut anti-
quus quoque sermo testatur, principium,
finem & mediatorum omnium continēs,
recta peragit, secundum naturam circuiēs.
Hunc semper iudicium comitatur, eo qui
à diuina lege descuerint, puniens cui qui-
dem iudicio quicunq; felix futurus est ad-
hærens, humilis subsequitur atque com-
positus. Vult igitur Plato: Deum esse pri-
mum, medium, & nouissimum omnium.
Vnde quidam philosophus interrogatus
quid esset Deus: Respondit: Deus est figu-
ra circularis, cuius centrum est vbiq;, & cir-
cumferentia nusquam. Omnes enim lineę
circuli à cetro exeuntes in circumferentiā,
& ab ea in centrum denotant, quod omnes
creaturæ emanâtes à cetro supremæ sphæ-
ræ, tēdunt in circumferentiā eiusdem sphe-
ræ, tanquam in finem earum. Et sicut eadē
lineæ

lineæ nunquam exeunt limites spheræ, aut circuli, sic nec creaturæ exeunt terminos illius diuinæ spheræ: adeò quòd ab ipso sunt, & in ipso manent, & in ipsum tendunt: sicut etiam accidētia omnia innituntur substantiæ, quæ est eorum subiectum, & sustentaculum, sic omnia creata, quæ sunt tanquā accidentia respectu primi, & supremi esse, quod est à seipso, innituntur ipsi, à quo dependent, & in quo tanquam in sustentaculo continentur, & in quo erant, antequam in formas proprias explicarentur & ad ipsum aspiciunt, & tendunt, & tanquam ad locum, & domum propriam, quæ est Christus. nam prima litera creationis rerum incipit à beth ב: quæ litera constituit hanc dictionem ben, בן, quæ *filium* significat. Et denotat Filium esse domum in qua idealiter omnia continētur (*secundum Boëtium*) Mū- dum mente gerens. Et per quem facta sunt omnia: vnde Iohannes in Euāgelio omnia per Spiritum facta sunt. Idem affirmat Rab. Isahac ben schola magnæ auctoritatis penes Thalmudistas, & Cabalistas, qui in cōmentarijs super Psalterium, maximè super illud: principium, sapientiæ, timor Dei: intellectus bonus omnibus faciētibus eum: laus eius permanet in æternum. In senten-

ria sic ait: Sapientia ista est, quæ egreditur
mea im: id est, de intellectu supremo Dei,
quæ idem est, quod principium: omnes enim
prophetæ in visione non lucida prophetâ-
runt: Moses verò me in visione lucida &
clara prophetauit, quare sic dictum est illi:
Et visum est principium ei: id est, sapientia.
&, quoniam Christus filius Dei sapientia
Patris, ergo rectè respondit: Ego sum prin-
cipium, qui loquar.

*P.M. Hoc habent ineuitabiliter concedere Ca-
balistæ, quod verus Messias per aquam
homines purgabit.*

F.A. Peccata in triplici sunt differentia: pri-
ma sunt leuia. Et hæc per animalium san-
guinis effusionem expiabantur. Secundum
erat peccatum originale: hocq; per proprii
sanguinis effusionem in circuncisione mû-
dabatur. Alia sunt graua, quæ iniquitates,
ac scelera penes nos dicuntur: Hebraicè ve-
rò, Aauon, auen, aauiol, pesam, aaui la, bissa,
chamas, tiluma, vt sunt blasphemie, pecca-
tum contra naturam, contra parêtes, adul-
terium, &c. Et hæc per animalium sangui-
nem nullo modo poterant expiari, sed tã-
tùm per proprium sanguinẽ: tales lapida-
ri, comburi præcipiebat lex, & de his loqui-
tur

tur Paulus, cū dicit: Per legē nemo iustificatur. Venit Christus, caput nostrū, pro omnibus mēbris passionis suę medicinā sumēs, sanguine cuius effuso, à nobis debitū effundēdi sanguinē cuiusq; cōditionis auferens; quare nō omnis oblatio sanguinis phibetur: cū sanguis Christi pretiosus pro omnib. sanguinib. plenissimē satisfecerit: sumpta medicina, & sanato egro, nō est necessariū vltro medicinā sumere p huiusce modi mēbrorum cōualescētia: nā talis medicina secūdō sumpta, magis obesset, quàm prodesset: sed magis vacare talis debet circa membrorū consolidationē, & ne in deteriorē languorem labatur, præcauere: sic modo, qui pro peccati originalis emundatione circūcisionem sumeret, peccaret: nā Christi sanguis pro huiusmodi expiatione sufficiētissimus fuit. Et hoc est, quod dicit Paulus: Si circūcidimini, Christ⁹ vobis nihil pderit. Supplet. n. oēs sanguines Christi sanguis, & in huius signū, Christ⁹ pepercit, & latroni, & adulterę; ostēdens sanguinē suū pro sanguinis magnorū peccatorū effusione, q̄ per legē expiari nō poterāt, nisi per mortē propriam satisfacturum. Et hoc habetur Esa. 53: Dñe quis credidit auditui nostro? &c. sequitur: Iniquitates nostras

T 4 ipse

ipse portauit in corpore suo, illa etiam quæ
(supple) per legem minimè expiari poterant, nisi per mortem propriam: subdit:
Cuius liuore sanati sumus. Et quamuis
Christus non peccârit: pro nobis tamen factus est peccatarius, tanquam caput per os
passionis medicinâ sumens, vt omnia mēbra sanaret. Et hac de causa proiectus fuit
fratrum accusator, vt in *Apoc. legitur*, qui accusabat tales, qui peccata habebant, quæ
haud per legem expiari poterant. Subdit
enim Iohannes: Quia sanguine agni liberati sumus. Sanatis igitur nobis per peccatorum
remissionē virtute sanguinis Christi, nihil nobis deest, nisi gratiæ collatio: &
in huius signū baptisma instituit. Aqua, n.
est meridionalis, & misericordiā prætedit.
Vnde Iohan. dicit: Christus venit, in aqua
gratiā conferēdo in baptismo: nec in aqua
solum (cōferendo scil. tantū gratiam, sed in
aqua, & sanguine: id est, primo culpā remi-
sit per sanguinis proprii effusionē. Aqua si-
gnū est misericordiæ Gedulah: sanguis est
signū iustitiæ Geburah: ideo Gabriel dixit
Mariæ: regnabit in domo Iacob Tipheret:
videlicet de utroque latere participāte, sci-
licet de misericordia, & iustitia: meritò igitur
venit Christus in aqua baptismi, sibi
ipsi

ipsi simili: nam istę aquę inferiores fœcunditatem habent ab aquis superioribus : id est, à verbo filio Dei , pro vt dicit August. Quid est aqua, scilicet ista materialis inferior: nisi aqua, scil. fœculenta, accedit verbum: id est, aqua, quę supra cœlos est, quod est filius Dei, & sit sacramentum, gratiam significans. In huius figura Solomon fecit mare æneum à 12. bobus sustentatum : id est, influxum habens à 12. reuolutionibus Tetrag. mare itaque excelsum, & infinitę substantię pelagus est Deus. & cùm in ipso Deo omnia contineantur, est locus particularis, quod mare dicitur, aut aquę, aut collectio aquarum : & est illa suprema meridionalis regio, quę Gedulah dicitur : in qua sunt aquę misericordię, pietatis, & clementię, quę est peculiaris possessio filij Dei (quia Gedulah, & chocmah tendūt ad idem) de quo Pater æternus ait: Et ponam in mari manum eius, & in fluminibus dexteram eius: sunt enim in dextrali parte dimensiones illę, ipse inuocabit me, &c. Quare Maria virgo dicitur mater misericordię, gratię, & pietatis, eò quòd sit ceteris proximior huic mari Filio suo. Propterea vocata est Miriam : id est, iam ram: id est, *mare excelsum*. aqua igitur istius

maris filij Dei lauit crimina nostra. & sicut aqua diluuij purgauit Mundum, sic baptis-
mus crimina nostra purgat. Hic multa sunt
dicenda. Pignus enim salutis data fuit
in aqua & fide. Sicut scriptum est: Qui cre-
diderit & baptizatus fuerit, saluus erit.
Quia per aquam lauamur à sordibus ex-
teriùs veluti sacramento & signo quo-
dam veræ aquæ, quæ est verbum & sapien-
tia Dei. De qua vera aqua per Ezechielem
dicitur: Effundam super vos aquam mun-
dam, & mundabimini ab omnibus iniqui-
namentis vestris. Et huic aquæ adiungi-
tur ignis Spiritus sancti, iuxta illud: Nisi
quis renatus fuerit ex aqua & Spiritu san-
cto, non intrabit in regnum cœlorum. Pa-
tres enim antiqui participes fuerunt so-
lius Spiritus sancti; nec ad Filium venerūt.
Hinc maior est illis, qui minor est in hoc
regno cœlorum; in quod intratur per Fi-
lium & Spiritum sanctum. Et expurgatio
illa, & pactum quod erat in sanguine, mu-
ratum fuit in aquam: nam cum omnis le-
galis expiatio fieret in sanguine proprio,
vel in sanguine animalium. Euangelica
debet fieri in aqua, quæ clementiam signi-
ficat: facta videlicet prius expiatione suffi-
cientissima in sanguine redemptoris. Nam
danda

danda erat nobis aqua clementiæ, quam tradidit redemptor, & sponte obtulit volentibus suscipere. Et hoc effuso iam sanguine, *vt dictum est*. Vbi seruatur illud Apostoli : Omnia penè mundantur in sanguine ; & sine sanguinis effusione, non fit remissio. Et ideo, *teste Iohanne*, Christus non venit in aqua tantum ; sed in aqua & sanguine. Cum enim omnia, munden- tur in sanguine (*vt Paulus vult*) voluit nos primò mundare per sanguinem ; iuxta illud Iohannis : Qui lauit nos à peccatis nostris in sanguine suo. Vnde adeò lauit totum genus humanum, vt ampliùs sanguinis effusione non indigeamus. Quæ quidem sanguinis effusio fiebat ad placandos accusatores tribunalis iustitiæ seueræ, quibus Christus sanguine suo adeò satisfecit : vt Iohannes dicat : Proiectus est accusator fratrum nostrorum (*vt supra dixi.*) & hoc (*vt ipse Iohannes subinfert*) propter sanguinem agni. postea verò tradidit aquam à nobis suscipiendam in suauelauacrū, iuxta illud : Iugū enim meum suauel est. nā cum hac aqua venit gratia, pietas, clementia, sapientia, & cætera, quæ ex eodē fonte scaturiunt, vt docent Cabaliste. Et aqua ista baptismalis, est potius signum quàm

quam causa operans. Vnde ait August. De-
trahe verbum ab aqua: quid est aqua nisi a-
quas? Hinc elicitur, quod magis defertur
verbo, quàm aquæ, nec enim anima con-
uenienter expurgatur aqua corporea &
elementari: sed aqua illa suprema, quæ ver-
bum & sapientia Dei est: aqua videlicet ve-
ra: cuius hæc elementaris est signum. pro-
pterea dicitur sacramentum. quod est sacræ
rei signum: sacra autem res, est virtus illius:
de quo inquit Apostolus: purgatione pec-
catorum faciens: sedet ad dexteram maie-
statis in excelsis. ipse enim virtute verbi &
melioris aquæ purgat & sanat. Hinc pro-
pheta canit: Misit verbum suum & sanauit
eos. Et Christus ait: Vos mundi estis pro-
pter sermonem quem ego locutus sum
vobis. & quamuis sit Christus Deus qui
purgat, mutauit tamen signum, sanguinis
in aquam. non mutauit Deus ex parte sui
qui est immutabilis, sed propter nos, qui
successione quadam temporum viuimus.
pro diuersitate temporum diuersa signa
mutauit. Hinc sapiens ait: Immuta signa
in noua mirabilia. Et semper in melius ut
moris est optimi artificis. nam melius est
sacrificium quod commemoramus, quàm
omnia sacrificia omnium animalium. vn-
de Pau-

de Paulus ait : per amplius & perfectius :
quàm in sanguine hircorum aut vitulo-
rum. Et melior est baptismus circumcisio-
ne : sicut melius est Euangelium , quàm
lex Mosaica. non sanat igitur nos aqua ma-
terialis , nec tollit maculas ab anima , sed
Christus , de quo canit Præcursor : Ecce a-
gnus Dei , ecce qui tollit peccata Mundi.
Hinc Iohannes inquit : Qui lauit nos in
sanguine suo. Et alibi : Ipse est propitiatio
pro peccatis nostris. & quia lauat & potat :
hinc vocat seipsum aquam , per quâ aquam
sicut omnia producta sunt : Ita quoque o-
mnia regenerantur : vt idem sit generatio-
nis & regenerationis principium. Ipse igi-
tur Christus tollit sordes , virtute diuinita-
tis tanquam causæ agentis , virtute aquea ,
veluti proprietate quadam accommoda-
ta : humana verò natura mediante , quæ ob-
lata fuit in hostiam & sacrificium peccata-
rium in ara crucis , per sanguinem tãquam
per pretium tribunali iustitiæ satisfaciens.
Anima quoque vera , quam posuit pro oui-
bus suis : vt per ipsam expiaret sordes , to-
tius posteritatis , in generatione spirituali
acquisitæ : non igitur mirum videtur , si hæc
aqua mundans , tantum laudatur ab Eze-
chiele , vbi suprâ. cùm sit ab illo fonte pro-
ueniens,

ueniens, de quo in Ieremia dicitur: Me dereliquerunt fontem aquæ viuæ: & Psaltes: Apud te est fons vitæ. Quod clarius refert Zacharias, dicens: Erit fons patens domui David & habitantibus Ierusalem, in ablutionem peccatoris & menstruatae. Quæ quidē aqua iubet Christus homines nedum lauari: sed renasci, dicens: Nisi quis renatus fuerit denuò ex aqua & Spiritu sancto, non intrabit in regnum Dei. Nec enim aqua elemētaris cum Spiritu sancto est principium regenerationis: sed aqua illa, de qua dicitur: Si quis biberit ex aqua, quam ego dabo, fiet in eo fons aquæ salientis in vitam æternam: id est, sentiet in se Spiritum sanctum; vt Euāgelista exponit. Concludamus igitur, quod conueniens fuit baptismi institutio, quia perfectus artifex de bono in melius procedit. Cū ergo originale peccatum in antiqua lege expiaretur per sanguinis emissionem, dolorem causantis. Ergo per baptismum gratiam collatam conueniens fuit talis remissio peccati. vnde concludit Iohannes, dicens: Gratia, & veritas per Iesum Christum facta est, & hoc habent cōcedere Cabalistæ; tenent enim, quòd Messias venturus sit meridionalis: & etiam regnaturus
in

in domo Iahacob modo prædicto : quare Ioseph, morti propinquus, dixit fratribus suis bis : Visitabit vos Dominus : visitabit vos Dominus, scilicet in sanguine proprio, & in collatione gratiæ, virtute baptismi: quare non ingressi sunt terram promissionis, nisi transuectis aquis maris rubri, rubri sanguinis Christi domini nostri.

Sciri potest in Cabala per mysteriũ mem P.M. clausi cur post se Christus miserit Paracletum.

Duplicem mem מֶמ literam Hebræi F. A. habent, alteram quidem apertam, cuius est hic character מַמ quæ nunquam in dictionis calce, verum semper in principio, & in medio ponitur: alteram verò clausam: quam sic figurant מ, & non nisi in dictionis fine scribere solent. In hac autem dictione, le-marbe למרבה: id est, *ad multiplicandum* cum sit in medio, non clausa, sed aperta esse deberet: & tamen clausa ibi Esaïæ 9. præter morem ponitur: quod alibi profectò nusquam inuenitur: idcirco, sine mysterio hoc factum fuisse, haud quaquam credendum est, ut in libro sabbat capite sabbone dicitur: Mem clausa, verbum clausum, vel rem clausam: id est, occultam, signifi-

significat. Volūit enim per hoc Elaias i-
 ple à prudentibus intelligi : Impijs verò
 occultum fieri. eam ob rem in libro sanhe-
 drim cap. col. Israël dicitur, quod cū Rab.
 Thamhum quæreret, quæniām esset ratio;
 quod, cū omnis mem in medio vocabuli
 posita, aperta sit, hæc sola inueniatur clau-
 sa. Statim in illa hora exiuit filia vocis : id
 est, reuelatio, siue vox de cœlo dicens : Se-
 cretum meum mihi : secretum meum mi-
 hi. quod exponens Rab. Solomon, ait:
 Deum dixisse, hoc secretum de Messia ad-
 ūentū meum est. ostenditur autem per
 mem clausam □ tempus Messia sic mem
 nanque clausa apud Iudæos designat nu-
 merum sexcentenarium, & ostēditur pro-
 culdubio, quod ab huius prophetiæ tem-
 pore vsque ad Messia natiuitatem sexcen-
 ti anni futuri essent. Quod rei postmodū
 probauit euentus. Hoc autem sic proba-
 tur. Anno enim quarto regni Achaz regis
 prophetia hæc facta est, vtr ait Rab. Selomo.
 Achaz. 16. regnavit annis, 4. Reg. 15. Et
 quarto anno regni eius hæc prophetia fa-
 cta est, post hanc regnavit 12. annis. post
 quem Hezechias filius eius annis regnavit
 29. 4. Reg. 16. Manasses regnavit annis
 55. 4. Reg. 18. Amon regnavit annis 2. 4.
 Reg.

Reg. 21. Iosias annis triginta vno, 4. Reg. 2. Ioachaz mensibus tribus, 4. Reg. 22. Iehoiakim annis vndecim, 4. Reg. 23. Iehoiakim mensibus tribus, vt habetur ibidem. Sedechias demum vndecim regnavit annis, 4. Reg. 24. Horum annorum summa annos continet 151. & dimidiū. A quinto enim anno regni regis Achaz, vsque ad vndecimum Sedechiæ, Iudæorum reges regnauerunt annis 151. Deinde ab vndecimo Sedechiæ anno, qui fuit 19. Nabuchodonosor, 4. Reg. 23. Nabuchodonosor ipse regnavit annis 26. Euilmerodach filius eius annis 23. Balthasar annis 3. Darius 2. Cyrus 30. Assuerus 14. post quem successit Darius. Cuius regni anno sexto templum consumatum, atque perfectum est. His additis supradictis 151. annis cum dimidio, quibus reges regnauerunt insuper & quadringentis & viginti quibus templum secundum durasse aiunt. Habentur à quarto anno Regis Achaz vsq; ad Templi secūdi excidium anni sexcenti septuaginta quinq; & dimidiū. A quibus si quadraginta duo demantur anni, qui à Christi passione vsq; ad vrbis Ierusalem templiq; euerfionem fluxerunt, & 33. ferè cum dimidio, quibus Christus ipse inter homines

V

vixit,

vixit, habebuntur ab eo tempore quo Isaias de Messiae conceptu & ortu vaticinatus est; vsque ad ipsius Christi natiuitatem, anni præcisè sexcenti, quos prædicta mem-
□ clausa designat. Qui intellige etiã, mis-
surus esset Spiritũ sanctum. ratio est: quia
sermonis cõclusio est finis sermonis: mem-
igitur cõclusum, siue clausum, aduentũ fi-
gurabat Spiritus sancti: qui concludere ha-
bebat omnes Christi sermones. vnde Chri-
stus in Iohanne ait: Nisi ego abiero, Spiri-
tus sanctus non veniet ad vos. & subdit:
Cũ autem venerit ille, docebit vos om-
nia. Dicit igitur: Si non abiero, Paracletus
non veniet ad vos: ratio est: quia Filius a-
qua supramundana est madefaciens nos:
humida est enim aqua: & tendit in par-
tem dextram misericordiæ, loci filij Dei
chocmah: gedulaque vocati. Spiritus au-
tem sanctus est ignis calefaciens, ac desic-
cans, in sinistram partem tendens iustitiæ
binach vocatæ, & cum certa experientia
cernamus in naturalibus, quò pannus hu-
mefactus, vel lignum humefactum non
calefieret, nisi prius amota humiditate, &
frigiditate: ex quo igitur Dei filius corda
nostra, doctrina sua humectarat: sed non
inflammârat: nam hoc est proprium Spiri-
tus

rus sancti, non Filij: ideo ait: Nisi ego abiero, cessando videlicet ab humectatione doctrinae, Spiritus sanctus haud veniet ad corda vestra inflammanda, patet, quandiu enim discipuli Christi cum eo fuerunt, ante Spiritus sancti aduentum, imperfecti semper exstiterunt. Iohannes & Iacobus primatum post Christum quærebant. Fratres Iohanni inuiderunt, credentes eum non moriturum. Petrus ad vocem ancillæ Christum negavit. post verò aduentum Spiritus sancti, tot hominum millia attracta sunt ad martyrium: quia cupiebant capiti Christo conformari. Vnde tantus feruor desiderij vt nullum martyrij genus eis durum foret: & alacriter sustinerent illatam sibi mortem: quæ est vltimum terribilium. & quam etiam ipse Christus horrescens rogabat Patrem, vt transferret ab eo calicem tam dirę mortis. Id declarat Gregorius, dicens: Post aduentum Spiritus sancti cuius fortitudinis & constantię fuerint homines, apparet in Petro, qui primò negavit Christum modo dicto, sed Spiritu sancto perfusus conuentum magistratum non timet, dicens: Obedire oportet omne Deo magis quàm hominibus. Et omnes Apostoli ibant gaudentes à con-

V 2 spectu

specu concilij: quoniam digni habiti sunt pro nomine Iesu contumeliam pati. Hoc itaque Spiritu sancto roborati Apostoli & sancti non solum tormenta non timuerunt, sed ipsa alacriter susceperunt. Quod Christus timuit à Patre derelictus: ut cum dolore humanam redemptionem operaretur, sicut decretum in cœlo fuerat. Hinc ipse in cruce clamavit: Deus Deus meus, ut quid dereliquisti me. potuisset etiam Christus inflammare, sed noluit: hoc opus relinquens Spiritui sancto: venit autem ipse, ut lux illuminans omnem hominem per doctrinam humectando omnes: Spiritus sanctus venit ad illos inflammandos: patet per concionatoris similitudinem: qui primò illuminat legem, declarando: deinde inflamat, applicando dicta ad vitia, & virtutes: quòd haud facere debuisset, nisi primùm declarationem premisisset. Et licet Christus semel hoc fecerit inflammando scilicet illos duos discipulos in Emaus euntes: ut patet in verbis eorum, nōne cor nostrum ardens erat in via, dum loqueretur, &c. inflammatio tamen solemnis, & generalis Spiritui sancto attribuitur: ut primum de die pentecostes. Alia ratio, quare mem clausum signat eundem

eundem Spiritū sanctū, est, quod numerus
 punitionis est numer⁹ quadragenarius, vt
 primū patet Deut. 25. vbi habetur quod qs
 flagellādus, tantum quadraginta flagellis
 multādus esset. quare Pau. cū esset ciuis Ro-
 manis tanquam priuilegio dignus vno mi-
 nus accepit: horumque ratio est, quia pec-
 catum fit à corpore, vel à parte animali, ad
 malum inclinata: quod corpus ex quatuor
 constat elementis, & cuilibet elemento
 decem correspondent percussiones. ita-
 que numerum quadragenarium reddunt:
 quare Ecclesia canit: deno dierum circu-
 lo quo lege fit remissio. In huius rei signū,
 Israēl decies flagellatus, item Pharaο A-
 braham decies fuit tentatus. Nam mem-
 in numeris importat 40. quare significa-
 bat, quod per Spiritus sancti aduentum
 Apostoli, & martyres tanquam ab eo in-
 flammari debebant punitionibus, & fla-
 gellis constanter, & intrepidè submitti. id-
 que factum non fuisset, nisi Spiritus san-
 ctus adueniens, corda eorum solidasset:
 patet: quia ante eius aduentum hoc con-
 tigisse non legitur. Et Deus vult nos sic
 pati, vt alibi lætemur: patet de Abrahamo
 diuitem alloquente: Tu recepisti bona in
 vita tua; Lazarus item mala: quare hic læta-

tur, tu vero cruciaris. Misit ergo Christus Spiritum sanctū. Vnde mittere personam diuinam idem est quod producere. Hinc Pater à nullo mittitur: cū à nullo producarur. Filius autem à solo Patre mittitur: à quo solummodò productus est. Spiritus verò sanctus à Patre & Filio: cū ab utroq; productus sit à Patre quidem mittitur. sicut ipse Filius ait: Paracletus. ait autem Spiritus sanctus, quem mittet Pater in nomine meo. Et intra cū de Spiritu sancto adhuc ageret, ostendit, quòd etiam ipse eum missurus esset, dicens: Nisi ego abiero, Paracletus non veniet ad vos: si autem abiero, mittam vobis eum: missus autem fuit in linguis igneis, tanquam arcanorum Dei interpres. Iuxta illud: Ille suggeret vobis omnia & docebit vos omnia, & ut inflammaret corda non tantū eorum, in quos descendebat, sed eorum, qui audituri erant verba eorum, quos ipse edocuerat, in ignis specie missus fuit: ut Lucas narrat: Et abundè diffusus est talis spiritus in nobis. Et hoc est contra peripateticorum dogma. Spiritus sanctus mera substantia non suscipit magis & minus (ut aiunt) quia hoc est propriū qualitatis: ut ipsi dicūt. nec est in partes diuisibilis, quod quantitatis continuæ proprium

prium est. Ideo seipsum inseparabiliter vel impartibiliter communicat, diffundens charismata sua plus vel minus, prout iubet. Sicut idem docet Apostolus, dicens: Diuidens singulis prout vult. Et ne hoc videatur impossibile iuxta peripatericorum dogma, id comprobamus in anima, quæ unica diffunditur in membra varia diuersimodè: & secundum plus & minus. Et quamuis anima dicatur tota in qualibet parte: consentiunt tamen omnes philosophantes, quod magis residet in corde & capite, quàm in alijs membris. pari modo hic spiritus Dei: qui Mundi anima ab aliquibus Academicis dicitur. Sed (nulli dubium) est anima & vita corporis Ecclesiæ. Et hic magis diffusus fuit in capite Christi quàm in alijs membris. Iuxta illud prophetæ: Vnxit te Deus Deus tu⁹ oleo lætitiæ: id est, chrismate Spiritus sancti præ participibus tuis. Et post Christum hic Spiritus Dei, super omnes perfudit beatam Virginem quæ (ut Hieronymus ait) est collum huius corporis. Hinc dixit Gabriel: Spiritus sanctus superueniet in te. postea pfusi sunt Apostoli abundè, tanquam præcipua corporis ipsius membra. Scitur igitur per Cabalam mysterium mem clausi, ut dicit conclusio.

P. M. *Scitur per fundamēta Cabale, quam res-
ctē dixerit Iesus : Antequam nascere-
tur Abraham, ego sum.*

P. A. Hæc conclusio potest physicè, & Caba-
listicè probari : physicè sic. Arist. cæteri q;
naturales volunt, quod ordinatè volens,
prius velit finem, quàm quæ sunt ad finem.
est enim finis primus in intentione, & vl-
timus in executione: pater de domificato-
re, qui eam ædificat, vt eam habitet, quæ ha-
bitatio non fit, nisi prius ædificata domo.
In mente diuina, prima est hominis idea,
cæterarum creaturarum respectu : homo
tamen est vltimò creatus: homo enim (*se-
cundum philosophum*) est finis omnium. Ad
rem, Christus in mente diuina est primus
cognitus, & prædestinatus, *teste prophe-
ta*. In capite libri scriptum est de me. nam
prædestinatio Christi fuit causa præde-
stinationis nostræ. vnde in prædestina-
tione Christi, & nostra, duo sunt atten-
denda : vnum est actus Dei prædestinan-
tis : alterum est effectus, ac terminus præ-
destinationis. Si ergo consideretur Chri-
sti prædestinatio, & nostra quo ad actum
prædestinantis : sic vna non est causa alte-
rius : nam idem non est causa sui ipsius :
verum eodem actu diuino prædestina-
tus

tus est Christus, & nos: ergo Christi prædestinatio, non est causa nostræ. Si verò consideretur quoad effectum, & terminum: sic dicendum, quod vtraque prædestinatio est nostræ prædestinationis causa, & efficiens, & exemplar: quatenus Christus existens Deus, & homo per gratiâ vnionis: de qua est prima Christi prædestinatio: & quatenus est plenus gratiæ, & perfectus in gloria; de qua est secūda eius prædestinatio, est causa eius efficiens, & exemplar prædestinationis nostræ, tanquam causa nostræ salutis meritoriae, & tanquam cauda exemplaris: nam, vt ipse per primam prædestinationem est Filius naturalis: ita nos per prædestinationem efficiamur filij adoptiui; itaque prædestinatio Christi exemplar est alterius rationis & prædestinationem nostrā excedens: vt etiam Christus per secundam prædestinationem est plenus gratiæ, & in gloria perfectus; ita nos per prædestinationem nostram de plenitudine eius participamus gratiam, & gloriam. concludamus igitur, quod Christi prædestinatio nostræ prædestinationis est causa. quatenus ordinauit Deus salutem compleri per Christū, gratia & gloria sunt à Deo secundum principalem efficientiam: sed à Christo homi-

ne sunt meritoria: quare meritò de illo dicitur, quod scriptus sit in capite libri prædestinationis, & creationis: Omnia enim facta sunt per Christum omnium finem: in executione tamen nouissimum: ut dicit Paulus: Nos sumus in quos fines sæculorum deuenerunt. Ad propositum hoc loquitur Paulus, cum dicit: Elegit nos ante Mundi constitutionem, quo scilicet ad intentionem. Et cum dicit: non coronabitur, nisi qui legitimè certauerit: intelligit de executione. Requiritur enim opera ad assequendum prædestinationis effectum. Et quamuis Apostolus dicat, elegit nos ante Mundi constitutionem. Sed sicut præuidetur homo, sic possunt etiam præuideri operationes, propter quas saluamur. Et si Theologi dicant, quòd nihil mouet Deum ad prædestinandum hominem: quia nullo obiecto extrinseco moueri potest: cum sola mera voluntate eligat & prædestinet. Iuxta illud prophetæ: Saluum me fecit, quoniam voluit me: & iterum: Saluum faciet eum, quoniam vult eum. In Zacharia tamen Deus ait: Conuertimini ad me, & ego conuertar ad vos. Omnes itaque Deus eligit & vocat gratia præueniente. Sed nisi cooperemur electioni & vocationi, non habebi-

bebimus gratiam cooperantem & iustificantem. Et hoc clarè patet primum in duobus regibus : quorum vnus, Saul videlicet electus fuit ad regnum. sed quia voci Dei non obediuit, ablatum fuit ab eo regnum. Alter vero, Dauid videlicet, quia obediens fuit, cõfirmatus fuit in regno ; præueniētis igitur electionis non est ratio; effectus autē consequentis ratio est ac operatio nostra simul cum Deo. Vnde quamuis Christus, sit præcipuè missus ad oues, quę perierūt, domus Israël: tamen eiekti fuerunt ab eo, propter eorum ingratitudinem. Hinc dixit eis ipse Christus: Auferetur à vobis regnū Dei, & dabitur genti facienti fructum. pari modo ipsos alloquēs Apostolus inquit: Quoniā indignos vos iudicatis æterna vita, ecce conuertimur ad gentes. Et hoc iuxta illud Apocalypsis: Tene quod habes, ne aliū accipiat coronam tuam. Et quamuis dicant Theologi, quod omnes prædestinati saluantur, ideo videtur si Iudæi prædestinati erant: salus & gloria eorum ad alios deuolui non debuerat: cui dicendum quod prædestinatio non imponit necessitatem alicui nisi quatenus homo consentit prædestinationi. Quod apertè elicitur ex verbis Christi, dicentis: Nōne vos elegi duo-

duodecim: & vnus ex vobis diabolus est? Et hoc, quia Iudas electioni correspondere noluit. Vnde August. ait: Vt acquiescamus salutari inspirationi: hoc nostræ est potestatis, saluantur igitur omnes prædestinati, qui consentiunt prædestinationi: aliàs nō. Imò tales odio habēdi sunt: sicut enim verè prædestinati sunt diligendi, ita præsciti sunt odio habendi: vt communiter asserāt Theologi: Hæc distinctio præscitorum & prædestinatorum, innuit Paulus, adducēs in exemplum Iahacob & Hesau: de quibus antequā boni vel mali quicquam egissent, dictum est: Iahacob dilexi: Hesau autem odio habui. Deus igitur odio ppetuo Hesau insequitur, & quamuis Isahac dicat in spiritu: Viues in gladio & arcu tuo, & seruias fratri tuo, tempusq; veniet, vt cū excuties iugū è collo tuo. sed reponendi sunt in sinistra, quibus summus iudex dicet: Ite maledicti in ignem æternum: & sic erunt perpetuo odio inuisi. Et si Sapiēs dicat: nihil odisti eorum quæ fecisti. August. tamen ait: erit quippe misericordia & amor Dei super omnia opera sua: si tu tollis opera: id est, peccata odio habenda & puniēda: nec enim (vt reor) illi damnantur, quia Deus oderit ipso: nec quia præsciuerit, nec quia præ-

præparauit eis pœnas cùm de igne in pœnam peccatorum dādo dictum sit. Qui paratus est diabolo & angelis eius: nec dicit hominibus, quia (*teste Paulo*) Deus vult omnes saluos fieri. Prædestinati autem sunt, qui diligunt Patrem ipsos diligentem. Iuxta illud Saluatoris: Si quis diligit me, Pater meus diliget eum: & ad eum veniemus. Et huiusmodi quoque sunt à nobis diligēdi. Ad propositum igitur conclusionis dico, quod Christus in intentione est prior Abrahamo: eo verò in executione posterior: est in super prior Abrahamo: id est, perfectior, sicut figuratum figura. Probat in super Cabalisticè hoc modo. In sephiroc chocmah locus Christi, est prior, siue superior Gedulah Abrahæ loco: quare Christus meritò dixit: Antequam Abraham fieret: id est, Gedulah, ego s. chocmaah, sum superior Gedulah. Alia ratio est: Deus enim creaturam præcedit: &, quoniam Christus erat Deus, ideo Abrahamū præcessit, quod fuerit Deus, ostendit ipse in verbo, *sum*, quod soli Deo competit, quod alibi declarandum relinquo.

*Per mysterium duarum literarum, vau, P.M.
& iod, scitur, quomodo ipse Messias, ut
Deus*

Deus, fuit principiū suūpsius, ut home.

F. A. Iod, & vau sunt duæ Tetrag. literæ in nomine Iesu ω locate, quarum iod totam signum significat diuinitatem, vt superius in alijs cōclusionibus vidimus: vau verò vitæ fontem denotat. Ambę igitur literæ istę in nomine Iesu, significant Christum Deū verum esse, & fontem omnium creaturarū, sicut ipsemet de seipso testimonium perhibet, dicens: Ego vitam æternā do eis, quo ad bene esse, quo verò ad primum esse, vnica vita multiplex esse potest. Est namq; Sol vnicus in se, multiplex in radijs, vnicus in essentia, virtute tamen omnigenus. Est etiā anima vnica in se: sed multiplex in operatione: audit enim in auribus, videt in oculis, &c. Nec ex hoc, quòd in aliquo mēbro pati videatur defectum, diminuta est: nam si debilis esset oculus, non minor est in cerebro vel corde. Ex quibus patet, quòd vita illa vnica, multiplex est in mēbris, si admitteremus Mundum esse animal, vt multi sapiētes conueniunt: etiam illi qui sacra eloquia venerātur, cū ipsa ob stare minimè videantur. Et huius opinionis sunt, August. Origenes. Vnde Ieremias ait: Cælum & terram ego impleo, dicit Dominus. Et Esaias: Cælum mihi sedes est, & terra scabell-

bellum pedum meorum. Paulus quoq; allegās dictum Arati, dicit: Quoniam in ipso viuimus, mouemur, & sumus: & hoc quia Deus virtute sua vniuersam cōstringit, cōtinet, & viuificat Mundum. Eusebius in solutionibus Theologicis de summo opifice ratiocinans, ait: Vita illic est, & mens, ut ipsi vitæ perpetuò esse permaneat, mēti autē effigiet, & cōtineat ea, quæ sunt. Hinc primū ens vitale esse oportet: vnde omnis essentia, vita, & intellectus participatione magis, quàm specie nominatur: illud namq; ipsum esse per se vita, & per se intellectus. Quod autem præter hæc omne magis non ens quàm ens, quia erat, quando non erat ens. Et hoc perpetuitate manet ens, viuit, & intelligit. Quatenus enim particeps est vitæ, quatenus illud præbuit, & tantum intelligit, quantum illud tradidit. Ex quibus concluditur, vnam esse omnium vitam viuentium, sicut vnica est anima in omnibus membris corporis. Vnde cardinalis Cusanus solertissimus disceptator, cū microcosmum ad maiorem Mundum compararet dixit: Vita illa Mundi, quæ seipsum & omnia mouet, perpetua est, quia motus rotundus, & circularis omnem continens motum, sicut circularis omnem in se

figu-

figuram complicat. Ad quam animam totus corporeus mundus se habet, sicut corpus hominis ad propriam animam. Si externos adducere voluerimus, multi habentur præ manibus. Aristoteles, cum Theophrasto eius auditore: atque Auerroï profitentur Mundum esse animal. Democritus animalis Mûdi animam dicit esse Deū. Stoici, indi, Trismegistus, ait: Nihil est in corporibus, quod non sit ipse Deus: omnia enim solus existit, quæ sunt in lucē deducens, & quæ non sunt occludens in seipso: nec quicquam est in omni, quod non sit ipse Deus: qui est omnium vita. Sed videamus quàm cōcinnè loquatur Iohannes de hoc: vnde dicit: Quod factum est in ipso, vita erat, & vita erat lux: omnia per ipsum facta sunt, & sine ipso factū est nihil. Quod intelligere possumus in duplici sensu; aut quod nihil factum est sine ipso: aut quod illud quod factum est sine ipso conseruante, replente, & viuificante nihil est: Christus ergo, vt homo, creatura erat: ergo sibi ipsi dedit esse: & fuit principium sui: nam (*secundum Augustinum*) opera Dei ad extra sunt indiuisa. Huius enim nominis Iesu ישׁוּ sunt duæ literę (*vt dixi*) nominis tetrag. יהוה scilicet, iod & vau. Dimissa verò fuerūt duo
he

he n̄n, quorum alterum amorem mutuum Patris & Filij, period & vau denotarū. Alterum verò vim productiuam fabricæ signant. Hinc Hebræi dicunt, quod in he n̄n: id est, in virtute opificis, per ipsum denotata, Deus Mundum fabricauit. In quorum duorū he n̄n loco, in nomine Iesu ישׁוּ, interpositum fuit sin ם, principium huius dictionis sabbat שבת, quæ *requiem* signant (vt *suprà dixi*) Vnde innuitur, quod Iesu venit ad nos, non vt nexus Patris & Filij, neque vt opifex Mundi; sed daturus requiem: sicut ipsemet testatur, dicens: Venite ad me omnes qui laboratis & onerati estis, & ego reficiam vos. Iamenim Mūdum creauerat, priusquam humanaretur Deus. Ideo in nomine ipsius Messiae Dei humanari positum est scin ם includens illa duo he n̄n ipso sic euerſo ם, vt denotetur quod Messias Mundum creauerit, & per consequens humanitatem propriam, tanquam partem Mundi: hoc ostēditur etiam per literam iod & vau, quæ simul vnita יו constituuunt vnum he n̄n. Iod etiam significat principiū: nam ipsum est principium omnium literarum: ex quo iod sit punctum initium omnium literarum: seu linearum & sicut per literas cuncta formauit Deus (vt dicit Abraham in sephet

Iecirā) in sex diebus. Sic in nomine Iesu יֵשׁוּ, posita fuit litera iod י, significās Iesum fuisse principium & causam omnium rerum quæ creata fuerunt in sex diebus creationis Mundi: ideo additur illi nomini Iesu vau ו, quod numerum senarium significat. Sicut ergo iod est principium he נ, ita Iesus vt Deus significatus per literam iod, literam dico diuinitatis: est principium & causa vt homo significetur per literam vau ו. Alia ratio est: omnia enim antequam fierent, vita erant, in verbo: quæ omnia in formas proprias explicata, non destituuntur ab illa vita creatrice, qua in opificis mente viuebant: verum has ultra, alias acquirunt vitas pro captu suo: multiplex enim est vita: quare Christus non vitæ arbor, sed vitarum dicitur. Omnia igitur quæ viuunt, vita illa creatrice viuunt & vita propria naturali, quæ tamen vita ab illa summa pender: & est radius, vel scintilla ipsius, in quo viuimus, mouemur, & sumus. De quibus vitis in præsentī relinquo. vnum est, quod Christus est vita nostra: quam habebimus, si in illum crediderimus: vt ipse testatur, dicens: Qui credit in filium Dei, habet vitam in se. Et alibi: Ego vitam eternam do illis. Est enim Christus

flus fluuius vitæ, de paterno fonte cheter procedens, Spiritus sanctus verò est tanquam piscina, vitæ aquam suscipiens à fonte cheter Patre, & à fluuiio vitarum chocmah filio, in nos quoque eam diffundens.

Scitur ex Cabala per mysterium partis septentrionalis, cur iudicabit Deus sæculum per ignem. P.M.

Apud Deum duplex est solium, siue tribunal, sinistrum scilicet & dextrum. Primum dicitur meridionale & plenum gratiæ, & clementiæ existit: & vocatur chocmah, vel Gedulah, locus filij. Secundum dicitur Aquilonare, plenum seueritatis, & iudicij, & ignis: & vocatur binah, siue Geburah, locus Spiritus sancti. Et quamuis hæc regio aquilonaris sit frigida: tamen est etiam igne diuinæ iustitiæ plena: hinc est, quod iudex iudicabit sæculum per ignem: nam iustitia, & ignis in eodem sunt loco, aqua tamen commixti. quòd, si in igne solo iudicaret, nulla creatura iudicium tale ferre posset. Vnde propheta decantat: Non intres in iudicium cum seruo tuo Domine (scilicet in iustitia tantum Geburah) quia non iustificabitur in conspectu tuo omnis viuens. sequē-

do scilicet rigorem talem huiusmodi iustitiæ. Et, in signum mixtionis huius, Deus cheter hoc iudiciũ tradidit Filio suo chocmah pietati humanato, & infirmitate nostra circũdato, iuxta illud Apostoli: Talem habemus pontificem, qui scit compati infirmitatib. nostris. Et ideo ipse index Christus dicit: Data est mihi omnis potestas in cœlo, & in terra. Et alibi: Omne iudicium dedit mihi Pater: eò quòd sit hæres Patris, ideo constitutus est Dominus vniuersorũ: ratione præterea scientiæ sibi attributæ: id est, chocmah, iudicium sibi cõpetebat: hinc de ipso inquit oraculum: Butyrum (id est, lac sapientiæ) & mel (id est, saporem & dulcedinem rerum diuinarum) comeder: vt sciat (iudicando videlicet) reprobare malum, & eligere bonum & etiam, quia Deus erat, & homo: vnde in eo, quod Deus errare nõ potest: in eo verò, quod homo, sit cõpati infirmitatibus nostris: data etiã ei fuit hæc potestas, vt omnes honorificent Filium, sicut honorificant Patrem, vt ipse met perhibet. Præterea, quia caput est omnium nostrũ. etiam, quia est princeps Regum terræ, *sicut Iohannes dicit.* Principis enim interest iudicare subditos. etiã, quia per ipsum facta est ac redempta humana crea-

creatura: vnde meritò data fuit ei potestas iudicandi eam, & in iudicando vtrumque solum possidebit, dextrum scilicet & sinistrum; quare à sinistris ponet hœdos, à dextris verò agnos: & ipse in horum medio stabit. hinc Gabrielis oraculum dixit: Regnabit in domo Iahacob in æternum. Iahacob in archetypo, siue in supernis mansionibus medium tenet inter Abraham, qui dextram tener: id est, Gedulah misericordiæ plenam: & Isahac, qui sinistram possidet; id est, Geburah plenam iudicij: & quàm optimè sedere debet iudex inter dexteram pietatis, & sinistram iustitiæ; ut hanc cum illa contemperet. Iudicat autem semper Deus in igne & aqua: semper enim misericordia vitur, citra demerita pœnam inferendo, hoc patet in Sodomis de quibus dicitur, quod Deus pluit super illos sulphur; id est, ignem iudicij, & aquam clementiæ. In diluvio item vniuersali interfuit ignis: nam dicitur: Rupti sunt omnes fontes abyssi magni; aqua enim surgebat calida de subterra, admodum fontis balneorum calidissimorum: interfuit etiã aqua frigida; vnde in Genesi. Et cataraçtæ cœli apertæ sunt. Vide igitur, quomodo Deus in igne iudicij, & aqua clementiæ iu-

dicat, quod & cōfirmat Dauid, dicens: Vni-
uersæ viæ Domini misericordia, & veritas,
& alibi idem: Misericordia, & veritas ob-
uiauerunt sibi iustitia, & pax osculatę sunt.
Concurrunt igitur in iudicio hæc duo, sci-
licet chocmah Filius clementiæ; & Binah,
vel Geburah iudiciū, vel seueritas, aut iusti-
tia, Spiritus sanctus, quia Pater cheter mera
clemētia neminem iudicat, vt ait Christus
Iohā. ii. Ratio est, quia est Pater misericor-
diarum, & Deus totius consolationis. &, si
ipse iudicaret, omnibus parceret. Sed iudi-
cium suum dedit Filio, qui est in Tipheret,
qui de extremis participat, scil. de Gedu-
lah, & Geburah. Iudicat igitur Filius: nam
ibi concurrit aqua clementiæ; iudicat Spi-
ritus sanctus, ibi namque est ignis iustitiæ.
Et, si quis instaret, quod etiam Pater iudi-
cat, quia (*secundum Augustinum*) opera Tri-
nitatis sunt indiuisa. Dicendum est, quod
August. autoritas non est admittenda; vbi
Christi autoritas contradicit. &, saluan-
do Augustinum, dicendum est, quod Pater
concurrit, committendo tale iudicium Fi-
lio, & Spiritui sancto. Oracula clara habē-
tur, quod Christus sit omnes iudicaturus.
Nam Isaias postquam de virga & flore radi-
cis Iesse, de quē septiformi spiritu, super i-
psū

psum quiescente, locutus est, subinfert: Iudicabit in iustitia pauperes; & arguet in æquitate. & alibi: Et omnē linguā contradicētē tibi iudicabis. Et David postquā de saluari, quod notū fecit Dominus, locutus est, subinfert: Quoniā venit iudicare terrā. Iudicabit Orbem terrarū in iustitia, & populos tuos in æquitate. Et postquā de Filio à dextris Patris sedente; & qui de torrente in via bibit, decantauit, intercinuit. Iudicabit in nationibus, implebit ruinas. Angelorum videlicet cadentium, cōqualifabit capita in terra multorum. Vnde exaltabit caput. Et ab Ezechiele dicitur: Ecce ego iudico inter pecus & pecus Arietum & hircorum. Quod adstipulatur dicto Evangelij: Et statuet oves à dextris; hœdos autē à sinistris. Locandi in dextera dicūtur Agni vel Oves. Quia (vt *Origenes sentit*) ouis est animal mansuetum, nulli nocuum, semper beneficum. Quod opus beneficum potestatur summus iudex se discussurum & remuneraturum, dicens: Dedistis mihi cibū, potum, vestimentum, & huiusmodi, quæ à Matthæo recensentur. Hinc, nescio quo spiritu ductus Plato id semper persuadebat, epistolis suis huiusmodi titulum præponens: Benefacere omnibus, nemini

autem nocere, hortamur. Ovis etiam est animal piū. Hinc pij & misericordes, pietate à Deo in dextera consecuturi, à tribunali pietatis, quod est in dextera Dei, oues dicti sunt. Collocādi verò in sinistra, & maledictionem suscepturi dicuntur hœdi, quia hœdus est animal lasciuum, perulans, & ad libidinem procliuue: & animal demoniacū. Hinc prouectæ ætatis dicitur Hircus, Hebraicè autem, & in lingua mysterosa dicitur sehîr וְשִׁיר vocabulum quidem commune cum Diabolo, & cum loco, in habitationem, Hesau odio à Deo habito dato. Moses enim & Malachias dicunt, quod habitatio Hesau fuit in monte Sehîr. Hœdus etiam siue hircus, significat partē illam animalem, vbi residet fomes peccati. Hinc antiquitus in sacrificiū vel expiationem peccati, hœdus vel hircus offerebatur. Nos autē (vt Paulus hortatur) ipsammet partē per Hœdum significatā offerre Deo debemus. Obsecro (inquit) vos per misericordiam Dei, vt exhibeatis corpora vestra hostiam viuētē, sanctam, Deo q̄; placentem. Et omnes benedicentur à Patre, dicente Christo: Venite benedicti Patris mei. Et hoc vt indicetur, quis sit primus omnium benedictionum fons. Ipse enim est Pater misericordiarum,

diarum, & Deus totius consolationis. Et hirci siue hœdi maledicentur. Vera enim benedictio & maledictio non consistit in verbis, sed in effectibus. Hinc suscepturi præmium benedicentur; damnandi verò maledicentur. Iccirco scriptum est: Maledictus qui pendet in ligno. nam, qui suspendebantur, damnabantur, supplicium reportaturi. Propterea Paulus dixit: Christus factus est pro nobis maledictû. Quorum verborum sensus est, quòd Christus suscepit in se sententiam & supplicium mortis, vt à sententia illa, & pœna peccato debita liberaremur. Hinc Paulus præmittit: Christus nos redemit à maledicto legis. Maledictio igitur damnatorum est in effectu, quia igne cruciabuntur, qui Diabolo & Angelis eius præparatus est: vt in Euangelio dicitur: Et hic ignis, est illa lux, quæ dilatata in amplissimo loco supramûdano beatos lætificat: coarctata autem in centro illo inferni obscuratur, comburit, & cruciat (*secundum Pythagoram*) sicut enim radius Solis in concavum speculum directus inflammat, & ignem accendit apposito combustibili: sic & hi miseri adhærentes terræ & concavo ipsius, per affectum nimium terrenorum, & voluptatis, quæ ex

carne terrea est, se opposuerunt luci illi reuerberanti ex concauo & centro illo terræ infimo, quod adeò denominatur infernus: id est, inferior locus. Et sic ipsi met accendunt in se ignem illum. *vt Origenes ait.* Quod didicerat ab Isaia dicente: Ambulate in lumine ignis vestri, & in flâmis, quas succendistis. Et quamuis anima sit spiritus, torquetur tamen ab illo igne corporeo, tanquam ab instrumento diuinæ iustitiæ: sicut sensit Gregorius. Et vt obiectum tristabile: ad cuius præsentiam animæ detinebantur vi & ab inimico ipsarum Deo, vnde dolor & indignatio insurgit, sicut nōnulli Theologi dicunt. Et secundum Platonicos, quia anima nunquam erit absque suo vehiculo: id est, corpore cœlesti, quo mediante mouetur de loco ad locum, audit, videt, & sentit delectationem ex obiecto delectabili: tristitiam verò ex obiecto tristabili: alia ratio huius potest assignari, quæ dicitur immutatio. Nam positum est bellum inter carnem & spiritum, quorum alter concupiscit aduersus alterum: hac tamen lege, quòd is, qui vicerit, det proprietates suas victo. Si enim vicerit spiritus, dabit corpori immortalitatem, & incorruptibilitatem: *vt ait Apostolus:* Cùm autem mortale

tale hoc induerit immortalitatem: & corruptibile hoc induerit incorruptionem. Et tandē spiritus dabit corpori omnes proprietates suas: sicut ipse Apostolus paulò superiùs innuit: Surget (*inquit*) corpus spirituale gaudens videlicet subtilitate, leuitate, claritate, & huiusmodi. Quas proprietates Theologi vocant dotes corporis glorificati. Et conuerso autem si præualuerit caro, dabit suas malas proprietates spiritui; grauitatem videlicet, vt descendat ad infernas partes: obscuritatē, quia in tenebris erit: & passibilitatem, quia ab igne patietur corporeo. Etiam estuabunt virtute illius lucis, quę in cœlo dilatata lætificat, & in inferno coarctata cruciat, vt modò de Pythagoræorum mente diximus. Quæ lux est Christus illuminans omnia, cū sit Sol iustitiæ seueræ contra improbos, qui succenduntur in ola (*secundum Ieremiam*) quæ est caldarium inferni, igne perpetuo succensum pro ijs qui non susceperunt virgam vigilantem Christum videlicet. succēsum autem dicitur ab Aquilone, vnde aurum & ignis venit; & vnde legis transgressio, quæ peccatum est, & inde malum iustitiæ punitiue. vnde idem propheta: Ait Domin⁹: Ego (Pater) adducā malum

lum (Filius iudicantem) ab Aquilone. Ideo bene dicit conclusio. Per mysterium partis septentrionalis siue Aquilonaris; scitur cur Deus Messias iudicabit seculum per ignem, mixtum tum cum aqua, quia à Geburah associata cum Gedulah talem suscipiet influxum, cum habitet in Tipheret domo media in Archetypo. Et sic patet conclusio,

P.M. *Scitur in Cabala apertissimè, cur Dei filius cum aqua baptismi venerit, & Spiritus sanctus cum igne.*

F. A. In archetypo mundo, in dextera parte dimensiones locantur, in cleméntiam tendentes, ut chocmah gedulah, &c. in sinistra locantur, quæ iudicium prætendunt; & sunt boinah, geburah. Et si Dei filius utroque gaudeat latere; cõtinet enim Christus sephiroth omnium influxus, sicut supra patuit; & Esaias iã prædixerat, dicens: Mulieres septem; id est, dimensiones septem inferiores, accipient virum vnum: id est, Christum Messiam. Et idem alibi: Requiescet super eum spiritus sapientiæ, & intellectus, spiritus fortitudinis: id est, iustitiæ; fortitudo enim secundum iudicium, & ignis idem sunt: nam Christus est quoddam

dam totum : locus tamen ei appropriatus est chocmah, misericordiæ locus, & clementiæ. hoc probat Rab. Simeon super illud Prouer. ibi. Iustus primus in lite sua, venit amicus eius, & inuestigauit eum. sensus est: Quando veniet Deus sanctus, & benedictus, ad iudicandum Orbem in die iudicii, totus Mundus expauescet & timebit diem illum terribilem: dicentque: O' Dauid Rex noster ora Deum pro nobis, quoniam ex te processit Messias, qui respondet eis: Propter hoc, quod dicitis, non sufficio: nam ex me multi reges prodierunt, qui in multis Deum offenderunt: præterea ego sum infensus Deo propter peccatum Bersabeæ, & Vriæ. Tunc accedent ad Moysen, dicentque: O' Moyses magister noster, tu, qui nobis legem dedisti fuisti que fidelis in tota domo Dei, ora Deum pro nobis. Respondit eis: Non sufficio, quandoquidem rogavi, vt sineret me in terram Promissionis introire; & oratio mea non fuit exaudita, ita nec pro vobis potero exaudiri. Illi verò ad Iahacob se conferent, dicentes: O' Iahacob pater noster, tu qui duodecim Israëlitis tribus genuisti, rogato Deum pro nobis, respondebit: quia non valeo: duas enim sorores duxi vxores, vtraque

traque viuento. Accedent postea ad Isahac, rogantes : O' Isahac pater noster, tu, qui amore Dei immolatus fuisti, ora pro nobis. Ipse verò respondebit : non sufficio : quoniam ex me natus est Edom, qui fuit idolatra : & templum Dei destruxit. Abrahamum tandem adibunt, dicentes : Tu, qui voluisti filium tuum immolare pro Dei Amore, ora Deum pro nobis. Ipse itidem respondebit : Non sufficio : eò quòd Ismaëlem genuerim. Ultimò venient omnes ad primum hominem Messiam, dicentes, o prime homo tu, qui manu Dei creatus es : & à peccato immunis existis, pro nobis precare Deum : quia nos non sufficimus. Tunc primus homo Messias rogabit Deum pro eis : Deus autem bonos iudicabit, & iustos ob eorum bonas, mediocresque operationes ac propter preces Messiae : malos autem æternæ perditioni condemnabit. *Hæc ille.* Vnde Thalmudistæ dicunt : Nolite timere à iudicio : iudex enim amicus noster est. sic futurum est, vt Israël stet in iudicio coram Deo sancto, & benedicto. quibus formidatibus angelis, ministri dicent : Ne timeatis à iudicio : iudex enim ciuis vester est, vt dictum est Esaiæ cap. 45 : Ipse ædificabit ciuitatem meam, & capti-
uitat-

uitatem soluet: nōne cognoscitis ipsum,
propinquus enim vel consanguineus ve-
ster est, vt dictum est in Psal. 148: Filij Is-
raël, populo propinquo, vel consanguineo
suo: eam ob rem dixit Solomon in persona
Ecclesiæ, Cant. 8: Quis dabit te, vt fratrem
mihi? non talem qualis fuit Cain fratri suo
Abeli: neque: vt Ismaël fuit fratri suo Isa-
haco: neque: vt Esau fratri suo Iahacob. ne-
que, vt fratres Ioseph. ipsi Ioseph, sed sicut
fugens fuit vbera matri suæ: hoc est, qua-
lis fuit Ioseph fratri suo Benjamin: quem
dilexit, vt cor suum. Hæc omnia traditio,
quare concluditur, quod Christus venit in
aqua clementiæ: nam (vt Iohannes ait) mi-
sericordia, & gratia per Iesum Christum
facta est, Aqua mundans nos, quam pro-
misit Deus per Ezechielem, non est illa,
quæ infunditur supra caput illorum, qui
baptizantur. nam illa aqua è cælo non est
allata: vt oraculum perhibet: nec enim ele-
mento illi existimo, ad rerum corporaliū
ablutionē ordinato, virtutem ad mundan-
dam animam inesse: sed potius reor, ipsam
aquam in signum veræ aquæ & salutaris
fuisse datam. Aqua igitur purgans pecca-
ta, est aqua sapientiæ, quæ Dei filius est: qui
tulit, lauit, & expurgauit peccata Mundi.

Est

Est nempe Christus aqua supramundana, qui lauit discipulos suos sermone suo: sicut ipse fatetur, dicēs: Vos mundi estis propter sermonem quem locutus sum vobis. nam verbum vel sermo Dei est sapientia illa, quæ aqua sapientiæ salutaris dicitur. Quæ quidem aqua, non tantum potat, sed generat: iuxta illud Iacobi: Genuit nos verbo veritatis, & illustrat: ut propheta canit: Lucerna pedibus meis, verbum tuum, & lumen semitis meis. Et iterum: Declaratio sermonum tuorum illuminat, & intellectum ¶; paruulis. Illuminando autem expellit tenebras ignorantiae & peccati: & inde lauat & mundat proprietate quadam aquea: qua viget sermo & sapientia Dei. Et ut ostenderet se aquam, ante suam passionem voluit lauare pedes discipulorum. Et hoc fecit ut discipuli accederent digni ac Mundi ad sacramentum, quod instituere intendebat: ne eis contingeret illud Apostoli: Qui manducat & bibit indignè, iudicium sibi manducat & bibit. Hinc de Iuda, qui non erat lotus (ut Christus innuit, dicens: Vos mundi estis; sed non omnes) scriptum est. & post buccellam introiuit in eum satanas: vnde per pedes, intelliguntur affectus, quos mundos habere debent

debent ij, qui sacramentum hoc suscipere volunt. Vnde docemur, quod, qui diuina pertractare cupiunt, nedum exteriùs, sed interiùs, mundi esse debent. Et in signum huius iustificationis, vult Christus, quod in faciem Ecclesiæ habeamus aquam, quia Christus, qui est aqua suprema ac diuina lauans animas nostras, vult quod per aquæ elementum, cum aqua suprema symbolum habens, videamur iustificati coram ijs, qui secundum sensum tantummodò iudicant. Et, ne credamus, quòd aqua elementari purgetur & renouetur anima, Spiritum sanctum addit, dicens: Nisi quis renatus fuerit denuò ex aqua & Spiritu sancto, non intrabit in regnum Dei. Nec enim Spiritus sanctus congeneus est ipsi aquæ elemētari, vt simul debeant copulari. Nec aqua corporea lauat sordes animæ. Lauamur itaq; renouamur ac regeneramur secundum spiritum in Christo Iesu homine cœlesti & spiritali, qui est vera aqua archetypa. In cuius rei signum aquam corporeā suscipimus. sicut enim aqua materialis est principium genituræ naturalis vnius cuiusq; animæ (sicut scriptum est: Producant aque serpituram animæ viuentis) sic & per aquā Christus voluit nos regenerare. Quæ
Y quidem

quidem aqua non est hæc elementaris, sed ea, quæ supra cælum est (vt dixi) Christus igitur est velut mare, qui nouissimis temporibus repletus fuit aqua illa diuina, & supercœlesti, vt pelagus effectus sua plenitudine irrigaret vniuersos. Quam aquam tam libenti animo propinat, vt publicè in templo clamet, & dicat: Si quis sitit, veniat ad me, & bibat. Et istæ aquæ nunquam deficient, sed erunt hyeme & æstate semper refocillantes animas. Et tunc erit Dominus vnus Rex super vniuersam terram (vt inquit *Zacharias*) non quidem quod ad tempus nouum, adeptus sit regnum, quia iam effectus est Rex regum, & Dominus dominantium: sed quia habebunt eum in Dominum omnes quos permisit per tempus vagari suo arbitrio. Vel erit Dominus omnium, quia cessabunt dominia & principatus aliorum, eò quod suum sortietur effectum, aut in secundo suo aduentu, vt sentit Hieronymus, aut quando id ille decreuerit, cui Soli hæc dies cognita est: quando quidem nostrum non est scire tempora, vel momenta, quæ (vt Christus discipulos ab huiusmodi inquisitione reuocans apertè reserauit) Pater posuit in sua potestate. Scitur ergo in Cabala, cur Dei filius
cum

cum aqua baptismi venerit. Spiritus verò sanctus missus fuit à Christo in Apostolos: nam eius est mittere personam diuinam: cuius est & producere. Christus auté misit Spiritum sanctum, vt habetur in Iohanne: Nisi ego abiero, Paracletus non veniet ad vos: si autem abiero, mittam vobis eum. Missus autem fuit in linguis igneis, tanquam arcanorum Dei interpres. Iuxta illud: Ille suggeret vobis omnia, & docebit vos omnia: & vt inflammaret corda non tantum eorum, in quos descendebat, sed eorum qui audituri erant eorum verba, quos ipse edocuerat: ideo in ignis specie missus fuit: vt *LUCAS* narrat. vnde tot millia militum Christi succensi ab isto igne, relinquent patres & matres, sorores & fratres, vxores & filios, & omnia pariter bona sua, & vltimare seipso: secuti sunt illū vsq; ad mortem. De hoc igne Spiritus sancti loquens Ieremias dicit: De excelsis misit ignem in ossibus meis, & erudiuit me: hic ignis fuit ille, de quo dicitur in Iohanne: Ille suggeret vobis omnia, & docebit vos omnia. Nam & hic missus fuit ad tollendam ignorantiam, in quam incurserunt primi parentes, volentes magis scire quàm decebat, & præsumentes sibi vendicare

care illud scire, quod ad Dei filium spectabat. Sordes enim quibus infecti fuere parentes, & inde tota posteritas, fuerunt ignorantia & macula. Ideoque non tantum expurgari debuit humanum genus à macula per aquam Filiū: sed etiā illustrari diuina luce, quæ omnes illuminat: & igne, qui erudit nos. Et hic ignis à conspectu Dei, nunquā cessare debet: vt in Leuitico iubetur, & est ignis deuotionis & charitatis & luminis. Et iste ignis diuini luminis semper ardere debet: & potissimè in sacerdotibus, qui semper parati esse debent, docere & illuminare plebem. Hinc dicitur in textu, quod ignis hic administratus est à sacerdote, qui ipsum nutrire debet subiiciens ligna mane per singulos dies: sic de charitate dicendum est. Congruè igitur venit seu missus est Spiritus sanctus in igne post Christum aqueum: nam satis non fuit nobis, ablui à Christo, nisi post modum eidem tanquam membra capite uniti fuissimus. Quod factum creditur per virtutem Spiritus sancti: cabalisticè sic patet. Hebræi enim vocant spiritum, *ruach* רוח. In qua dictione sunt tres literæ, vna est *vau* ו, quæ diuinitatis est litera, numerum senarium importans, secundum quem ipse Spiritus summus omnium artifex primo incubans

bans super fœcūdis aquis disposuit (vt conueniens erat) totā hanc machinā Mundi. Trinū enim est rerum principium, in opus egrediens, ornans, & cōfouens: & quodlibet illorū per intermediū spiritum: ex quibus senarius resultat in maxima vnitate. Hinc dixere secretiores Theologi, literam diuinitatis, q̄ est iod, י, significās principiū & finē, cū sit finis numerorū, & principiū denariorū, habere sex spinulas, quoniā in ea ratione, qua principium est ipse Deus significatus per literam illā, ternarius est: à quo, in quo & per quem omnia: in ea autē ratione qua director, confouēs, & reducēs est, alio ternario, spiritali videlicet gaudet. non quia tres sint spiritus Dei, sed quia triplex est eius operatio, secundum quam Regius vates in psalmos nuncupat eum spiritum principalem, spiritum rectum, & Spiritum sanctum. Est etiam alia litera vitæ, quæ est chet ח, nam vita dicitur chai חַי. Tertia est res, ו, quæ binos centenarios, & materiam, aut corporeitatem quandam significat. Binarius enim materiam importat: hinc: (*teste Hieronymo*) semper infauustus, nisi cum alio numero coniunctus fœlicitetur: nam materiale cum vita & diuinitate associatum fœlix est: Ducenti enim

per res, γ , importati: illi sunt de quibus in Canticis agitur. vbi postquam aleph, κ , & vnum, & mille attributa sunt diuinitati, subinfertur: Et ducenti his, qui custodiunt fructus eius. Custodes enim positi sumus in vinea Domini cum binaria corporeitate. Vbi si custodierimus fructifera Domini praecepta, tandem inueniemur cum ipso aleph κ , praeparata omni homini verè pacifico, & illi qui habet pacem in seipso, Spiritus igitur quidam nexus est, ligans, & nectens duo extrema simul: ipsa viuificans, & corroborans, pro conditione spiritus v-nientis. Hinc sapit naturam duorum extremorum, quæ uniuntur, & sui ipsius mediij cōnectentis, vt innuitur per literas nominis ipsius iam declaratas. Viuificat enim cū in se vitam contineat: vnde dicitur aliquando, spiritus vitæ. Corroborat verò dans operandi vim, iuxta illud Apostoli: Corroborari per spiritum eius. Et de Samsonē legitur in lib. Iudicum: Irruit spiritus Domini in Samson, & lacerauit leonē. Et quodcunq; robur in viuēte procedit à spiritu vitæ, qui est in eo. Missus igitur fuit Spiritus sanctus in igne, accendēdo corda, eaq; desiccādo, vt à madefactione facta per Christū. Et sic patet conclusio.

Per

*Per eclipsationem Solis, quæ accidit in P.M.
morte Christi, sciri potest, secundum
fundamentum Cabalæ, quod tunc passus
est filius Dei & verus Messias.*

Quælibet natio (vt suprà patuit) duos ha- F. A.
bet planetas fauorabiles, sicut Iudaica na-
tio, vel secta Saturnū habet: quamobrē ipsi
sabbathizāt: & lunā: quare in festorū cele-
bratione, cursus lunares aduerrebāt. Chri-
stianorū autem secta Solem, & Mercuriū
possidet: de Sole loquens Isidorus, dicit:
Sol dicitur quasi solus lucens: eò q̄ sit fons
totius luminis, cuius radiatione superiora
& inferiora illustrātur. Hic planeta secun-
dum Misalath: est ex se fortunatus: sed ali-
quando per coniunctionē fit malus: mascu-
linus, diurnus, calidus, & siccus. Sol. n. om-
nia viuificat: & reb. omnibus vitā, speciem,
formamq; administrat. Nā (vt idē inquit) Sol
omnibus cœli luminarib. maior est in quā-
titate, & indignitate, & in claritate: q̄a ma-
gis calcati & pressi luminis est. Maior est in
potestate, & effectū multiplicitate. Itē in
motus vniformitate: semper. n. mouetur
directo motu in circulo suo sub zodiaco:
mediū semp locū tenēs: vniformis in mo-
tu semp est, quāuis respectu aliorū, moueri
dissimiliter aliquando videatur. Circulus

quoque Solis, sicut & zodiacus: distinguitur per duodecim spatia siue signa. Et quando Sol recedit ab vno puncto circuli sui: & reuertitur in eundem, transit per duodecim signa: & iste transitus, circulus anni vocatur. Sol motu suo ordinato, & imperurbato cursu, ordinat & perficit vniuersa: vnde Ambrosius in Exameron, sic nobis describit virtutes ipsius Solis, dicens: Sol est oculus Mundi; iucunditas diei: pulchritudo cœli, mensura temporum; virtus & vigor omnium nascentium, Dominus planetarum; decor & perfectio omnium stellarum. Dicitur etiam splendor Olympi, quia (vt ait Macrobius) Diffinitio fuit Platonis: omnium lumen esse à Sole. Dicit enim ipse in Thymeo: Deus ingeniauit rerum conditor, lucem clarissimam, quam Solem vocamus: cuius splendore cœlum, & inferiora omnia illustrantur, vt numerus existeret omnium animantium. Aristoteles in libro de elementis dicit: Sol habet lumen propriū, stellæ verò etiam luna lumen à Sole acquisitum, sicut speculum à lucerna sibi in oppositū illuminatur. Dionysius quoq; in libro de diuinis nominibus, cap. 5. de his mirabilibus Solis sic inquit: Sensibilium essentias, & qualitates
multas

multas quidem & discretas ipse Sol vnus existens, & vniformis: & illuminans lux releuat, nutrit, custodit, perficit, & discernit: vnit & refouet, fecunda facit, auget, mutat, collocat, plantat, renouat, & viuificat omnia. Simpliciter habet in substantia sua, non ex contrarijs sicut elementa. Ideo habet ad motum habilitatem summam, habet actualitatem, & virtutem. Continuum est in lumine, quamuis eius lumen, vel per lunam, vel per terram interpositionem: nobis aliquando auferri videatur. Virtutem habet renouatiuam, quia poros terram aperit, & virtutem latentem in radicibus ad actum perducit, & terram superficiem, herbis, frondibus, floribus, renouat, & reuestit: antiquata annis singulis, vigore & pulchritudine renouatur terra. Virtutem habet nutritiuam: quia ad interiora radicum & seminum, solaris radius subintrans, calore suo humiditatem terram dissoluit, & vi sua attractiua, quod semini & radici est simile de illa attrahit, & illud in nutrimentum terram nascentium conuertit. Virtutem habet conseruatiuam, conciliantur enim elementa per Solis influentiam in proprijs qualitatibus contraria (vt dicit Alexander) virtutem habet per-

festiuam: perficit nanque opus à natura inceptum. Virtutem discretiuam habet: nam colores & figuræ, per lumen Solis discernuntur. vnit & cōciliat planetas in suis effectibus. Sol secundum Macrobiū, medius est inter planetas. quia ad harmoniam cœlestem perficiēdam, hoc facit Sol in suo circulo, quòd facit media cordula in musico instrumento. secundum materiam in qua, in quam operatur, nunc aggregat, nunc dissoluit. vim generandi confert inferioribus, conseruat, & in sua absentia deficiūt, vt primum de floribus in sero cadentibus. Distinguit tempora & mutat, & ordinat: quia descēdes per signa australia, efficit dies breuiōres. Ascendens verò per signa septētrionalia, efficit longiores. Quatuor equis ferri fingitur: quorū primus dicitur Eritheus: id est, rubēs. secundus Aristheus: hoc est, splēdens. Tertius lāpas, videlicet ardēs. Quartus philogenesis: id est, amans terram, vt dicit Beda. Solis constellatione homines pulchros & agiles fiunt. vnde dicitur phœbus: id est, pulcher, cōsumit vaporem & aërem pestilentem. Habet virtutem calefactiuam, inflammariuam, & vritiuam, & hoc ex motu radiorum. Attrahit à mari fumos & vapores ex forti impressione caloris radiorum.

rum. Dicit Ptolomeus, sub Sole est leo & est dominus eius, & regnat in libra. Et sub ipso continetur species, lucrum, hereditas, color eius albus & rubeus. Est q̄; veridicus, & complet cursum suum diebus trecentis, & sexaginta quinque, in eius aspectu decipitur visus noster, quia maior existit quàm appareat nobis. Non videtur præ nimia eius claritate. Hunc per se moueri: non cum Mundo dicit Isidorus. Oriens, facit diem, occidens noctem inducit. Quomodo autem hæc omnia conueniant Soli Archetypo Christo primum. nam ipse dictus est Sol, quia solus lucet: nam per se beatus. Et est fons totius luminis cuius radiatione superiora, angeli videlicet, & inferiora: id est, homines illustrantur suo defluxu. Est nanque maior omnibus luminaribus: id est, sanctis, in quantitate, dignitate, & claritate: de plenitudine eius omnes accipiunt, *vt ait Iohannes*. Est vniformis semper in suo motu directo, in circulo suæ clementiæ & bonitatis: nam semper est beneficus. Suum circulum: id est, nomen suum Tetrag. **יהוה** distinxit in duodecim auadot, seu reuolutiones: quarum vnaquæque fauorem præstitit cuilibet duodecim Apostolorū, cuius fauore duodecim partes Mundi

Mundi conuenire fecerunt ad fidem. suo motu & influxu totum dirigit Mundum. Est oculus Mundi cuncta prospiciens, iocunditas bonorum, pulchritudo vniuersi à quo omnia dicuntur pulchra, quæ pulchra sunt: Est metrum & mensura omnis perfectionis, virtus omnium nascentium, Dominus planetarum, tantum enim influit quantum ipse præcipit: decor & perfectio omnium stellarum: id est, sanctorum: recipiunt enim omnes sancti lumen gratiarum à Christo sole. Habet nanque lumen proprium, cæteri autem ab ipso. Est nempe vnus existens, & vniformis, immotus in supermanens, lux vera cuncta illuminans, cunctos releuat, nutrit, custodit, perfecit & discernit electos ab alijs; vnit ad se dispersos propter peccatum: refouet debiles in via Dei fecundat, facit omnia sibi adhærentia in bonis operibus perseuerare; ideo auget perseuerantiam præstando mutat corda praua in bona, de lapidibus suscitans, Abrahæ semen, collocans, à dextris bonos, & à sinistris malos: nouas plantas quotidie plantat, infideles conuertendo ad fidem & peccatores ad poenitentiam, infideles renouat per baptismum, & viuificat per gratiam. Est simplex in essentia, sine virili semine conceptus, non habens

habens qualitates contrarias peccatorum. In suo lumine: seu influxuum communicatione nunquam deficit. Quamvis propter lunam, seu instabilitatem nostram, & propter affectionem nostram ad terrēna aliquando auferri videatur. Renouat homines terrenis addictos, aperiendo illorum poros cordis, perducens virtutem liberi arbitrij latentem & quasi in peccatis sopitam ad actum boni operis. Et tunc renouat homines tales terrenos floribus bonarum inspirationum, floribus bonorum verborum, & fructibus bonorum operum: reuestit, nutrit corda nostra gratia sua, subintrans radius istius Solis, calore suæ gratiæ dissoluit humiditatem affectionum terrenarum, in cœlestia desideria commutās perficit opus à libero nostro arbitrio inceptum: lumine legis eius discernūtur bona à malis. Vnit nos Deo & Angelis, vniuersa pacificans per sanguinē eius. Est nēpe medius inter nos & Deū: aggregat bonos Deo, & dissoluit malos à consortio bonorū in inferno. Confert vim generatiuam in baptismo in quo renascimur: & sanctificare nō possumus in bonis operibus absq; radijs Solis huius, sicut ipsemet testatur dicens: Sine me nihil potestis facere: per eius
radios

radios diuinos effecti sunt fortes ipsi martyres, confessores, &c. in via Dei. Quando lucet in nobis per gratiam, tunc diem facit & in bonis operib. præstamus: occidente à nobis, decidunt folia, flores & fructus bonorum operum. Et fertur Sol iste à quatuor equis: hoc est: eius nomen quatuor constat literis tetra. יתיר, quarum virtute rubet in nobis per feruorem, splēdet per fidem, ardet per charitatē. Et amat nos per eius præsentia, pulchri efficimur per innocentiam & in operando agiles, quapropter phœbus (id est, pulcher) nominatur. Cū sit calidus, quinimò ipse calor amoris, calefacit, inflāmat, & vrit, & hoc fit motu radiorū diuinorum. Attrahit enim à mari Mundi huius fumos & vapores: id est, homines superbos & auaros, illos resoluēs in lachrymarū pluuias. Et nihil viuere valet, tam vita corporali quàm spiritali, absq; huiusmodi radijs diuinis. Sub isto Sole est leo de tribu Iehuda. Et est domus eius, quæ in Archetypo dicitur Tipheret. Et regnat in libra, quæ iustitia librat æqualiter omnia, & maximè, hoc fiet in iudicio finali. Et sub huius vexillo Solis est lucrū meritorum, & vitæ æternæ hæreditas. Disponit nos ad animationem spiritualem per gratiam præuenientem,

tem, & tanti est luminis: quod in eius aspectu, visus decipitur noster. Mouetur enim per seipsum tanquam indeponens, non cū Mundo, sunt enim oppositorum effectū. Elongat se à nobis per gratiæ subtractionē: hyemē facit, per gratiæ carentiam. Accedēs propiūs per fauorē, æstatē reddit puræ cōscientiæ. Etiam sicut Solis theoricæ inter cæteras & facillima: ideo facilè discitur: ipsaq; scita, cæteræ, facilè addiscuntur. Secundò motus omnium planetarum regulantur ab Sole: nam deferentes augem lunæ, mouentur per distantiam, & propinquitatē ad Solem. tres item superiores ab Sole regulantur, quo ad motum epicicli. Venus habet motum medium, cum medio Solis motu: item & augē cum auge Solis. Mercurius quoq; simul habet medium motum cum medio Solis motu: ideo in tabulari operatione nullius planetæ motus, vel verus locus inueniri potest, nisi prius habeatur medius Solis motus. Tertiò Sol inter cætera astra, non tantum planetas, verum etiam fixa, est excellentissimus. plus enim ipse agit in hæc inferiora: quā quodcunque aliud astrum, non tantum influentiā, verum sensibiliter motu & lumine, in aëre calefaciendo per accessum & frigefaciendo

ciendo per recessum: in tēpore ipso distinguendo: per motum in zodiaco causat annum: per motū in quatuor quartas, causat quatuor anni tēpora: quę sunt ver, ęstas, autumnus, & hyems. In duodecim signis, diuidit annū in duodecim menses. Per motū diurnum causat diem naturalem: per motū supra horizontē, diem causat artificialē, &c. sic Christo Messiaę hę omnes proprietates cōueniunt: idcirco, sicut Sol rex est omniū planetarum, in ipforum medio existens, lineam eclipticam perambulans, nunquā ab illa deuians: quę à Chaldæis dicitur linea regalis: quare Sol in ea semper existēs, dicitur rex: à simili Christus est rex regum, & dominus dominantium, *vt testatur Iohannes, & Paulus*, quem constituit hāredem vniuersorum, &c. Et est in Ecliptica æternitatis & personarum diuinarum media, locum medium inter superiores planetas possidens: qui est locus Solis supramundani in Archetypo, teste Psalmo: In Sole posuit tabernaculum suum, non in Sole hoc visibili: qui in medio planetarum locum tenet: sed in illo supramundano Sole, cuius iste visibilis typum gerit, qui in medio cœlorum supramundanorum positus, omnia illustrat. Hinc
Iohan-

Iohannes ait: Ciuitas illa superna videlicet, non eget Sole neque luna, vt luceant in ea: nam claritas Dei illuminat illam: & lucerna eius scilicet præcipua, est agnus. nec discrepat Isaias. Et idem est dicere: posuit tabernaculum suum in Sole, quod est. Et regnabit in domo Iahacob in æternum, vt sapientes norunt. Et si Christus sit Sol, tamē adhuc dicitur habere tabernaculum suum in Sole. Quia sicut Deus est lux, & tamē, vt *Apostolus ait*, habitat lucem inaccessibilem. Habitatio enim Dei, & ipse Deus idem sunt, cū nihil creatum possit illum capere; fuit igitur verus Sol, nedum replēs omnia lumine, sed erigens Ecclesiam indeficientem: Sicut Sol, ad cuius aduentum cessit synagogæ luna. nec obstat quod Ecclesia non fuerit à principio illuminata ab isto Sole ad modum Solis totum Mundū illuminantis. Videmus enim Solem, vnicam Mundi totius lampadem, omnem Mundi partem illustrare: non tamen simul & semel, sed modò regionem orientalem, modò occidentalem, modò Meridionalē, modò Aquilonarem. Vnde Sapiens ait: Generatio præterit, & generatio aduenit. Oritur Sol & occidit, & ad locū suum reuertitur: ibique renascens gyrat per Meri-

Z

diem,

diem, & flectitur ad Aquilonem. Pari modo facit verus Sol iustitiæ Christus, qui omnes homines illuminat, diuersis tamen & congruis temporibus. Vnde idem sapiens profèquitur, dicens: Lustrans vniuersa, in circuitu pergit spiritus, & in circulos suos reuertitur. Et Sophoniæ quarto: Orietur Sol iustitię timentibus nomen tuum. Et Gabriel ad Mariam: Regnabit in domo Iahacob in æternum, quæ domus Solis dicitur; & Cabalisticè dicitur Tipheret, quæ dimensio est regnum, de terrore Isaac participans, & de benignitate Abrahamæ, meditullium temperatum possidens. Et vtroque hoc regio insigni protoplastus erat decoratus. hinc adducta dicuntur animalia omnia ad ipsum, veluti ad Dominũ: vteis omnibus accõmodata nomina imponeret, quib. eadem vocaret ad libitum. erant enim ipsi & terrore subiecta, ratione influxus Geburah: & à placida consuetudine attracta, ratione influxus Gedulah. idque quousque præuaricatus, pristinam dignitatem amisit. Et ex domino miserrimus seruus est effectus. Est igitur Tipheret locus Iahacob, & supramundani Solis medium possidens locum inter dimensiones archetypas, qui Sol est Messias, quo
patientem,

patiente, Sol inferior (cuius lumen à Sole supremo pendent, teste Iohanne: Erat lux illuminans, &c. Et ipsemet dicens: Ego sum lux Mundi) pati conuenit, sicut longè antè per Amos nuntiarum fuerat, 8. cap. dicentem: Et erit in die illa, ait Dominus Deus: & occidere faciam Solem in Meridie, & tenebrescere faciam terram in die lucis. ideo obscuratus est Sol, tanquam in morte Domini sui filij, Dei Messiaë, quia Cabalistæ tenent, locum illum Tipheret Solem à Messiaë filio Dei possideri, qui est Christus, vti suprà patuit.

Qui sciet proprietatem Aquilonis in Cabala, sciet, cur satan Christo promisit regna Mundi, si cadens eum adorasset. P. M.

Aquilonaris archetypi proprietas est mala, teste Esaia, 14: Ponam sedem meam in aquilone, & ero similis Altissimo. Hoc dixit, vt se illi opponeret, de quo dicitur in Abacuch: Deus ab austro veniet. Eriã hoc dixit, quia ab Aquilone omnis casus & ruina procedit: bene igitur satagebat sedem ponere vlula illa, vt inde facillimè rueret, quòd & euenit & comprobaturum est. Vlu-lam enim & bene interpretatur Hieronymus, & non luciferum. Si quidem ferre

lucem non potest ille, qui tenebrarū princeps factus est. Nec quando præsimebat in Deum, lucifer erat, sed vlula, ad planctū deputanda inferni sempiternum. Fuit tamen filius auroræ: vt in veritate literæ habetur, quia productus ab aurora illius supremæ lucis, vitæ, & verbi: in quo facta sunt omnia. Peccatum igitur istius vlulæ serpentis fuit, quia insurrexit contra Christum, vt Iohannes apertè referat, dicens: Et draco stetit vt mulieris Filium deuoreret amictæ Sole. Demandatum enim erat (*vt inquit Apostolus*) omnib. angelis, vt adorarent eum iam constitutū hæredem vniuersorum. Quod recusans facere Diabolus, & existimans posse sibi honorem illum vindicare, ceruicem erexit in eum insurgens cum satellitibus suis. Cōtra quos Michaël militiæ Christi princeps insurrexit, vsque ad eorum expulsionem è cœlo pugnans. Et hæc ruina eius fuit irreparabilis, quia ille ab alio seductus non fuit, sed propria peccauit malitia. Et fuit Diaboli peccatum irremissibile, quia directè læsæ maiestatis crimen commisit. Erat etiam in statu sæculi venturi, quod scilicet expectamus, à quo cadens impossibile, vt per pœnitentiam releuetur; sicut inquit Aposto-
lus

Ius agens cum Hebræis. Et si Adam fuerit in statu innocentiae in illo seculo, non tamen ita perfecte & expedite. Idcirco casus eius quo ad ipsum fuit irremediabilis, & indiguit redemptore, qui esset plusquam homo. Quamvis igitur supradicta verba Isaiae exponantur de Nabuchdonosor, at tamen doctores, communi sententia, de Diabolo intelligi volunt, eosque prosequentes dicimus, quod ab Aquilone est casus (vt dixi) cum inde sit lex, quæ subintravit vt abundaret delictum, vt *Apostolus ait*. Non quod Deus delicto oblectetur, sed delicti remedio. Ideo data fuit ipsa lex in igne, tonitruo, & terrore. Et hoc factum est, vt Deus terrorem populo incuteret ad ipsam obseruandam. Et etiam, vt indicaretur, quod in tribunali iustitiae & Aquilonari, terrore pleno si lex emanaret premens populum sub iugo duro, & puniens transgressores. Et adhuc, vt denotaretur, quod lex erat occasio peccati, & pœnæ ipsi peccato correspondentis. Quo sensu, *Jeremias ait*: Ab Aquilone pandetur omne malum: culpæ videlicet & pœnæ. Ideo casus. Expressius autem *Esaias ait*: Ab Aquilone fumus veniet. Fumus videlicet superbiæ, & peccati. Et non est, qui effugiat

ignem eius. Cùm Diabolus inde cadens, cadere fecerit protoplastum, & cum eo totam posteritatem. Mali namque Dæmones cum damno suo procurant mortaliū casum, quia tanta inuidia ducuntur, vt non videant, quid faciant, nec sibi bene consulant. Iuxta illud Sapientis: Inuidia Diaboli mors introiuit in Orbem terrarum. Et etiam, quia tam mala arbor affecti sunt, vt non possint nisi malos fructus facere: iuxta dictum Saluatoris: Non potest arbor mala, fructus bonos facere. Vnde in ipsis habet locum illud Ieremiæ: Si potest Aethiops mutare pellem suam, & pardus varietatem suam: Ita & vos poteritis benefacere, cùm didiceritis malum. Illuc etiam conatus est Christum seducere, quando dixit ei: Si cadens, adoraueris me, dabo tibi omnia regna Mundi. nam casus omnis ab Aquilone prouenit, etiam & regnum Mundi, & omnis thesaurus, quare non sine causa dixit Iob: Ab Aquilone aurum venit, quod quidem aurum est præcipuum thesaurorum. Et Diabolus (vt diximus) horum est Dominus. Nam omne, quod est in Mundo, aut est concupiscentia carnis, aut concupiscentia oculorum, aut superbia vitæ, quorum omnium Diabolus est Dominus.

nus. Secundum quæ tria, ipse tria sortitur nomina: in eo enim, quod in carne præualet, Hazazel dicitur: in ambitione Asmodai. in diuitijs Mammona: iccirco dicitur canis tricerberus. Et habet virgam tridentem, vt Vates decantârunt. vnde Iob: Terra data est in manu impij. Terra multifariè accipitur, sicut & Mundus: nam est Mundus à Deo conditus: id est, machina hæc cœli & terræ, quam totam ipse Deus implet, & est Mundus, qui odit verbum, vt Saluator ait: Si Mundus vos odit, scitote quia me priorem odio habuit. Et iterum: Me odit Mundus, quia testimoniū perhibeo de ipso, quòd opera eius mala sunt. Pari ratione, etiam terra, Mundi infimū elementum: & hanc Deus implet, & possidet. Est etiam fex quædam terrea, seu terra male possessa, & inculta: & hæc data est in manu impij: id est, Diaboli, cui dictum fuit: Terram comedes omnibus diebus vitæ tuæ. Ideo Diabolus dictus est princeps huius Mundi rebellis ipsi Deo. Verum est, quòd homo constitutus fuit super omnia opera, manibus Dei fabricata, vt canit propheta: Et cōstituisti eum super opera manuum tuarum. Sed cū homo, propter quem facta sunt omnia, & qui prælatus o-

Z 4

mnibus

mnibus erat, superatus à Diabolo dominum perdidit, & ipse cum eis, quæ ipsi subiecta erant, traditus est in seruitutē & potestatem Diaboli : iuxta illud Petri : A quo quis superatus est, eius seruus est. Etiam tyrannicè sibi Mundi imperium vendicauit. Hinc à vero & legitimo principe Christo, tempore suo, iure eiectus est, sicut scriptum est : Nunc princeps huius Mundi eijciatur foras. Christus in hac pugna præualuit, non à diuinitate suffultus, quia sic non fuisset uincens laus. nam sicut, dormiente homine, anima dimittit ipsum naturales operationes exercere, nec tamen eum derelinquit, nec abitarima illa uiuificans (*sicut dixi supra*) sic diuinitas non recessit à Christo, sed dimisit eum pugnare, sitire, esurire, & huiusmodi pati : aderat tamē ei gratia diuina quæ merebatur, sicut & cæteri homines, qui secuti sunt ipsum, gratia Dei suffulti, meruerūt, quamuis ij longissimo interuallo Christum sint secuti. Nec enim Christus secundum diuinitatem (quæ beatus erat) sed secundum humanam voluntatem, gratia repletam, meruit : & ita deuicto hoste in primo conflictu, meruit esse caput Ecclesiæ & habere principatum, de quo Paulus : Ipse est caput omnis principatus

patus & potestatis. Et hic fuit primus congressus : de quo ipse victor dixit : Venit enim princeps Mundi huius, & in me non habet quidquam, cùm videlicet omnimodam victoriam obtinuerit de ipso. Tandē in secundo conflictu, in cruce existens, illum forās emisit, vt ipsemet Christus restatur, dicens : Nunc princeps Mundi eiicietur forās, auferēdo videlicet ab eo cultum omnem, vt amplius non adoretur, vt antea, nec det responsa. Fuit præterea, à Christo deuictus in morte : nam moriēdo, Adam parti sensitiuæ consentiens, mortē incurrit : quem Christus suscitauit, vnde deuicta peccati morte, deuictus etiam ille fuit, qui mortis habebat imperium. Ideo diuites præcipuè reiiciuntur, & qui seruiūt auaritiæ : quia auaritia est idolorum seruus (vt dicit Paulus) hinc Saluator dixit : Facilius est camelum per foramē acus transire, quàm diuitem intrare in regnum cœlorum. Quòd sub alijs verbis Esaïas antea dixerat : Væ qui coniungitis domū domui, & agrum agro copulatis (vt videlicet diti mini) quia (vt subinfert) dilatauit infernus, animā suam, & aperuit os suum, absq; villo termino : & illuc descēdēt fortes, sublimes, & gloriosi. Quia huiusmodi occu-

pant partē proximi. Et etiam quia respuē-
tes seruitutem Christi, subijciuntur mam-
monæ diuitiarū domino. Huic enim sub-
iecti nō possunt habere partem cum Deo,
vt summa veritas perhibet, dicēs: Non po-
testis seruire Deo & mammonæ. Et si Abra-
ham David & alij iusti diuites fuerat, grati
tamen Deo fuerunt. quia isti non suscepe-
rant diuitias à mammona, indebitè videli-
cet occupātes, quod proximorum est, sed
à Deo vniuersorum domino. possidebant
etiam diuitias, & nō possidebantur. Iuxta
illud prophetæ: Diuitiæ si affluant, nolite
cor apponere. Ideo Chananæus adeò fuit
inuisus Deo, vt Israël victor esse nō potue-
rit, nisi emisso voto, de ipso penitus delen-
do. Hinc docemur quod attendētes auari-
tię, denotati per Chananæos, qui negotia-
tores interpretantur, reijciuntur à Domi-
no. Iuxta illud Apostoli: Qui volūt diuites
fieri, incidunt in tentationem, & in laqueū
diaboli, & desideria multa inutilia & no-
cua: quæ mergunt homines in interitū &
perditionem. Radix enim omnium malo-
rum est cupiditas: quam quidem appeten-
tes errauerūt à fide. Istis vā datur. quia pri-
mò faciunt contra commune præceptum
quo dicitur: Non furaberis: secundò faciūt
contra

contra fundamentū charitatis: tertio, quia priuantur regno cœlorū, & igni eterno addicuntur: quarto, quia etiam in vita priuantur bonis illis malè acquisitis, aut saltē filij. Iuxta illud canonistarum commune dictū: De malè acquisitis non gaudebit tertius hæres. Et hoc, nisi bona illa largis eleemosynis redimantur, sicut dixit Daniel Nabuchodonosor: Eleemosynis peccata tua redime. Et Christus date eleemosynam, & omnia munda sunt vobis. Alioquin (*vt antiqui Theologi dicunt, & experientia clarissimè comprobatū est*) huiusmodi furta simul cum thesauris in terra sepultis, quorum nō cognoscitur dominus & rebus iusto Dei iudicio in mari perditis tradita sunt potestati dæmonū, vt liberè faciant quicquid velint. Sicut ipsi apertè confessi sunt. Stulto ergo nihil profunt diuitiæ, *vt ait Solomon.* quia ipse subinfert: quia non potest ipsis emere sapientiā, & succurrere calamitati ac stultitiæ suæ. Et loquitur de stulto: id est impio, qui nescit comparare Christū Dei sapientiam diuitijs suis: illas videlicet pauperibus distribuendo. piè enim erogatas diuitias, à seipso recipi fatetur ipse Christus, dum ait: Quod vni ex minimis, &c. saluberrimum documentum datur nobis à propheta,

propheta, quod est diuitiæ si affluent, nolite cor apponere. Sed adhæreamus Christo, regi regum, & domino dominantium: quia ipse est sapiëntia Patris: de qua scriptum est: Per me reges regnant, & potentes discernunt iustitiã. Nec enim quispiã potest esse rex, nisi sapiens, ut Plato amplissimè probat. Vnde quantò quis sapientior est, tantò melius & perfectius regnat. Et etiã, quia ipse est caput omniũ, omnibus præstat ut regnent, aut operentur, quicquid operantur. Et ipse constitutus est à Patre hæres & rex vniuersorum: alij verò congregantes, & cohæredes. Impij per ipsum etiã regnant (*vnde Origenes ait*) spiritus Dei in eo quòd est spiritus vitæ, omnibus tribuit, ut viuât: in eo autem quòd est Spiritus sanctus, non se communicat, nisi bene dispositis. pari modo & verbum, in eo quòd est principiũ, rerum omnia portat, & omnia sustinet. in eo autem, quòd est regeneratore & renouatore, se solum tantummodò ijs, qui volunt esse membra eius viuëntia, exhibet. Ad cõclusionẽ dico, quod diabolus est Aquilonaris: vnde dixit: Ponam sedẽ meam ad aquilonem Geburah plenam iudicij & ab eo loco omnis ruina, & casus procedit & punitio. Quare lex Mosaica (*quia ex illa*
dimensione

dimensione venit) data est in flamma ignis
(vt dixi) & ardente monte, quia à sinistra
aquilonari parte. Et dicebatur ex timoris.
Et quamuis legatur in Deut. & in dextera
eius ignea lex. venit tamen lex de Binach,
loco Spiritus sancti, & à sinistra: sed dedu-
cta fuit in dexteram: id est, chocmah, & ge-
dulach, locum filij, clementiam, & pietatē
præudentem. Et hæc fuit, euangelium
Christi: qui sedet à dextris clementiæ Dei.
Nec mirum est igitur, si diabolus Christo
promiserat regna Mundi: cuius ipse do-
minus effectus fuerat, cum primum homi-
nem Mundi dominum superauit. quæ o-
mnia (vt dixi) sunt aquilonaria.

Quicquid dicāt ceteri Cabalistsæ, ergo de- P. M.
cem sphaeras, sic decē numerationibus
correspondere dico, vt, ab ædificio inci-
piendo; Iupiter sit quarta, Mars quin-
ta, Sol sexta, Saturnus septima, Venus
octaua, Mercurius nona, Luna decima
tum supra ædificium, firmamentum
tertia, primum mobile secunda, cælum
empyreum prima.

Zoroastres in oraculis suis dicit: Homo F. A.
est mundus minor: nam ob harmoniam,
quam in se percipit, maiorem continet
Mundum

Mundum per ideam : & quoniam maior
Mundus conformitatem habet cum Archetypo. quare sequitur, homine Mundū archetypum in se habere. Isti tres Mundi ponuntur à Iohanne, vbi dicit : In Mundo erat (scilicet archetypo) & Mundus per ipsum factus est (scilicet maior Mundus) & Mundus (id est, homo) eum non cognouit, scilicet incarnatum. Vocat omnes mundos, vt idem omnium esse declarer. Omnia enim sunt, & esse habent communicatum ab eo: Qui dixit, qui est misit me ad vos. eos tamen distinguit, vt & differentiam inter eos esse demonstrer. Alter tamen est, alterius simulachrum, vt dixi. Mundus enim quem habitamus, Dei simulachrum continet : & homo Mundi, & archetypi imaginē habet; hincq; est quòd homini, cum vtroque concordia. conuenit igitur homo cum maiori Mundi, ita quòd pars nulla exstiterit in corpore nostro, quæ alicui planetarum non subijciatur, vt dicunt Astronomi. Saturnus in ariete pectus habet, Iupiter ventrem, Mars caput, Sol femora, Venus pedes, Mercurius crura, Luna genua, &c. sic de alijs signis modo suo dicatur, prout habetur in Alpherabio, & Alchabitio, & in alijs Astronomis.

& ratio

& ratio huius est: non enim omnes eundem influxum participant, à simili Mundus maior, quem nos habitamus, diuersa habet membra: est enim quoddam animal, cuius partes, & membra sunt varij cœli scilicet decem, qui correspondēt decem sephiro: & quodlibet cœlorum influxum recipit ab aliqua earum sephiro, quæ sunt cœli supramundani: quia non omnes cœli materiales ex eodem fonte potant, & sicut sunt decem tantum sephiro, ita sunt decem duntaxat cœli, neq; plures. sunt enim cœli multiplices. sunt quidē cœli isti quorum sydera videmus: de quibus Astrologi pertractant. sunt quoq; cœli angeli, cœlos ipsos girantes, & per eos influentes & operātes cū omnis operatio necessariò à viuento procedat. nam cœli ut cœli sunt, sunt mera corpora cœlestia, vitam non habentia nisi ab astantibus & præsidentibus intelligētis, & per illas à Deo. Et isti angeli sunt cœli, de quibus propheta canit: Cœli enarrant gloriam Dei. sunt quoq; cœli supramundani, quibus corporei respondent: *ut notum est secretioribus Theologis.* Inter quos cœlos sunt intermedie intelligentiæ: à supremis cœlis suscipientes, qui sunt fontes primarij, in hos corporeos

corporeos cœlos influentes. Et isti cœli archetypi, dicuntur à propheta: Cœli cœlorum. Ibi enim sunt Sol & luna, cæteri que planete, *vt dicunt secretiores Theologi*. De quibus cœlis loquitur Christus, quando dicit: Pater noster qui es in cœlis, videlicet supramundanis, præsidēs omnibus, & à nullo ipsorum dependens, & dicitur chetelion à Cabalistis: id est, corona suprema. Et ideo isti cœli materiales etiam & ipsi dicuntur enarrare Dei gloriam, sicuti & supremi ac medij, Pater peritis tam in Astrologia creata, quàm archetypa ac diuina. Dicuntur nempe enarrare, gloriā Dei: id est, similitudinem & conuenientiam cœlorū diuinorū. sunt enim isti cœli, primo creati à Deo, & sine carent, ideo æterni sunt. unde propheta: Ipsi peribunt, tu autem permanebis, & omnes sicut vestimentum veterascent: non quòd dissoluantur, sed in melius mutabuntur. Hinc propheta subinfert: Et mutabis eos, & mutabuntur. Ideo Plato & Plotinus docent minimè dissoluenda ea, quæ à Deo facta sunt immediate absque secundis causis, sicut sunt cœli; quos nihil præcessit, vt in eorum productione intercederet. sic sunt bonæ notæ, quòd virtus illorum semper bonos influxus

influxus emittūt. Vnde Iamblichus refert, dicens : Scriptum erat in Mercurij columnis, omnes astrorū influxus optimos esse: si verò malū aliquod sequatur, illud subiecto malè disposito, & non sideribus ascribi debet. cui Hercules ad stipulatur, dicēs : Vt malus quisq; sit, malitiæ suæ causa ipse existit, nec à superioribus ac cœlestibus fontibus iniquę sordes emanāt. Huic fauet Ptolomæus, Astronomorum meritò princeps, qui cū Iulio Firmico multis laudibus prosequitur Saturnum, qui omniū pessimus, prædicatur. Dicunt enim ambo quòd ipse Saturnus bene dispositis dat profundū ingenium, sermonem certū, stabilem amicitiam, longam prouidentiam, regaleq; cōsiliū, &c. præterea, secundum Isidorū lib. 3. cap. 30: Est corpus rotundum, volubile, atque ardens : proptereaq; cœlum vocatum: quia tanquam vas cœlatum : impressa signa habet stellarū. Distinxit enim id Deus luminaribus, & impleuit, Sole scilicet & luna orbe fulgenti, & astrorum micantium splendētibus signis adornauit. Hoc autem Græcè *birunos* dicitur, à potu oran : id est, à videndo, eò quòd aër perspicuus sit, & ad speculādum purior. Est autem cœlum visibile multiplex, vt inquit glossa super illud

Deut. 10: En domini Dei tui cœlum est, & cœlum cœli. Est enim aëreum, æthereum, igneum, olympum, firmamentum, aqueū, & empyreum. Cœlum aëreū, vocatur medium interstitium aëris: quod à grossis vaporibus aquæ & terræ: non per omnia est infectum: vnde illa pars aëris purior: & ab inferioribus qualitatibus impermixtior, propter sui puritatem & diaphaneitatem, siue naturam transparentem, cœli nomine nuncupatur. sicut dicit glossa super illud Matth. 13: Volucres cœli comederūt illud. cœlum æthereum secundum quosdam, vocatur supremum aëris interstitium, quod immediatius sphaeræ ignis est conuinctū. Et dicitur æthereum: quia illud medium inter ignem & aërem constitutum, ab igne est splendoris & illuminationis susceptiuū. *Aetheros* enim Græcè, *splendor* dicitur Latine: vt inquit *Isidorus secundum Gregorium beatum, super Iob.* *Ætheris* tota regio intelligitur, à luna vsque ad stellas fixas, in qua sunt orbes, & circuli septem planetarum. Martianus dicit, quod æther est locus ab inferiori Mundo separatus, inuisibilis respectu inferiorum, quæ patiūtur multiplicem variationem. Denique secundum Macrobiū, splendor ætheris sub sphaera cœli

per

per ambitū totius Mūdi rutilat & refulget. Cōtinet aut in se orbis septē planetarū, quī mouentur cōtra motū firmamēti. Inferior itaq; pars, velocitate sui motus, inflammat partem superiorē materię elemētari: & ex illa inflāmatione gignitur Sphæra ignis, sicut habetur in fine libri de Cœlo & Mūdo. Exordiēdo ergo ab inferioribus: Lunę cœlum est primū. Et dicitur luna, quasi luminis vita: id est, principalis & maxima: quia corpori solari in magnitudine, & pulchritudine est simillima (*vt inquit Isidorus*) de hac sic scribit Ambrosius in Examerō: Luna est decor noctis, mater roris humoris ministra, dominatrix maris, temporū mensura, ēmulatrix Solis, mutatrix aëris, lumen à se nō habens, sed à plenitudine Solis mutans & acquirēs: quę secundū appropinquationē, vel elongationem à Sole, formā suscipit & figurā: carēs itaq; luna proprio lumine, est à fontali, plenitudine Solis. luminis receptiua & lumē receptiuū in terrā defluit. Hæc correspondet decimæ enumerationi in archetypo, quæ dicitur malchut, & luna supramundana nuncupatur. Ipsa enim est decor noctis, quia cessantibus reliquis numerationibus diuinis ab influxu erga nos: non cessat ipsa à fauore in bonum

nostrum, cum sit mater doloris gratiæ diuinæ & fauoris, ministrat namq; nobis humorem diuinorum charismatum. Dominatui mari huius Mundi terreni, unde dicitur terra uiuentium, & præsidet creatis, ideo in sui ditione sunt tempora: occidit namq; & uiuificat, ditat & depauperat, ideo mutat aëre in bonum vel malum nostrum, secundum meritum vel demerita. Mutuat lumen influxum à Sole supramundano tipheret dicto, amittit lumen suum boni influxus, quando non respicitur benignè à Sole archetypo, & hoc quando peccamus, ideo dicit illa in Canticis: nigra sum (scilicet præstando nobis fauorem) sed formosa (scilicet in me) & causam subdit suæ nigredinis, dicens: Filij matris meæ (scil. synagogæ, vel ecclesiæ) pugnaverunt contra me (scil. propter peccata, propter quæ, decolorauit me Sol) non influendo sup. in me, sed si bene agimus, lumen suum mittit ad terram, nobis bona gratiæ præbendo, & corporis. Luna itaque, in quantum est omnium superiorum influxuum receptaculum, ultimæ annumerationi respondet: aut primæ in ascendendo (ut dixi) quæ nunc terra uiuentium, nunc tabernaculum, nunc luna, nunc receptaculum, & sinus omnium influxuum, nunc regnum

dici-

dicatur: de quo in Psalm. dicitur: Regnum
 tuum, regnū omnium sæculorum. Et ite-
 rum: Regnum ipsius, omnibus dominabi-
 tur. In qua mansione existens ille, qui sem-
 per ubiq; est, vocatur Adonai אדני. aut Me-
 lech מלך: id est, *Rex*. Cælum secundum di-
 citur Mercurius, & respōdet secūdæ annu-
 merationi particulari denominatę חיר
 quod apud nos *ornatum, decorem, aut celebri-
 tatem* sonat, de quo propheta: Cōfessio, &
 pulchritudo in cōspectu eius, pro quo me-
 lius diceretur, *celebritas vel ornatus & de-
 cor* in conspectu eius. Et hic Deus influens
 vocatur Adonaizeuaot יהוה צבאות: id est,
Dominus exercituum. Quod nomen non bel-
 li, sed pieratis est, & consonantiæ, & suavi-
 tatis. Ad quam inferiorem inferior Mercuri-
 us, & ad quam superiorem superior Mercuri-
 us inducit. Cælum tertium dicitur Venus,
 & in diuinis correspōdet numeratio-
 nibus. nezach, נצח, à quo habet suam vim,
 quod interpretatum dicitur *vincens*, aut *vi-
 ctoria*, aut *perpetuū*. Amor enim omnia vin-
 cit, & deducit opus vsque ad calcem, omni
 parui penso labore, & pro nihilo habito. Il-
 luc influens Deus dicitur, elohim zeuaot
 אלהים צבאות. i. *Deus exercituum*, quod no-
 men Dei ordinantis, vel fabricantis, & vl-

ciscentis per bella iudicij, siue per alias punitiones: nā omne bellum iniustum, à Venere deprauata venit. i. nimio amore proprio. Sic & omne iustū bellū à recto amore, & bona Venere procedit: quia iustè bellamur Dei zelo pro releuādis indebitè oppressis quos diligimus. Cælum quartū, dicitur Sol & est cor cælorū & cōuenit cū numeratione archetypa dicta tipheret תִּפְהֶרֶת quod cordi conuenit. Quod *pulchritudo*, aut *pulchrum* illud interpretatur, à quo omnia pulchra, de quo in Psal. Virtus & tipheret: id est, pulchritudo in sanctitate, vel sanctuario eius, quod in medio totius Deifici templi, tanquam sanctorū sancta est: pro quo in translatione nostra habemus sanctimonia, & magnificentia, in sanctificatione eius. Et sicut Sol iste sensibilis omnia splēdescere, & pulchra apparere facit. sic ille diuin⁹ cūcta pulchrè facit illa pulchritudine, quā Socrates ab Hippia perquirebat: in qua gloria, & pulcherrimo throno residens Deus dicitur tetrag. תֵּתֵר, quod ineffabile, & inexpressibile est, sicut & eius pulchritudo & gloria. Cælum quintum dicitur Mars, & conuenit, & numeratione dicta Geburah גְּבוּרָה quod *robur* significat: habet robur suū, de quo David Psal. 48. dicit: potentiā tuam
pro-

pronunciabunt, vbi habetur geburatecha גבורתך. Et q̄ potissimè ibi exercetur, dicitur din דין. i. *iudicium durū, & seuerum*, de quo in Psal. de cœlo auditū fecisti iudicium, vbi habetur din דין, *terra tremuit & quieuit*: quia tremebundū est. & ab illo per Martē veniūt seuerę punitiones & strages, belligeriq̄; viri: Hinc & Deus exercēs potentiā suā puniendo flagitiosos dicitur vir belli, vt in Exod. & in Jerem. habetur: Dñs mecū tāquā bellator fortis, vel tāquā robustus cōfractor, q̄ officiū exercēs ipse Deus dicitur elohim אלהים & angeli ibi seruientes dicūtur bene elohim. i. *filij Dei*: Cœlū sextū, dicitur Iupiter, & sic dicitur, quia oēs iuuat, semp̄ beneficus cum illa numeratione conuenit quæ chesed חסד dicitur: quod *miserecordia, pietas, vel clementia*, potest interpretari. Quia summus Deus omnibus beneficus dura, & aspera semper cōtemperat in omnibus suā benignitatem diffundit, iuxta illud Psalm. Misericordia eius super omnia opera eius. Et ibi operans Deus dicitur el אל: *id est*, Deus omnia fouens, & omnibus succurrens cum summa pietate, & clementia, sicut est sibi proprium. Cœlum septimum dicitur Saturnus & correspondet in archetypo numerationi quæ dicitur binach בינח,

quod sonat *intelligentiam*: vbi præcipuè residere dicitur Spiritus sanctus: de quo in Ecclesiastico: Et spiritu intelligentiæ replebit illum. Qui etiam dedit Prophetis, & Apostolis rerum secretarum intelligentiam. A quo loco Hebræi suum sabbathum susceperunt, & diem septimam vtrique cœlesti. scil. & supramundano dedicatum: & inde remissiones, & anni quietis, & Iubilei per septenariū simplicem, aut quadratū. Quæ omnia Deus operans dicitur Iehouah he *יהוה*: id est, litera he *ה* cū nomine ineffabili & quadrilitero. Cœlū octauū dicitur firmamentū, seu stelliferū, & subest numerationi diuinæ quæ dicitur chocmah *חכמה* quod sapiētia suprema illa est, quæ est filius Dei, idēis plena, & formis omniū rerū pducendarū, sicut cœlū illud plēnū est syderib. vim omniū in se continens: *vt paulò antè diximus*. In quo throno Filius ad dexterā Patris sedēs, & ipse Deus nominatur Iehouah simul cum iod *יהוה*, litera quidem significāte ipsam diuinitatem simplicissimā, cœlum nonū, dicitur primū mobile, & respōdet primo mouētī, omniū rerum fonti, qui omnia mouēs trahit ad se omnia, veluti cētrū omnes lineas circūferentiæ in se cōducit. Centrum est enim & circulus, & sphaera
omnia

omnia complectens, & complens, & omnes lineas in seipsum conducens. Vnde Christus: Nemo venit ad me, nisi Pater meus attrahat ipsum. Quam vim attractivam cum habeat Filius à Patre, ideo dixit: Cum exaltatus fuero à terra, omnia trahā ad meipsum. In qua sede suprema residens Pater summus dicitur eheieh afer eheieh אהיה אשר אהיה: id est, *sum qui sum. vel sim qui sim*: secundum aliquos est nomen solū eheieh, אהיה, quod simplicissimum esse divinitatis sonat. Vnde à peritis nominatur, hain lo roho אהיה לא ראה: id est, *oculus non videt*, quia nemo novit Patrem, nisi Filius, & cui voluerit Filius reuelare. Eius numeratio dicitur cheter elion. Cælum decimum: dicitur cælum Empyreū, & est summum & supremum omnium cælorum, laus Angelorum, regio & habitaculum beatorum hominum, ibi Deum contemplantur, & hoc non est factum ad necessitatem, sed ad congruitatem. Non enim necessarium est, beatos Angelos, vel beatas animas esse in aliquo materiali loco. nā & latroni à Christo dictum est: Hodie mecum eris in paradiso. Qui tamē illo die non fuit cum Christo in cælo Empyreo, quamvis illo die fuerit anima illa beata, quia vidit Deum per

essentiam. congruit autem vt spiritualia sint in corporalibus, potissimè propter vniuersi connexionem. Nam cum sit vnus princeps summus, scilicet, Deus: congruū est vt ipse principatus huius principis, videlicet totum vniuersum, sit vnum, & connexum. Vniuersum enim dissutum esset, si spiritualia & corporalia non essent coniuncta. Probatur enim hoc cœlum esse per rationes p̄bables sic. Omne quod mouetur, innititur alicui immobili. Probat hoc Boëtius & Augustinus. Octauo super Genes. inductiuè sic: Digitus non mouetur, nisi palmæ sit fixus, nec palma mouetur, nisi fixo articulo cubiti, nec cubitus mouetur, nisi fixo humero, &c. ostendit, quod semper corpus motum, præsupponit corpus immobile, quum ergo nouem sint cœli mobiles, videtur quòd præsupponāt cœlum decimū, quod sit immobile. Alio modo sic: Omnis numerus tendit vsque ad denarium, & post denarium, reuertitur ad reiterandum, quod dictum est, dicendo vnum duo, &c. Vnde quia visum est aliquibus philosophis, quod rerū principia sint numeri, ideo ea posuerunt in numero denario, vt patet in primo Methaph. Ex opinione Pythagoræ, qui decem posuit genera

nera ex parte bonorum, & totidem ex parte malorum. Quum ergo sphæræ cœlestes habeant rationem causæ & principij, respectu istorum inferiorum, videtur quòd debeant poni decem, Septem planetarum, octava quæ dicitur cœlū sydereum: nona, quæ vocatur cœlum aëreum, siue primum mobile, & decima sphæra, quæ vocatur cœlum Empyreum. Hæ sunt rationes probabiles, non tamen necessariae, ad probandum cœlum Empyreum. Sicut ergo istud cœlum Empyreum est occultum nobis: ita correspondet numerationi occultæ nobis, quæ corona suprema dicitur. Et Deus in illo loco, dicitur habitare lucem inaccessibilem. Sunt ergo decem cœli tantum. Ideo malè dicunt quidam Astronomi, qui vndecimum ponunt: nam Abraham in libro formationis ait: Decem sunt, & non novem: decem, & non vndecim, quare totidē sunt & materiales, ab illis supramūdanis influxum recipientes, quod autem illi sint decem in Deo pateret. nam Aristoteles dicit: Idem semper manens idem, semper producit idē. pater de oculo, qui semper visionem causat, auditus auditionem, &c. intellectus intellectionem. ita à simili Deus, si semper in simplicitate

plicitate sua cōsisteret ita, quòd nullo modo indueretur nouis relationibus, creata non produceret, quapropter decem indumentis se induit, tribus ad intra, & septem ad extra: vt crearet Mundum, & quæ in Mundo sunt. & licet decem sint, vnum tamen sunt in Deo: infinitum enim identificat sibi quodlibet: & dari potest aliqualis similitudo in nobis, qui corpus vnum habemus: in quo organa sunt distincta: & tamen dicitur vnus homo, ita in Deo: in nobis tamen organo, numero, & specie differunt, in Deo vero non. In zodiaco duodecim sunt signa, quæ à duodecim reuolutionibus nominis Tetrag. pendent, vt ponit *Abraham*, vbi *suprà*. Dico igitur, quod duodecim reuolutiones nominis Dei, & decem sephiroz influunt in maiorem Mundum, & ipse in nos. Ad propositum igitur conclusionis. Doctor iste applicat decem sephiroz, decem cælis. Etiam dicit (Quicquid dicant cæteri Cabalistsæ, ego decem sephiroz) includendo videlicet tres superiores (sic decem numerationibus correspondere dico) sephiroz dicuntur numerationes, quia descendunt à verbo, saphar, quod est *numerare*: vnum tamen sunt in Deo (vt ab ædificio incipiendo) id est, incipiendo

piendo à sephiroth septem inferioribus, quibus cum Deus Mundum creauit, quæ correspondent septem inferioribus planetis, Iupiter sit quartæ: id est, Gedulah, Mars quintæ: id est, Geburah, Sol sextæ: id est, Tipheret, Saturnus septimæ: id est, Nezah. Hic tamen aduerte, quod Saturnus in duobus locatur sephiroth: in binah videlicet, & nezach: sed iste Doctor assignat solum nezach: & ratio est, quia binah est locus Spiritus sancti: ideo, tanquam particularem locum personæ Trinitatis, noluit eum connumerare cum sephiroth inferioribus, septem planetis correspondētibus, ad significandum nobis, quod nulla creatura locum habet in Trinitate: sunt tria prima illa loca, Trinitatis hospitium. Venus itē duo habet loca, nezah, scil. & hod, Mercurius nonæ: id est, Iesod, luna decimæ: id est, Malchut, tum supra ædificium, loquendo de tribus sephiroth, quæ nō connumerantur in creatione fabricæ mundanæ, firmamentum tertiæ: id est, binah, primum mobile secundæ: id est, Gedulah, cælum Empyreum primæ: id est, cheter, & sic patet conclusio.

Qui sciuerit correspondentiam decem P. M. præceptorum ad prohibentia per coniunctionem.

iunctionem veritatis Astrologia cum veritate Theologica, videbit ex fundamento nostro precedentis conclusionis: quicquid dicant alij Cabalisti. Primum praeceptum primae numerationi correspondere: secundum, secundae: tertium, tertiae: quartum, septimae: quintum, quartae: sextum, quinta: septimum, nonae: octauum, octauae: nonum, sexta: decimum, decimae.

F. A.

Lex data fuit, non praecise alligando, vt ethymologia vocabuli sonat, quia huiusmodi ethymologia vocabuli apud Hebraeos non habetur. apud quos lex dicitur Torah תורה quod doctrinam vel instructionem significat. Ideo alia est requirenda ratio. Ideo data est lex, ad expiandum hominem animale (vt supra dixi.) Et etiam, ad conuertendas & dirigendas in Deum animas, sicut canit propheta: Lex Domini immaculata, conuertens animas, testimonium Domini fidele sapientiam praestans paruulis. Conuertit enim animas in Deum: vnde verus circulus completur. Sapientiam praestat, quae vera est cognitio rerum diuinarum. Et quia lex vetus iustificare nequibat, ideo non perficiebat circulum.

Perficiebat

Perficiebat tamen assimilando, & si non cōpleret iustificando. Intentio Dei quippe est in tota lege: vt per ipsam ipsi Deo penitus similes efficiamur. Volens ergo Deus dare legem, prius dixit: Ego sum Dominus Deus tuus, qui eduxite de terra Ægypti, & de domo seruitutis. In hoc voluit Deus, vt dicit *Origenes*, ostendere, quod eos legi iure subijcere poterat, cū tenerentur ei, qui ipsos à dura seruitute eripuerat; & etiam vt calcari quodā, eos ad legis obseruantiam impelleret. Etiam, quia liberauerat à seruitute peccati aliquammodo. A qua quidem seruitute peccati & Diaboli, Christus nos perfectè liberauit. Hinc Zacharias: Vt sine timore de manu inimicorum nostrorum liberari, seruiamus illi, omnibus diebus vitæ nostræ. Hinc lex dicitur testimonium fidele. Psal. quia fideliter testatur, quòd seruire debemus Deo, qui dignatus est illam legem nobis tradere. Manifestat etiam profunda ac secreta, quæ humanū ingenium excogitare nō potest tātæ est splendoris, & sapientiæ. De quibus mirabilibus canit Propheta: Reuela oculos meos, & cōsiderabo mirabilia de lege tua. Est etiam testimonium fidele, de præmio bene merentibus reddendo, & pœna malè operan-

operantibus infligendo. Fidele fuit testimonium de Christo redemptore nostro. Hanc legem dedit Deus in monte Sinai. Isaias tamen dicit : De Sion exhibit lex, & verbum Domini de Ierusalem. *De Sion* inquit, quia ibi Spiritu sancto repleti Apostoli, prædicauerunt legem & Euangelium, quo lex grauida erat : & verbum Domini de Ierusalem, quia verbum Dei incarnatum, præcipuè ibi prædicauit. Altiùs considerans dico, quòd locus est in sublimi Archetypo, qui à secretioribus Theologis vocatur Sion, vnde lex emanauit. etiam est superior Ierusalem, de qua Apostolus ait: Quæ sursum est Ierusalem, quæ est mater nostra. Et hinc venit verbum Dei : id est, prædicatio, & vox exprimens & declarans legem. Nec enim legem scriptam quispiam intelligere posset (cùm sit sacramentis plenissima) nisi per reuelationem Spiritus sancti, factam per os Mosi prophetarum, aut Apostolorum, qui sunt primaria diuinæ familiæ fundamēta. Quam doctrinam, nos *reuelationem* vocamus. Hebræi verò *Cabalam* : id est, receptionem à Spiritu sancto appellant. Hæc lex data non fuit in Ierusalem, & in terra lacte & melle affluente, sicut Euāgelium, quia opifex perfectus, de

de bono in melius semper procedit. Deus enim primò cōduxit mortales paucis præceptis patenter datis, & postea Noëh: deinde legem propalauit sapientiæ, denotatam per aquam: è petra tamen, quæ Christus erat, eductam. Postmodum sapientiã dedit Euāgelij, per mel significatam, quod dignius est quàm aqua. Cùm hæc è petra, mel verò ex animali egrediatur. Et quamuis eadem sit sapientia, & ab eodem fonte emanans, in quo sunt absconditi (*vt docet Paulus*) omnes thesauri sapientiæ & scientiæ: tamen perfectior gradus denotatur per mel quàm per aquam. vnde & in perfectiori loco data fuit sapientia Euangelij quàm legis. Quamuis legis præcepta fuerint plura, quàm Euangelica. vnde præceptorum multitudo, perfectionem non arguit, quinimò imperfectionem. Deuse enim Iudæos graui legis iugo subdidit, quia grauem peccatorum phrenesim patiebantur, & malis furijs dæmonis agitabantur. Hinc duris erat populus ille alligandus, multigenis sacrificijs expiandus & absoluendus à virtutibus, eum semper accusantibus, quousque veniret ille qui (*vt Iohannes inquit*) proiecit accusatorem fratrum nostrorum. Alia fuit ratio, quia Mundus

Bb

erat

erat adhuc in tenera ætate sub pædagogo, & sub ferula educandus. nam, *vt ait Apostolus*, lex pædagogus noster fuit. Et hoc quousque veniret ille, qui & à pædagogo, & ab omni seruitute liberaret: & nos in libertatem filiorum Dei proueheret. Vrgitur Deus prædictis casibus prouideret de remedio, tradidit illi populo 613. Præcepta, inter quæ erant, ducenta quadraginta octo præcepta affirmatiua, sicuti in corpore humano sunt totidem ossa representantia vires melioris hominis, per illa præcepta perficiendas. Vnaquæque virtus enim per præceptum sibi correspondens perficitur, vt in antiquiori Theologia docetur. Quibus etiam corporis viribus illa præcepta seruantur. Hinc Abrahamæ, postquam datum fuit ei à Deo nomen continens per numeros 248. dictum fuit: Ambula coram me, & esto perfectus, quia scilicet dedi tibi vires, quibus omnia præcepta affirmatiua adimplere poteris. Quemadmodum & fecit. Vnde dixit Deus: Custodiuit Abraham omnia præcepta & mandata mea, & statuta mea, totamque legem seruauit. Erant adhuc inter illa 613. præcepta Trecenta sexaginta quinque præcepta negatiua, quia tot sunt nerui & ligaturæ in
corpo-

corpore humano: sicut à peritioribus Anatomicis comprobatum est: & hoc, vt quot ligaturis ligata sunt ossa corporis humani, totidem ligaturis, vires melioris hominis colligarentur: nec loca sua exirent, & totius turbaretur homo, & Dei spiritus impediretur, qui non intrat nisi in corpus, in quo accesserint ossa ad ossa, vnumquodq; ad iuncturam suam, sicut ab oraculo Ezechielis edocemur. Vtergo perficeret Deus totum hominem, tam in viribus, quàm in ligaturis, dedit præcepta illis coæquatis numeris. Quod prosequens Redemptor ait: Totum hominem sanum feci. Nihil enim præceptum fuit in lege, aut in Euāgelio, nisi in beneficiū nostrum. Ex illis tamē 613. præceptis, decem tantūmodò fuerunt in tabulis scripta, & in Euāgelio cōfirmata, quia illa decem sunt radicalia præcepta, ad quæ omnia alia reducuntur, sicut ad principaliorem duplicem radicem Christus totam legē, & prophetas, reduxit scilicet ad amorē Dei, & proximi, vt *Mat. refert*. Et magno sacramento factum est istud. Nam totidem sunt literæ præceptorum, quæ in tabulis scripta erant, quot sunt omnia præcepta, tam affirmatiua, quàm negatiua. Sunt enim sexcentæ

tredecim literæ. adeò, vt vnaquæque litera, vnum præceptum importet. Et sic aliquo modo, omnia præcepta, in tabulis scripta fuerunt, & in Euangelio confirmata. Variæ tamen sunt opiniones doctorum, quòd de coæquatione horum decem præceptorum, decem cœlis materialibus, & archetypis. vnde Abraham Aben Azra dicit: Quod primum præceptum est occultum in tabulis, expressum verò in Deut. vbi dicitur: Diliges dominum Deum tuum ex toto corde tuo, cum ceteris, quæ sequuntur, cōueniens cum cœlo Empyreo, nobis occulto, & proueniens à corde, omnibus creatis occulto, notoq; soli Deo. Secundum præceptum: Non adorabis Deum alienum, sed dominum Deum tuum. Comparatur primo mobili, secum omnia trahenti: sicut hoc præceptum cætera secum præcepta trahit. Tertiū videlicet: Non assumes nomen Dei in vanum, æquiparatur stellifero cœlo: in quo residet virtus nominis illius duodenaria, iuxta 12. signa, magno mysterio, sicut naturales fatentur, dicentes: Deus, & natura nihil agunt frustra. Quartū est, custodia sabbathi, aut septimi diei: & conuenit cū Saturno septimo planeta in ascendendo. Quintum, quod est de
honore

honore parentum, Ioui æquiparatur, honorabili generationis patri, qui honorem, & vitam ijs præbet, quibus fauet. Sextum. Non occides, conuenit cum Marte, vnde homicidia, bella, arma, & sanguis. Septimum. Non mœchaberis, cum Venere conuenit: vnde omnis voluptas. Octauū: Non furtum facies. Cum Sole conuenit, qui astantes syderibus, lumē furatur omnibus: & etiam, quia ipse, tanquā oculus Dei, omnia detegit furta, quæ in occulto fieri solēt, & insuper, quia semper beneficus, inimicatur furto, & rapinæ. Nonū, nō peierabis, conuenit cum Mercurio, linguæ præfidente, à quo omnis sermo verus, aut falsus. Decimum non concupisces. Cum Luna syderū matrice: cuius matricis potissimū est concupiscere. Coaptantur quoq; supradicta, decem præcepta, decem numerationibus diuinis, siue decem sephirot, quæ cœli cœlorum dicuntur. Primum præceptū respondet coronæ superiori, quæ Hebraicè dicitur, cheter Elion, quam *Patrem* vocamus: cui nos docet Filius orationē, quam facimus, dirigendam. Et signant, quod debemus adorare vnū Deum, vnū principium omnium Patrem. Hucq; orant diuinę quoque personæ: de Filio patet: nam Paulus

dicir: Aduocatum habemus, apud Patrem, dominum nostrum Iesum Christum. De Spiritu sancto item patet: Spiritus orat pro nobis gemitibus inenarrabilibus. Omnia igitur primo principio orationem deferunt. Dominum ergo Deum tuum adorabis. Secundum præceptum: respondet sapientiæ Filio (quæ chocmah dicitur) qui omnem idololatriam à Mundo abstulit. Dei enim nomen sumitur in vanum, cum quis per nomen Dei vult operari, absq; sui, aut proximi necessitate, aut honoris Dei. Et hoc nomen inuani non assumendum, est nomen Iesu, quod est super omne nomen. Præter quod non est aliud nomen, in quo oporteat nos saluos fieri, quare in vanum non est inuocandum, sed summopere colendum. Tertium Spiritui sancto competit, siue intelligentiæ, quæ binah dicitur, omnium virtutum donatori, qui haud frustra est inuocandus, quando ipse spiritus spirat, & docet. Quartum conuenit cum Deo viuo, qui Elchai dicitur, & Iesod, in quo est fundamentum, fœdus, sabbathum, & Mundi statutum. Quintum pietati gedulah, siue chetset responder quam in Deum præcipuè, & parentes habere debemus. Sextum robori, & tribunali iustitiæ geburah; sine cuius impulsu,

pulsu, nullus debet inferre mortem, quoniam innocentem non condemnabis. Septimum Nezach, & Veneri supremę datur, qua omnem voluptatem moderamus. Octauum Soli supramundano tipheret dicto correspondet, cuius lumine docemur, aliena non rapere, sed omnibus benefacere. Nonum hoc conuenit: id est, decori superiori, & vero Mercurio: à quo linguam moderare discimus. Decimum correspondet regno, mari, & fonti supremo, qui malchut dicitur, quę nihil concupiscit: sed omnibus distribuit, & impertitur. Alias hic Doctor coęquat hęc adinuicem, ita. Primum primę. Secundum secundę, scilicet ne iures vana, &c. Tertium tercię, scilicet cum binah. Quartum non occides, concordat cum septima scilicet nezach, quod interpretatur, *sanguinem effundens*, aut *innocenti*. Non occides igitur, idem est, ac, non effundas sanguinem innocentem: id est, non iniuste preliaberis. Quintum est: Non opprimes proximum. Conuenitque cum 4. id est, cum gedulah, quę *bonitatem* significat. Non opprimas igitur, idem est, quod conformis esto bonitati gedulah, quę nemini nocet, & cunctis est benefica. Sextum est: non

mæchaberis. Conuenit cum quinta: id est, tipheret, quæ *Dei pulchritudo* dicitur: nō mæchaberis: id est, nullam maculam animæ tuæ inferas. Septimum: nō furtum facies: cum nona participat: id est, cum Iesod, qui *iustitiam* significat. Non furtum facies, idem, tribue cunctis, quod suum est, & aliena non rapias inuito domino. Octauum est: non loquaris falsum testimonium contra proximum: & cum octaua conuenit scilicet cum hod, qui *decorem* significat, quasi lex dixerit: non loquaris de proximo, nisi quod ad eius decorem sit, ac honorem: ac nullum in te sit dedecus. Nonum est, non concupisces rem proximi tui, & conuenit cum sexta scilicet cum geburah, quæ *fortitudinem* & *potentiam* in bonum signant. Non concupisces, &c. quasi dixerit: non auferas per potentiam bona proximi, inferendo vim ei, tanquam te debiliori: sed vtere in bonum posse tuo. Decimū est: Non concupisces alterius nuptam. & conuenit cum decima: id est, cū malchut. sicut enim malchut est vxor tipheret, ab eo influxum recipiendo: ita vxor tantūmodo coire debet cū viro suo: & semen ab illo, & non ab alio recipere: quare cæteri excluduntur. Non concupisces igitur proximi vxorem:

ed quod illi appropriatur: sicut malchut ipsi tipheret. Ad conclusionem ergo dico (qui sciuerit correspondetiam decem preceptorum ad prohibentia) quæ sunt in numero 365. Per coniunctionem veritatis Astrologiæ, quia tot sunt gradus in zodiaco, qui influit in decem cælos (cum veritate Theologiæ) scilicet secretioris, quæ docet, qualiter zodiacus archetypus, qui ex duodecim signis constat siue auaiot, seu revolutionibus diuini nominis Tetrag. ⲙⲙⲙⲙ influit in decem cælos archetypos, videbit ex fundamento nostro precedentis conclusionis, ubi comparauit decem cælos, decem numerationibus. Eadem ratione compara decem præcepta, decem supradictis numerationibus. Primum præceptum, primæ numerationi, &c.

*Cum dicunt Cabalisti à septima & octa- P.M.
ua petendos filios. ita dicas in mer-
chaua inferiori accipi: ut ab una petat-
ur, ut det: ab altera, ne prohibeat. Et,
quæ det, & quæ prohibeat. Poteſt intel-
ligere ex precedentibus, qui fuerit in-
telligens in Astrologia, & Cabala.*

Quælibet dimensio particularem influ- F.A
xum sibi attributum possidet: ad quam ac-

Bb 5 cedere

cedere debemus pro obtinenda petitione: sicut ad septimam, & octauam dimensionem, pro habendis filiis, quare in figura Deut. 22. iubet, vt inueniens in terra, vel in arbore nidum auium, & matrem pullis incubantē, accipiat pullos, relicta matre. Hoc quoque nō præcipitur, ne extirpetur radix genituræ: sed intelligitur de illa matre suprema binah, quam David vocat, matrem filiorum lætātem, quæ mater dicta est cha-uah: id est, *mater vitæ*. Eua enim vxor Adæ, non fuit omnium viuētium mater: sed hominum primæua tantummodò mater: nā vera viuentium omnium mater est in terra viuentium, quæ est fons vitæ pasciuius: nam influxum illum habet à superioribus mensuris. Binah verò est fons actiuius vitæ. Binah enim de suo influit ad inferiores numerationes. In malchut fonte omnia creata viuunt, iuxta dictum poëtæ Arati: Deus, scilicet malchut, est in quo viuimus: id est, per eius influxum impartitur nobis vita, motus, & esse: ideo ait: mouemur, & sumus: id est, in esse reali: in esse verò ideali viuimus, mouemur, & sumus per binah. Tolle ergo hæc mater non debet, binah scilicet mater superior: ad illam nanque non est nostrum posse conscendere.

re. nec tolli debet mater inferior malchut, quare dixit Deus ad Adam, nimis arrogātem, ne fortè extendat manum suam, & sumat de ligno vitæ, & comedat de ligno vitæ: id est, de fonte vitæ, & matre vitæ malchut, qui fons non est absorbendus in hac vita corruptibili: sed reseruandus ijs, qui ad vitam illam æternam sunt vocati. Propterea dicit textus: Si ambulans per viam in arbore, vel in terra nidum avis inueneris, & matrem pullis, vel ouis incubantem, non tenebis eam, sed abire patieris, vt bene sit tibi, & longo viuas tempore, quasi concludens, quod, qui illam vult vitam, quæ nunc nobis non debetur, amittit hanc, quam habemus. Quare Elzohar super his verbis concludit, quod docemur, vt influxus nobis stillati simus contenti, ne tentemus habere, quod nobis nō debetur: ne cum rubore audiamus verbum illud: Nescitis, quid petatis, & exemplificat de iubileo, qui est in gremio matris supremæ binah, quem nobis vindicare non debemus, nisi tēpore suo scilicet in quinquagesimo anno. Alijs verò tēporibus contenti esse debemus filijs: id est, influxu filiorū sex sephirot inferiorum, vsque ad Iesod inclusiue, quibus respondent sex dies laboris fabri-

fabricæ mundanæ. & sexaues volantes : id est, Iesod, nezah, hod, gedulah, geburah, Tipheret, qui sunt inter nos, & matrem illam binah, qui est septimus dies : id est, sabbathi : septimus annus inculti agri, & sabbatum magnū : id est, Iubileus magnus, post septenarium quadratum, in quo fiebat remissio. De hac matre loquens Dauid, dicit : Qui habitare facit sterilem in domo, matrem filiorum lætantem. Hic non loquitur de mulieribus, quæ aliquando steriles fuerūt, quibus data est fœcunditas : sicut de Sara, Rebecca, Hanna, & Helisaber legitur : nā illis non cōpetit, quod præcedit. Vt sedear cū principibus populi sui. Etiā sterilis, cui data est fœcunditas, est gens, quæ erat sine cultu & fructu grato Deo. Vnde hæc suscipiēs Christū, facta est mater multorū filiorum : & inde læta & iucunda : de qua loquitur Esaias, dū ait : Lauda sterilis, quæ nō parit, quoniam multi filij desertæ : id est, gentiū, magis quàm eius, quæ habebat virum : id est, synagogę. De matre illa superna igitur est sermo, sicut innuit Paulus : qui postquam locutus est ad Ierusalem supernam, quæ est mater nostra ; subinfert : Lætare sterilis, &c. illa videlicet mater, à qua gētes influxuum suscipiebāt, quæ vsq; ad aduentū Christi

Christi mansit sterilis, & ab eo fuit fœcundata. Iuxta illud: Esuriētes impleuit bonis, & diuites, &c. Hebræos videlicet, dimisit inanes. Et hoc, quia dimiserunt legem matris suę, contra præceptū sapientis in Proverbijs, vbi dicit: Nec dimittas legē matris tuę, non carnalis. Et decernit potius obseruandam esse legē matris, quàm patris, quāuis viri longē sint cōmuniter sapientiores, quàm fœminę: per matrem igitur intelligit synagogam Iudeorum, vel ecclesiam Christianorum. nam in communi vſu habemus vocare sanctam matrem Ecclesiam: per maximè tamen loquitur de illa superiori matre. vnde lex ore tenus data (vt Hebræi dicūt) procedit. Quem locum & emédationem, vel mansionem Dauid vocat, matrem filiorū. Hęc mater coronat obseruatores ipsius legis; vt in Canticis dicitur: Videte Regem Solomonem: id est, pacificum hominē, & bene se regentem, in diademate, quo coronauit eum mater sua in die desponsationis suę, quando videlicet anima coniungitur Deo: & in die lætitię cordis eius, quę vera est quando homo beatur. Loquitur igitur Dauid de Christo, & consequenter de mēbris eius. Vnde loquens ipse in Psalm. cum Deo ait: Gloria & honore coronasti eum,
Domi-

Domine. Coronabimur à Deo patre iubente, Filio adiudicante & matre approbante. Quæ quidem mater est illa, de qua Apostolus ait: Quæ sursum est Ierusalem, quæ est mater nostra. Hæc enim est collectio vera illius sponsæ Christi & matris, quam Iohannes descendente de cælo vidit. Nā applaudentes omnes cœlestes illi ciues ob coronam nobis à Deo datam: noua quadā corona nos coronabunt. Hæc mater præcipuè Christū coronauit in die desponsationis suæ. Christū nanq; in carne viuēs, alicui sponsæ coniunctus non fuit: vt eo die mater eū desponsare potuerit. Desponsauit tamē spōsam illam, de qua Iohannes ait: Vidi ciuitatem sanctā Ierusalem, descendente de cælo, à Deo paratā, sicut sponsam ornatā viro suo. Quam spōsam sibi desponsauit in cruce: postea in cœlum conscendens, coniunxit eam sibi glutino Spiritus sancti. & tūc triumphans de maligno, ducēsq; secum captiuitatē, obtinuit thronum: de quo ipse ait: Vici & sedeo in throno Patris mei. Et tūc fuit coronatus gloria & honore à matre, superna videlicet Ierusalē; cū ipsa sibi applaudens eum in regem susceperit. Eādem sententiam tenent Hebræi, in midras sir hafsirim: id est, in expositione Cantici canticorum;

corum, vbi sic dicunt: Egredimini & videte filiæ Sion regem Solomonem cum corona, qua coronauit eum mater sua. Ibi sic ad literam dicitur: Egredimini & videte filiæ Sion: id est, filij signati mihi cum rasura, & circuncisione ac fimbrijs regem Solomnem: id est, regem perfectum, qui creauit omnes creaturas suas selomot שלמות: id est, *perfectas*. Creauit nanque Solem & lunam cum plenitudine eorum. Adam quoque & Eua sicut filij viginti annorum creati sunt. Item aliter: Regem pacificum, siue cuius pax est pax: vel regem pacificum, qui pacificauit creaturis suis opera sua. Quemadmodum pacificauit ignem patri nostro Abrahamæ & tribus pueris, Sidrach, Misach, & Abdenago. pacauit quoque gladium in Isahac. Rursus etiam pacauit Angelum Iahacob. Iterum aliter: Regem Solomonem: id est, qui fecit pacem inter creaturas suas. Huic dixit Rab. Iohanan, scriptum est Iob. 25: Fecit pacem in sublimibus suis. Et quàm perbellè hæc conueniunt Christo, patet intuenti. Ad propositum igitur conclusionis: Binah est mater à qua filij sunt petendi: vt patet de Anna Samuelis matre: quæ filium in oratione
à bi-

à binah obtinuit, vt patet in porta lucis, dimensione octaua. Dicit igitur cōclusio (cū dicunt Cabalistæ à septima) id est, à binah: principium enim fit à Iesod, &, sursum ascendendo, binah est septima (& octaua) id est à malchut: nam à bina ad malchut descendēdo, malchut est septima & est mater inferior (petendos filios) quia prima mater binah concipit filium, secūda scil. malchut parit (ita dicas in merchauah inferiori accipi duplex est merchauah superior, quæ in tribus primis consistit sephiroth: creata ibi non pariuntur, sed tantū increata: id est, personæ Diuinæ. Alia est inferior, & in septem consistit inferioribus sephiroth (vt ab vna petatur vt det) à binach scil. superiori matre (ab altera ne prohibeat) scil. à malchut: quia est ostium ingressus ad binach, & quæ det, & quæ prohibet, &c. quæ dat, est binah. quæ prohibere potest, est malchut, qui fuerit intelligēs in Astrologia.) Astrologi ponunt, lunam omnium planetarum matricem & obicem luminum eorum omnium, etiam & Solis, vt patet in eius eclipsi, quæ fit per interpositionē lunæ ad Solem. Luna igitur potest influere, & influxum cæterorum planetarum impedire: sic malchut, luna supramundana, respectu influxus

fluxus aliarum sephiror, potest influere & impedimento esse, ne influant cæteri planetæ tanquã ostium introitus ad sephiror.

Sicut fuit Luna plena in Solomone, ita P.M. fuit plenus Sol in vero Messia, qui fuit Iesus: & de correspondentia ad diminutionem in Sedechia: potest quis coniectare, si profundat in Cabala.

Iudæorum secta (sicut suprà patuit) duos F. A. habet planetas sibi fauentes, Saturnum videlicet, & lunam: secta verò Christianorum habet Solem, & Mercurium. Luna 14. habet dies augmenti, & totidem decrementi: in 14. est plenilunium, quamvis quandoque in plenilunio plures 14. dierum habeat, ast hoc fit ratione epicyclorũ. quando igitur est in 14. est perfecta in plenitudine: deinde incipit decrescere. Dicit igitur iste doctor, quòd luna fuit plena in Solomone: huius ratio est, quia domus, siue familia Abrahæ (à quo dicti sunt Hebræi) crescebat & decrescebat, ad modum lunæ. & in augmento habuit 14. generationes, & in decremento totidem. Solomon autem fuit 14. generatio ab Abrahamo: & sic luna (id est, Iudæorum secta cui luna malchut fauebat) fuit in plenilunio

Cc tempore

tempore Solomonis. Solomon enim felicior fuit cunctis regibus Israël praedecessoribus suis, quia malchut luna tunc ex opposito illuminabatur à Sole tipheret: post verò Solomonē familia illa decrescere cepit, exordiēdo à Roboam: à quō decem tribus recessēre, & in Regem Ieroboā constituēre, & in 14. generatione decrementi quasi est penitus destituta: nā rex huius decrementi fuit Sedechias, qui captus, & exculatus, ductus est in captiuitatem: & deinceps nemo rex est vocatus de Hebræis vsque ad Christum: sed eorum rectores dicebantur duces. Hæc in prima domo, siue templo, à Solomone ædificato, facta sunt: & hoc est, quod dicitur in Ecclesia: Solomō fuit luna perfecta in suis diebus: id est, recipit optimum influxum à malchut. Vnde Sol & luna, sunt vera luminaria in Archetypo: & non imaginaria. Vnde Propheta canit: In Sole posuit tabernaculum suum. nec enim tabernaculum hoc posuit in sole imaginario. Hinc Iohannes quoque dixit: Signum magnum apparuit in cælo, empyreo videlicet. Mulier amicta Sole, non quippe hoc visibili nobis: qui nunc apparet, nunc occultatur, sed illo perpetuo & vniiformi. Qui Sol aliquando (*vt Malachias ait*) ortus est

est nobis. Et de utroq; luminari idem. propheta in persona Dei decātat, ad Filium dirigens sermonem: Thronus tuus sicut Sol in conspectu meo, & sicut luna perfecta in æternum. synaga enim fuit luna. Ecclesia verò Sol, ut igitur propheta indicaret Christum esse regem ac dominum utriusque familiæ, utrumque nominavit. nam synagoga à luna supramundana potissimè. Ecclesia autem à Sole iustitiæ, qui ei ortus est, fauorem suum præcipuum comparauit. Quamuis utraque ab utroque luminari influxum ac fauorem susceperunt. Et nonnulli ex antiquis nominârunt Solem & lunam fratres. Alij verò coniuges. Et hoc quia simul fuerunt geniti, ut habetur: Fecit Deus duo luminaria magna: Hinc gemelli dici possunt, coniuges quoque dicuntur: cum luna suscipiat & grauidetur à Sole: sicut fœmina à viro. Geruntq; Sol & luna imaginem supramûdanorum luminarium, quorum luna à secretioribus Theologis dicitur speculum non lucens. non enim lucet, nisi quatenus à Sole lumen suscipit, & per lumen, alia omnia in inferiora lumen distribuendo nutrit. Ideo dicit Plato: Luna sita est in medio Mundi. Aliqui hoc dictum exponunt de luna planeta materia

li: cū ipsa sit extremum cœlestiū, & corruptibilis Mūdi quodammodo principiū: Nam peream, tāquam per matricem quādam, planetarum omnium influxus ad inferiora descēdunt. Sed cū luna potius ad corpora, quā ad animam respiciat, quomodo potest hoc intelligi de luna hac inferiori visibili. Intelligitur igitur de luna supramūdana, quæ à Cabalistis dicitur mare magnum: vbi sunt aquæ illę, de quibus scriptum est: Producant aquæ serpituram animæ viuentis. Intelligitur etiam de Sole supremo, qui est in medio archetypi, & veri Mundi. Primus fons vitæ existens, omnibus alijs potum præbens. Hi duo planetæ particulari influxu fauēt, vnus scilicet Sol fauet religioni Christianę: alius scilicet Luna, fauet sectæ Iudæorum. Habemus enim ab Astronomis peritis, quod fauor à stellis & aspectibus earū expectari potest pro nato, maximè in Horoscopo. Et exemplificat Ptolomæus in principio quadripartiti, tam ex ratione, quia sydera nō sunt ibi frustra posita, quā ex quotidiano experimento, quamuis à vulgo non obseruato: nam (*vt ipse ait: & sicut omnes etiam rustici comprobant*) à Sole & Luna, in varijs signis, & cum varijs aspectibus currentibus, varijs effectus

Etus diuersimodęque dispositiones in corpora inducuntur. Sic à sapientibus Astro-
nomis comprobantur multiformes alio-
rum syderum & aspectuum ipsoꝝ effe-
ctus. Quòd autem horam natalis plerique
obseruant, à ratione naturali non discre-
pat. Nam sicut pannus, vel charta, fortiùs
suscipit primos colores, & penè indelebili-
ter; sic etiam corpora & carnes infantium
ex vulua matris exeūtes tenaciùs primam
aëris impressiōem suscipiūt. Hinc ex ipsa
hora magis Astronomi dijudicant. Nec in-
de iudicare debent nisi dispositionem cor-
poris: nec plenè, cū interueniant (vt ibi-
dem *Ptolomæus* ait) pro disponendo corpo-
re, genituræ, cibi & mores. & fauor sup.
supernorum planetarum, à quibus infe-
riores vim suscipiunt & influxum. Nā ipsi
supercoelestes planetæ in nos influūt, sicut
dixi de luna Archetypa, quæ Iudæis fauet.
Ideo Deus iussit ab illis obseruari, Neo-
menias aut nouilunia. vt videlicet habeat-
ur fauor à luna, non ab hac infima, quia
corporalia spiritualibus nō cōferunt. Ideo
ad supramūdanam lunam alludit, à qua ve-
rus fauor spiritualis accipitur. Quæ luna
(*secundum secretiores Theologos*) nunc reple-
tur, nunc vacua manet, nunc autem semi-

plena pro dispositione mortalium. Si enim mortales implent Dei mandata, tunc illa lumine impletur diuino: & è conuerso euacuatur. Cui lunæ respondet synagoga (*vt dixi*) quæ per generationes quatuordecim creuit ab Abraham, vsque ad Dauid. Sub ipso enim & sub eius filio Solomone fuit plena, postea cœpit deficere vsque ad Sedechiam, quo in captiuitatem deducto, extincta fuit. Celebratæ autem fuerunt Neomeniæ & nouilunia, quando cœpit synagoga & plenilunium tempore templi. Hinc in Ecclesiastico dicitur: Simon Oniæ filius quasi luna plena, in diebus suis lucet. Nam, *vt paulò antè dixerat*, altitudo templi ab ipso fundata est. Nunc autem, nō lunam ampliùs obseruamus nos Christiani: sed Solem, qui ortus est nobis, & erexit Ecclesiam solarem. Vnde de vtroque Psalmus canit: Thronus eius sicut Sol in conspectu meo, & sicut luna perfecta in æternum. Est tamen lux magis naturalis Soli, quàm lunæ, quamuis ambo in Scriptura sacra dicuntur duo luminaria. Nam luna habet à Sole, vnde luceat: similiter & alia sydera, ordinatum est etiam, vt vnus sit Sol verus, à cuius luce omnia alia illuminantur. Nam sancti omnes stellis comparan-

parantur à Daniele & Paulo, imò ab ipso Deo. Beata verò Virgo lunæ. Vnde omnes illuminantur à Christo vero Sole: cuius hic inferior typum gerit. Ordinatum est etiã, vt hæc duo luminaria magna sint ad instar luminarium supramundanorum, quorum alterum, sol videlicet, dicitur à secretioribus Theologis speculum lucens, luna verò speculum non lucens. Sicut luna ergo fuit plena in Solomone, à simili fuit plen⁹ Sol tipheret in vero Messiah: Sol non crescit, nec decrescit ad modum lunæ: sed Eclipsim quandoque patitur: verum in Christo Messiah fuit plenus, quia in ipsum tantum influit, quãtum vnquam influxerit in omnes alios, imò fuit plenus gratiæ, & veritatis, adeò, vt de plenitudine eius omnes accipiamus, *secundum Iohannem*, vnde lex Euangelica dicitur lex solaris. vnde Dauid: Vnum iuraui per sanctitatem meam, si Dauid mentiar, semen eius in æternum manebit, & thronus eius, sicut Sol coram me: velut luna stabilietur in æternum. Hoc dicit ad ostendendum, quod non modò Sol Tipheret plenus fuit in Messiah: verum etiam luna malchut. Christus enim utroq; influxu gaudet. hoc affirmat Rab. Iohanam, & Rab. Solomó super illud:

Et erit in die illa, & oblita erit Sion, &c. dicit: timebunt te cum Sole, & ante lunam, generationem, & generationis. ac si ita dicat: Mefsiāh, de quo scriptum est ante Solem yinnon: id est, filius, siue genitus nomē eius, timebunt te Israēlitæ. Et ante Lunam: id est, ante regnum domus David, quod assimilatur lunę: sicut scriptum est: sicut luna stabilietur perpetuò, quia scilicet influxū recipit à luna supramundana. Quare Christus quoq; dicitur Solomō: patet in Midras sir asirum: id est, in expositione cantici Canticorum, super illud: Egredimini, & videte filiæ Sion Regem Solomonem cum corona, qua coronauit eum mater sua. sic dicit: *Egredimini, & videte filiæ Sion*: id est, signati filij mihi cum rasura, & circūcisione, ac fimbrijs: *Regem Solomonem*: id est, Regem perfectiūm, qui creauit omnes creaturas suas Selomoth: id est, *perfectas*: creauit nanque Solem, & lunam cum eorum plenitudine. Adam quoque, & Eua, sicut filij. 20. annorum creati fuēre (vt *suprà patuit*) Fuit igitur Sol plenus, & luna plena in Christo, quia Tipheret & Malchut ipsum inundarunt suo influxu. Hęc, & alia potest quis intelligere, qui profundus, modo prædicto fuerit in Cabala.

Ex

Ex præcedenti conclusione intelligi potest, cur Euangelista Matthæus in 14. illis generationibus ante Christum quasdam dimiserit. P.M.

Christi genealogiam duo Euangelistæ F. A. descripserunt: videlicet Matthæus, qui ab Abrahamo, cui facta est repromissio de Christo per generationum successionem, usque ad eius natiuitatem descendit. Et Lucas qui ab ipso Christo usque ad protoplastum Adam, à Deo creatum, ascendit, ordine retrogrado. Hæc autem Christi generatio, siue genealogia, ex diuinis libris, & ex breuiario Philonis comprobari potest, vt perpulchrè deducit Iohannes lucidus de temporum emendationibus. Sed, quoniam à Iahacob usque ad regem Dauidem, Christi generationes omittuntur, & quia tempora in eis certa non habentur, sed per Hebræorum duces, quorum tempora certiora inueniuntur: ideo annorum ordinem describam: atque vt eius genealogia plenè cognosci possit, sub epilogo eam nunc breuissimè ponam. Prius igitur secundum Lucam solum ab Adam usque ad Abraham singulas generationes recensabo, in quib. nulla, vel parua difficultas inest.

Deus creauit Adamum, Gen. 1.

Adam genuit Seth.

Seth g. Enos.

Enos g. Chaynam.

Chaynam g. Malaleel.

Malaleel g. Jared

Jared g. Enoch.

Enoch g. Mathusalem.

Mathusalem g. Lamech.

Lamech g. Noë.

Noë g. Sem.

Gen. 5. Et Par. 1.

Sem g. Arphaxat, Gen. 11. & 1. Paral. 1.

Arphaxat g. Sale, cognominatus Chaynam.

Sale g. Heber.

Heber g. Phalech.

Phalech g. Rheu, vel Ragau.

Rheu g. Saruch.

Saruch g. Nachor.

Nachor g. Thare.

Thare g. Abraham.

*Gen. 11. Et 1.
Paral. 1.*

Secundum Lucam, & Matthæum simul sequentes generationes vsque ad Dauid inclusiue, nullam dissonantiam pretendunt.

Abram g. Isahac, Gen. 21.

Isahac g. Iahacob, Gen. 25.

Iahacob g. Iudam, Gen. 29.

Iudas g. Phares, Gen. 38.

Phares

Phares	g.	Efron.	} Ruth 4. & 1. Paral. 2.
Efron	g.	Aram.	
Aram	g.	Aminadab	
Aminadab	g.	Naasson	
Naasson	g.	Salmon	
Salmon	g.	Booz.	
Booz	g.	Obeth	
Obeth	g.	Iesse, vel Isai	
Iesse	g.	Dauid	}

Dauid rex genuit Natan, & Solomonem ex Bersabea, utrumq; sequitur Luc. lineam Nathan: & Matthaeus lineam Solomonis.

Regni successores	reges Iuda ex successione:
Nathā, 2. Reg. 15.	Solomon, 2. Reg. 12.
& 1. Par. 3. Nathan & Abiasar. 3.	Roboam, 3. Reg. 14.
Reg. 4.	Abias, 3. Reg. 15.
Menna	Afa, 3. Reg. 15.
Melcha	Iosaphat, 3. Reg. 22.
Heliacin	Ioram, 4. Reg. 8.
Ionas	Ochozias, qui & Ioachaz
Ioseph	habetur, 3. Paral. 22.
Iudas	In hoc deficit linea Solomonis, & ideo Matthaeus ad lineam Nathan diuersis cum Luca relinquens tres Reges, Ochosiam videlicet, Ioas, & Amasiam.
Reges ex successione	
Simeon, & Ioas	
& Heli, 4. Reg. 11.	
Leui qui & Amasias, 4. Reg. 14.	
Matthat qui & Azarias, & Ozias, 4. Reg. 15.	
	Iorim

Iorim qui & Ioathan, 4. Reg. 15.

Helieser qui & Achaz, 4. Reg. 16.

Iesus qui & Ezechias, 4. Reg. 18.

Her qui & Manasses, 4. Reg. 21.

Helmadan, qui & Amon, 4. Reg. 22.

Thosam qui & Iosias, 4. Reg. 22.

Addi qui & Ioachaz, 4. Reg. 23.

Melchi, qui & Ioakim, Eliakim, 4. Regum 23.

Neri, & Ioakim, Iechonias & Helih, 4. Reg. 24.

Salathiel, qui & Mesezebeel, 1. Paral. 3. &

Neem. 3.

Zorobabel qui & Barachias genuit Rhesa &

Abiud fratres videlicet Mischiolam, & Ananiam, 1.

Paral. 3. & Neem. 3.

Prosequitur Lucas lineam Rhesa

Rhesa, qui & Mischiolam, 2. Par. 3.

Iohanna ben Rhesa

Iudas cognomine Hircanus

Ioseph, vel Iosephus

Semei, qui & Abner

Matathias, qui & Helih

Maat, qui & Asar

Nage, vel Nagit qui & arta-

rat

Heli, qui & Agai

Naun, qui & Masloth

Amos, qui & Scirach

Mathathias, qui & Syloa

Ex Luc.

Matt. &

Philone,

& Matth. li

neã Abiud,

Abiud, qua

Ananias, 1.

Paral. 3. Ex

Eliachi

Azor

Sadoch

Achim

Eliud

Eleazar

Matthã

Iacob

Ioseph vir

lo-

Ex Luca & Philone

Ioseph, Innior, qui & Arces. } *Maria de*
Ianne, vel Ianneus, qui & Hircanus, } *qua natus*
secundus. } *est Iesus.*

Ex Luca & Syrorum libris.

Melchi *Heli qui & Ioachim pater Mariæ*

Leui *Mariamater Christi*

Mattat *Iesus filius eius.*

Lucas ergo prosequitur generationes omnes iuxta naturam procedentes directè, secundum lineam Nathan, & incepit à patre Mariæ, qui dictus est Helih, vel Ioachim, fuit enim binomius. Nam Rab. Haccados in responsione ad petitionem tertiam Antonini consulis vrbis Romæ, affirmat, ex reuelatione sibi facta ab Helia matris Messiaë parente, duplex habiturus nomen. vnum, Helih, alterum Iohachim. Et postmodum Rab. Achanas ait: Erat quædam puella in Berhlechem Iudæ nomine Maria Ioachim filia, Helih de Zorobabelis genere filij Salathielis ex tribu Iudæ. *Hæc ille.* Maria igitur fuit filia naturalis Helih, siue Iohachim. Ioseph autem Mariæ vir fuit, eiusdem Ioachim gener: & ex consequenti eius filius legalis ex affinitate fuit: nam sicut Maria in primo gradu erat consanguinitatis ad patrem suum: sic & Ioseph erat in primo gradu affinitatis ad socerum, cum

cum verum fuerit matrimonium inter Ioseph, & Mariam. Idcirco Lucas dicit: quod Christus putabatur filius Ioseph, qui fuit Helih, filius scilicet legalis: & loco Mariæ ponit virum suum, secundum Scripturarum consuetudinem: Matthæus verò describit primò generationes, secundum lineam Solomonis, vsque ad eius extinctionionem: qua deficiente postea coactus est ad lineam Nathan diuertere: ex eo namque geniti erāt regni successores. Et Matthæus cum Luca conuenit vsque ad Zorobabel: sed quoniam ipse Zorobabel, qui & Barachias Salathielis filius, duos genuit filios, Rhesavidelicet qui dictus est Misaiollam: & Abiud, qui dictus est Ananias: Ideo Lucas prosequitur lineam Nathan per filium eius Rhesa, vsque ad patrem Mariæ, & Matthæus eandem lineam prosequitur per filium eius Abiud, vsque ad patrem Ioseph, coniugis Mariæ: itaque vterq; est natus ex semine Dauid per lineam Nathan: sed per vnum ramum (per Rhesa scilicet) nata est Maria: & per alterum (scilicet per Abiud) natus est Ioseph. Hæc nobis ostendit Philo Hebræus, & Ioannes Arenius. Hanc genealogiam describit etiam Galatinus: sed in quibusdam errauit,

tut, quæ breuitatis causa omitto. Nulla ergo dissonantia reperitur inter Matthæum, & Lucam : sed vterque veram declarat genealogiam. Cæterùm Matthæus nonnullos relinquit (vt dicit Hieronymus) ultra rationem ab eo datam , propter eorum scilicet indignitatem, sed Cabalistæ aliam adducunt rationem : vt generationes videlicet tantummodò diuisæ sint in numerum 14. vt conformes fiant cursui lunæ : non enim conuenirent in augmento, & decremento cum luna, vt suprà vidimus. Et Matthæus in Cabala edoctus, illos prætermisit ob talem cōcordantiam, vt puto.

Cum fieri lucē nihil sit aliud, quàm par- P.M.
ticipare lucem, conueniens est valde
illa Cabalistarum expositio, vt in ly,
fiat lux: per lucem speculum lucens in-
telligamus, & in ly, facta est lux, specu-
lum non lucens.

Ab initio Deus fecit duo luminaria ma- F.A.
 gna, vt essent in signa, tempora, dies & annos. Nam reuolutio Solis à primo mobili deducta, diem claudit : propria autem reuolutio, facta contratio cursu, annum: aspectus quoque luminarium, sunt futuri
 euentus

euentus porissima signa, serenati aut alterati Aëris. Ad quod licet planetarum ceterorum aspectus concurrant; id tamen attribuitur præcipuè luminaribus: & potissimè lunæ, quæ peculiariter facta dicitur esse in tempora: solemnitates videlicet mobiles: ut vocabulū, *mohadim* מוהדים indicat. In plenilunio enim festa mobilia (Deo, non sine magno mysterio, iubente) celebrantur. Quamuis enim dicat Deus Ieremiæ: A signis cœli non timueritis: sicut gentes timent: in Genesi quoq; tamen dixit, quod luna debebat esse in menses, & solemnitates. Vnde & Neomeniæ omnes in nouilunio celebrabatur. secernebat igitur Deus plenilunium pro solemnitatibus celebrandis, quia tunc: illustrato aëre in die per Solem, & tota nocte per lunam, potestates tenebrarum fugatæ à lumine, minus in mortales præualebant latitantes in cauernis: sicut Propheta canit: Ortus est Sol & congregati sunt: & in cubilibus suis collocabuntur. Et, qui congregantur, sunt catuli illi leonum, bestię syluæ: Onocentauri, Harpye, Tigrides, & huiusmodi portentorum genera, humani generis hostes significantia: de quibus præmiserat Propheta, dicens: Posuisti tenebras, & facta est
 nox,

nox, in ipsa pertransibunt omnes bestię syluę. Per hanc lunam, Deus alludebat (vt dicit *Zohar*) ad Archetypam lunam, quę lumine repleta superni Solis fœlicius influit, quàm priuata lumine, quę quidem luna supramundana, dicitur à secretioribus Theologis speculum non lucens. Nec enim lucet, nisi quatenus illustrata sit à Sole illo diuino. Cuius Solis ac lunę archetypę, ista duo luminaria typum tenent. Id eò dicitur quod luna nocti dominatur: quia lux eius, qualiscunque sit, melius in nocte discernitur, quàm in die. Et quia ipsa in die cedit Soli, tanquam marito & Galo cœli. Quia tamen ipsa ducit & reducit a quā tam die quàm nocte (vt patet in fluxu ac refluxu maris) videtur etiam operari in die. præest ergo nocti: quia præest nocturnis potestatibus, quę lucem diurnam & solarem fugiunt, vt dixi: nam lunę lumen non timent: vt ibidem dicitur: Facta est nox, in ipsa pertransibunt omnes bestię syluę, catuli leonum rugientes. Altiùs conscendens. dico quod id ad supramundanam lunam refertur, quę nocti præest: id est, reis & obtenebratis: nisi perfundatur lumine Solis superni: quia tunc est bonis benefica. Duo ergo luminaria sunt

Dd

à Mo-

à Mose descripta, vnum maius, & alterum minus; luminare maius dictus est Sol, eò quòd solus luceat per essentiam: luminare verò minus à maiori dictum est per participationem luminare. maius primæua generatione sui omnem potestatem obtinuit in cœlo, & in terra: superiora enim ac inferiora illuminat. de quo dicitur: Fecit Deus Solem, vt potestatem haberet in diem: per quam omnes tenebras fugat, & tanquam omnium ornamentum sedet, sicut Rex in meditullio errantium siderum, omnia ornans: ac decorans: ad cuius gressum omnia regulantur adeò, vt eorum motus idem dicantur diurna, vel nocturna, meridionalia, vel aquilonaria, orientalia, vel occidentalia. Est insuper inter sidera tanquam statua, & imago summi opificis, & est exercens potestatem in interiora, sine vlla impietate tyrannica. Dicitur præterea Apollo: eò quòd vis eius ex multis ignibus constet, omnium scilicet siderum vim, lucemq; solus continens. Nec stellarum concursus, effectus suos conducunt: quousq; phœbeio semine grauidetur. Cui & gallus (qui datur, vt gallinarum oua sine fœcunda) dedicatus est. Hinc opinatur Chrysippus Apollinem dici ab à quod est sine,

sine, & *poly*, multitudine, quasi solus cœlo-
rum, siderumque vim continens: vnde La-
tini *Solem* dicunt, quasi solum lucentem: &
Assyrij, Addad, quod eorum lingua *so-
lum* significant: Hebræi verò, semes *שמש*
quod *propriū*, interpretari potest: eò quòd
lux & eius beneficium sibi ipsi sit pro-
prium. Cætera verò sidera ab eo vtrum-
que impartitum habent. Vulcanus quo-
que est à maiori vi dictus, ac violentia i-
gnea, vel quia canus: id est, candidus in
flamma volat: & alia plura sibi compe-
runt, quæ causâ breuitatis omittamus: quæ
omnia Soli archetypo competunt (qui
dicitur typheret) loco Messiaë. data est
enim illi omnis potestas in cœlo: id est,
in septem sephiroth inferiores archety-
pos: & in terra, scilicet viuentium, dicta
Malchut; quæ luna Archetypa cogno-
minatur. quare Messias dimensionis il-
lius dominus, dicit: Ecce vobis dedi po-
testatem calcandi supra serpentes, & scor-
piones, & super omnem inimici virtu-
tem. dat etiam potestatem, vt filij Dei fie-
ri possint: & hoc per lucem, quæ illu-
minat omnem hominem, & tenebras
peccatorum detegit & tenebras infer-
nas deijcit, vnde Iob: cùm subitò appa-

ruerit aurora, arbitrantur vmbrae mortis. Et David (cùm loqueretur de catulis leonum, quærentibus ab elohim deuorandi licentiam) subinfert: Ortus est Sol, & congregati sunt, & in cubilibus suis collocabuntur (*vt supra dixi*) responderet hic Sol supremo Soli, tipheret Melsiæ tanta consonantia, vt Plato eum vocet conspicuū summi boni filium, non quidem primum, sed Melsiam, secundum scilicet, per quem in primi cognitionem deuenimus. Et Iamblichus illum vocat imaginem diuinæ intelligentiæ, chocmah scilicet Filij, seu Melsiæ, qui potestatem non tyrannidē exercet in omnes: nā est illi data potestas in cælo, & in terra. Nec rapinam arbitratus est se Deo esse æqualē. quare igneus est, plures habēs in se ignes: id est, dimensionū omnium virtutem. In signum beneficii, ab ipso Sole archetypo recepti, priſci instituere orationes publicas, accenso lumine facere. Hinc Pythagoras in symbolis: ne loquaris de Deo sine lumine. Atq; per hunc Solē vim sui influxus præstat, vt luna Malchut fecunda sit, & pariat. & tantum habet, quantum recipit à Sole tipheret. Et, sicut luna inferior planeta est matrix omnium planetarum; (influunt enim omnes planetæ in ipsam
tanquam

tanquam in vltimum, suscipiens omnes superiorum influxus, inferioribus communicandos) sic luna diuina nobis omnia immediatè communicat, quæ à superioribus canalibus imbibit, iterum refundenda. & quamuis vltima sit planetarum: connumeratur tamen cum illis inferioribus planetis: sic Malchut cum diuinis illis mensuris. & sicut luna effectus varios sensibiles producit (quia quandoque est debilis, quandoque potens est, vt in plenilunio patet) sic Malchut quandoque potens, quandoque est debilis, secundum aspectus multiplicitatè ad Solem tipheret. Dicit ergo conclusio. Quando Genes. textus dicit: Dixit Deus, sit lux. Non de luce aduentitia intelligitur: vt opinantur aliqui de nebula quadam, quousque Sol produceretur. Sed de luce illa, de qua Iohannes ait: Quod factum est, in ipso vita erat: & vita erat lux. Per *vitam* enim illam sapientes communi sententia interpretantur esse ideale & viuum. Quod omnia habent in verbo. Iuxta dictum Arati, ab Apostolo commendatum: in ipso viuimus, &c. Et ab hac luce vnumquodque habet, vt sit, viuat, informetur & appareat: vt de ipsa loquendo exponit Plato. Euangelista igitur decla-

rat, quòd verbum, vitam & lux idem sunt: per quæ omnia producta fuerunt. Est nempe lux ista, splendor, ad quem nobis (vt *Zoroastres docet*) festinandum est: & declarat, dicens: Festina ad splendorem Patris vnde tibi demissus est animus. Qui Pater etiam à Iacobo dicitur Pater luminum. De quo etiam Paulus loquitur, dicens: Pater habet lucem inaccessibilem. A qua luce venit illa, quæ omnia illuminat, quæ est Christus. Hinc Ecclesia canit: Lumen de lumine. Venit inde quoque omnis anima, radius quidam diuinitatis existens. Ad quam fontanam lucem nobis redeundum est. Rerum enim series exigit vt vnũquodque redeat ad locum, vnde venit. Iuxta illud Eccl. Ad locum vnde exeunt, flumina reuertuntur. Festinandus est autem hic reditus. Iuxta dictum Apostoli: Festinemus ergo ingredi in illam requiem. Quamuis tamen homo sit productus ad requiem illam possidendam: tamen viam eius ignorat, nisi diuino lumine collustretur: sicut Baruch apertè testatur, dicens: Non est, qui possit scire viam eius, neque qui excogitet semitas eius. Hinc indigemus diuina luce ductrice, vt videamus, vbi figere pedem debeamus. Iuxta Prophetæ dictum:

Lucer

Lucerna pedibus meis, verbum tuum, & lumen semitis. Cui adstipulatur Xenophon, dicens: Omnibus patens est diuinas res comprehendi cognitione humana nō posse. Hinc debemus Deum ipsum piē ex animo colere, illuc leuantes oculos, vt illuminemur. Quod exemplo suo Vates docet, dicens: Ad te leuaui oculos meos, qui habitas in cœlis. Idemque Lactantius longo sermone testatur, dicens: An expectabimus donec Socrates aliquid sciat, aut Anaxagoras lumē in tenebris videat: aut Democritus veritatem ē puteo extrahat: aut Archesilas & Carneades aliquid sentiant & participent. Et tandem post multa concludens, ait: Vt suscipiamus doctorem ē cœlo lapsum, sine quo laboramus frustra. Et hoc quia ipse est Sol: id est, solus lucens, & per quem cætera lucent. Hanc lucem dedit Deus pater Mundo quando dixit: Sit lux scilicet illuminans omnem hominem & angelos. Cuncta enim participant de illo lumine, quia de plenitudine eius omnes accepimus (vt dicit Iohānes) quæ est speculum lucens per naturam. Et facta est lux: id est, participata est à creaturis illuminatis. Quia tamen Deus immediatē non agit nobiscum, sed medio malchut seu re-

gno, quod dicitur speculum non lucens, scilicet à se: nam illuminatur à Sole supremo Tipheret dicto. Ideo de illo dicitur: Et facta est lux: id est, malchut speculum non lucens à se, illuminatum fuit à tipheret Sole Archetypo.

P.M. *Quod dicunt Cabalisti beatificandos nos in speculo lucente reposito sanctis in futuro seculo. idem est præcisè sequendo fundamenta eorum cum eo, quod nos dicimus beatificandos sanctos in Filio.*

P.A. Hominem esse propter beatitudinem formatū, probat August. 13. de Trinitate, & ad talem beatitudinē, ipsa natura compellit & in libro confessionum idem ait: Fecisti nos Domine ad te, & inquietum est cor nostrum, donec requiescat in te. ratio hui⁹ est: quia nihil quiescit nisi in eo: à quo primo processit. Exemplum naturale de patrefamiliās: qui relicta patria, ad aliena peregrè proficiscens, ad propria reuerti desiderat licet: ibi multa bona possideat: non enim quiescit nisi in termino, à quo primo processerat: quare Christus dixit: Exiui à Patre, & veni in Mundum; iterum relinquo Mundum, & vado ad Patrem: nam
Chri-

Christus non quiescit nisi in Patre essentia-
li sumpto, à quo exordium sumpsit. Flumi-
na quoque (vt Eccles. ait) egrediuntur ex ma-
ri: & semper in cōtinuo motu sunt, donec
illuc reuertantur. cū igitur anima nostra
sit à formarum datore scilicet Deo: sequi-
tur, quod solum in Deo beari habet. Beati-
tudo seu vera gloria, in quo cōsistat, diuer-
sa est opinio. nam Thomas ponit illam in
cognitione, vel visione Dei: Iuxta illud
Christi: Hæc est vita æterna, vt cognoscant
te Deum verū, & quem misisti Iesum Chri-
stum. Scotus verò, in fruitione & amore.
Plato autem in transformatione & vnione
cum Deo per intelligentiæ & amoris vim.
Quod Plotinus, vbi de vno, & beatitudine
tractat, longo sermone prosequitur: nō dis-
crepans à Christo, qui Patrem rogauit, vt o-
mnes vnum fierent, in eo, sicut & ipse Patri
vnicus erat. Et hoc per transmutationem
quandam in ipsum Deum. Iuxta illud A-
postoli: In eandem imaginem transforma-
mur. Et Plato in symposio loquitur de a-
more Dei erga creaturas, non intelligens
amorem vniuersalem: quo Deus Mundum
fabricauit: & totam hanc machinam con-
nexit. Iuxta illud Prophetæ: Verbo Domi-
ni cœli formati sunt, & spiritu oris eius, o-

mnis virtus eorum. Sed de amore gemitino, per suas geminas Veneres denotato. Et quamuis altera Venus spiritualement, altera verò corpoream pulchritudinē significet; vel altera rectum, altera verò obliquum amorē denotat. Illę tamen Veneres in Deo, possunt intelligi per hunc amorem, qui etiam Deo attribuitur, & à Deo exoritur: habens principium per conuersionem ipsius Dei in seipsum. Potest etiā intelligi de Angelorum amore, aliarumque creaturarum, nato (vt ipsemet ait) in hortis Iouis ex coniugio Peniæ, & Pori. *Penia* enim egestatem significat, *porus* autem affluētiam. Vnde innuitur, quòd amor nascitur ex inopia rei, qua quis caret (si enim illam haberet, non appeteret) & ex abundantia rei quam appetit. *In hortis autē Iouis nasci*, dicitur, quia rectus & æquus amor esse debet. *Porus* quoque dicitur filius consilij: cū non sine cōsilio, & matura deliberatione appetenda sit abundantia. Et talis amor est in Deo, & si nullius egeat, *secundum Psalmographum*: differt enim amor Dei ab amore creaturæ: cū Deus oblectetur in distribuendo, & donando: homo autem, vel creatura, in suscipiendo. Et ideo creatura ex indigentia habere appetit; Deus autem ex affluētia,

ria, distribuere oblectatur: & cum omnia à Deo nobis donata sint per Filium, per quem fecit & reparauit omnia, ideo ipse dicitur porus: id est, abundantia. Iuxta illud Apostoli: Quoniam placuit Deo, omnem plenitudinem habitare facere in eo. Et insuper non tantum dicitur Filius consilij: sed magni consilij Angelus: cum sciat optimè consulere, quantum nobis tribuat, & quantum petere debeamus. Vt autem horum sapientum dicta in vnum conuenire videantur, dicimus, quòd beatitudinis principiū est in cognitione: progressus in fruitione: completum verò in vnione. Et hoc quantum ad essentialia. consequētia autem ipsam beatitudinem quamplurima sunt, & eternitas videlicet: duratio, incorruptibilitas, agilitas, claritas, subtilitas corporis imò transmutatio in sortem spiritualem, corona multiplex; pro statu & cōditione cuiuslibet, siue martyrum, siue doctorum & huiusmodi. Quę omnia concludit August. vno sermone, dicēs: Beatus est, qui habet, quicquid vult, & quicquid desiderare potest. nam beatitudo, est status omnium bonorum aggregatione perfectus. Et quamuis creatura sit finita, tamen Deus datur nobis in fruitionis obiectū: sicut dixit

Deus

Deus Abrahæ: Ego ero merces tua magnanimis, qui tamen est infinitus. Qui Deus in denarium se extendit, nunquam tamen ab infinitate & vnitæ sua descendit. Ipse est denarius laborantib. in vinea Domini promissus. nam ipse Deus & si idem est, distribuit tamen & præbet seipsum (prout vult). in primæua distributione. in remuneratione autem prout vnusquisque meretur. Vnde non dat se totum vnicuique secundum rationem infiniti, sed secundum portionem quandam, eo modo, quo portio potest esse in Deo. Est autem portio in Deo respectu accipientis, non autem dantis. Hinc Dauid canit: Dixi, tu es spes mea, portio mea in terra viuentium. Non tamen videlicet eorum quæ mihi contingere possunt, sed eorum, quæ ex Dei bonitate mihi debentur. Quamuis igitur Deus beatificet nos in illo denario supradicto, seu in decem illis mansionibus. præcipuè tamen, beatificat nos in Tipheret lucente speculo Christo, teste ipso & dicite: Hęc est vita æterna, vt cognoscant te solum Deum, & quẽ misisti Iesum Christum. Hęc cognitio haberi non potest sine mente, quam, lumen diuinum, & lucẽ omnes illuminatẽ esse dixi. sine quo lumine Deum cognoscere vel contemplari nequi-

nequimus: sicut nec Solé, nisi Solis lumine videre valemus. Regnum enim Dei est diuinitatis habitatio in nobis per lumen, & amorem ipsius Dei. Quod lumen cū Christus nobis attulerit, non immeritò de se loquens, ait: Hæc est vita æterna, &c. Quare patet veritas conclusionis, quæ dicit: Nos beatificandos in Filio. Verum est tamen quod per vnionem quam habemus cū Spiritu sancto nobis magis domestico, deuenimus ad illam supremam lucem Patris æterni cheter Elion nominatam: in vno est vera & perfecta beatitudo: quia virtus collecta scilicet denarij diuini supradicti, fortior est seipsa dispersa in decem. Hinc Christus laudauit hoc vnum, dicens: Porro vnū est necessarium. nam in ipso est summum bonum collectum, tanquam in primo fonte. Et quia istud vnum Pater, omnia sua dedit tipheret Filio suo, ideo Cabalistæ bene dicunt, dicendo nos beatificandos in Filio. In domo Patris Christi multę sunt mansiones (vt dixi) sicut testatur ipsemet. quæ mansiones secretiores Theologi sephiror, ac dimensiones siue numerationes vocāt. Quę decem sunt: quæ nobis in præmium dantur, sicut ostendit nobis Christus in conuersione facta ex denario diurno cum agricolis:

colis: id est, fidelibus, in vinea euangelicæ legis laborantibus: qui præmium in denario numero supradictarum decem sephiro accipient. Et, quanquam omnes prædictæ mansiones sigillatim satis sunt ad beandū: præcipuè tamen vna datur cæteris præstantior ad talem effectum: quæ est, Tipheret, qui est Pater vitæ, & Sol Archetypus, omnē hominem illuminans. Et hoc est, quod dicit hīc doctor. nos beatificandos in lucem siue in speculo lucēte de se, à nomine participante. Cuius dimensionis Messias est dominus, quapropter ipse dicit: ego vitam æternam do illis: quia (supple) sum beatitudinis obiectum: vt Iohan. testatur per supradicta verba: quia tale obiectum est in medio dimētionum supradictarum, extremorum influxus participans, scilicet tam ab his qui à dextris degunt, quàm ab his qui à sinistris. quare Tipheret pulchritudo vocatur: eò quòd perfecta existat: quia pulchrum idem est quod perfectum: hoc nouit Plato, qui in libro de pulchro, siue honesto, inducit Socratem: & Hippiam disputantes. & Socrates ibi agit aduersus Hippiam sophistam: qui cū ignoraret, se scire putabat, quæ ignorantia animum reddit indocilem. & ibi quid pulchrum

chrum sit, haud satis docet: sed, quid nō sit, ostendit, & falsas opiniones redarguit. Interrogat igitur Socrates Hippiam: quid ipsum sit per se pulchrū, quo reliqua omnia pulchra fiunt. & quamobrem omnis multitudo ad vnum, quod in multitudine est, reducitur. Quare, cū multa sint pulchra, oportet singula per pulchritudinem omnibus communem, ac omnibus insitam esse pulchra, & pulchritudinem, quæ in omnibus est, sicut in alio est, non in seipsa: sic ab alio: non à seipsa pendere: vnumquodque in singulis, pulchrum hoc Plato vocat formam in omnibus, pulchritudinem, speciem & ideam supra omnia, ipsum pulchrum primum sensus attingit, opinioq; secundum, ratio cogitat, tertium mens intuetur. in primis itaque Hippias pulchram virginem, ipsum pulchrum esse respondet. Hoc est falsum, dicit Socrates: non enim cuncta quæ pulchra sunt, per virginem pulchra sunt & virgo, si cum brutis compareretur, pulchra, si cum Dijs, deformis apparet: quare non magis pulchra, quàm turpis esse videtur, tunc Hippias: Aurum quippè ipsum pulchrum est, quo omnia fiunt pulchra. quod eadem ratione respuit Socrates. nam aurum qui-

quibuscunque conuenit: pulchra illa facit: sed cum decet: quocirca non sui magis, quā alterius ratione res ornat: nec aurum solū est, quo cuncta ornantur, sed argentū quoque, ac ebur, &c. loco tertio Hippias aliud quiddam infert, quod etiam proprium est potius, quā commune. Pulchrum, inquit, corpore bene valere, diuitem esse, & honoratum senem mori, & sepeliri à filiis, sepelisse parentes. sed falsum hoc omne patet: non enim res omnes, præter hominē, pulchræ hoc ipso redduntur. Hoc præterea inter homines forte pulchrum: inter Deos Deorumq; filios. turpe est, ubi parentes nō moriuntur. Tunc Hippias: illud est summum pulchrum, quod est conueniens. Cui Socrates: Hoc minimè est verum, nam lebeti habere conuenit operimentum: tale igitur operimentum est pulchrum, quo omnia pulchra sunt, siue procedūt: quod est falsum. Et subdit Socrates dicens: Pulchrū consistit in debita membrorum distinctione: vnde oculi non dicuntur pulchri, eò quòd sint nigri, nec quia magni: verū, quia illi capiti sunt proportionati. & ita de ceteris membris. Plato tamen altiùs ascendēs, dicit summum pulchrum est diuinitas, quæ pulchra facit omnia: idq; est Deus Tiphe-
ret

ret Sol archetypus, Messias Christus, cuncta pulchrè faciens, & illuminans. De quo August. pulcher in præsepio, pulcher in cælo, &c. Hoc sine, nihil est pulchrū: quo circa is dicit: Sine me nihil potestis facere. Ab hoc pulchro archetypo venit magnus Adā, id est, vniuersalis species humana. nam cunctis hominibus dat vitam: Ab eodem loco venit secundus Adā de cælo cœlestis, Christus scilicet pulchritudinis plenus, alijs tribuens pulchritudinē, cuncta pulchrificās: & cuncta illuminās: cum sit cādor lucis eterne, & speculū sine macula: & quātò quis illi est similior, tantò pulchrior est: quare dicitur pulchrū, quo cuncta, pulchra dicuntur: nam pulchritudo nihil est aliud quàm splendor summi boni, in eis fulgens, quæ oculis, auribus, mēte percipiuntur, perq; illa ad ipsum bonum, visum, auditum, mentemq; cōuerrens: quò fit vt pulchritudo circulus quidam diuinæ lucis existat à bono manās, in bona residens: per bonum & ad bona reflexus sempiternus. Dicit igitur conclusio (Quod dicunt Cabalistsæ, beatificādos nos in speculo lucente) id est, in Tipheret, qui Sol archetypus dicitur (reposito sanctis in futuro seculo) id est, ordinato pro sanctis, in futuro sæculo, post iudicium (idem est,

Ee quod

quod nos dicimus beatificandos sanctos in Filio) nam dicimus nos: Hæc est vita æterna, vt cognoscant te Deum, &c. etenim ipse Sol est supramundanus, in cuius visione beamur æternaliter.

P.M. *Quod dicunt Cabaliste lumen repositum in septuplo lucere: plusquam lumen relictum, mirabiliter conuenit Arithmetica Pythagorice.*

P.A. Deus summus moderator multa permittit mala, vt inde maius & extrahat bonum: & appareat sapientia, & bonitas ipsius moderatoris. A principio enim in mundana fabrica posuit malum cōtra bonum, inuersum contra rectum, tenebras cōtra lucem, passiuum contra actiuum, frigus contra calorem pari modo in membris mystici corporis vnum cōtra alterum collocauit: in eo dextrum contra sinistrum, Angelum tenebrarum contra Angelum lucis, malos contra bonos, Cain contra Abelem, gigantes contra Noë, Pharaon contra Abrahamum, Esau contra Iacob, Magos cōtra Mosē, diabolū contra Christum, & hīc omnia suum habent contrarium. Mundus enim cū sit bifarius, ex duobus constat crateribus. Multi tamen asserunt dicentes: Mundum

dum vnum esse ab vno opifice fabricatum:
& est animal vnum, cum anima vna, cu-
ius omnia creata sunt membra. In quam
sententiam omnes Philosophi, nec non
& Theologi nostri veniunt. Quamuis an-
tiquorum nonnulli, mundorum plurali-
tatem non abhorreant. De quo in præ-
sentia non est differendum. Hic tamen
Mundus vnicus, à summa vnitatem, pleris-
que in locis bifarius dicitur. Regnum, in-
quit, meum, non est de hoc Mundo, &
iterum: Testimonium perhibeo de Mun-
do, quia opera eius mala sunt. Vbi allu-
dit ad craterem inferiorem, in quo sunt o-
mnia immunda, ad immunditiæ princi-
pem spectantia. Alius est mundus, crater
videlicet superior: quem ipse Christus vo-
cat regnum amicis præparatum: & in ipso
sunt omnia munda, nec ipsum possunt ob-
tinere nisi mundi. Hinc summa cura eos e-
mūdare voluit, quibus huiusmodi regnum
paratum est. Et mundus factus est ex illis
duobus crateribus. primò vt ex illis com-
pleretur perfecta rotunditas, & haberet
vestigium opificis: qui est sphaera intelli-
gibilis. Secundò, vt omnia munda in supe-
riori, immunda verò in inferiori cratere lo-
carentur. Tertiò vt vterq; princeps haberet

Ecce 2 regnum

regnum suum princeps videlicet mundi-
tiæ Christus in cratere superiori mundo:
princeps autem immunditiæ diabolus in
cratere inferiori, immundo ac polluto.
Hinc Christus, protestatus est se nullam
habere partem in Mundo hoc, inferiori vi-
delicet, in quo sunt omnia immūda. Quar-
tò id fuit: vt ornaret fabricam perfectione
sua, & harmonia, statuens malum contra
bonum: vt videlicet malum esset quasi an-
tiparistasis boni, ad suauio rem harmoniā
conficiendam: Quæ quidem harmonia (*se-
cundum Boëtium*) est parium, dispariumque
vorum vel proportionum in vnum reda-
cta concordia. Ad hanc harmoniam effi-
ciendam, statuit Deus, bonum contra ma-
lum, & econtrā vt in Ecclesiastico dici-
tur: quia harmonia nequit prouenire, ni-
si ex terminis distantibus: nec termini me-
dij possunt distare, sine distantia extremo-
rum. Quæ extrema vt distent, necesse est
quod contrariantur: sicut sunt superius &
inferius, antè & retrò, dextrum ac sinistrū.
sed cū in gradibus entitatis aut substan-
tiæ non sit localis distantia, sed est distan-
tiaperfectionis. Vnde quantò quis magis
distat à bono, tantò magis sapit naturam
mali. Volens itaque summus Opifex pro-
duce-

ducere Mundum cum harmonia in distantia graduum perfectionis & imperfectionis fundata: necesse fuit, vt ipse summè perfectus figeret aliud extremum imperfectissimum, vt inter hæc duo extrema, distribueret gradus omnium aliorum in perfectione, quæ consistit in maiori elongatione ab imperfecto, & approximatione ad perfectum. Quod imperfectum, & malum, & vnde malum provenire solet ipsa materia est. Et si materia, Deo penitus opposita, sit malum in natura, aliunde quærendum est vnde venit malum in moribus, & immundities rerum existentium in cratere inferiori. Dicunt aliqui, quòd hoc est à materia ipsa. Alij, ab aliqua potestate imundante. Alij ab influxu superiori imundante, & inficiente. Ex materia quippe quæ distat à perfecto, & est prope nihil provenit facilitas ad immunditiam suscipiendam: cui magis spirituale magis resistit. Sed immundities in intelligentijs imundis provenit, quia se rebus naturalibus immiscuerunt: vt dicit Rab. Rechana-ri, & communiter Doctores Hebræi super illud: Videntes filij Dei, filias hominum, quòd essent pulchræ, accesserunt ad eas & ingenuerunt. Polluti igitur sunt ex inde-

bita cōmixtione. Sicut ex admixtione lactis & vini, facile generatur corruptio, & ex admixtione seminis cum terra: licet nec semen, nec terra habeant à se corruptionē. Ex huiusmodi itaq; cōmixtione polluti fuerunt vtrique: filij Elohim videlicet: & filiae hominū. Et hoc secundū Hebręos. Et quāvis dicatur in Gen. Vidit Deus cuncta, quæ fecerat, & erāt valde bona. Responderi tamē potest, quod cūcta, quæ fecit Deus, sunt bona: nō tamē cūcta, quæ creauit, quia malum nō fit à Deo. Et hoc est, quod dicit Esa. 45: Ego sum creans malum, & faciens bonum. Et in Genes. habetur: Deus fecit lucem, & creauit tenebras. Et Amos magnā confidentia prorupit, dicens: Non est malum in ciuitate, quod non faciat Dominus. Vnde malum in natura est in Deo, vt patet à Dionysio in eo, in quo agit de diuinis nominibus: de malo differit, tanquā de aliquo pertinente ad Diuinam prouidentiam, & ad concinnam rerum dispositionem. Malum igitur creauit Deus in natura, quia materiā creauit, quæ ex ipsius natura est mala. Et omnia illi adhærentia, innixa quæ ad malum trahit: facit enim recedere à primo ac summo actu, quæ est regula ipsa boni, & veritatis, quocirca in Genes. dicitur. Terra autem

tem (id est materia prima) erat inanis & vacua: id est, erat absque forma, & per consequens mala: nam forma est bonum, per quod materia dicitur bona. iccirco materia priuata forma, est priuata bonitate: & consequenter est mala. quare subdit Moses: Et tenebræ erant super faciem abyssi: id est, priuatio formæ erat in materia. quæ priuatio est malum. nam prius bonum: id est, formam: & insuper, quia tenebra est priuatio lucis. Et hæc omnia sunt à Deo, ergo Deus creauit malum in natura, quæ est materia prima. fecitque omne malum, quia fecit, & materiæ annexam: vnde efficitur prona ad malum. Hocque conueniens fuit, vt seipsam cognoscens creatura omnis rationalis diceret cum Augustino: quando steti, per te steti, quando cecidi, per te cecidi. Et cum cecidissem, semper in luto iacuissem, nisi tu me erexisses. Imò in Mundo archetypo est aliquod malum, secundum secretiores Theologos, vnde Samael est intelligentia addita dimensioni Aquilonari: attamen dicitur venenum Dei: & est à Deo creatus: idque, quia, cum Deus hominem liberum fecerit ad bonum, & ad malum, vt habetur in Deut. Apposui tibi ignem, & aquam, &c. Posui ante

te bonum & malum, &c. Oportuit, vt, si homo erat liber ad bonum, & ad malum, hæc duo inuenirentur: ast esse non poterant nisi Deus illa creasset, & præsertim ipsum malum, quia bonum est ipse Deus, qui ab alio non est: malum non erat Deus: oportuit igitur à Deo fuisse. & hoc malum est positum in Geburah aquilonari archetypa. De quo dicitur in Ierem. Ab Aquilone pandetur omne malum. Et ab eo loco venit lex scripta, quæ mala pœnæ transgressoribus infligebat: id eò malum pœnæ ab eo loco prouenit. Et, quamuis sint, qui dicant, quod Deus non creat pœnam. Malus enim generat eam ex dissonantibus moribus, animoque turbato: cum omnis inordinatus animus (vt August. rectè sentit) sibi ipsi pœna sit: malum tamen in natura ipse creauit: vt dicitur: pusillum, & magnum creauit Deus. Et si Deus (vt diximus) mala supradicta creauerit: attamen ipse malus censerì non potest, cum multò maius remediũ bonitatis præparauerit, & illud volenti præstet, quàm sit pronitas ad malum. Nec poterat vlla creatura produci, quæ suapte natura à prima regula non distaret: à qua & moribus, & voluntate discrepans, errat. Hinc

Ansel-

Anselmus, & cæteri eum sequentes. Dicunt, Deum non potuisse facere naturam impeccabilem: non enim potuit facere alium Deum, qui esset omnium regula prima. Non est tamen aliquod malum propriè, aut formaliter à summo bono: sed illud in quo fundatur malum, natura scilicet vertibilis: & illud, à quo trahitur ad malum, quæ materia, prorsus elongata à bono, id maximè impellente nequissimo suggestore, qui penitus elongatus à Deo, secum colligere affectat omnes ad centrum nequitiae suæ, & diuellere illos à sphæra boni & fœlicitatis. nec malum aliquod reperitur effectum à Deo, quod cõcupiscens homo peccatum faciat: quia nihil extra vniuersum: & ea, quæ in ipso reperiuntur, sunt valde bona. Aliud fundamentum materiae huius purè Cabalisticum ponam. Dimensio est malchur matrix omnium Sefirot: quæ tantum in nos influit, quantum à superis dimensionibus recipit. Unde nobis legis obseruantiam custodientibus, tunc Sol archetypus, influit in lunam supramundanam, bonum influxum: è contrario lege transgressa, tunc iustitia aquilonaris malum influxum, videlicet pœnæ in malchur influit, ipsa quæ in nos (est enim

Ee 5 lumina-

luminare minus de se vacuum bono, & per consequens plenum mali eius oppositi) ideo bonum non potest de se influere influxum, nisi quatenus à superis impletur dimensionibus dextralibus : euestigio est mala, si impleatur à sinistralibus dimensionibus, ut puta, à Geburah, & cæteris eiusdem lateris, & tunc dicitur tenebrosa, & lumine boni priuata: & hic ordo pro statu isto, usque ad iudicium obseruatur. Post verò iudicium vniuersale, bonorumque præmium, ac retributionem malorum, malchut luna erit, sicut modò est tipheret Sol lucens : nam vtrò non grauabitur impressionibus malis ad puniendos malos, quia Mundus erit labij vnius; atque Deo seruiet humore vno: & lumen malchut lunæ erit, sicut lumen tipheret Solis : & tipheret lumen erit sicut lumen septem sephiroth : omnes enim sephiroth concurrent in tipheret suo influxu. & hoc est, quod Esai. dicit, erit lux lunæ (scilicet malchut) sicut lux Solis (scilicet tipheret) & lux Solis erit septemplex, sicut lux septem dierum (id est, septem sephiroth) ideo cōclusio ait : Quod dicunt Cabalistsæ lumen repositum : id est, malchut, quia reposita est : id est, præparata recipere lumen post
i u di-

iudicium : sicut nunc est lumen Tipheret (in septuplo lucere) scilicet post iudicium:erit nanque tipheret simile, plusquam lumen relictum, scilicet tipheret, quæ nobis relictæ est in statu viæ, ad nobis fauendum, mirabiliter conuenit arithmeticæ Pythagoricæ, quæ consistit in proportionē:nam illa proportio, quæ nunc est inter tipheret, ad malchut quæ est septupla.nam tipheret nunc excedit in septuplo malchut, eadem proportio erit malchut modo ad seipsam post iudicium, quæ septupla erit : etenim malchut erit, sicut nunc est tipheret, quæ in septuplo excedit malchut.

Qui scierit explicare quaternarium in P.M. denarium, habebit, modum, si sit peritus Cabala, deducendi ex nomine ineffabili, nomen lxxij. literarum.

Exodi 14. ponuntur tres passuchim, si- F. A. ue textus: id est, sententiæ: & quælibet illarum sententiarum habet 72. literas, quæ vnitæ reddunt numerum 216. & per hasce 216. literas, Moses distinctè protulit nomē ineffabile, & diuisæ sunt aquæ: nos autē vtimur pro nomine expanso, Dei nomine quatuor literis notato, quæ illas 216. literas

literas præsentant, componentes illud nomen expansum, quod facile est cognitu ab illis, qui sciunt explicare quaternarium: id est, Iod he vau he יהוה , in denarium, hoc modo: Iod, י , prima litera reddit vnum: he ה duo, quæ vnita vno, reddit tria. vau ו , tertia reddit tria, quæ vnita tribus præcedentibus, reddunt sex. he ה quarta litera reddit quatuor, quæ vnita sex præcedentibus, reddit numerum denarium, numerus ordinatè sic ponitur 1. 2. 3. 4. Iste Chabet modum, si sit peritus in Cabala, deducendi ex nomine ineffabili יהוה , nomen 72. literarum, hoc modo videlicet: iod reddit 10. he ה 5. vau ו 6. he ה 5. Ex his numeris, 10. 5. 6. 5. resultat arithmetice, numerus 72. Sic associando prædictos numeros 10. 10. & 5. reddit 15. demum, 15. & 6. reddit 21. postmodum 21. & 5. reddit 26. sumantur ergo, 10. 15. 21. 26. constituunt numerum 72. patet igitur hæc conclusio, quam breuibus explicaui, quoniam tractatū proprium de hac re ædidi gratia Dei: in quo mirabilia Dei opera apparent.

P.M. *Per præcedentem conclusionem potest intelligens in Arithmetica formali intelligere, quod operari per sem ammetaphoras*

phoras est proprium rationalis nature.

Numerorum quatuor sunt species: vo- F. A.
calis, formalis, rationalis, & diuinus. Pri-
mus scilicet vocalis est mercatorum nu-
merus: de quo numero magister Iordanus
multa differit: & per hunc numerum Ari-
stot. in Platonem inuehit, idque non rectè:
Plato enim formalem considerat, Aristot.
verò vocalem qui necessariò est relinquen-
dus, à Theologizantibus, si rectè, Ezechie-
lem & Ioannem explicare voluerint: nam
sacra Scriptura (vt *August. probè sentit*) & Py-
thagorici, atque Academici de illo parum
curant, intendentes ad proportionem ex
illo resultantem, quem numerum forma-
lem, vel naturalem vocant, quod & Theo-
logi obseruantes facilè Ezechielem, ac Io-
annem exponunt: summa enim totius cir-
cuitus ciuitatis ab Ezechiele est posita, de-
cem, & octo millibus calamorum termi-
natur, qui numerus consumatam illius ci-
uitatis perfectionē resignat: ratio est, quia
numerus millenarius ad vltimum com-
plementum pertinet, cùm sit cubus, & so-
lidus numeri completi, vltra quem dena-
rium non datur vltior: sed numerorum
præcedentium repetitio: ideo Ezechiel
mille-

millenis calamis ciuitatem metitur, & templum, & totius regionis spatium. & Ioannes eandem metitur ciuitatem duodenis millibus virgarum, quo etiam numero partem electorum, & multitudinem, milleque spatium annorum quieto statui assignat, post calamitates perpeſſas, &c. Numerus igitur formalis nihil aliud est quàm aliquorū proportio, à vocali abstractus. gratia verbi, in numero quaternario respectu diuerſorum est multiplex proportio, dupla videlicet tripla, ſesquialtera & ſesquitertia reperitur: vnde resultat diapaſon bis diapaſon, diapente, ac diateſſaron, & etiam tonus, ſi quatuor ſumuntur, tria, & vnum, quæ reddunt 8. & iterum 4. 3. & 2. quæ faciunt 9. à quo numero ad 8. eſt proportio ſequi octaua: excedit nanque in vno, & facit tonum: & ſic resultat harmonia & data eſt hominibus talis harmonia: quia Deus diſpoſuit omnia, in numero, pondere, & meſſura. Vnde omnia ſunt conſonantiſſima & præcipuè homo perfectiſſimum Dei opus. Alia ratio fuit, quâ in hunc Mundum antiſtes homo venit intellecturus omnia. Hinc ei neceſſe fuit cū omnibus proportionem habere. Vnde resultat tertia numerorum ſpecies rationalis
videliç

videlicet: nam (vt omnes philosophantes conueniunt) operari nequit in obiectum potentia, nisi quatenus, cum eo proportionem habeat. Hinc dixit Mercurius: Musicen verò nosse nihil aliud est, nisi cunctarum rerum ordinem scire: quæq; sit diuina ratio sortita. Ordo enim rerum singularum, in vnum omnium artificem ratione collatus, concentum quendam melo diuino dulcissimum, verissimumque conficit. Et paulò antè concludit, dicens: Nec immeritò in hominum cœtū musarum chorus à summa diuinitate est demissus, ne scilicet terrenus Mundus videretur incultior: si modulorum dulcedine caruisset. etiam, vt *Plato ait*: Data est nobis harmonia, non ad voluptates rationis expertes, sed vt per eam, dissonantem circuitum animarum componamus, & ad concentum sibi proprium redigamus. nam ad id tributus est concentus, vt habitum in nobis immoderatū, gratiaq; carentem aptissimè temperemus. Ad huius harmoniæ fontes, non peruenerūt poëtæ, qui à fonte cabalino cū Musarum choris potârunt. neque Græci musica arte pollentes, secundū omne genus harmoniæ: diatonicū videlicet, chromaticum & enharmonicum. Quorum primum

primum tantummodò tempestatì nostræ
musici celebratissimi habent in vsu. Ne-
que inspectatores naturalium concentuū.
Quod genus musicæ longè celebrius est,
quàm vocale. sed ad hanc peruenerunt il-
li, qui ad diuinos hos numeros deuen-
runt, quibus omnia summus opifex con-
sonantissima fabricauit: De quo opifice
spiritu, Sapiens ait: O' quàm suauis est Do-
mine spiritus tuus in omnibus. Quam
quidem suauitatem multò perfectius sen-
tiunt cœlestes ciues, de quibus Propheta
canit: Memoriam abundantiae suauitatis
tuæ eructabunt. Alius numerus rationalis,
& est proportio, quam habet anima, siue
intellectus cū rebus intelligibilibus: quia,
nisi talem cum rebus proportionem habe-
ret, ac conuenientiam, non posset eas in-
telligere: vti nec oculus visibile apprehen-
deret, nisi cum tali visibili per speciem con-
ueniret, & hæc est ratio: quam obrem ocu-
lus non percipit sonum. Vnde Aristot. di-
cit, intellectus agens est omnia facere: in-
tellectus possibilis est omnia fieri: vnde
Plato partitur animam per ternarij cu-
bum: quia anima debebat diuidi eadem ra-
tione, qua totus Mundus distributus est:
vt Chalcidius & Proculus innuunt. Et sicut Mū-
dus

dus corporeus distribuitur trina exten-
 sione, in longum videlicet, latum & profun-
 dum : Ita anima, quamuis legibus corpo-
 reis absoluti eadem mensura distribui de-
 bet (quamuis sit infectibilis) quia propor-
 tionatur eodem numero, non tamen ea-
 dem mensura diuiditur. Extrahitur enim
 numerus à mensura, & numerus naturalis,
 vel formalis à vocali. ab utroque autem
 numerus rationalis ac diuinus. Comple-
 ctitur Deus omnia numero ternario : *vt ex*
Platone & Aristotele colligitur : quia posuit in
 omnibus, principium, medium, & finem,
 veluti quoddam Trinitatis vestigium, per
 ternarium etiam quadratum, qui est nouena-
 rius, & percubum eiusdem, qui est viginti
 septem. Deus compleuit totam fabricam
 corruptibilium rerum, cœlestium & spiri-
 tualium. nouem nanque fecit genera cor-
 ruptibilium, & generabilium, nouem cœ-
 los, ac nouem choros & exercitus Ange-
 lorum, terminando vnumquodque illo-
 rum in suo denario, qui naturam sapit v-
 triusque, vt dixi in tractatu de Merchaua.
 Et percubum denarij reuertitur ad vnum
 (*secundum Platonem*) : id est, ad millena-
 rium. vltra quem alius non datur nume-
 rus. Vnde Deo solus ternarius nume-

rus est additus: Et quamuis nomen suum
 sit quadriliterum, tres tamen sunt literæ,
 nam harum quatuor vna geminatur, he π
 videlicet denotans geminam opificis pro-
 ductionem. Alteram, quam fecit ad intra,
 personarum videlicet diuinarum: & alte-
 ram, quam fecit ad extra ipsarum scilicet
 creaturarum: est etiam numerus diuinus:
 & hic numerus ab vnitatem, nunquam dis-
 cedit: nam licet tres sint personæ diuinæ:
 in Deo tamen identificantur. decem item
 sunt sephiroth: vnum sunt tamen in diuini-
 tate: quia nunquam discedunt ab vnitatem.
 Ad conclusionem (operari per Sem am-
 mephoras) *Sem* dicitur nomen, *ammephoras*
 expansum significant, siue declaratum &
 sibi vult, qui vult operari per nomen ex-
 plicatum scilicet à Mose in illis 216. literis
 (est proprium rationalis naturæ) intelle-
 ctus enim est qui numerum formalem à vo-
 cali abstrahit. voces efficaciam non habent:
 quia ad inuocandum Deum, & spiritus vo-
 ce spirituali opus est, non clamore, ceu sa-
 cerdotum Baal: quibus ab Helia dicitur:
 Clamate voce maiori, forsitan Deus est in
 diuersorio, aut in itinere, aut certe dormit,
 vt excitetur. At si qua oratione in suppli-
 catione vtimur, non ideo fit, vt Deum, vel
 Ange-

Angelos syllabis, vel dictionibus, tāquam erga mortales vñ commoueamus: sed vt vires nostras in ardorem formalis numeri incitemus & fiducia mineū, quasi anchoram figamus.

Rectius foret illud Becadmin, quod ponit glossa Chaldaica super dictionem bresit, exponere de sapientialibus ideis, quam de 32. vñs, vt dicunt alij Cabaliste: utrumq; tamen est rectum in Cabala.

Antiqui Hebræorum sapientes conati sunt verba legis siue illius sensum enodare diuersis sub terminis: vt clariùs elucesceret sensus eius, ideoque targum triplicem composuerunt. Et primus scriptor fuit Onchelos filius sororis Titi imperatoris, non diu post deuastationem secūdi Templi, paraphrasim suam in Chaldæum conscripsit: alterū verò paraphrasten Jonathan filius Vzielis Chaldaicè ædedit: quem ante deuastationem Templi conscripsit. Tamen si sint qui velint utrumq; totā filiam in linguam Chaldaicā transtulisse. Vnde Galatinus, libro primo de arcanis catholice veritatis, cap. 3. ita scribit per idem ferme tempus, anno scilicet ante Christi natam

lem, circiter secundo & quadragesimo Ionnathas Vzielis filius, totum vetus instrumentum, in Chaldæam vertit linguam atque exposuit: Ita sensum è sensu traducēs, & ita obscurissima quæque exponens vocabula: adeò, vt eius æditio, non tam interpretatio, quàm glossa atque expositio videatur. Quam Hebræi *targum*: id est, expositionem siue potiùs translationem nuncupant. Tantæque apud eos est auctoritatis, vt non solum ei contradicere nemo audeat: sed non minus quoque fidei, quàm ipsi textui passim omnes eidem adhibeāt. Tum ob viri sanctitatem ac peritiam, tum maximè ob ipsius interpretationis expositionisq; veritatem. Vnde de eodem Ionnatha dixerūt magistri, Quòd in hora, qua eidē æditioni^o expositioni vacabat, si musca, aut quodcunq; volatile, super eum, aut super chartam volasset: illicò absq; vlla eius, aut chartę læsione cœlitùs exurebatur. De Onkelos sic scribit: Onkelos tota biblia in Chaldæum vertit atque exposuit: quæ etiam *targum* appellant. Reliqui fuerunt sapientes Iudæorum, qui colebant Hierusalem: & hic liber Targū Hierosolymitanū dicitur. Hiq; omnes coincidunt in sensu, vel saltem nō contrariantur. Exemplum,

plum, Moses in principio Geneseos dicit: *Bresit*: id est, in principio secundus, scilicet Onkelos, dicit. *Becadmin*: id est, in antiquis. Tertij scilicet docti Hebræorum dicunt, *Chocmach*: id est, in sapientia. Verba sunt varia, & sensus idem. nam principium, antiqui, & sapientia idem sunt. Vnde *Becadmin* בקדמין Chaldaica vox est ambigua ad tempus, & ad ordinem. Vnde & bifariam reddi potest, ideò *Becadmin*: id est, in principio: hoc est, olim, cùm omnes res creatæ suum illud primum exordium sumerent. vnde & Hebræi, maiores veteresque suos *Kadmonim* קדמונים appellant. Vel in primis Deus creauit cælum & terram: vt ordinem significet, quasi dicat: Ante omnia, cùm nihil adhuc in rerum natura existeret, creauit Deus, cælum & terram. Vel in sapientia quæ sup. habet triginta & duos gradus, Deus creauit, &c. patet. nam David, de sapientia loquens, ait: Omnia in sapientia fecisti: id est, per Filium, qui est Patris sapientia. Et Ioannes: Omnia per ipsum facta sunt. De antiquis, siue ideis patet. Nam Abraham in libro qui dicitur de formatione dicit: Deum in trigintaduobus semitis diuinæ sapientiæ Mundum creasse, quas omnes creatis non

communicauit : nam si sic creaturæ fuissent, sicut Deus: & Mundum nouum creare sciuisent. & ad hoc ostendendum Moses in mundanæ fabricæ descriptione, introducit nomen Elohim bis, & 30: id est, trigiesies, & bis solūmodò, & nō aliud diuinum nomen : sed, dum repetit complementa, & consumationes rerum describit, simul cum Elohim introducitur Tetrag. ad ostendendum, triginta & duas semitas illas esse Tetrag. & figurantur per vigintiduas literas alphabeti Hebraici, & per decem sephiroth : quælibet enim litera sigillum est alicuius semitæ præsentatiuum : nam sacris in literis, iota, quæ minima est litera alphabeti: & apex, qui est punctus non vacant à mysterio, quod confirmat Christus, dicens: Iota vnum, aut vnus apex non præteribit à lege. Ponuntur etiam decem sephiroth in Mundi creatione, vt ostendatur, quod ipsæ quoq; in nos influant. Et hæc omnia nobis cognitioni nostræ sunt necessaria. vnde Elzoar dicit, quod Deus vult ea, quæ creata sunt, nobis cognita esse, & intelligibili : patet de primo homine: ad quē Deus omnia animalia cōduxit, vt videret, quid vocaret ea: id est, dedit ei cognitionem, per quam illis nomina

mina imponeret. vnde & eis nomina imposuit, secundum eorum proprietatē: ergo cognouit. De nobis item intēdit Deus: neque est satis cognoscere: sed scire oportet exprimere. iccirco Arist. primo Perierm. dicit: Termini sunt notę earum, quę sunt in anima passionum. Voluit igitur Deus nos habere literas, & puncta, & voces, quibus conceptus nostros manifestare possimus, siue illa, quę in mente cognoscimus. Ad conclusionem igitur dicit Doctor, q. melius est dicere, quod Deus creauerit Mundum per 32. ideas, quàm per 32. vias, siue semitas 5. per 22. literas alphabeti & per decem dimensiones: ratio est, quia nihil ponitur in esse reali, nisi sit in mente diuina ideatum: est enim idea radix vniuscuiusque rei. Socrates in Cratylo dicebat se somniare Ideas: non quia contemneret eas: vt Peripatetici solent. non enim quippe contemnebat eas, quos tot in locis laudauit. Sed hoc est, quia in hoc Mundo ipsis vri nequimus. Et quāuis August. dicat, quod ideis tanta vis inest, vt eis ignoratis, nihil intelligere possimus: dicendum, quod per imagines quasdam secundarias ipsis ideis correspondentes eas indagando discurremus (sicut idem Aug. super

*Iohannem innuere videtur, sed ipsas Dei veras ideas nō percipimus, nisi aliquammodo somnando: ipsas tamen esse firmissimè tenemus, & oraculis edocemur. Vnde Plato in Timeo dicit: Paucos & omnes idearum esse peritos: sed Deos quidē omnes. Nam illi verbum vident, in quo ipsæ ideæ resident. Vnde Solomon in Canticis assimilat oculos sponsæ piscinæ chesbon. Loquitur enim Solomon de Ecclesia sponsa: cuius caput ac spōsus est Christus, vbi sunt oculi: id est, visio ac cognitio plena rerum omnium, etiam antequam fiant. Et bene huiusmodi oculi comparantur piscinæ, quæ est locus, in quo congregantur aquæ illæ videlicet, de quibus dictum est: Producant aquæ serpituram animæ viuentis. Quæ quidem aquæ sunt rationes ideales. Hinc piscina illa dicitur chesbon: id est, *cogitationis*. Ideæ enim sunt excogitatæ rationes rerum producendarum. Quæ omnes erant in verbo: vt nō solum August. sed etiam antiqui sapientes maximè Zohar, & Elchana, qui dicunt, quod omnia præerant in verbo. Quod quidē verbū ideo dicitur bet vel bait בַּיִת: id est, domus receptiua omnium rerū producendarum ad extra. Quæ quidem res in eo, quod sunt in verbo, vnū sunt:*

sunt: & habent idem esse, quod habet ipsa cognitio: ad extra verò productæ multæ sunt. Hinc magno mysterio subinfert Solomon: Quæ sunt in porta, filiæ multitudinis. Filiæ enim multitudinis sunt res ad extra productæ: in porta autē sunt: dum existunt in mente diuina, breui producendæ. Nec ab re dicimus verbum illud esse portam, cum ipsemet dicat: Ego sum ostium, per me si quis introierit, saluabitur. Intrat enim creatura saluanda, & uniēda cū Deo, per illud ostium, vt saluetur. Sicut aliquando exierat vt produceretur. Has ideas in verbo videbunt omnes, qui ad ipsius verbi visionem subuehantur. Vidēt etiam ij, quibus datur cū Paulo mori sibi metipso, & rapi ad arcana diuina, quæ videre potest anima à corpore separata in operando, quamuis non in essendo. Hinc Apostolus statum suum, in quo tunc erat, ancipitem reliquit dicens: Siue in corpore, siue extra corpus nescio, Deus scit. Qui autem vident ideas in verbo existentes, possunt etiam videre, quæ extra verbum sunt, si quæ reperiūtur: vt Platoni, & antiquis Theologis placet. Est melius tamen exponere Becadmim: id est, in antiquis & dicuntur antiquæ semitæ illæ diuinæ, quia sunt Dei attributa æterna:

nam hic fundamentum habemus: cur dicantur 3 2 viæ, siue semitæ, non autem sic locum habemus, quare sint 3 2. Ideæ, vt ponit Doctor iste, quia 3 2. semitæ sunt 2 2. literæ, & 10. sephiroth, quæ reddunt numerum 3 2.

P.M. *Qui profunde considerauerit quadruplicem rerum statum. Primò unionis, & stabilitæ mansionis: secundò processionis: tertio reuersionis: quarto beatificæ reunionis: videbit literam beth cum prima litera primum, cum media medium, cum ultimis vltima operari.*

P.A. Hominis natura est in Deum tendere à quo processit: est enim iste processus motus circularis secundum Proculum in tractatu de orationibus & precibus. In hoc circulo sunt creaturæ in triplici statu: primus status est, quatenus creatura est in Deo per ideam, per quam viuimus, mouemur, & sumus, & hoc intendit Ioannes cum dicit, quod factum est (scilicet ad extra) in ipso (scilicet Deo) vita erat: id est, idea erat in Deo, per quam viuimus. nam illa Idea est radix, sine qua res esse non potest ad extra. Vnde Plato in Epimenide dicit: Cælum esse

esse omnium bonorū causam: non eò, quia ipsum est cœleste animal, à quo terrena hæc omnia, vt quibusdam placuit, generantur. Sed hoc dixit propter ideas, quas ipse Plato voluit inter causarum genera annumerari potissimè. Et quamuis hoc attribui deberet Deo, à quo (vt *Iacobus ait*) omne datū optimum, & omne donū perfectum emanat: cui aditupulatur Apostolus, dicens: Ex ipso, & per ipsum, & in ipso sunt omnia. Adeò quippe esse omnia fateretur Plato, dū vocant ipsum opificem, genitoremq; vniuersitatis. Sed dum cœlo, vel ideis aliquid attribuit, id facit tanquam instrumentis & medijs, per quæ summus opifex, rerum seriem obseruans, operatur. Ideo Mundus comparatur à Platone exemplari ingenito, quod est idearū ratio, in verbo scilicet existentium, aut in suprema regione productarum; vt ipsi Platoni placet. Quī quidem Plato proculdubio edoctus fuit à Mose, qui ait: Producat terra; scilicet vuentium; animam viuētem in genere suo. De qua productione suprā dixerat; quam produserant aquæ in species suas, aquæ videlicet maris magni supramundani; de quibus ipse Plato Mosaicæ doctrinæ consentiens, amplissimè loquitur. Secundus
status

status creaturæ, vel hominis est, quatenus emanat à Deo in esse realis existentiæ in propria forma. Et si Deus sit summè vnus & immortalis, sunt tamen in eo quamplurimæ cædes, prout à Poëtis fingitur. Sunt enim in eo cædes veræ, quando animæ demittuntur in corpora; Tunc enim animæ deciduntur à Deo, tanquam à vitæ fonte. Vnde animæ & intelligentiæ Angelicæ ab antiquis Theologis dicuntur intelligentiæ diuise & separatæ, non à materia (*vt aliqui opinantur*) sed ab ipsa diuinitate. Decisæ verò dicuntur animæ, quia cōstituunt creaturas, non idēticè, *vt aiunt*; cum ipso Deo vnitas, sicut est Filius ac Spiritus sanctus. Nec tamen sunt sic diuisæ, quin habeant esse in eo, in quo viuimus, &c. Non læditur tamen Deus ex huiusmodi incisione. Deus enim animantibus dedit, vt, dum generant, ex decisione seminis non patiantur, imò valde oblectentur. Si verò id creaturis inditum est, nōne multò magis in ipso Deo omnium agentium perfectissimo id asserendum est: vnde sicut Doctor extra producendo ac manifestando ideas per verba quæ profert, non dolet, nec patitur, sed oblectatur. Pari modo Deus, dū verbo ac iussu suo explicat ideas illas rerū producendarum, quas in se habet, non læditur,

ditur, sed summopere gaudet. Et quamuis explicando ponat aliquid ex suo fonte infinito, nihil tamen patitur, aut diminuitur; sed tanquam summum bonum delectatur communicando seipsum, vt boni propriū est. Ideo bene dicit Pythagoras, dum ait: Diuinum genus hominibus inest: quia anima, quę in nos infunditur, est quodammodo semen Dei in corpus infusum: vnde generatur homo melior. de quo Apostolus ait: Secundus homo de cœlo cœlestis. Hinc ipse Apostolus Simonidis dictū laudauit. Ipsius enim genus sumus. Sed cū vltra primam geniturā, de qua Pythagoras meminit, secundo renati sumus ex aqua, quæ est filius Dei, & Spiritu sancto. Hinc bifariē genus Dei sumus. Tertius status est, in quo Deus vult, vt satagamus reuerti ad ipsum Deum, à quo exorti sumus. Deus nempe est figura circularis (*secundum Mercurium & Hermetem*) nam ipse est principium & finis omnium. Hinc omnia creata, ad rotunditatem tendunt. propter hoc homo naturaliter beatitudinem appetit. Dicunt Platonici: facilius, & foelicius ad Deum conscendimus, quādo iter nostrum per Mercuriū, Venerem, & Solem, siue (*vt ipsi declarāt, maximè Plotinus de triplici reditu ad Deum*) per Arithme-

rithmeticam, vel Musicam, Amatoriam, &
 Philosophiã. Quod explicãtes dico, quod,
 dum homo intelligit rerum consonantias,
 vnde resultat musica & harmonia, & inde
 pulchritudo, suapte natura, delectatur reb.
 pulchris. Ex quarum pulchritudine, quę est
 quędã diuinitatis imago, subuehitur ad cõ-
 templãdam ipsam diuinitatẽ, quod vt me-
 lius efficiat, vtitur Sole: id est, lumine, quo
 abstrahit pulchritudinem veram ab hac fę-
 culenta, ipsam speculando in summa eius
 ratione, & perfectione: cuius hæc inferior
 tenet imaginẽ. Et hoc, eo modo, quo Au-
 gustinus docet contemplari Deum per bo-
 nũ dicens: Tolle hoc, tolle illud, & cõside-
 ra bonum, si potes. Vnde Plato refert qua-
 liter orationẽ fecerit Socrates moriens, di-
 cēs: O Pan, cæteraq; numina date, vt intus
 pulcher fiã, & quæ extrinsecus sunt, intrin-
 secus sint amica. Quibus verbis, pulchritu-
 dinis sacramentũ, & conditionem innuit.
 Intus autem pulcher effici cupiebat: id est,
 habere quantũ diuinitatis capere poterat:
 Nec enim alia pulchritudo intrinsecus: id
 est, in anima suscipi potest. Nã quantò lym-
 pidior quis efficitur per virtutes, tantò ma-
 gis, templum eius pro Deo suscipiẽdo dis-
 ponitur. Cui pulchritudini summæ adeo
 ipse

ipse Socrates afficiebatur, vt omnia, quantūcūq; extrinseca optaret esse, quantū fas erat, illi summæ pulchritudini conformia. Et hoc, vt posset deuenire ad illud summū pulchrum, de quo Plotinus ait: Efficiatur quis diuinus, pulcher, atque Dei formis: si modò diuinam pulchritudinē sit in speculaturus. Et tāto opere Socrates, reb. pulchris oblectabatur, quia pulchrum est apte natura diligibile, quia quātō quis est pulchrior, tantō diuiniore, & summo diligibili, quod Deus est, omniū rerum pulcherrim⁹, imò pulchritudinis fons, est propinqu⁹. Et possumus effici diuini, etiam in hoc seculo. Nam mens, est intellectus noster cum Deo vnitus, adeò vt suscipiat radios ipsius diuini intellectus nos illustrantis, amoto omni impedimēto. Reducitur igitur anima à diuinitate auulsa in eandem. Et hoc secundum Plotinū, vt suprà citauimus. Per Amatoriam, Musicam, & Philosophiam. Quod clarius explicans dico, quod duplex musica nos illuc reducit: altera enim est naturalis: consonantia videlicet partium omnium, quæ sunt in nobis, sicut Origenes exponit illud Christi: Vbi fuerint duo, vel tres congregati in nomine meo, in medio eorum sum. Duo (*inquit*) sunt congregati,

gregati, quando corpus, vel animalis homo submittitur animæ, vel homini spirituali, ab eo nihil discrepans, sed perfecta consonantia ipsi adhærens: sicut nerui vel fistulæ in instrumento benè cordato cōueniunt. Tres autem sunt congregati, quando isti ambo homines sunt cum Deo concordēs, obseruantes ad vnguem, quæ præcipit, docet & innuit. Tunc enim adimpletur, quod alibi Christus ait: Pater meus diliget eum, & ad eum veniemus, & mansionem apud eum faciemus. Altera musica est rationalis, quādo videlicet intellectus noster est adeo cū omni intelligibili proportionatus, vt omnia intelligere possit, sed potissimè Deum, quantum mortalibus fas est. Tunc autem excitatur Venus & amor diligens proportionata, & cognita, quantum ea diligēda cognoscit. Deinde succedit vera philosophia: id est, cōtemplatio absoluta & clara rerum diuinarum, quæ est vera philosophia. Nam cōtemplatio (*inquit Vgo*) est fixio mentis in spectacula æterna, cum admiratione suspensa. Quartus status est, in quo vult Deus vt in se per mansionē habeamus, & quietem, ac pacem in se possideamus. Tunc enim perficitur motus. Vnde Christus ait: Exiui à Patre, & veni in Mundum:

dum: iterum relinquo Mūdum & vado ad Patrem. vnum enim quodq; reuertitur ad locum, vnde exiuit. Vnde docemur, quod anima tendit in Deum, quia ab ipso exiuit. Vnusquisque enim viuit in Deo, & tanquā in radice omnia sunt vnum, à quo omnia: sicut rami à radice hauriunt vnde viuunt & conseruentur. Vnde Mercurius ait: Nihil est in hoc Mundo expers vitæ: vnde vbiq; vita, vbique immortalitas. Quod de speciebus intelligendum est, & non de indiuiduis, quæ morti & corruptioni subiecta esse manifestissimè patet. Viuit enim terra alioquin non esset ferax, nec plantas vitales produceret. Viuunt aquæ, viuos pisces producentes. Viuit aër, qui quasi est spiritus Mundi. Viuunt lapides, quia crescunt, & transmutantur. Hinc meritò lapides viui dicuntur. Et sic omnia viuunt, alia tamen & alia vita. Omniaq; superiora meliori vita gaudent: secundum quam vitam & secūdum esse, atq; virrutes de multis simul verificantur. Pythagoræ nostri, aliorumq; sapientum symbola, prouerbia, atque parabolæ. Particulari tamen influxu diuino viuit homo, scilicet, per fruitionem diuinæ essentiæ. Beantur enim in solo Deo animæ: contentæ enim sunt illæ vi-

Gg dentes

dentes obiectum illud, in quo omnia vident, & in quo continentur omnia, quæ desiderari possunt: sicut longo sermone differit August. Hinc Deus Abrahæ dixit: Ego ero merces tua magnanimis. Augustinus tamen super Genes. Ponit triplicem visionem beatorum. Quarum prima dicitur Vespertina: id est, creaturarum in seipsis, matutina: id est, creaturarum in verbo, & meridionalis, id est, ipsius verbi propriè. Beantur tamen in solo Deo illi ciues: in quo solo est fœlicitas: Teste enim Deo (*inquit Aristotel.*) non est fœlicitas in rebus exterioribus. Nam ipse est fœlix, sine aliqua re exteriori: vt Propheta canit: Oblectantur autem beati in creaturis, cum Deo iam vnitis. Sicut oblectantur oculi corporei, non tantum in Sole, quin etiam in radijs solaribus. Hinc Saluator ait: Per me si quis introierit, saluabitur: & ingreditur, scilicet ad diuinitatem: & egredietur, ad creata videlicet: & vtroque pascua inueniet: maximè in humanitate Christi. Dicit ergo conclusio. (Qui profundè considerauerit quadruplicem rerum statum: primo vnionis, & stabilitæ mansionis:) id est, quatenus habemus esse ideatum in diuina sapientia firmum, stabile, incor-

incorruptibile, & perpetuum (secundum processioneis) id est, quatenus à Deo procedimus in esse realis existentiae: tertio reuersionis: id est, quatenus per viam bonorum operum tendimus in Deum: quarto beatificae reunionis, scilicet quando beatificabimur, videbit literam beth, litera beth est sigillum filij chocmah. Litera aleph est sigillum Patris. Litera he, est sigillum Spiritus sancti. vnde Elchana dicit, quod beth, & baith idem sunt, & significant domum: & ideo est sigillum filij, qui est omnium idearum domus, quae sunt in diuinis: eò quod sit Patris sapientia. & ex hoc concluditur, quod Filius sit fundamentum creaturarum omnium, ratione idearum. quare Paul. meritò clamat, dicens: Fundamentum aliud nemo potest ponere, præter id, quod positum est, quod est Christus Iesus. & alibi: Portans omnia verbo virtutis suae: Dicit igitur conclusio, quod beth Filius, quatenus respicit aleph: id est, Patrem, cuius est sigillum, producit creaturas in esse: quatenus verò idem beth filius respicit cæteras inferiores numerationes, satagit reducere creaturas ad Deum cheter Elion diuersis medijs, ratione diuersarum dimensionum. vnde per

Geburah reducit perviā martyrij : per Gedulah per viam clementiæ, & eleemofynę, sicut patet de Abraham : per Tipheret per viam virtutum, quę consistunt in medio : Per nezah & hod per viam cōfessionis verę fidei. Per Iesod per viam perseverantię fundamentalis : per Malchut per viam bonorum operum. Et hæc est ratio, cur cęterę sephirot non habent literam, quę sit sigillum ipsarum : nā varijs modis per ipsas trahimur. & hoc est, quod dicit Propheta : in vinculis Adæ attraxite te. Adam magnus est tipheret : sui funiculi sunt numerationes septem inferiores. Sequitur (videbit literam beth cum prima litera primū) primum est nostrū esse ideale in Filio, in quo vivimus, &c. Cum media, semper sumendo beth cum media : id est, cum he ; medium ; istud est esse productum in esse realis existentie, siue physicalis, primum dicitur esse metaphysicale ; cum ultimis ; scilicet sephirot ; ultima operari ; ultima sunt extrema, & penultima scil. reversionis, & beatificæ reunionis, quia beth cum 10. sephirot attrahit creaturas, & beatificat : tunc enim oculi beatorum omnium tam corporis, quàm mentis iam in lucis naturam cōversī, peruij, & lucentes solo intuitu intelligent.

lignentiae radios in socios imprimunt iactu illo in vtrisque; corruscantes, idque; fulgente illa luce suprema tam abunde, quam feliciter in cunctis, ut hic Sol in stellis, & multo magis: nam beatorum stellae in illius Solis naturam transibunt, dicente Salvatore: Fulgebunt Iusti, sicut Sol, in conspectu Dei Patris eorum. Rident ciues illi, & gaudent luce ipsa, omnia quamuis diuersissima collustrante etenim, iam Filij lucis effecti, mente, & corpore in lucem eandem sunt conuersi: idque; manuducente tipheret Sole supramundano cum caeteris sephirot.

*Ex precedenti conclusione potest contem- P. M.
platius homo intelligere, cur lex Dei à
beth litera incipit: de qua scribitur,
quod est immaculata, quod erat cum
eo cuncta componens, quod est conuer-
tens animas, quod facit dare fructum
in tempore suo.*

Elchana Hebraeorum Doctor & Cabali- F. A.
sta peritissimus dicit, quod Moses accepta
lege ab Angelo suo, qui Mittatron Serapa-
nin dicitur, interrogauit eum: quare lex à
beth inchoaretur? Cui Angelus: Etiam, si ab
aliqua caeterarum literarum principiū sum-
pisset, eadem quaestionem proponere po-

tuiffes:quafi à refponfione deuiare videbatur. Vltimò refpondit, dicens: exorditur ab beth: eò quòd fit diuinæ fapiētiae figillum, qui eft Filius, vt oftentaret, legem eſſe diuina fapientia factam, ſeu à verbo, vel Filio. vnde Auguſt. de Trinitate 14. Et 12. de ciuit. Dei, dicit, quòd lex primò erat in verbo, priuſquàm Moſi traderetur ad promulgandum: & hæc eſt ratio, cur Chriſtus dicitur arbor boni, & mali, quia in ſe continet legem prohibentem malum, & inducentem ad bonum. Et Paul. In ipſo ſunt reſoſiti omnes theſauri ſapientiae, &c. A' beth igitur incipit, vt oftendatur veniſſe à Filio. Vnde nota, quod tabernaculum à parte Oriētali apertum erat, quia figurabat primū & ſummum tabernaculum, verbum diuinū videlicet, in quo (vt *Ioannes inquit*) quod factum eſt, præerat, & habebat eſſe vitale, antequā in formas particulares explicaretur. Cuius verbi (*ſecundum antiquos Theologos*) figillum eſt beth, à parte anteriori apertum: vnde magno myſterio denotatur, quod verbum & filius Dei apertus eſt paterno Orienti, ſuſcipiens ab eo quicquid habet. Sicut ipſemet proſitetur, dicens: Omnia dedit mihi Pater: & iterum: Omnia, quæ dediſti mihi, ab te ſunt, Et iterum: Omnia tradi-

ta

ta sunt mihi à Patre meo. Quod verbum, & Filius habet pro sigillo beth ב, *vt dixi*. Beth, ב, autem, *vt pluries dixi*, domum significat. Vnde denotatur, quòd ipse sit præcipua domus, per hoc tabernaculum figurata. Et propter hoc canit Psalmographus: Omnia in sapientia fecisti. Vnde Targum Ierosolimitanus, vbi nos habemus: In principio creauit Deus: habetur: Bechocmah בכחמ: id est, in sapientia creauit Deus cœlum & terrā (*vt supra patuit*) De quo Elchana pulchrè & diffusè pertractat, declarans, quòd principiū fabricę incipit à beth, quod *domum* significat *sapientia*. In qua sapientia, tanquam in domo, præexistebant omnia, antequam per Elohim, vel per Spiritū sanctum in proprias formas explicarentur. Est enim chocmah Filius seu sapiētia paterna, fundamentum omnium. Iuxta illud Apostoli: Portans omnia verbo virtutis suæ. Et alibi; In ipso sunt condita vniuersa in cœlo & in terra, visibilia & inuisibilia. Et id quia intelligendo: id est, in sapientia Deus omnia fabricauit Sapientia autem & verbum Dei vnicū est, quod intelligit seipsum & creaturam. Nec enim poterant à Deo operante per intellectum produci res, nisi in verbo. Communicatio verò ad extra,

quæ amore fit, per Spiritum sanctum, qui est amor, producta est. Omnium igitur formarum particularium, vis est à Spiritu sancto, eas explicare. Est igitur verbum, quod caro factum est, illud, in quo (vt Apostolus ait) cõdita sunt vniuersa: & in quo omnia prae-existebat veluti in domo (vt dixi) vnde Dauid: Omnia in sapientia fecisti, quam sapientiã, Elchana filium vocat. Et ne tantum per ipsam sunt facta, quinimò etiam per eãdem viuunt, præbens vitam omnibus: & lux præbens formas & particularia luminarebus. Incepit ergo lex in Beth ב, dicens: Beresit בראשית, quia beth ב significat domũ (vt dixi) & indicat sapientiam diuinam siue superiorem: in qua omnia collata erant prius, quàm in formas proprias educerentur: & per ipsam producta sunt omnia, iuxta illud Ioannis: qui dixit omnia præfuisse in verbo, veluti vitã quandã creatricem: & postea omnia, per ipsum verbũ facta fuisse. Sequitur litera res, ר, quoniã cũ beth ב, importas duo in numero denotet primũ productum in diuinis, qui est Filius, & secunda persona Trinitatis. Res ר, importas duo centenaria: innuit primam rem productam in rebus crassissimis, materiam videlicet, quæ apud Pythagoreos denotatur per duali-

dualitatem. Tertio loco patitur aleph א,
 litera quidem diuinitatis, & primi fontis
 omnium bonorum, innuens quoniā pro-
 ducta materia, interuenit dator forma-
 rum, qui (vt *Elchana ait*) influens in beth ב
 & res ר, dat, vt materia formetur, & viuifi-
 cetur per Filium, qui est sapientia creatrix,
 & omnium rerum vita : & iuncto aleph א
 cum beth ב fit ab אב, quod Patrem signifi-
 cat, qui Pater non potest esse sine Filio. Et
 sic Hebraicè ostenditur Trinitas. nam de
 Spiritu sancto, nulla est apud eos ambigui-
 tas. Qui primus dator formarum deducēs
 formam in materiam, quæ præerat in Fi-
 lio, tanquam idea, & vita rei producendæ,
 causat scim ש, quæ litera ternarium cente-
 nariorum importat : innuens expressè il-
 lis, qui huiusmodi mysteria norunt, quod
 in materia illa crassa producta sit forma. Et
 cum nihil stare possit in Mundo nisi re-
 pleatur diuinitate : iuxta illud propheti-
 cum : auferes Spiritum eorum, quem scili-
 cet viuificantem dedisti eis, & deficient, ac
 in puluerem reuertentur : aperiēte autem
 te manum tuam, omnia implebuntur bo-
 nitate, siue & magis propriè, vbertate. Ideo
 quinto loco ponitur iod י, quæ litera diui-
 nitatem significat rebus infusam, & omnia

replentem iuxta illud Ieremiæ: Cœlum & terram ego impleo. Quæ plenitudo prius fuit in Christo, dicente Paulo: Quoniam placuit, Patri videlicet, omnem plenitudinem habitare facere in eo. Omnibus itaq; sic productis, coaceruata est massa generis humani, & separatus electorum cœtus dictus populus Israël: ad quem solum reparandum venit Messias. Et vt etiam hunc complecteretur in primo verbo legis, & historiæ mundanæ fabricæ, addidit Tau ת, quod congregationem Israël significat, sicut ait Elchana: Quorum omnium summarius est sensus: In sapientia, quæ est verbum, & Filius summi Patris, producta est prima materia omnium rerum: postea à fonte omnium bonorum data est forma rebus: & consequenter omnia sunt bonitate completa: & tandem propter genus hominum, propter quos facta sunt omnia: dedit ei legem, vt per eius obseruantiam, reduceret illud ad ipsum Deum, quæ cuncta, cum reduci debeant ad illud primum, à quo prodierunt: prima litera secundæ dictionis iterum est beth ב, sigillum sapientiæ, quæ Christus est: & est principium dictionis Bara ברא, denotâdo quod Messias reducit hominē, mediante obseruatione legis,

legis, quæ incipit à Beth 2. Lex & arbor virtutis, atq; Messias idem sunt. Et si dicatur arbor scientiæ boni & mali: habuit tamen à Patre doctrinam. Nam sicut arbor omnem vim suam trahit à semine, confota & irrigata terra à superno influxu: sic Christus virtutem seminariam habuit à Patre. Ipse enim Pater, memoria fecunda dictus: semen aut germen produxit in arbore illa, quæ irrigata fuit, & continuè irrigatur ab influxu superiori, Patris videlicet, ipsum Filium continuè producentis. Sicut Doctores sanè exponunt dictum prophetæ: Ego hodie genui te. Nam Pater semper generavit & quotidie generat Filiū. Quemadmodum Sol semper produxit, & continuè producit radios suos. Fouetur autem hæc arbor, quæ Christus est, in terra viventium, quæ est diuina essentia, ei à Patre comunicata, vt bene exponunt sapientes illud Christi: Quod dedit mihi Pater, maius est omnibus: id est, diuina essentia. Lex enim mirabilia cōtinet testimonia: ideo data est à Deo, cum adeò sit profunda, & immensa, vt sapientiā & splendore ipsius, atq; artificium, nullū humanum ingenium excogitare potuerit. Hinc ipsamet perhibet testimonium, quod sit data à Deo: vt pater bene inspicienti

cienti ipsius mirabilia. De quibus mirabilibus Propheta canit; Reuela oculos meos, & considerabo mirabilia de lege tua. Et est testimonium fidele de præmio bene merentibus reddendo, & pœna malè operantibus infligenda. Hinc videmus multos secundum legem punitos: in testimonium videlicet, quod tandem vnusquisq; reportabit mercedem in lege promissam. Est nempe lex causa salutis: & si Paulus dicat: Lex subintrauit vt abūdaret delictum: & paulò superius: Cùm lex non esset, peccatum non imputabatur. Et alibi dicit: Virtus verò peccati lex. Idem tamen Paulus dicit: Lex quidem sancta, & mandatū sanctum. Et propheta: Lex Domini immaculata, conuertens animas. Lex igitur est velut Sol, qui illustrat, lætificat, & vitam præbet: oculos autē lippientes offendit: sicuti & vinum, quod hominis cor lætificat bene dispositi: præbet autem mortem pleuriticis, & febricitantibus. Pari modo Christus, in quo descripta est lex, fuit in ruinam & in resurrectionem multorum in Israël: vt Simehon prædixerat. Sic & corpus ipsius, vt canit Ecclesia: Mors est malis, vita bonis. Data est igitur lex, in nostram utilitatem: vt ordinarentur ossa corporis nostri, & nerui

& nerui omnes, quos habemus: & per obseruantiam ipsorum, meremur promissa præmia. Ideo dat fructum, remunerationis in tempore suo. Data etiam sunt illa mandata, vt homo haberet, vnde exerceret intellectum & portionem illam superiorem: & patefieret sibi via per quam ad diuina conscenderet. Ideo conuertit animas ad diuina speculanda. Nam homo in Deum conscendere non potest, sine lumine Scripturarum. Hoc apertè depromit Baruch, dum ait: Non est qui possit scire viam eius, nec qui excogitet semitas eius: sed qui scit vniuersa nouit eam, & tradidit eam Iahacob puero suo, & Israël dilecto suo, in lege videlicet. Post hæc, vt *ipse met Baruch subinfert*, in terris visus est, tradens videlicet lumen Euangelicum, quia sicut Sol non videtur nisi in lumine ab ipso emanante: sic Deus non potest deprehendi nisi in lumine diuino. iuxta illud prophetæ: In lumine tuo, videbimus lumen. Hæc omnia intelliguntur de Messia filio Dei, qui dicitur lex. Lex ista secundum Elchana, quatuor producit effectus, in superiori conclusione notatos: per hoc Moyses in lege primò Mundi fabricam assignauit, hominumque notabilium generationem, ac eorum notabiles,

les, & præcipuos effectus, vsque ad Abrahamum, qui Dei cultum ampliauit: dehinc Iudæorum captiuitatem, ac eorum liberationem: vltimò ponit legem in môte Sina habitam. Ratio huius fuit; vt ostenderet nobis, quemadmodũ Deo debemus, nec tantũ creationis ratione: sed etiam liberationis, & redemptionis: & ideo, quamuis Dei filius, noster sit creator: & consequenter ei obedire debeamus. Volũit præterea Pater æternus quod eidem Filio debeamus etiam humano iure, nempe redemptionis ratione: volunt enim leges humanæ redemptum à seruitute, redemptori ad pretij solutionem debere: vel ei seruire quinquennium; nos verò sumus à Dei filio à peccati seruitute, & Diaboli liberati; nec eius sanguinis pretio æquiualens reddere possumus: quare quinque annos ei seruire tenemur: id est, quinque ætatibus; iccirco dicit Zacharias: Vt sine timore, de manu inimicorum nostrorum liberati, seruiamus ei, in sanctitate & iusticia coram ipso omnibus diebus vitæ nostræ. vnde soluitur dubitatio illa, cùm Christus sit paternæ hæreditatis hæres, quare Luc. dicitur: Oportuit Christum pati, & ita intrare in gloriam suam? Respondetur, quod

erat

erat heres in re hereditaria, sed iure redemptionis, nisi pro nobis passus fuisset. voluit igitur Christum pati pro nobis, ut ei teneremur iure redemptionis. Idq; facit Deus; ut ostendat nobis, quam iuste nobiscum agat, quoniam, & si à nobis velit honorem, & seruitutem, id iuste velit etiam iure humano, quapropter Deus in Exod. dicit: Ego sum dominus Deus tuus, qui eduxi te de terra Ægypti; & liberaui te in brachio meo extento, &c. Ideo præcipio tibi, ut obserues præcepta mea, quia scilicet teneris iure humano. Qui igitur volebat Deus nos seruos Filij sui esse; ideo voluit: quod Filius conferret nobis quatuor, mirabiles effectus; per quos ei teneremur. Primus effectus est, quod nos in esse ideali produxit. Secundus effectus, quod nos in esse realis existentiae posuit, vna cum Patre, & Spiritu sancto. Tertius est, quod nos ad Deum reuocauit, ut ipse dixit: Cum exaltatus fuero à terra, in coelum, scil. in ascensione, omnia traham ad me. Tot martyres ob Christum tormenta sunt passi: de confessoribus idē dicatur, & de Virginibus, &c. Quartus effectus est beatitudinis, sicut ipse testatur, dicens: Ego vitā do illis æternam. Dicit igitur conclusio, cur lex Dei à
beth

beth incipit, ad denotandum, quod beth filius Dei vnà cum Patre, & Spiritu sancto dedit legem, quod est immaculata: id est, perfecta: eò quòd veniat à fonte sapientiæ Filio, quòd erat cuncta componens: id est, beth Filius erat cum Patre: concurrens ad Mundi fabricam, iccirco Ioan. dicit: Omnia per ipsum facta sunt: (quod est conuerrens animas:) id est, per Filium conuertimur ad Deum, siue per legem à Filio procedentem, sicut ipse testatur: Veni vocare peccatores; & Paulus: Sic Deus dilexit Mundum, vt vnigenitum suum daret: vt, qui credit in illum, habeat vitam æternam, quod facit dare fructum in tempore suo: id est, beatitudinem, vt ipse dicit: Ego veni, vt vitam habeant, & abundantius habeant.

P.M. *Per eandem conclusionem sciri potest, quod idem Filius, qui est sapientia Patris, est, qui omnia vnit in Patre: & per quem omnia facta sunt: & à quo omnia conuertuntur: & in quo demum sabbathizant omnia.*

F. A. Multorū sapientum conuentus in eandem sententiam, ostendit illius veritatem. In negotio Idearum, non solum catholici, aut Christiani omnes conueniunt: sed externi

terni sapientes tot, & tanti viri, vt omnis suspicio meritò tolli possit; quod nostri magis lege, quàm veritate eas affirmant. Zeno antiquus philosophus Deum prædicat naturæ principem, & dispositorem, quem logon: id est, *verbum* nominat, quod est intelligentia sui ipsius, & rerum faciendarum, & consequenter Idea. Quod accepisse creditur ex officina Mercurij, qui in Pymandro ait: Mens Deus vtriusq; sexus, fecunditate plenissimus, vita, & lux verbo suo mentem alteram opificem peperit. Postea clarè loquitur, quomodo Dei verbum: id est, excogitatio rerum faciendarum: aut in quo est ipsa excogitatio: fabricauerit hoc mundanum opus, vniendum cum opifice primo. Et sicut ipsum verbum est consubstantialiale, & vnitum primo: id est, summo Patri, sic omnia, quæ per ipsum facta sunt ad vnionem deducit. Et ab istis, vel à superiori officina prophetis: & sanctis viris reſerata didicerunt Socrates, & Plato, qui dixerunt ideas seiunctas à materia, in penetralibus Dei existentes: non inter nubes, aut in concauo lunæ: vt falsò calumniantur peripatetici. Sunt igitur Ideæ in summi Architecti mente, vel verbo, tanquam rerum causæ. Verùm in Opifice vna

Hh est

est idea, & vniuersalis causa, virtute omnia habens, & præhabens: sed multiplicata per respectum ad ideata, quia multorum est: vnde origine vna existit, multæ autem ex determinatis ab ea. Et vocatur à philosophis, intelligentia Dei, causatiua rerum: & hæc nihil aliud est, quàm verbum eius, per quod facta sunt omnia. vnde Paulus, cùm de verbo incarnato cum Coløssensibus differeret, ex promptuario tertij cœli hæc depromit. Ipse est primogenitus omnis creaturæ, in quo condita sunt vniuersa in cœlo, & in terra. Nec quippe condita sunt materiali structura, aut in officina ferraria, vel lignaria: sed per rationes exemplares existentes in verbo, & in Filio, quem constituit hæredem vniuersorum, per quem fecit & secula. Moses quoque cùm Mundi fabricam miro artificio describeret, binas semper productiones meminit, quarum alteras in mente, alteras in productione exteriori fuisse innuit. Illæ quidem per verbū, dum ait: Et dixit Deus: Fiat, producat, vel faciamus: hæc autem exterius explicatæ describuntur. Solomon Dei, & hominum iudicio sapientissimus adiudicatus, cùm de sapientia Dei loqueretur in qua facta sunt omnia. Ipsam produ-
ctam

Etiam præmittit ante terram, montes, colles, abyssos, vel materiam informem, aut flumina, maria, & quicquid in eo continetur: & cælorum atque inferiorum fabricæ astitisse, dum ait: Quando præparabat cælos, aderam: quando statuto suo, & gyro vallabat abyssum, omnia videlicet, formans, & in omnibus imprimens suis mensuris, & ordine. Vnde sequitur, quando æthera firmabat sursum: vel cùm deduceret nubes desuper, & formaret fontes aquarum, & poneret aquis statutum, ne transirent fines suos: cumq; ordinaret fundamēta terræ, eram apud eum Amon מן quod magister in qualibet arte, aut artifex, & figurans interpretatur. In sapiētia ergo diuina est artificiū, quo omnia formantur, & moderantur. Et illud est exemplar, & idea rerum faciendarum. Est ergo ista sapientia Filius Patris, qui omnia primò vnit in se, demum in Patre, quod confirmans Paulus ait Coloss. Ipse est caput omnis principatus, & potestatis. Et iterum. Cum Eph. Et ipse dedit caput super omnem Ecclesiam, quæ corpus ipsius, & plenitudo eius, qui omnia in omnib⁹ adimpletur. Et cùm ipse sit vnitus Patri tanquam caput nostrum: ergo & nos tanquam membra eius erimus.

Hh 2 vnitis

vniti: ideo omnia iure ad eum conuertuntur, tanquam finis omniū quietans & beatificans. Ipse enim tanquam caput totius mystici corporis, influit in omnes articulos & artus vitæ nutrimentum, regimen, motum. Quæ omnia secundum spiritua-lem influxum, proueniunt à capite nostro Christo. In ipso enim sunt, & ab ipso replètur omnes sensus interioris hominis: cum nec gustare, nec videre, nec odorare, nec audire possimus, quæ Dei sunt, nisi per virtutem huius capitis Christi. Dicente Paulo: Gratia Dei sum id quod sum, quæ gratia in nos emanat per Christum. Ad Roman. Hæc conclusio est eadem cū superiori, variatis tamē terminis, vt clariùs elucescat. Primò dicit: Per eandē conclusionem sciri potest, quod idē Filius, qui est sapientia Patris, sicut ipse testatur: Omnia quæ tradita sunt mihi à Patre meo, nota feci vobis. est enim sapientia genita, est, qui omnia vnit in Patre, vt patet in Iohanne: Rogo Pater, vt sicut ego, & tu vnum sumus, ita & isti vnum sint in te. Et Paulus cum Romanis, & Corinthis differit, dicens: Sicut vnum corpus est, & multa membra habet: ita & Christus: in vno enim spiritu omnes nos in vnum corpus baptizauit. Et cū
Chri-

Christ⁹ sit vnitus Patri, & nos sibi: nos igitur Deo vnit, & per quē omnia facta sunt, tanquam per artem Patris, vt dicit *Augustinus*. Nam creaturæ habent esse per principium ideale, qui est Filius, & à quo omnia conuertuntur, tanquam, scil. ad suum principium, à quo sumpsere principium, & in quo demum sabbathizant omnia, est enim Christus via media, & scalæ, per quas ascendimus ad Patrem: vt ipsemet in Iohanne dicit: Ego sum via, nemo venit ad Patrem, nisi per me. Rursus: ego sum ostium, per me si quis introierit, saluabitur: & pascua inueniet. Et hoc est sabbathizare: id est, quiescere per Christum.

*Qui profundè considerauerit nouena-
rium beatitudinum numerum, de quo
apud Matthæum in Euangelio, vide-
bit illas mirabiliter conuenire noue-
nario nouem numerationū, quæ sunt
infra primam, qui est inaccessibilis di-
uinitatis abyssus.* P.M.

Quicquid ad nos è cœlo descendit, à de-
cem sephirot fontibus archetypis proue-
nit. idq; quoniam, idem manens idem, fa-
cit semper idem (*secundum Aristotelem*) qua-
te Deus, volens diuersas procreare creatu-
F. A.

ras, induit se multimoda vestimenta, vt supra vidimus. A quibus tam mali, quam boni procedunt effectus: vnde eadē influenza, siue influxus est bonus, & malus, bonus benedispositis: malus malē dispositis. Exemplum, de cibo, vni proficuo: alteri nociuo: sic est de influxu sephirot fontium. In huius ostentationem Deus puniuit Ægyptum decem plagis: ad denotandum, quod ad illam punitionem omnes decem illę dimensiones concurrere: sic versa vice, conueniunt omnes, ad bonum præmium: ideo ait Thomas in sequentia corporis Christi: Mors est malis, vita bonis. Et Paulus: Qui manducat, & bibit indignē, reus erit corporis, & sanguinis Domini. In huius consonantiam Mercurius Trismegistus, Ietro cognominatus. Et Moyses focer dicit, quod omnes cælorum influxus vni profunt, si sit bene dispositus, & alteri obsunt, si malē sit dispositus. Idem affirmat Iulius Firmicus in suis prognosticationibus: vbi probat, quod malitia ab indispositione subiecti prouenit, non à cælis. Ad conclusionem, Matthæus 5. cap. nouē ponit beatitudines (tametsi octo videantur tantum) & appropriantur nouem sephixot, dimissa prima sephira, quæ est Pater, &
omnium

omnium inferiorum sephiroth fons in eas influens : estque sicut summus pontifex inter cardinales, qui ab eo dependent, non e contrario: ideo prima sephira operatur independenter : ideo ait Christus filius Dei: Omnia tradita sunt mihi à Patre meo. Et alibi: Omnia, quæ habui à Patre meo, nōta feci vobis. Sicque Pater cheter Elion est fons vniuersalis. Prima igitur beatitudo est (Beati pauperes spiritu, &c.) Mansiones multæ sunt in domo Patris æterni, ut prædicat Ioannes. Non quod sint diuersa, ac distincta habitacula pro conditionibus habitantium, ut puta: pro martyribus, prophetis, virginibus, & huiusmodi: ut quidam sentiunt: sed ista separatio ad quid? magis enim oblectantur simul vniti, & congaudentes. Cùm in beatis non sit liuor, iurgium, odium vel perdendi timor, quibus de causis solent constitui mansiones separatæ. Sunt igitur mansiones multæ: cùm multipliciter & variè sint remunerandi beati: iuxta illud Apostoli: Sicut stella differt à stella in claritate: sic sanctus à sancto in gloria. Sunt etiam varij fontes particulares, à quibus emanant animæ (quamuis vnus sit fons primarius & præcipuus Deus viuus) sic ad varia loca redeunt eius.

dem domus & regni beatitudinis. Quod quidem regnum amplissimum esse non dubitamus. Quales autem sint hæ mansiones ille solus nouit, qui ipsas disposuit: & ij tantum, quibus ipse dignatus est reuelare. Iuxta illud Esaie: Oculus non vidit Deus absque te, quæ præparasti expectantibus te. Quamuis huiusmodi mansiones descriptæ sint à Christo, sub nomine beatitudinum, quæ sunt nouem. Et quamuis animæ sint eiusdem speciei: præparantur tamen illis variæ mansiones, pro varia animarum conditione. Et quamuis dicat Sapiens: Ab initio sortitus sum animam bonam. Et Christus: Vni dedit (*inquit*) quinque talenta, alij duo, alij verò vnum: vnicuique secundum propriam virtutem. Varia sunt dona gratuita, non naturalia. Vnde virtus aut gradus naturalis, correspondet gradui gratuito, & e contra. Et si Peripatetici dicant: species se habent sicut numeri, in quibus vno variato, species quoque numerorum variantur. Hoc quippe contingit in numero vocali, vel materiali. non autem in numero naturali vel formali: quibus numeris distribuuntur species. Nam horum numerorum vnitas est diuisibilis: vt patet in musicis, semitonium venantibus. Tunc enim

enim diuidunt vnitatem, qua nouenarius excedit octonarium. vnde resultat tonus. Qui musici procedunt per numeros naturales, sicut phisici. Mansiones ergo istæ, seu regnum cœlorum promittitur pauperibus spiritu. Pauperes multimodi sunt: alij enim ex ignauia quadam ad inopiam deueniunt. Alij, quia nimis prodigi. Alij sunt pauperes spiritu & debiles, adeò, vt parum vel nihil speculari queant. Alij sunt diuites rebus, mente verò pauperes: cùm diuitias non habeant tanquam possessores, sed tanquam dispensatores: nec eis indebitè afficiantur. Iuxta illud Psalmographi: Diuitiæ si affluant, nolite cor apponere. Et his datur regnum cœlorum: sicut & ijs, qui sunt pauperes rebus & mente. Hinc perpulchrè dixit Christ⁹: Beati pauperes spiritu. Alioquin nec Abraham, nec Isahac, nec Dauid, nec multi alij diuites nostri temporis elemosynarij, & pastores pauperum, regnum Dei possidebunt. Nec obstat dictum Saluatoris de difficultate seu impossibilitate, quam habet diues ad intrādum in regnum cœlorum: veluti camelus ad intrādum per foramen acus. Id enim intelligitur de ijs, qui nō possident diuitias: sed ab ipsis possidentur. Sicut (teste Seneca) febricitans non

Hh 5 pos-

possidet febres: sed ab ipsis possidetur. Beatitudo ergo cōsistit ista, in relinquendo tēporalium rerum affectum: & illum apponere circa rerum diuinarum speculationē, & amorē erga Deum. Homo ideo, quò sapientior ceteris existit, eò circa sapientiam diuinam, & circa vnū, scil. Deum se accingit. vnde Boëtius: quid enim queritis extra vos bonum fœlicitatis, cū intra vos cōsistat. Et Mercurius Trismegistus dicit: Donum exterius est multiplex. Nempe, quot sunt sensuum obiecta interiorū, & exteriorum, puta, diuitiæ fama, &c. Hoc exterius bonū sequebatur Martha, cui Christus dixit: Turbaris erga plurima; nimirū exteriora bona; Maria autem optimā partē elegit: id est, bonum interius, quippe affectū circa diuina: & paruipendendo mundana: atq; captiuando intellectum, & omnes animæ vires circa Deum, ipsum amando, eiq; adhærendo. Et hoc est, quod Christus subdit: Porro vnum est necessarium istud, vnū est exteriora relinquere, & vnum omnium centū eligere Deum. Beati ergo pauperes spiritu, qui scilicet vnum tantum, modo dicto, diligunt: nam, vt is in fortunæ bonis est pauper, qui tantummodò vnum habet denarium: ita ille est spiritu pauper, qui

qui vnū tantū diligit. diues in bonis fortune est, qui multa possidet bona. ita diues spiritu est qui permulta vagatur per concupiscentiam, & amorem. subdit: Quoniam ipsorum est regnum cœlorum. nam ait Veritas: Hæc est vita æterna vt cognoscant te Deum patrem. Beatitudo namque, cognitio, & regnum cœlorum sunt idem. Cum hac beatitudine associatur chocmah, quia adinuicem. Conueniunt: chocmah enim idem est, quod sapientia diuina, qui est Filius. ideo quando quis quærit in vno: id est, in sapientia diuina quiescere: verè est pauper spiritu, nempe rerum exteriorum. Secunda beatitudo: beati misericordes, &c. Misericordibus misericordia promittitur. Quia clementissimus moderator non patitur vinci à mortalibus misericordia & pietate. Cum ipsa Deo quoddam proprium & peculiare sit. Sicut canit Ecclesia: Deus cui est proprium misereri semper & parcere. Etiam stat regula illa immutabilis, à Redemptore promulgata: Eadem mensura qua mensi fueritis, remetietur vobis. vnde secundum hanc regulam, docet nos ipse Redemptor, vt orâtes dicamus: Dimitte nobis debita nostra, sicut & nos dimittimus debitoribus nostris.

nostris. Quæ regula (*teste Zohar*) nunquam deficit: licet aliæ omnes aliquando cessare possint. Hæc conuenit cum Gedulah cui misericordia attribuitur, quæ ad nos etiam peruenit. vnde Elzohar dicit: Apud Deum multæ sunt regulæ, quæ si quandoque suo deficiunt effectu, hæc tamen, nempe Gedulah misericordia nūquam deficit, quia semper miseretur: illi enim proprium est misereri, & parcere illis, qui aliorum miseren-
tur, & parcunt. Et subdit Elzohar ad literā: Eadem mēsurā, quam mensi fueritis, reme-
tieretur & vobis. Quod idem Christus affir-
mat. Et in iudicio vniuersali de nullo alio opere à lege præcepto, vel prohibito ita di-
strictè discutietur, sicut de misericordiæ o-
peribus. ideo dicit: Esuriui, &c. Quare, qui
proximi miserebitur, misericordiam con-
sequetur; meritò igitur dicit: Beati miseri-
cordes, quoniam misericordiā consequen-
tur. Tertia beatitudo: beati, qui lugent, &c.
Regnum cælorum lugentibus etiam pro-
mittitur, & pœnitentibus, sicut & pauperi-
bus spiritu, & patientibus propter iustitiā,
quia ex eadem radice prodeunt hæc, quæ in
verbis diuersa videntur. Pœnitētiam enim
agere, est remouere affectum ab omnibus
creatis. Quod in rei veritate idem est, quod
esse

esse pauperem spiritu: id est, nihil affectare
exijs, quæ in Mundo sunt. Huiusmodi ve-
rò in Deum collecti, omnia extrinseca par-
ui pèdunt, adeò vt non solum aduersa Mùn-
di æquanimiter sufferant: sed oblectentur
priuatione commodorum, aut oppressio-
ne hominis animalis, quia Deo meliorem
hominem retrahit. Hinc verè adhærentes
Deo passionibus animalis hominis lætan-
tur. Quorū primi ac præcipui fuerunt Apo-
stoli, de quibus Lucas ait: Ibant Apostoli
gaudentes à conspectu concilij, quoniam
digni habiti sunt pro nomine Iesu cõtume-
liari pati. Et huiusmodi ab inferioribus se-
paratis, regnum cœlorū aperitur, quod (*vt
diximus*) est suscipere Deum in se, semota o-
mni cōtrarietate, quæ est oblectatio in crea-
turis. Hæc beatitudo cum Binah sociatur,
qui est locus Spiritus sancti docentis nos
miserias nostras flere, quando scilicet per-
mittimus animalem hominē spirituali do-
minari, quare compungit cor: & diuisionē
inter vtrumque hominem ponit, & socie-
tatem soluit: & inducit Spiritum ad resistē-
dum carni. & hoc est, quod dicit Christus:
Regnum cœlorum vim patitur, & violenti
rapiunt illud. Et tãto erga nos Spiritus san-
ctus amore afficitur, vt fleat calamitates no-
stras,

stras, teste Paulo: Ipse spiritus interpellat pro nobis gemitibus inenarrabilibus: id est, docet nos flere, & cōpungi. Quare dicit Paulus: Sermo Dei est efficax, & penetrabilior omni gladio bicipiti, pertingēs ad diuisionem animæ, & spiritus, & hac ratione feruoris Spiritus sancti, in nobis operantis. Et separata horum duorum amicitia, rationalis videlicet, & animalis hominis, quæ cum tristitia fit: naturaliter enim se diligunt: tūc Spiritus sanctus partem cōsolatur rationalem, & spiritualem. Quare dicitur, cōsolator optimus ab Ecclesia, patet de iusto moriente, quæ mors est animæ, & corporis separatio: & fit cum tristitia, quia (*secundum Aristotelem*) mors est vltimum terribilium. Tamen post mortem spiritualis cōsolatur: propterea quod beatur, ideo bene dicit: beati qui lugent. Per separationem scilicet à sensualitate, parte animali. Quoniam ipsi consolabuntur: nempe per aduentum Spiritus sancti. Quarta beatitudo: Beati mites, &c. Miribus promittitur terra, non terra quam calcamus, nec terra patribus promissa: præterijt iam figura. Est igitur terra illa suprema, quam Plato tantis laudibus prosequitur: & quam Dauid vocat terram viuentiū: in hac enim terra, plantata est arbor vite, arbor

bor scientiæ boni & mali: & omnes cedri
Dei electi, quas ipsemet plantauit. Iuxta il-
lud summæ Veritatis: Omnis plátatio, quæ
non plantauerit Pater meus cœlestis, era-
dicabitur. Qui locus dicitur terra: non quia
grauis & ad centrum tendens: sed quia ex
ea omnes arbores & plantę Dei pullulant.
Quam terram possessuri sunt mites, nō hi-
spidi & duri. Hinc scriptum est, quod Iaha-
coblenis dilectus fuit à Deo. Hēsaiu verò
hispidus & pilosus odio habitus, quandiu
videlicet in sua duritie perseuerauit. Hæc
cum Malchut conuenit, quæ est terra vinē-
tium: ideo beati mites, quoniam ipsi hære-
ditabūt terram, nempe viuentiū malchut.
Quinta beatitudo: Beati mūdo corde, &c.
Mundis corde Dei visio promittitur. Et
quamuis dicatur in Exodo: Nō videbit me
homo & viuet. Augustin. tamē, & alij per-
hibent aliquos in vita mortali vidisse Deū:
quib. Ioannes adstipulatur, dicēs: Vidimus
gloriam eius, scilicet Christi. Nam gloria
Christi est ipse Deus: vt Paulus innuit. Homo
tamen viuens sensibus animalibus, Deum
nō videbit: sed mortuus illa morte pretio-
sa, de qua Apostolus: Mortui estis, & vita
vestra abscondita est cū Christo. Et hoc idem
est, quod habere cor mundū cū mundari
ab

ab omnibus voluptuosis & mundanis effectibus sit mori Mūdo & carni. Hinc Apostolus ait: Christo crucifixus sum cruci: viuo autē iam nō ego: viuit verò in me Christus. Nec enim Deus, qui fecit nos sibi templum, renuit habitare in nobis, & ostēdere ac prēbere se nobis: nisi quatenus ipse summē purus videt in nobis aliquam maculam summē puritati ipsius repugnantem. Hæc cum Tipheret cōuenit, in quo beatificabimur, & per quē pulchri efficiemur, ac mūdi; nam Ioannes ait: Nihil coinquinatū intrabit in illud. vnde Plotinus: efficiamur mundi, vt munditiam diuinam veram consequi possimus. Sexta beatitudo: Beati, qui esuriunt, & sitiunt iustitiam, &c. Sitientibus iustitiam, saturatio promittitur. Prouisor summus, qui omnibus etiā animalibus rationis expertibus, nullis accedētibus meritis pręparat escam tempore opportuno, deficiet ijs, qui esuriunt iustitiā: multò magis non deficiet his, qui sunt fideles in domo eius. Et saturatio præcipuē promittitur his, qui esuriunt iustitiam. vt obseruetur lex ab ipso principe Christo lata, qua dicitur: Quærite primò regnum Dei, & iustitiam eius, & hæc omnia adiicientur vobis: & illa, quæ nuper adducta est: Eadem mensu-

mensura, qua mensi fueritis, remetietur vobis. Quæ regula (*vt dixi*) nunquam deficit. vnde si nos zelamus honorem Dei & cultum, qui potissimè in iustitia consistit, cogitur ipse Deus, per regulam illam inuariabilem zelare commodum nostrum, saturando nos, non solum corporeis cibis: sed quodcumq; honestè desiderare possumus tribuendo. Iuxta illud: Iacta cogitatum tuum in Domino, & ipse te enutriet. Ista cum Geburah conuenit: à qua omne iudicium, & iustitia contra malos. ille influxus in se est bonus: sed malè dispositis propter peccata est malus. vnde Geburah influit vindictam zelo honoris Dei: & si eo quis vtatur, in inimicorum vindicta est malus: si verò in Dei honorem, est bonus. Hoc zelo Dei feruebat Helias, qui ob Dei honorem quadringentos falsos prophetas interficere fecit, qui adorabāt Baal. vnde ipse dixit: Zelo zelatus sum propter Dominum. Ioseph item hunc ob zelū abstinuit se à fornicatione, vel adulterio, Martyres idola contempserunt: propter quod Helias meruit ab inimicis liberari. Ioseph Ægypti princeps factus est. Martyres præmiū sumpserunt. Deq; hoc zelo loquebatur Christus, quando dixit: Ego veni mittere gladium.

Ii

Hic

Hic in intentione consistit. Si oculus tuus fuerit simplex: id est, intentio tua bona, & recta ad honorem Dei, totum corpus lucidum erit: id est, opus perfectum erit: nam quicquid faciunt homines, intentio iudicat omnes. Septima beatitudo: Beati pacifici, &c. Pacem Christus nobis suadet: & ipsam nobis alijs denunciandam proponit. Et hoc quia regnum ipsius est regnum spiritus & pacis. Et conuerso autem regnum Diaboli, est regnū carnis & litigij: ratio est, quia bona carnalia & temporalia ea sunt, ut pluribus communicata diminuantur. Unde qui ea appetit, semper timet ne, si pars socij augeatur, ipsius portio diminuat. Hinc Iacobus dixit: Unde bella & lites in nobis: nonne ex concupiscentijs vestris, quę militāt in membris vestris. Spiritualia verò bona magis communicata, magis augētur. Hinc de sapientia inquit Sapiens: Quam sine inuidia communico. non enim Doctor sapientiam, docēdo, imminuit, imò ipsam adauget. Etiam beatitudo non potest stare cum litigijs: nam beatus (*teste Aug.*) est ille qui habet, quicquid vult. Litigans autem non habet, quicquid vult: imò querit & appetit, quod nō habet. Christus etiā quærit pacem a nobis, quia sicut recessimus a Deo

per

per diuisionem: sic in Deum reuerti debemus per vnionem, quæ sine pace esse non potest. Hinc ipse dixit: Rogo Pater, vt sicut, &c. Ideo Solomon qui Rex *pacificus* interpretatur, fuit dictus dilectus Domini. 2. Reg. quia natus de Bersabæeh: id est, de puteo septem superiorum defluxuum, qui faciunt homines super quos descendunt, filios Dei propter hoc, pacifici, filij Dei vocantur. Hæc conuenit cum Nezach, influxum fauorabilem. Et hæc refrenatio fit per amorem habitum erga Deum: qui enim amat Deum, cætera paruipendit: nam Dei amor foras mittit amorem proprium, & fortune bonorum. Quare dicetur filius Dei, vt habetur in Iohanne: Dedit eis potestatem, filios Dei fieri, his, qui non ex sanguinibus: id est, qui non sequuntur amorem carnis, nec proprii honoris: neque ex voluntate carnis: id est, qui non sequuntur motus sensuales. Nec ex voluntate viri: id est, qui non sequuntur concupiscentiam oculorum scilicet auaritiæ, sicut idem Iohannes ait: Omne, quod est in Mundo, aut est concupiscentia carnis, aut oculorum, aut superbia vitæ. Vnde Iaco. Vnde lites inter vos, nisi quia carnales estis. Et Paulus ad Galat. Opera carnis sunt odia, inimicitie, &c. Homo

II 2 verò,

verò, ista relinquens, fit Dei filius. ideo bene dicitur: Beati pacifici, quoniam filij Dei vocabuntur. Octaua beatitudo: Beati, qui persecutionem patiuntur, &c. Regnum cœlorum promittitur patientibus propter iustitiã, quia amore Dei pari, est potissimum fidelitatis & adhærentiæ cum ipso Deo, signum: Hinc notanter dixit Christus: Propter iustitiam: non autem propter crimen, aut facinora, propter quæ multi sæpè pati solent. Etiam, quia ærumnis & calamitatibus equanimiter toleratis adeò expurgatur homo: vt mundus mereatur fieri conueniens Dei templum purissimum. Tribulationibus quoq; animalis homo & caro spiritui inimica castigatur: & ipsi spiritui subiicitur, adeò vt in ipsum tempore suo immutari possit: & totus homo fieri capax regni cœlorum & Dei. Etiam, quia bene: hac regula distribuuntur, vt potientes temporalibus, priuètur æternis: iuxta id, quod Abraham diuiti illi dixit: Fili, recordare, quia recipisti bona in vita tua: & Lazarus similiter mala: nunc autem hic consolatur: tu verò cruciaris. Hinc Apostolus dixit: Oportet nos per multas tribulationes introire in regnum Dei. Hæc cum Hod conuenit. ista dimensio est hinulus geburah: à geburah

burah nanque venit. diuinus iustitiæ influxus. quare, qui operatur zelo iustitiæ, siue Dei amore, tolerat etiã eius amore malos incurfus. Et talis dicitur regnum cœlorum habere. iccirco ait: Beati, qui persecutionem patiuntur propter iustitiã, quoniam ipsorum est regnũ cœlorum. Talem iustitiam, siue Dei honoris zelum habuit Elias, & martyres, vt suprã. Vnde nos dupliciter à Deo punimur. Primò propter peccata nostra sic exigentia, vt de Dauide patet: cui post commissum scelus Vriæ, dixit Nathan: Non recedet gladius de domo tua: vt patet in Absalon, qui fratrem Amon occidit. Et hoc est, quod dicit Hieronymus, quod amico Dei citò pœna rependitur, quia tarditatem supplicij grauitate cõpensat, contra scil. inimicos suos: mora enim iudicij, signum est damnationis eternę. Ille verò, qui patitur sine demerito, propter iustitiam is patitur: iustitia namq; maius exigit præmium, vbi maius meritum intercesserit. Nona beatitudo: Beati eritis, cùm male dixerint vobis homines, &c. Hic exquirat Christus à nobis iniuriarum remissionem: vt inde pacẽ facilius habeamus: & inde à Deo remissionẽ cõsequamur. Hinc ipsemet Christus docuit nos orantes dice-

re: Dimitte nobis, &c. Et alibi: Dimittite
(inquit) siquid habetis aduersus aliquē; vt &
Pater vester, qui in cœlis est, dimittat vobis
peccata vestra; & hoc quia vindicta Deo pe-
culiariter competit. iuxta illud: Mea est vl-
tio, & ego retribuā. Vnde nullus iure vin-
dictā de malè actis sumere potest; nisi Deus
& is, qui vicem Dei in terris gerit; iudex vi-
delicet. Nec maiorē vindictā de iniurijs sibi
vel alijs illatis quis sumere potest, quā Deo
vindictam cōmittere. Iuxta illud Apostoli:
Si esurierit inimicus tuus, ciba illum; si si-
tierit, potum da illi. Hoc enim faciens, car-
bones ignis congeres super caput eius. Sa-
pientes enim non premūtur malis, angus-
tijs, & iniurijs. Vnde Plotinus excludit sa-
pientem à timore, & dolore, dicēs: De nul-
la enim re timer aut dolet. Hinc Socrates
venenum non timuit; nec martyres exhor-
ruere tormenta. Imò in ipsis letabantur. Iu-
xta illud Apostoli: Rapinam bonorum ve-
strorum cum gaudio suscepistis, cognoscē-
tes vos habere meliorem, & manentē sub-
stantiam. Veri enim sapientes collecti sunt
ad mentis arcem: vbi existentes nihil cu-
rant, nec tristantur (vt asserit Boëtius) supel-
lectilium iactura. Hinc quoq; collecti ode-
runt corpus: & quæque ad ipsum pertinē-
tia:

tiā: tanquam impedimenta quædam mentis possidende; & regni illius, quod verum gaudium, & vera oblectamenta parit. Hinc lætabantur martyres, verè sapientiæ compotes; cùm cruciatus corporibus suis inferrentur, & iniuriæ. Hæc conuenit cum Iesod; à qua dimissione prouenit vita; ab hoc loco peruenit Helias, & Ioseph, qui persecutionem passi sunt propter iustitiam, iccirco mercedem magnam recepere in hoc Mundo, & in alio; nam hic princeps Ægypti est constitutus; ille à fame præseruatus, & martyres complures è carceribus liberati; & tandem hi omnes in cælo sunt coronati; vnde cōuenienter dicitur: merces magna dabitur illis: id est, vita æterna, quæ à Iesod prouenit. Et patet conclusio.

Sicut Aristoteles diuiniorem philosophiam, P.M.

quam philosophi antiqui sub fabulis, apologis velârunt: ipse sub philosophica speculationis facie dissimulauit: & verborum breuitate obscurauit: ita Rab. Mosès Aegyptius in libro, qui à Latinis dicitur Dux neutrorum, dum per superficiale verborum corticem videtur cum philosophis ambulare, per latentes pro-

*fundi sensus intelligentias, mysteria
complectitur Cabala.*

P. A. Omnis schola Hebræorum in tres sectas diuisa est. In Philosophos, in Cabalistas, & in Thalmudicos. Declarantes & exponētes Scripturam, & legem, quatenus ad hūc Mundum sensibilem, & inferiorem: & actiua vitā attinet, Thalmudistæ dicti sunt. Alij mundanarum rerum curam, iudicialia, & omnimodū vsum, tam reipublice, quàm priuatarum rerum Thalmudistis relinquētes, contemplationique vacantes, & vitæ supernæ, omnia quæ scripta sunt ad Archetypum retulerunt: & in illo, aut per numeros, aut per symbolicam rationem, vel per anagogicum sensum omnia interpretati sunt. Alij verò tantummodò cortice literæ cibari satis est. Exponunt tamen biblia (post sensum literalem) secundū philosophiam. Primus horum fuit Rab. Moses de Ægypto, quo adhuc viuente floruit Auerrois Cordubensis. Hic Doctor ergo comparat Mosē de Ægypto Aristoteli. Hic Moses fuit natione Hebræus, & patria Hispanus. Iste nulli sectæ credidit: nec Mosi, nec Christo, nec Maumeto. Et licet per superficialem verborū corticē videatur cum

cum philosophis ambulare : & intelligat nihilominus in illis antiquorum verbis Theologorum : id est, Cabalistarum secreta detegere: illi tamen doctrinæ, tanquam veræ minimè credidit, sicut & Auerrois, qui vir nullius fidei fuit, omnes deridens sectas, dicit: pro vt dicunt locutores trium legum: id est, loquaces. Quasi dixerit, leges nihil firmitatis habere, nisi tantum in verbis: &, quamuis in commen. Primi cœli & Mundi dicat, quod Deo tenemur honorem triplicem impendere, orationis videlicet, sacrificij, & amoris: in hoc tamē sibi ipsi contradicit: quia, si Deus hæc inferiora non intelligit (*vt ipse asserit*) quomodo eum orare oportet? &, si necessariò agit, vt ipse affirmat, quomodo potest sacrificijs flecti? &c. Ecce quomodo iste de diuinis loquitur: & contrarium tamen credit. Aristoteles verò quandoque loquitur de diuinis, & illa credidit: fuit enim nutritus ad pedes diuini Platonis, quod ipse in 11. Metaph. affirmat, dicens: vt tenent patres Chaldæi: id est, Hebræi: idque, quia præmiserat dicta sui magistri Platonis tacito eius nomine, vt vindicaret, sibi eum honorem: re ipsa tamen Aristot. nihil in diuinis valuit respectu Platonis. Est enim multo-

rum sententia doctorum virorum, quod Plato doctrina tantum excedit Aristotelicam, quantum diuina quibus semper redolet Plato, simul cum Pythagora eminēt terrestribus, quibus deprimitur Aristotelis qui (vt ait Proculus, & Academici, & Peripatetici dogmatis professor) simul cum Theophrasto, & alijs Peripateticis, vsque ad formas vniuersorum mouentes, suæ speculationis lumen accenderunt. Plato verò ab eo, quod inter entia dignitatem habent longè semota, & eo quidem digniora sumit exordia: vnde & eius progressus sublimior. Excedit igitur Aristoteles Platonem in diuinis. imò ostendit se in huiusmodi ignarū: dum ideas Platonicas negat, quod fecit (vt Franciscus de Maironis ait) aut tanquam malignus, magistri sui opinioni contradicens: aut tanquam pessimus Theologus. Quare Græci vocant Platonem diuinum: Aristotelem verò Dæmonem: illi enim semper fuit cura de diuinis agere, & ab eis addiscere, qui à diuinis susceperant oraculis: id est, ab Hebræis: hic autem, proprijs viribus innixus, ea tantum admittere voluit, quæ suis sensibus, & rationibus probare iudicabat. In naturalib⁹ fuit collector præcedentium philosophorū: & hoc idem ipse-

ipfemet fateretur, vbi de posterior. anal. agit, docens, quod scientia est per demonstrationem: & hæc per quidditates (vt aiunt) & proprias rerum differentias nobis occultas. In Theologia fuit ignarus: in logica fuit maiori ex parte eiusdem inuentor. Et, si 12. Metaphys. dicit: Entia nolunt malè disponi, vnus, ergo princeps, hoc habuit ab Homero. Multa igitur theologia dicit sub philosophiæ velamine. Glorietur tamen & peripateticorum Dux, se Alexandro (*Themistio referente*) ea lege sua naturalia instituta tradidisse: vt nemo intelligeret, nisi ipso qui tradidit interpretâre; ergo Aristot. dissimulauit sub philosophicæ speculationis Cabalam, quam philosophi antiqui sub fabulis, Apologis velauerunt. Semper enim antiquorū studium fuit sacramenta Dei, & naturæ inuoluere, & obtegere: & Dei eloquia sibi credita in corde suo abscondere, ne peccarent. Quam legem obseruârunt ex Indis Brachmanæ Æthiopes, Persæ, & Ægyptij. Hinc dicebar horum splendor Mercurius. Tractatum tota numinis maiestate plenissimum, irreligiosæ mentis est multorum conscientia publicare. Hoc Orpheus, & vates omnes antiqui Pythagoras, Socrates, Plato, Aristot.

Aristoxenus, Ammonius inuiolabili fide seruauere. Hinc Herennius, Plotinus, & Origenes (vt scribit Porphyrius in de educatione & disciplina Plotini) iurârunt, ne Ammonij dogmata ederent: & quia Plotinus violato iureiurando ab Ammonio præstito sacramenta publicauit: in transgressionis pœnam (vt nonnulli asserunt) horrendo pediculus edulio consumptus est. Iesus redemptor filius Dei discipulos docet, ne dent sanctum canibus: nec margaritas exponant porcis conculcandas, quæ magistri monumenta, vt seruarent discipuli: aut non scripserunt: aut, quæ solum ad miracula, mores componendos, & legis instituta pertinent: ab omnibus obseruanda tradiderunt. Sic fecere Apostoli, & Euangelistæ omnes: Paulo & Iohanne excepto: nam hic tribus Euangelijs iam vulgatis, multisq; exactis annis, ad extirpandâ hæresim Ebionitarû, qui Christum hominẽ, non Deum esse asseuerabant: de æterna filij Dei generatione: deq; per ipsum hominis vnione cû Deo: mortificato primo animali nostro aliqua paucis, & obscure pronunciauit. Apoc. verò mysteria rot inuoluit ænigmatibus: vt nec Solomon qui Saba Reginae ænigmata solvebat: nec quisquam

piam alius enodaret : nisi eo spiritu perfusus, quo erat plenus ille, qui scripsit. Sed Paulus cum iam præterisse senserit figuram huius Mundi, aliquos vel paucos elegit discipulos: de quibus ait: Nos autem reuelata facie gloriam Domini speculantes: dolens se non habere bene initiatos quamplurimos: quibus hæc sacramenta credere posset. Secernit igitur Apostolis profectiores discipulos, inter quos loquitur ea, quæ ad superiorem sapientiam pertinet, factus veri magistri discipulus: qui nomen Dei patris manifestavit eis tantummodò quos ipse Pater dederat: & eos delegit, quibus loquebatur mysterium regni Dei, ab eis, quos in parabolis docebat, primum igitur quanti sit, Cabalam.

In textu, audi Israël, dominus Deus noster, Dominus unus, rectius est, ut intelligatur ibi collectio ab inferiori ad superius; quàm ab inferiori ad superius bis. P.M.

Est peripateticorum patens controuersia cum antiquis, Parmenide, & Melisso, & sequentibus circa rerum vnitatem: quæ altercatio potius est verbalis, quàm realis, ut recte Simplicius sentit: & alij sapientes: F.A.

pientes: in quam concertationem intrant ei, qui aut non intelligunt, aut intelligere simulant ut discéptandi ansam nanciscantur, quorum litigia facile explicantur, si admittant (ut debent) Deum rerum authorem, sustentaculum & vinculum, de quo Plato ad Hermiam Erastum, & Coriscum loquens, ait: vos, qui tres estis, hanc epistolam legere oportet, vel saltem bini: id quæ quanto frequentius fieri potest: ut cognoscatis Deum omnium rerum quæ fuerunt, quæ sunt, & quæ futura sunt, principem, & principis, opificis quæ causæ Patrem, & Dominum: quomodo philosophando apertè re felicitis hominis naturam attingere poterimus; cognoscendo videlicet rerum causam, finem, & sustentaculum: aut continuè diffusum in nos Deum: iuxta quod scribit sapiens quidam Astronomus:

Namque canam tacita natura mente potentem

Infusumq₃ Deum Cælo terraq₃ fretoq₃:

sicut per Ieremiam ait: Cælum & terram ego impleo, quod nisi faciat, viuificet, & sustineret, cuncta facile in nihilum resolverentur. Sic itaq; est vnū esse diffusum omnibus in rebus, in quo sunt, & conseruantur: cuius rei exemplum probare possumus etiam in insensibilibus: nam Sol, qui (teste Iamblichō) est

est perspicua diuinæ intelligentiæ imago;
perspicua statua in hoc templo mundano
(vt docet Dionysius) vnicus est in essentia, &
luce, multiplex tamen in radijs; sicut pri-
mum ipsum esse vnicum est in se: & illud
Diuinum, æternum & immutabile: multi-
plex tamen in creaturis diffusum, ratione
videlicet multitudinis sephiroth: fuit enim
conueniens in Deo talē præexistere mul-
tiplicitatem dimensionum, quia secundum
naturales: idem manēs idem, semper pro-
ducit idem: sicut ignis, qui naturam habet
inuariabilem in qualitatibus: semper cale-
facit, & vrit, ita Deus Mundū volens mul-
tigenum creare, oportuit se varia vesti-
menta attributorum induere, nempe, Ge-
burah, Gedulah, &c. Suntque septem mu-
tatoria vestimentorum diuinorum: qui-
buscum millia millium effectuum produ-
cere potest, quod, etsi sunt tantum septem
cognomina Tetrag. tum quodlibet illo-
rum septem cognominum sub se continet
mille, & plura agnomina, vt ait Cantici. Et
mille tibi Selomo. Sicut sunt septem tan-
tum inferiores planetæ, qui adinuicem
vniti vario modo in hisce inferioribus tot
millia indiuiduorum distinctorum, ac
eorum species produciunt: sicut Sol cum
luna

luna vnum producit effectum, cum Saturno alium, &c. Similiter de signis zodiaci dicatur, à simili. Deus per vnam sephirah producit vnum effectum, per aliam alium, &c. Essentia tamen est vna, vt Elzohar dicit. Aduerte, quod, etsi sephiroth sunt decem: non discedunt tamen ab vnitatem: omnes enim sunt vnus Deus, vti nos dicimus, Pater, & Filius, & Spiritus sanctus. sunt tres personæ, & tamen sunt vnus Deus: arbor est vna, & habet distinctos ramusculos, folia, flores, & fructus, & hæc tamen dicuntur vna arbor: licet partes sint distinctæ, quia partium distinctio non distinguit totum: ita est vnus homo, & eius membra sunt distincta. Omnia igitur Mundi entia sunt vnum in Deo ideatum, & radicatum: per quod esse (*secundum Aratum*) viuimus, mouemur & sumus. &, si Arist. probare conatur entium pluralitatem: magis arguit ad verba, quàm ad sensum. Probat hoc pacto. Membrum differt à membro, ergo sunt plura, ergo non vnum. Respondetur, quod sunt plura realiter distincta: sunt vnum tamen radicaliter, &c. Sine qua radice esse non possumus, vt cantat Dauid: auferes eum spiritum: id est, esse reale; & deficient. Ad cõclusionem igitur dico. Deut.

6. cap.

6. cap. dicitur. Sema Israël, Adonai Adone-
 nu Adonai Echad. Hoc est, Audi Israël, De-
 us Deus noster Deus, vnus est. Super hunc
 textum, dicit Rab : Simeon ben Iochai in
 Elzohar. Audi Israël; ait Rabbi Ibba. Hic
 est ô Israël antiquus יהוה: id est, *Deus*, qui est
 principium omnium rerum, antiquus an-
 tiquiorum, hortus radicum, & omnium re-
 rum perfectio, & dicitur Pater; Elchenu
אלה: id est, Deus noster, profunditas flu-
 minum & fons scientiarum, quæ procé-
 dunt ab illo Patre: & Filius vocatur יהוה: id
 est, *Deus*, hic est Spiritus sanctus, qui à duo-
 bus procedit, vnus est vt vnum cum alio
 concludat, & colligit neque alius ab alio
 diuidi potest: Et propterea ait: Sema: id est,
 congrega Israël hunc Patrem & Filium &
 Spiritū sanctum, eumq; fac vnā essentiā
 vnāq; substantiā quicquid est in vno, est
 in alio totus fuit, & tot⁹ est totusq; erit. *Hac*
ille: dico ergo, quod sicut in prædicamento
 substantiæ substantia est vna: & tamen di-
 uiditur per corpoream, & incorpoream
 animatam & inanimatam, &c. ita à simili,
 Deus est vnus, tamen plures habet sephi-
 rot, siue dimensiones siue numerationes,
 siue attributa: quæ omnia sunt vnum. Et
 ista vnitas est, siue fiat (collectio ab infe-

riori ad superius:) id est, exordiendo à malchut ad cheter Elion (& à superiori ad inferius:) id est, à cheter Elion ad malchut quàm ab inferiori ad superius bis) scilicet incipiendo à dextra parte inferius sursum ascendendo: postea iterum à sinistra incipiendo: inferius, & sursum ascendendo.

P.M. *Rectius est, ut amen Tipheret dicat, & regnum (ut per viam numeri ostenditur) quàm quod dicat regnum tantum, ut quidam volunt.*

F.A. Amen dictio, signat verè & vim confirmandi ea quæ præmittuntur, aut subsequuntur, habet: hinc ecclesia in omnium orationum fine apponit, amen: ac si diceretur, sit, aut fiat, quod petitur. si verò alitè confcendere voluerimus, secretioresque Theologos consulere libuerit, idem importat, amen, quod coniunctio duorum principiorum, & fontium: à quibus in nos cuncta diffunduntur, quorum vnus nomen יהוה est Iehouah, & Tipheret cognominatur, & illud Iehouah profertur per Adonai penultimam breuem: alterum verò אדני Adonai penultimam longam habet, & cognominatur malchut: quarum literarum numerus vtriusq; nominis importat

portat vnum, & nonaginta : hoc modo, nominis Iehouah. Iod י leuat decem, he quinque, vau sex, he quinque, quæ simul numerum 26. reddunt. Item Adonai nominis אדני : aleph א reddit vnum, dalet ד quatuor, nun נ 50. iod י, 10. quæ simul reddunt 65. & huic numero addito superiori, videlicet, 26. reddunt numerum 91. eundem numerum præcisè reddit hæc dictio, amen, אמן hoc modo: aleph א : id est, mem מ. 40. nun נ. 50. qui numeri simul vñiti reddunt numerum 91. Vnde innuitur, quod in hac dictione includitur virtus vtriusque nominis simul, nempe tipheret, & malchut. amen igitur vult inferre, vniatur Tipheret, cum malchut fœmina, ad producendum hunc, vel illum effectum. Et, si, amen, tantum per Adonai malchut exponeretur, veller tantummodo effectum implorare à fœmina malchut, quod minime conuenit à fœmina quærere prolem ignaraviro; ita nec malchut potest nobis bonū præstare influxū, nisi eum à masculo tipheret recipiat: tanquam matrix semen. Sicut luna nō splendet sine luce, à Sole recepta; ita nec luna archetypa malchut splendet bono influxu, nisi respiciatur ab Sole archetypo tipheret. Hæc duo no-

mina, scil. duplex Adonai modo prædicto notatum, si quis sciret cōiungere, effectus mirabiles producere sciret quod sanctorum, ac perfectissimorum est, quod fecerunt Abraham, Isahac, qui foderunt puteum illum malchut, quem vocârunt beer-sebah: id est, *puteum septem*, quia in ipsum deducebant influxum, non modò Tetragripheret, sed cæterorum etiam sex fontium: Iesod scilicet, Nezah, Nod, gedulah, geburah. Idq; præ cæteris fecit ipse redemptor. Hinc ipse horum sacramentorum nō ignarus huiusmodi verbum amen, sæpissimè frequentabat.

P.M. *Ego animam nostram sic decem sephiro-
rot adapto, ut per unitatem suam sit
cum prima, per intellectum cum se-
cunda per rationē cum tertia. Per su-
perio-rem concupiscibilem cum quar-
ta, per superio-rem irascibilem cum
quinta per liberum arbitrium cum
sexta. Et per hoc totum ut ad superio-
rem se conuertitur cum septima, ut ad
inferiora cum octava. Et mixtum cum
utroque potius per indifferentiam,
vel alternariam adhesionem, quam si-
multa-*

*multaneam continentiam, cum nona:
& per potentiam, qua inhabitat pri-
mum habitaculum, cum decima.*

Moses in Genesi describendo hominis F. A. formationem, inducit Deum summum opificem, dicentem: Faciamus hominem ad imaginem, & similitudinem nostram: postea concludit, dicens: ad imaginem suam fecit illum, tacita similitudine: & ratio huius est, quia vult Deus nos tali similitudini cooperari per liberum arbitrium; & hoc non conuenit cæteris animalibus: quæ nec Deo nec naturæ cooperantur: non naturæ: quia non seminant, nec ferunt, sed ea pascit Deus: comedunt enim de his, quæ sponte à terra producuntur, in vestitu non nent, neque glomerant, neque texunt: sed proprijs contenti pilis, aliud non quærunt indumentum. Homo verò non tantum naturæ, sed Deo etiam cooperatur. De natura patet: nam fructus terræ, vsui hominis deputati non sponte pullulât à terra. sine hominis cooperatione, vt patet de vino & frumento, quæ tot laboribus habentur: sicut Adæ minatus fuerat Deus: In sudore vultus tui vesceris pane tuo. patet rusticorum labor, qui mar-

tyrio æquiparatur, de Deo etiam patet: vult enim Deus nos virtutibus vacare & eius cooperatores esse, *teste Paulo*, cooperatores sumus gratiæ eius: idque vt hanc similitudinem acquiramus: non additur ergo in Genesi: Ad similitudinem suam fecit illum, vt ostendatur, quod hæc similitudo non datur sine nobis cooperantibus: vnde Augustinus: Qui fecit te sine te, non saluabit te sine te. Quare Deus præcepta dedit: 613. affirmatiua sunt 248. quot sunt ossa præcipua in corpore nostro. & negatiua, 365. quot sunt nerui in eodem corpore: quæ omnia significant 613. vires nobis collatas: quibus legem obseruare possumus; & similitudinem istam acquirere: ideo Christus dicit: Estote perfecti, sicut & Pater vester cœlestis perfectus est: qui Solem suum oriri facit super iustos, & iniustos. In lege item præcepit Deus, vt comederent panem azymum: id est, sine fermento: hac etiam de causa Deus primum hominem creauit in æquinoctio Veris: in quo frumentum non habet corruptionem, & hæc omnia facta sunt, vt & nos doceamur esse sine fermento malitiæ, ac nequitiae (vt docet Paulus) vt & facilius hanc acquiramus similitudinem, itaque similitudo
confi-

consistit in actibus secundis, sicut Imago in actibus primis: quia tantum in potentijs est, in intellectu scilicet voluntate & memoria, & hæc omnia à Deo facta sunt, dicente Dauide: Ipse fecit nos & non ipsi nos. Actus secundi sunt potentiæ sub actibus proprijs, siue operationibus. Et isti actus sunt in nostra potestate: possumus enim amare, & odire: loqui & non loqui, vnde errauit Scotus, imaginem in actibus primis ponendo, & simul in secundis, quia ad imaginem habendam cooperari non possumus: nam totum Deum præsentat ita, quod nihil est in Deo, quin eius imago in homine splendeat, quia imago dicit totum: vestigium verò partem: & per partem totum. Maximum miraculum huius mundanæ scænæ. Non est Sol, cuius lumine omnia clarescunt, & illustrantur: Nec est totum cælum, vnde omnis influxus in inferiorum beneficium prouenit. Sed est homo (vt Abdala Sarracenus asserit) in quo non tantum Sol, & omnes cæli continentur: sed aër, aqua, terra, & omnia quæ in eis sunt. Iuxta illud Sapientis: Fecit Deus hominem de limo terræ: & dedit ei virtutem continendi omnia. cui ad stipulatur Mercurius, dicens, quod Homo est quod-

dam totum omnia continens. Et iterum in Asclepio loquens, ait: Magnum miraculū (δ Asclepi) est homo animal adorādum & honorandū præ cæteris, quæ in hoc Mūdo sunt. Et hoc quia est rationis capax, beatitudinis particeps, dominus omniū creaturarum. Iuxta illud Psal. Omnia subiecisti sub pedibus suis, est naturæ interpret. Est (vt dicunt Persæ) hymenæus Mundi: est factus arbitrarius, honorariusque sui ipsius plastes. Habet enim potestatem, in quam maluerit formam, se transformandi: in lapidem videlicet, plantam, animal brutum, Diabolum, Angelū, & ipsum Deum. Iuxta illud Iohannis: Dedit ei potestatem (scilicet hominibus) filios Dei fieri. Hinc Chaldaei dicunt, cum cætera omnia habeant determinatas formas, solus homo, nullam habet effigiem propriam: sed extraneas & aduentitias quamplurimas. Propterea non ab re propheta dixit: In imaginem pertransit homo. Magis omnibus est adorandus homo, quia Dei imaginem continet. Imago quippe totum repræsentat: igitur anima totum ordinem spiritalium archetypum continet, qui ordo ex denario constat (vt notum est peritis in Cabala.) Hinc perbellè Mercurius asserit
animas

animas ex denario numero esse generatas. Anima enim cum sit perfecta, & ultimum Dei opus: ultra quod nil aliud creatum fuisse legimus. Hinc Deus ipsam perficere studuit denario, numero videlicet completo, ultra quem alius non datur. Ex illo enim denario numero diuino, emanauit anima. Unde in productione hominis citati fuerunt illi decem fontes, vel numina: ad quæ (ut *Zohar inquit*) directus fuit ille sermo, quod dictum est: Faciamus hominem, ad imaginem & similitudinem nostram. Nam ex omnibus illis, conflata est anima, sicut ex omnibus corporis membris emittitur semine ad formandum corpus. unde si ex aliquo membro non emitteretur semen, nasceretur homo membro illo diminutus, & ideo sicut Filius imaginem Patris corpoream portat, sic anima gerit imaginem Dei: quia conflata est ex omnibus, quæ in ipso Deo sunt. propter hoc (ut dicit *Zoroaster*) per tempus breue, exultans ob harmoniam, quam in se sentit, inebriatur. Tempus enim uitæ huius breue est curriculum omni volatu velocius. In quo quidem curriculo existens homo sentit harmoniam: non solum eam, quam in membris habet, sed cum Deo, & omni creato ac corporeo: eam autem

potissimè, quam cum Dijs, ac Deo deorum habet. Vnde magna voluptate inebriatur: Deum quodammodo in se (vt oraculum profequitur) trahens. Dummodo grauaminibus terrenis præpeditus non sit. Tunc enim quando scilicet ab huiusmodi grauaminibus solutus est, sentit mentis raptum, aut osculi mortem (vt *Hebraei dicunt*) vbi videt arcana, quæ homini loqui non licet, vt *Paulus perhibet*. Hæc harmonia quam sentit homo bene cordatus cū Deo, prouenit ex harmonia partium, siue potentiarum animæ, cum numerationibus Diuinis. Siue cum homine archetypo, prout dicit hæc cōclusio (ego animam nostram) sic decem Sefhiror adapto, vt per vnitatem suam, &c. sicut anima essentialiter est vna: ex qua cæteræ potentiæ emanant, intellectus videlicet, & voluntas; ita (sit cum prima) id est, cum chetere lion Patre: essentia namque diuina in se est vna: de qua personæ diuinæ procedunt, vt dicit Filius: Omnia mihi dedit Pater (per intellectum cū secunda) id est, cum choemah, sapientia diuina Filius; cum qua conuenit intellectus noster. Filius enim generatur per memoriam fœcundam: id est, per intellectum essentiam habentem pro obiecto (per rationem

tionem cum tertia) id est, cum binah Spiritui sancto: nam binah non est propriè sapientia diuina, illa enim est chocmah, nota Patri, vt Christus confirmat: quis nouit Filium, chocmah, nisi Pater, & cui (nempe Spiritui sancto) voluerit Filius reuelare, quia ipse à Patre, & Filio procedit. Est igitur binah intelligentia, non sapientia, imò ipsa inferior à simili ratio est potentia inferior ad intellectum propriè dictum: est enim rationis discursus, intellectum præsupponens propriè dictum. primo apprehendentem (per superiorem concupiscibilem cum quarta) superior concupiscibilis est animæ portio quæ neschamach dicitur, prout est tota diuinis rebus intentata, de terrenis nil curans: & conuenit cū quarta dicta Gedulah, quæ est locus amoris plenus erga Deum, & proximum. Quo influxu perfruebatur Abraham, dilectionis erga Deum, & proximum plenus. De primo patet in hospitalitate Angelorū: de secūdo patet de sacrificijs septem sephiro oblati, vt Sodomorum indulgentiam obtineret, qui vidēs in illis se nihil proficere, reuersus est in domum suā gedulah, per superiorem irascibilem cum quinta: id est, geburah; talis enim superior irascibilis est
zelus

zelus honoris Dei: sicut habuit Helias, qui, videns latruncem floccipendere, iratus zelo Dei honoris, interficere fecit pseudoprophetas. Talis ira superior dicitur: tali irascibili Christus expulit de templo ementes, & vendentes. Sicut de illo prophetauerat Dauid: Zelus domus tuæ comedit me, & conuenit cum geburah, quæ est terror diuinæ vindictæ: cuius fuit plenus Isahac: ideo talis locus attribuitur illi, patet: dum enim Labā insequeretur Iahacob, eò quòd furtim ab eo recessisset, inter alia, quæ dixit ipsi Laban, dicit: nisi fuisset Pachad patris mei Isaac in te (id est, terror, cuius hæres fuit Iahacob) me occidisses. Iste Pachad, vel terror est actiuus: & est in homine, animalium respectu aliorum: patet de Apolloniæ Tyaneo, qui aliquando ambulans cū quodā viro, nomine Vames; qui vidēs paruulum, elephantem ducere, dixit ipsi Apollonio. vnde est, quod animal tam ferox permittit se à puero duci, cui Apollonius: ratio est, *inquit*, quia in nobis posuit Deus terrorem actiuum, quo cætera animalia terremus; per liberum arbitrium cū sexta: id est, cum tipheret: nam, vt ipsa dimensio est in medio gedulah, & geburah: ita liberum arbitrium est in medio irascibilis,

lis, & concupiscibilis: & , sicut qui est in ti-
 pheret in sua est potestate influxum reci-
 piendi à gedulah, vel à geburah: ita, qui uti-
 tur libero arbitrio, potestatem habet irascen-
 di ob zelum honoris Dei: & potest ad libi-
 tum cœlestia concupiscere; per hoc, quod
 totum, ut ad superiora, se conuertitur, cum
 septima: id est, cum nezah, quæ interpre-
 tatur, vincenti, vel victoriæ, vel effunden-
 ti sanguinem, vel in fine. Illi ergo qui se
 totaliter propter amorē ad Deum conuer-
 tuntur, nihil de filiis, nec de se ipsis curan-
 tes: neq; de fortunæ bonis nisi prout chari-
 tas exigit, ut fuerunt martyres, qui ultro se
 Deo offerebāt in holocaustum, nec minas,
 nec principū verbera timentes: tales in ne-
 zach esse dicuntur: id est, fruuntur tali influ-
 xu; ut ad inferiora cum octaua: id est, cum
 hod, quod idem est, quod *decor*. & , quando
 quis eis, qui nobiscum degunt, proximis
 auxilium impendimus in suis indigentis,
 nemini nocendo. his habet hod: id est, *deco-
 rem*, hod est influxum ab hod. & ita fuerūt
 viri patriarche, viri misericordiarum, & pa-
 tres prophetarum, & huiusmodi, & mixtū
 ex utroque potius per indifferentiam, vel
 alternariam adhæSIONem, quam simulta-
 neam continentiam, cum nona: id est, cum
 Iesod,

Iesod, hæc dimensio est media inter hod, & nesach. Et, sicut, hic existens potest ab vtraque dimensione influxum percipere indifferenter, ita in anima nostra vis inest quædam; qua Deo, & superis vacare tota mente possumus: vel inferioribus, se in ministerium: pauperum præbere. hoc est dictu, anima nostra in tali est statu, quod potest vitæ actiue, vel contemplatiue vacare: sicut legitur de Martha, & Magdalena, & per potentiam qua inhabitat primum habitaculum cum decima: id est, cum Malchut: quod dicitur regnum quod in nobis existit; vt testatur Veritas dicens: Regnum Dei intra vos est. Et istud nihil aliud est, quàm quædam potentia: per quam Deus in nobis recipi potest; quia, nisi talem possideremus dispositionem, Deus in nobis non habitaret.

P.M. Per dicta Cabalistarum; quod cæli sunt ex igne, & aqua simul & veritatem Theologicā de ipsis sephirot nobis manifestat & Philosophicam veritatem, quod elementa in cælo sunt tantum secundum actiuam virtutem.

I.A. Docet Plato, vtrumq; Mundum factum fuisse in proportionem, vnde in Timæo dixerit

ferit Mūdum fuisse factum per cubum ternarij, 27. videlicet. In quo quidem numero, omnis harmonia & consonantia consistit: Vtrumque autem Mundum diximus, maiorem videlicet & minorem, quia quaproportione factus est Mundus maior, & anima ipsius; ex eadem & Mundus minor, videlicet homo & anima ipsius constant. Quod necesse fuit: vt vterq; Mūdus diutius permaneret, & delectabilior esset. Et hoc ipse Plato à Timæo Pythagoræo didicit: cui & quis suum inscripsit. Et ipse Timæus, fortassis hausit à sapiente, qui ait: Omnia disposuisti in numero, pondere & mēsurā. Similiter & elementa, simul conueniunt in proportione secundum Platonem. In quatuor elemētis est etiam, pondus numerus, harmoniacus proportione mirabili conueniens: sicut in numeris quadratis contingit: qui semper conueniunt in medio vtriusque proportionato. Nam inter quatuor & nouē, quadratos numeros, senarius est medius, à quo sicut ad quatuor est proportio sesquialtera, quia sex includit. quatuor, & dimidium eius: id est, duo. Pari modo à nouē ad sex. Et eadem consonantia est in sequenti quadrato. à nouem videlicet ad sexdecim. Quorum medius est duodenarius:
à quo

à quo sicut ad nouem, est proportio sesquitercia. Et eadem est harmonia à sexdecim ad duodecim: quia 16. continet 12. & tertiam partem ipsius 12. videlicet 4. Et denique ordine procedit omnis subsequens quadratus. Simili modo conueniunt elementa. Aqua enim est humida & frigida: humidum sibi retinens proprium, in frigido verò cum terra participans. Terra autē frigida atque sicca est: frigidum habens sibi proprium: cum aqua tamen in eo conueniēs, in sicco igni coæquatur. Ignis autem, qui cum terra in siccitate cōuenit: cum aëre tamen caliditate consentit. Similemque proportionem habēt in subtilitate, mobilitate, & acutie; vt Pythagorei, & Academici docent. Quos imitatus Boëtius canit:

Tu numeris elementa ligas: vt frigora flammis:

Arida conueniant liquidis: ne purior ignis.

Euolet, aut mersas deducant pondera terras.

Magna etiam proportionē cōueniunt elementa in composito, eò quòd inter se conueniant. De hac conuenientia, multi multa sentiunt. Et tamen est consonantia, à qua si aliqua qualitas discedens præualeat, aut deficiat, totum corpus dissonum redditur, & insurgunt febres, aliæque multigenæ infirmitates, iuxta humorum, qualitarumque disson-

dissonantiam. Quæ autem illæ sint præcipuæ, veri Medici discutiant. Habent etiam elementa pondus & figuram. Proportio ponderis est per decuplum; sicut Aristot. opinatus est de extensione elementorum, dicens, quod ex pugillo terre fiunt decem aquæ, & totidē aëris ex pugillo terre, fiunt decem aquæ; & totidem aëris ex pugillo aquæ; totidemq; ignis ex pugillo aëris; adeo vt terra in aqua conuersa sit maior in decuplo; in aërem in cētuplo; in ignē verò in millecuplo, Timæus etiam Locrēsis & Plato docēt, & Proculus, & Calcidius exponunt; quod est proportio ponderis illorū; proportio musica, vnde resultat harmonia. Diapasonica, bisdiapasonica, terdiapasonica; diapasonica & diapentica simul. De quibus satis dixi in tractatu de numero triplici. Et ista elementa reperiuntur in cœlis; alioquin Astrologi non dicerent; esse tria signa terrea, tria aquea, tria aëria, & tria ignea. Et quamuis elementa reperiuntur subiecta alterationi & corruptioni, non propter hoc corrumpuntur cœli, quia meliori nota ibi ipsa elementa reperiuntur, quam in generabilibus & corruptibilibus: sicut perfectiori nota reperiuntur in Angelis: perfectissima verò in Deo: qui dicitur

viuentium terra, aqua sapientiæ, & ignis deuorans. Vnde non sub ijsdem legibus collocata sunt inferiora cœlestia & diuina: nec per easdem leges quærenda est eorum cognitio: sed per debitam analogiam. sunt ergo in omnibus rebus elementa, vt amplissimi testes sunt: sed ea, quæ in hoc Mundo inferiori habentur, fæculenta & crassiora sunt: quæ in cœlo, nitida, & pura quæ supra cœlos, viuentia, & omni ex parte benefica, & vt ab inferioribus incipiamus: Et hæc terra circa centrum, stabile firmamentum pedibus, omnium seminum matrix fœcundissima est in elementaris, vt primum de homine ex limo terræ formato. est in cœlo densitudo, quæ videri potest potissimum in sole, & luna & stellis; quæ, vt Plotino placet, radios solares repellunt. sunt etiam tria signa, Taurus videlicet, Virgo, & Capricornus; hæc sunt signa fœminea nocturna, terrea frigida, sicca melancholica, sapore acria, meridiana est in Angelis, vt sint firma Dei sedilia: & nobis fœcundi dâtes, tanquam ministri Dei, terræ huic fæculentæ fœcunditatem. patet etiam de demone à Christo expulso, de quo dicitur, quod erat mutus: nam sicut terra non est
sono-

sonora: ita nec angeli terrei vocem emittunt. est in archetypo omnium firma, fecundissimaq; natura de qua dicitur: Aperiat terra & germinet saluatorem. & alibi David: Credo videre bona Domini in terra viventium, quia in Deo viuimus, mouemur & sumus. De aqua, quod est vnū ex elementis: de elementatis primum in vrina animalium, in aqua herbarum stillata, in ligni sudore. Est in cœlis suo affluxu, terrā irrigans, & commixtibilis virtus, sunt insuper tria signa aquea Cancer nimirum, Scorpius, & Pisces: quæ sunt fœminea, nocturna, Septentrionalia, aquatica, flegmatica, frigida, humida, sapore salsa: est in angelis, maris vndas cōmouentibus; est præterea in angelis docens, & mundans. Est in opifice qua peccatorum ablutionem facit, & regenerat, mundificat, collustrat, & pascit. quarum sic est differentia aquarū. humor hic vitæ calorem obruit: cœlestis irrigat: supercœlestis intelligit, diuinus mentes purgat, & pascit, De aëre; est aër hic elementaris, quo respiramus, videmus, audimus & odoramus. Est in elementatis. primum in respiratione animalium. Est item in herbis, tanquam concilians elementa adinuicem secundum Cabalistas.

Est in cœlis translucens natura, vltra quam
stellas fixas prospicimus. Est in cœlo supe-
riori spatium, vbi resonant suauissimi bea-
torum concētus; vbi patet visio illa, & cor-
poris principis & reginæ, & militū omniū.
Sunt insuper aërea signa, nempe, Gemini,
Libra, & Aquarius; suntq; masculina, diur-
na, sanguinea, calida scilicet, humida, aërea,
sapore dulcia, & occidentalia. Est in ange-
lis, qui spiritus dicuntur aërei. Est in ange-
lis vitalis flatus, & aura tenuis. Est in opi-
fice summa, & perfectissima vita; & spiri-
tus, quo spirans in omnes, dat omnibus, vt
viuant, ac respirent; & quo, tanquam sibilo
auræ tenui Heliam, ceterosq; domesticos
alloquitur. De igne; elementaris est ignis
apud nos calefaciens, coquēs, & perficiēs.
Est in elementatis, vt patet in excussione
ignis ex filice; sicq; in animalibus patet in
cholera. Est in cœlo, Sol lucens, & calefa-
ciens inferiora; & Mars agitans, & robur
dans; sicut luna est terrea, & non aquea, vt
quidam putant; etenim aqua non attrahit
aquam, sed terra, *teste Solomone*. Tria sunt
insatiabilia; & quartum, quod nūquam di-
cit, sat est. Et inter ista est terra, quę nunquā
dicit sat est. Et hoc est, quod luna in suo a-
scendente attrahit aquam: & in suo descē-
dente

dēte decreſcere facit aquas: ergo eſt terrea: Mercurius aqueus: de quo Lucanus dicit: eſt arbiter vndis: Mars igneus, Saturnus aqueus, cœlum ſtellatum terreum (nam, ſicut terra decoratur floribus, ſic illud ſtellis, primum mobile igneū. Venus aërea, Iupiter aëreus. Sunt tria etiam ſigna ignea, videlicet Aries, Leo, Sagittarius. Et ſunt masculina, ignea, diurna, calida, ſicca, cholericæ, ſapore amara. Eſt etiam in Angelis ſeraphicus, & feruidus amor de quo David: Qui facis Angelos tuos ſpiritus, & miniſtros tuos, flammā ignis. Eſt in Archetypo (vt Heraclitus, & alij ſapiētes ponūt) ignis idealis, ac ſpirituale lumē. Zeno verò dicit in ipſo eſſe artiſicioſum ignem, ad omnia producenda egredientem. Et Cleantes dicit, quod ignis ille eſt incorporeus, diuinus, vitalis, ſaluber, qui omnia gignit, cōſeruat, ſuſtinet & alit. Confirmant Moſes, & Paulus dicentes: Deus ignis eſt, de quo Chriſtus: Ego veni mittere ignem in terram, & quid volo, niſi vt ardeat. Et ſicut Deus eſt ignis: eſt etiam lux, in inferno malos crucians. Exemplū ponit Plato de Sole, qui in æſtate lærificat exiſtentes ſupra montes, & cruciat in vallibus exiſtētes propter radio- rum reuerberationē: ita à ſimili eadem lux,

beatifica, & lætificat bonos, & cruciat malos. Ad propositum conclusionis : quæ dicit (quod cœli sunt ex igne, & aqua) assamaim אֶסְמַיִם, dicuntur *cœli*, es עֵשׂ signant *ignem*, quæ dictio includitur in Assamaim, in cœlo igitur est ignis. is עֵשׂ verò signant *virum*, & iod יod ibi medians in ea dictione, denotat hominem habere diuinitatem : id est, nesamach : cum qua venari possumus Deum : mulier autem non habet hanc potentiam nesamach. idcirco in nomine mulieris non ponitur iod, sed dicitur issah יִשָּׁה : & hæc est ratio : quare mulieri inhibetur administratio sacramentorum . unde David : Ecce quam bonum, &c. sicut vnguentum : id est, crisma, videlicet Christus, quod est caput : descendit in barbam, scilicet diuinitas provenit à capite Christo ; in barbam : id est, ad sacerdotes, qui immediatè sunt Christo vniti, & tandem provenit in oram vestimenti istud crisma : id est, in seculares. sine iod igitur nomen viri diceretur, es עֵשׂ, quod *ignem* signat & denotat, quod homo sine bono influxu diuinitatis, est totus igneus in rebus creatis, in luxurijs (& veritatem Theologicam) Theologica veritas est, quod influxus descendunt ab illis cœlis Archetypis.

pis. & etiam, secundum antiquam Theologiam, quod elementa sint in cœlis (& philosophicam veritatem) non intelligo, quod sint ibi quo ad esse materiale, sed potentia tantum, quo scilicet ad aliquas proprietates. Dicimus enim quod, sicut hæc aqua materialis abluit à sordibus: ita superior aqua, à superioribus cœlis proueniens, abluit à spiritualibus immunditijs: vt ignis, confortat, & comburit, vt lætificat est diuinus, vt comburit minimè: nam secūdum Dionysium, quicquid dicit perfectionem in creaturis, tale quid in Deo reperitur. concludamus igitur cœlos compositos ex materia aquea, & ignea, non quidem ex aqua & igne corruptibili & alterabili, verum melioris notæ; quod confirmat ex etymologia Hebraici vocabuli in quo cœli dicunt, assamaim, אַסַּמַּיִם, vbi tres vltimæ literæ, videlicet אַמַּיִם, *aquas* sine controuersia signant; duæ verò primæ, quæ sunt שן, vertendo הן, in א aleph dictum, secundum Cabalistarum regulas, sic שן א es *ignem* signant, vt supra vidimus. Et coniunctæ simul quinque illæ literæ, ignem, & aquam significant à quibus cœlorum denominationem, tanquam ex partibus componētibus, dicimus

& hæc est ratio, quare cœli ab Astronomis, nonnulli dicantur ignei, alij aquei, &c. & actiuam tantum habent virtutem, non passiuam: non enim recipiunt peregrinas impressiones, tam materiales, quam archetypi cœli. Qui cœli archetypi sunt & ipsi ex igne & aqua: hoc est, habent virtutem igneam midah ad in se uæ iustitiæ, ut sunt sephiroth in sinistra locati. ut puta Geburah, cum reliquis eiusdem ordinis. Habent etiam virtutem aqueam midah rachamim diuinæ misericordiæ & pietatis. Et sunt qui à dextris degunt in archiuo diuinitatis.

P. M. *Qui sciuerit, quid sit denarius in Arithmetica formali: & cognouerit naturam primi numeri spherici, sciet illud, quod ego adhuc apud aliquem Cabalistam non legi. Et est, quod sit fundamentum secreti magni iubilei in Cabala.*

F. A. Numerus formalis est numerorum proportio in mercatorijs numeris fundata, ut supra patuit. Denarius formalis est proportio nisi numero denario vocali, ultra quem non est processus, nisi per iterationem tantum, ut 11. sunt decem & unum. Numeri spherici: id est, qui in se multiplicati reddunt idem, & tres sunt, scil. quinaris, senarius, & dena-

denarius. de primo patet: nam quinquies
quinque, reddunt 25. & quinquies viginti
quinque, reddunt numerum 125. &c. ita
sexies sex reddunt 36. vt de quinario simi-
liter decies decem: reddunt 100. & decies
centum, reddunt 1000. quod est decies.
100. Et multiplicando quinarium per de-
narium, reddit 50. & quinquies 50. reddit
250. semper reddit vnum iubileum: id est,
50. in quolibet enim quinquagenario e-
rat iubileus numerus septenarius, est nu-
merus remissionis. vnde canit Ecclesia:
Deno dierum circulo: quo lege fit remissio, pecca-
torum remissio non fiebat in 50. anno iu-
bilei: verum in anno præcedente, scilicet
in quadragesimo nono, quod est quadra-
tum septenarij numeri: nam septies se-
ptem 49. reddit, & ratio est: quia quam-
uis à Filio fiat peccatorum remissio, vt Chri-
stus testatur, cum dicit: Vt autem sciatis
quoniam Filius habet potestatem dimit-
tendi peccata: ideo ait paralitico: Confi-
de, fili, remittuntur tibi peccata tua. Tol-
le grabatulum tuum & ambula, & ali-
bi pluries: tamen hæc remissio in virtute
fit Spiritus sancti, quare Christus misit Spi-
ritum sanctum in die Pentecostes, in die
videlicet solennissimo significans, quod

Spiritus sanctus iam Apostolos munda-
uerat & Christus antequam absoluendi
authoritatem Apostolis daret, dedit eis
Spiritus sanctum dicens: Accipite Spiri-
tum sanctum. postea subdit: Quorum re-
miseritis peccata, &c. in septenario igitur
fit remissio. quare Deus septimum diem
obseruandum instituit, vt in tali die pec-
cator quærat à Deo peccatorum remissio-
nem. & ratio remissionis huius à Spiritu
sancto binach est: nam cuilibet sephirah
correspondet numerus, & ita cuilibet at-
tribuuntur 7. anni qui simul vnit reddunt
numerus 49. Binach septimę sephirah
comperenti, exclusiue tamen. & in tali an-
no, vt dixi, fiebat remissio: in anno verò se-
quenti. s. solemnisimo non fiebat remis-
sio: sed gaudium erat cunctis, & gratiarum
actio Deo fiebat de superiori anno. In cu-
ius gratitudinem vnusquisque donabat
seruum suum libertate, & possessiones
primo domino reddebantur, & similia,
& caneant tuba (quæ dicitur terua) id
est, sono continuo non interciso, in si-
gnum gaudij. In anno verò præcedenti
scilicet quadragintanovem remissiones
canebant Teruach: id est, sono interciso
sic; — .. — .. — .. — .. — .. —, sacra Scriptura
vtitur


uitur tuba ξ nea, nunc cornu: unde per cornu, intelligitur tuba ξ nea flexa. & per tubā, instrumentum illud ξ neum, rectum, De quorum utroque canit Poëta:

Non tuba directi, non aris cornua flexi.

& Teruah תרועה vocabatur iste sonus. Quod vocabulū venit à Iarah ירה , vel Rahah רהה ; quorū utrumq; *malum & destructionem* significat. huiusmodi autē Iubileus erat destructor peccati, debitorū & inimicę potestatis, omniumq; deniq; malorum. Erat enim ille clangor terribilis & infestus, ac terrificus malis. De quo Psalm. in te inimicos nostros ventilabimus cornu. Et Hamos, si clāget tuba vel cornu in ciuitate: & populus non expauescet? eratq; ille sonus iucundus bonis, & influxus illius beneficium cōsequentibus. sonabatur ergo tunc cornu, ut innueretur quāta esset nūc virtus & potestas Dei, qui omnia Mundi peccata tollebat, omniaq; renouabat. Quę potestas ab Abacuch cornu dicitur, ubi ait: Et cornua: id est, potestas in manibus eius. Ibi abscondita est fortitudo eius quia videlicet non videtur, nisi in effectibus. Et ita primū conclusio, quid scilicet quinarium primus numerus sphericus, multiplicatus p denarium, reddit 50. qui est numerus Iubilei,

Alio

Alio tamen modo prædictam conclusio-
nem declaro, & doctiori, præponen-
dotalem figuram Platoniam quæ sit x.
figurarum nu-
meralium su-
per centrum,
quod sit quin-
que scilicet: est
enim medium
denarij, & eius
circūferētia par-
ticulariter, de-
nariæ supputa-



tionis numeri singuli describantur: trans-
eatque diameter à minimo ad maximum:
hoc est, ab vno, ad 9. cuius diuisio duos ef-
ficiet semicirculos: à parte siquidem dex-
tera sphaeræ post vnum, & ante 9. superius
commemorata ponantur 2. 3. 4. 5. à parte
verò sinistra post vnum reponantur 5. 6.
7. 8. & trahantur lineæ per centrum à 2. ad
8. à 3. ad 7. à 4. ad 6. à 5. ad 9. tamen si
maximo cuique tantum subtraxeris, quan-
tum abundat supra quinque, quod est sphæ-
ræ denariæ centrum; atque idem suo mi-
nimo addideris, quod à quinque defe-
cit, semper ex vtriusque oppositis numeris
quinque & quinque adæquata surgent.
quare

quare comparatis ad inuicem linearum punctis, quælibet lineæ descriptio numeralis, quinque 5. & quinque 5. obtinet. Quinarius igitur numerus in circulo denarię reuolutionis dicitur sphæricus: nam, vt patuit, omnes numeri sphæræ ad quinque rediguntur. id autem fit per quinque lineas in sphæra ductus, quarum singulæ 10. continent. eo itaque sphærico numero, per decem multiplicato, 50. nascentur, siue portæ intelligentiæ seu anni Iubilei: cuius proportio dupla: id est, decem, qui in duplo excedit quinque, quæ est Arithmetica formalitas (quæ consistit in proportionibus, & non in numeris vocalibus, vt dixi, in se multiplicata) 5. per quadratum (millesimam generationem procreabit) quia decies decem, reddit centum, & decies 100. reddit mille. Quod si perpetuò hoc facias, apparebit infinitas, quod est regnum omnium seculorum, à Cabalisticis ensoph nominatum & est Deitas in se sine indumento.

Ex fundamento præcedentis conclusionis sciri pariter potest secretum quinquaginta portarum intelligentiæ, & millesimæ generationis, & regni omnium saculorum.

P.M.

In

f. x.

In præcedenti conclusione vidimus, quomodo denarius per quinarium multiplicatus : & è vestigio, reddunt numerum quinquagesimum. & tunc erat iubileus, hoc est quidam bonus influxus rerum temporalium: sicut in Vere est herbarum iubileus: id est, herbarum abundantia: erat præterea iubileus in solemnitatibus, & quibusdam calendis ultra quinquagesimum annum. De primo dicit David: Iubilate Deo Iacob; de secundo dicitur in Psal. Buccinate in Neomenia tuba in insigni die solennitatis vestræ. Et instrumentum, quo tali tempore caneant, quandoque dicitur cornu, quandoque tuba: cornu dicebatur quatenus rectum erat tuba: prout circularis figuræ erat (vt dixi) & cum istis pulsabant teruah: id est, sonum rectum, non interpollatum, sic — ad propositum igitur: per denarij multiplicationem per quinarium, quinquagenarius numerus graduū intelligentiæ binah surgit: quælibet enim Sefhirach suos habet gradus intelligentiæ; binah verò sunt gradus quinquaginta. gradus autem siue semitæ Diuinæ sapientia chocmach, sunt triginta duo, gradus enim dantur secundum magis & minus in gradibus sephiror: Exemplum re-

nue?

nue: Episcopus benedicendo confert 40. dies veræ indulgentiæ. Cardinalis centum, summus verò pontifex, benedicendo confert plenarium remissionem gradus benedictionis papalis est dignior: nam plures cæteris confert gradus: non ita est de gradibus Sephirot, ita quod qui plures sunt, digniores existant: gradus enim binach sunt 50. qui sunt inferiores gradibus chocmach, qui sunt 32. patet: nam Moses 49. gradum binach penetrauit, & quinquagesima porta, vel gradus est ei negatus, qui est finis graduum intelligentiæ binach, & principium chocmach: vidit tamen ianuam illam à longè: verum non est ingressus in eam: tunc enim sciuisset nouum creare Mundum & hanc portam non ingreditur, nisi Pater, & Spiritus sanctus, teste Christo: Quis nouit Filium (chocmah videlicet) & cui: id est, Spiritui sancto, voluerit reuelare, vt testatur ipse Filius, dicens: Ille accipiet de meo. Omnino multi ingressi campum sephirot, vsque ad binach peruenere, sicut legitur de Mose. Abrahamus ascendit ad Gedulach, Isac ad Geburach, Iahacob ad tipheret: ad nezach & hod ascenderunt prophetae, & Paulus apostolus. Illæ namque duæ Sephirot

phiror dicuntur tertium cœlum, alibi declarandum. dicuntur præterea duo vbera, quæ prophetas lactârunt: quia nemo prophetare potest, nisi ablactetur ab illis. quare de Christo summo prophetarum scribitur: Butyrum & mel comedet. Et Solomon in Canticis: Veni, dilecte mi, & dabo tibi vbera mea. nam, nisi Solomon lactasset vbera illa, minimè prophetare potuisset. Sicut nec Moses legem connectere sciuisset, nisi ad Binah peruenisset: nam lex illa humanum captum excedit. Dicit igitur conclusio (quinguaginta portarum intelligentiæ, omnia per motum circularem graduentur, ad motum corporum cœlestium, perque septenarium numerum ut primum de septem hebdomadæ diebus: incipimus enim hebdomadam in die dominico: deinde sequitur dies lunæ: & tandem ad diem dominicam reuertitur. ita fit etiam in horis diei: aliter non redirent idem dies, nisi eadem hora redirent: patuit suprâ. Ita fit circulus in septem sephiror, exordiando à binah, & descendendo sunt septem, computando nesach, & hod provna. & in quadratura numeri septenarij, resultat numerus 49. quia quinquagesimus est finis binach, & principium chocmah.

mah. & in perfecta quadratura numeri se-
 ptenarij sit peccatorum remissio, scilicet in
 49. Et in 50. est Iubileus: id est, gratiarum
 actio de peccatorum remissione in præce-
 denti anno facta, & millesimæ generatio-
 nis, numerus millenarius est cubus dena-
 rij. quilibet enim numerus trinam habet
 dimensionem, longitudinem videlicet, la-
 titudinem, & profunditatem. Denarij igi-
 tur longitudo est, numerando, 1. 2. 3. 4.
 &c. vsque ad decem: latitudo eius est, mul-
 tiplicando seipsum, vt 10. & 10. reddunt
 20. & 10. reddunt 30. &c. vsque ad 100.
 profundum eius est multiplicando cen-
 tum per decem, & reddit 1000. mille &
 est vltimus numerus vltra quem non pro-
 ceditur, & dicitur cubus denarij, & iste
 millenarius dicitur holam, siue sæculum,
 seu ætas, & quamuis antiqui patres minus
 mille annis vixerunt: non tamen potuis-
 sent vltra protrahere vitam: quia nobis
 constituti sunt termini, quos præterire
 non possumus vltius tamen ceterius.
 modò non datur nobis talis holam vitæ.
 & hoc est, quod dixit Deus post diluuium:
 Non permanebit spiritus meus in homine
 in æternum, idem, per holam, siue per mil-
 le annos; nam caro est. scilicet intenta car-

ni magis quàm spiritui, & subdit: Sed erunt dies hominis centum & viginti, & totidem annos vixit Moyses, Aaron & Maria eorum soror. Et, si Abraham plus prædictis annis vixit, hoc euenit; quia ipse fuit renouatus, patet: nam nuntiantibus angelis illis tribus conceptum Sarrae, non credidit illa, asserens sui sterilitatem: & Abrahæ senium: & tamen post mortem Sarrae post 30. annos accepit Cheturam in vxorem, ex qua sex habuit filios: quod fieri nõ potuisset, nisi fuisset renouatus. possumus tamen minus 120. annis viuere: nam in paruo spatio valemus mereri coronam à Deo nobis promissam. & hoc est, quod dicitur: Consumatus in breui, expleuit tempora multa. Aut potest hoc fieri propter peccata: viri enim iniqui, non dimidiant dies suos, secundum Psalmum: aut propter crapulam, quæ plures occidit, quàm gladius, &c. (regnum omnium sæculorum) tale regnũ, & numerus millenarius ad Deum pertinent: nam sicut numerus millenarius est vltimus numerus: sic Deus est vltimus noster finis, de quo Solomõ: Et mille tibi Solomo. Et holam significans millenariam, æternitatem etiam signant (& sæculum) prout facit ad rem; idem est,

est, quod perduratio mille annorum. Et tale Dei millenarium dicitur regnum omnium sæculorum: cætera nanque sæcula: id est, hominum ætates mille scilicet annorum transeunt, sæculum verò Dei est æternum, immobile, ac omnibus alijs sæculis præteritis præsentibus & futuris existēs. Est numerus in Deo, & si ipse sit summe vnus. est nempe in eo numerus idealis: sicuti in nostro intellectu vnico per rationes has ideales multa continemus. Est etiā numerus in eo quem Proculus vocat numerum rationalem: qui est proportio rationis & intellectus ad omnia intelligibilia: sed cū Deus non habeat aliud obiectum intelligibile, quā seipsum, in quo omnia intelligit: Igitur hic numerus est fecunditas omnium productionum, tam ad intra, quā ad extra, dans rebus vt variæ sint, ex virtute multigena productiua, quam in se habet: Quæ virtus multifaria, cū radicata sit in vnitatem illam suam infinitam, ratione infinitatis (vt dicunt Theologi) idem est cum ea, & ipsius essentiæ, vnitatem semper gaudet. Vnde illa multiplex virtus, & omnia quæ in Deo sunt, quamuis varia: nunquam ab vnitatem discedunt, dum in Deo sunt in creaturis autem diffu-

sa multiplicantur. Et hæc diuinitas vnita diffunditur vsque ad denarium (vt docent Cabalists cuius denarij cubus est millenarius.

P. M. Per modum legendi sine punctis in lege: & modus scribendi res diuinas; & vniuersalis continentia per indeterminatum ambitum rerum diuinarum nobis ostenditur.

F. A. In patria lingua Hebræa vtuntur in quo idiomate data est lex, prædicatum Euangelium à Christo: conscripti diuini hymni, & data omnia oracula: dempta tantummodò illa reuelatione: quæ Græcè *Apocalypsis* dicitur Græco sermone tam exarata quàm habita. Tum quia illæ literæ dicuntur scriptæ in sede Dei, quod cælum est: instar cuius figurarum sunt formatæ literæ ipsæ, quibus prius vsus fuit Moses in dando lege. Tum, quia hæc fuit prima lingua emanauitque è cælo, & fuit ante confusionem linguarum exorta in Babylone, ita erit vltima, extirpata confusione illa, quæ in punitionem (vt inquit *Augustinus*) tantæ temeritatis & faustus inflicta est: pœna enim grauissima est hæc linguarum varietas, ob quam non possit vnusquisque
vel

vel contubernali, vel commeanti socio
suos manifestare conceptus, & necessa-
ria petere: vt melius sit (*dicit idem Augusti-
nus*) esse cum catulo, velequo suo, quàm
cum socio extranei idiomatis: quia intel-
liget catulus quæ ille non intelliget. per-
stitit igitur hæc lingua vel in Heber (*vt o-
pinatur idem Augustinus*) vel in familia ali-
qua pia quæ elationi Nembrot non con-
senserat, qui turrim in cælum erigere præ-
sumpsit, vt semotus ab aërea alteratione
(*vt de Olympo monte dicitur*) possent ablato
omni impedimento vacare speculationi,
& alios excedere elati supra id, quod na-
tura præstabat. nec aliquando defuit pia
familia tantæ temeritati non assentiens:
ex qua descendit Abraham, qui primò in
sacris literis Hebræus dictus est ab Habar
עבר, quod est *transire*. Sicut igitur hæc fuit
prima lingua semper perseuerans inuaria-
ta: sic erit vltima etiam in patria: si quis da-
bitur sermo vocalis: cuius signum est, quia
intelligentiæ dum hominibus loquun-
tur scientibus ipsam linguam, vtuntur ser-
mone Hebraico. hinc Iamblichus ait: Dij,
id est, angeli agentes nobiscum, sermo-
nem barbarum: id est, Hebræum appro-
bauerunt. conuenientissimum igitur est,

vt sicut quælibet victoriosa ciuitas non solum iugum imponit domitis gentibus, sed multoties & idioma : vt primum de Romanis : qui superatis Hispanis ac Gallis, cogebant eos loqui Italicè. Sic Imperator illius ciuitatis supernæ, & astantes principes decernent : vt omnes illuc cuncti loquantur lingua & sermone inde oriundo : & quo solebat vti princeps illius regni : dum inter homines versaretur. Quod forsitan erit priusquam illo deueniamus ; vel saltem post iudicium futurum per ignem : iuxta id quod propheta Sophonias dicit : Dominus in igne zeli sui deuorabitur omnem terram. Et tunc reddam populis meis labium electum vt inuocent nomen Domini, & seruiant ei humero vno. sicut igitur hæc lingua Hebraica est sancta & excellens : ita & literæ quibus vtitur, sunt figuræ, formæ ac virtutes rerum productiuæ. Literę enim Hebraicæ quæcunque vel quoruncunque copulantur, mutantur, & sine vita, aut prolatione, & veluti corporum mortuorum frustra. Et hoc quousque apponantur puncta quibus quodammodo viuunt. Et sic viuunt, proferuntur, vel motum habent : vt Hebręi dicunt. nec adhuc pleno motu vel
pro-

prolatione gaudent, nisi accentus apponantur: qui sunt tanquam vires operatiue, & motibus, & influxibus supernis correspondentes. Vnde si quis Hebræum idiomabene pronunciare sciat secundum accentuum rationem, totam cœlestem & supramundanam Harmoniam representat: dùm sacram Scripturam debita prolatione in proprio idiomate scriptam legit. quod nulli alij literarum contextui contingere videmus & hinc sacrorum eloquiorũ, ac Hebræi idiomatis dignitatem deprehendere possumus: quod in literis representat omnes compositorum partes: in punctis autem omnes formarum viuificantium modos, in accidentibus verò omnes debitas operationes suis principijs cœlestibus, & diuinis correspondentes. nam ex his non dicam species tantum, sed indiuidua creaturarum producuntur. tribus igitur characteribus varijs est insignita sacra biblia, literis videlicet, punctis, & accentibus: quę in homine tria representant, partem scilicet materialem, partem formalem: id est, animam, idque per puncta: nam sicut literę Hebrææ sine punctis sunt mortuæ: id est, immobiles: hoc est, nullius prolationis:

& additis punctis continuò viuificantur, & mouentur, siue proferuntur: ita corpus sine anima est immobile, illa addita corpori, subitò fit habile ad motum: vnionem cum Deo idque per accentus: nam accensus vniunt sententiæ sententiam: itaque vnit nos Deo. dicit igitur conclusio: quòd textus sacræ Scripturę, ex quo habet præsentare res diuinas, ergo præsentare non possunt nisi proferantur: & proferri non possunt sine punctis. requiritur ergo quòd textus legis habeat puncta, sed quoniam glossatores, legem tantum exponunt, ideo sine punctis ipsi glossas suas notare possunt; quia ad ipsos non pertinet primo præsentare diuina. dicit ergo (per modum legendi sine punctis) loquitur de expositoribus & glossis (& modus scribendi res diuinas) scilicet cum punctis, & loquitur de textu Bibliorum (& vnialis continentia) sicut enim figulus ex eadem massa potestatem habet vnum vas componere in honorem, alterum in contumeliam: illis tribuendo varias formas ita, quod de se est indeterminatus ad omnes formas, à simili, quando diuersas literas consonantes habemus, possumus eisdem multigenas vitas, & formas: id est, puncta (quæ

(quæ sunt vocales Hebræorum) addere. per quas vocales varia significabunt. sunt enim literæ non punctatæ indifferentes ad hûc, vel ad alterum punctum. debet tamé puncti consonantibus addi ita, quòd possint præsentare suum determinatum significatum. sunt tamen literæ consonantes per se mutæ sine punctis: sicut apud nos, consonantes nihil significant sine vocalibus, quia proferri non possunt, idcirco dicuntur consonantes, quasi cum vocalibus sonantes: hoc est, significantes. diuersæ præterea animalium species eadem in se habent elementa, ergo si differunt, hoc erit ratione diuersorum spirituum: quo variato spiritu, variabitur etiam species: ita variatis punctis, varia erunt significata. sicut igitur literæ, quæ sunt partes materiales, sunt indifferentes ad diuersa significata; ita à simili creaturæ, quoad esse materiale, indifferentes sunt ad diuersos spiritus, & formas: potuit enim Deus corpori huic animam carnis infundere, velleonis, vel lupi, & illi similiter, &c. & sicut per literas alphabeti formantur plusquam mille millia nominum (vt primum experto in Cabala) per illas etiâ literas cognoscere possumus, quot creaturas creauit Deus: &

quot creabit in futurum. sine errore literarum ædificium fieri potest, quod antiqui Theologi Siruph vocāt. Habetur ab Abraham, quod assumātur primæ reuolutiones cum numero sequenti, & complicantur adinuicem: & tot dictiones ex illis literis componuntur. ex duabus enim literis, duę dictiones, vel domus (*vt ipse ait*) fabricantur vt ab אב & באב. Ex tribus autem tot domus fabricantur, quot numeri resultant ex binario & ternario: sex videlicet: nam bis tria, aut ter duo senarium reddunt. Ex quatuor verò literis, viginti quatuor domus fabricantur: eum tot numeri ex senario & quaternario complicatis resultent: ex quinque verò literis centum viginti domus edificantur. Huiusmodi enim numeri ex complicatione vigintiquatuor per quinarium facta resultat: & sic de alijs. Vide theoricam in Sephet Iccirca Abrahamæ. sicut igitur iste numeri crescunt quasi in infinitum, ita & indiuidua, per ipsa facta & repræsentata. sicut ergo literæ sunt materiales compositorum partes, ex eis, omnibus modis possibilibus coniunctis, deprehendere possumus numerum rerum creatarum, qui supputari potest, proferri verò nequaquam, nisi ab eo, qui numerat
mul.

multitudinem stellarum, & capillos capitis, & arenam maris, & pluviæ guttas. Ex omnibus enim literarum combinationibus secundum regulas secretiorum Theologorum infallibiles, absque punctorum aliqua immixtione hic numerus resultat. videlicet hoc modo: 1124002590827719680000. Si verò permixtiones cum punctis addatur, erit numerus nec expressibilis, nec supputabilis à nobis: Deo tamè cognitus. Plato conatus est innuere primaria & secundaria rerum genera atque species ipsarum, vnde se ab in diuiduis tanquã innumerabilibus cõtinent. Hinc Porphyrius dixit: Descendentibus ad particularia iubet Plato quiescere, Cabalistæ verò diuino oraculo edocti in libro de formatione Abrahæ ascripto, innuunt, etiam indiuiduorum multiplicationem inexpressibilem tamen. Et per hos numeros ac per literas Mundus fabricatus dicitur, non numeris quibus numeramus aut literis: quibus verba formamus, fabricatus est Mundus: sed per significata per ipsos characteres & numeros: nulla enim res est expressibilis, nisi sit. Vnde quicumq; character exprimens rei expressibili responderet: & quicumq; numerus, rei numeratæ respõdet, & rebus,

rebus, quibus res distinguuntur, vt numerentur. sunt etenim in archetypo primarij fontes: vnde secundarij egrediuntur varij, ex quibus rerum multitudo & varietas resultat. Literę verò (vt dixi) secundarios fontes significant, elementa videlicet, sydera & signa: & cōsequenter primarios: ex quibus hi secundarij prodeunt. Ex quibus primariorum & secundariorum in fluxibus omnia producta sunt, & producuntur, vndeq; perea (quæ omnes suos numeros cōtinent) à secretioribus Theologis denotantur à Platoniceis, & Pythagoreis per numeros designantur. Ex quorum principiorum permixtione (vt dictum est) hæc varia producuntur. De punctis vide quæ digessi super arte Cabalizandi.

P.M. *Per id, quod dicunt Cabalisti de Aegypto, & attestata est experientia, habemus credere, quod terra Aegypti sit in analogia, & subordinationis proprietatis potentia.*

F.A. In sacris codicibus duæ inueniuntur vrbes, quæ inuicem magnam videntur habere contrarietatem; Hierusalem videlicet, ac Ægyptus: supponuntur enim oppositis influxibus ratione diuersarum Sephirot: sic
ut

ut enim quæque creata alicui planetarum influxui supponuntur: ita alicui Sephiræ fauori subiiciuntur. quare Ægyptus supponitur Geburah tribunali iustitiæ & Hierusalé Gedulah tribunali pietatis. ideo Christus, volens opus pietatis, & gratiæ in nos redimendo operari, Hierusalem ciuitatem elegit, in qua patiēdo, nostram operaretur salutē. Geburah verò fortitudinem influit: qua si in bonum vtimur, bonum tribuit influxum: si in malum, malum tribuit defluxum, quare, si vrbs Ægyptus sit mala, hoc non est ratione influxus Geburah; sed est, quoniam ipsi Ægyptij inter nationū proceres, sibi dominum elegerunt Amon non tenebrarum principem, super aurum influxum habētem. Qui tribus appellatur cognominibus, Mammona, scilicet Alzazel, & Asmodeus. Et hæc tria sibi cognomina competunt, ratione trium malorum effectū: quos habet in sua potestate primò rentat de auaritia: vnde à Christo vocatur Mammona: Facite vobis amicos de Mammona iniquitatis. Secundò de superbia; & dicitur Asmodeus. Tertiò de luxuria; & dicitur Alzazel. Et iste dæmon dicitur Mūdi huius princeps, vt dicit Christus: nunc princeps huius Mūdi eiicietur foràs: & in-

super,

super, quia (vt ait Ioannes) on. ne quod est in Mundo, aut est concupiscentia carnis: aut concupiscentia oculorū, aut superbia vitæ: quæ omnia in potestate sunt huius tricerberi canis: tentat enim de his tribus: imò ista triplici tentatione Christū tētauit. Quoniam igitur Ægyptij istum sibi in Dominū cōstituerunt, vt auro abundarent: ideo illis malè successit. Et itē Romani vt ipsum haberent in auro fauorabilem, in eius honorem templum erexerunt in mōte Esquilio, cuius titulus erat, Ioui Ammonio. omnino illis, qui in Ægypto habitāt, vt fortitudinē, & robur acquirant & bene illis vtātur, bonum est: sicut fecerunt antiqui patriarchæ: omnes in Ægypto fuerunt, vt hanc fortitudinem acquirerēt, primū de Abrahamo, Mose, & cæteris. idq; vt per corporis robur animo, & spiritu robustiores fierent: in nobis enim sunt tria, animale scilicet, naturale, & spirituale, bellum est inter animale & spirituale: naturale verò quādo est vigorosum, & pōtes adiuuat valde spirituale. ideo Paulus ait: Cū infirmior, fortior sum. hīc non loquitur de carnis infirmitate, & corporis, sed animalis: quod tunc dicitur infirmari, cū naturale roboratur: & per consequens spirituale: nam mutuo sese adiuuāt.

In

In Ægypto est aëris optima temperies, & bonæ aquæ Nili: quæ naturaliter ad fortitudinē conferunt, quia Aries illi dominatur regioni, & fortitudinē influit. Hic arietis influxus ab Ægypto sublatus fuit Ioseph tempore: nam, sicut Ægyptus subijcitur planetæ alicui determinato, & signo Zodaici: ita & Hierusalem (cætera quæque, secundum Ptolomæum, & cæteros Astronomos, quæ Virgini subijcitur, & tauro, qui est dux armentorum, sicut leo ferarum, & aquila volatiliū, & homo rationalium. Si igitur est taurus armentorum dux: est ergo fortior ariete. Et, cum Ioseph habuerit tauri influxum (Hierosolymitanus enim erat futurus) ideo vigorem, & influxum arietis abstulit ab eis; & tributarios sibi constituit. Et in huius signum, constitutus est princeps totius Ægypti. Ad rem, de mammona dico, quod ipse influxum habuit ab hoc ariete archetypo Geburach: est enim aries aquilonaris, à quo pandetur omne malum: id est, Dæmon, secundum prophetam: &, quoniam lex Mosaica est aquilonaris, ideo ab aquilone prouenit omne malum culpæ propter legis transgressionem, & pænæ: id est, punitionis contra transgressores. Mammona etiam Christi

rem-

tēpore regioni Ægyptiacæ dominabatur, aurum, & argentum tribuendo siue influēdo: sed Christus illum expulit, dicēs: Princeps huius Mundi eiicietur forās. Et quoniam ei Christus semper contrariatur, præcepit, vt eius diuitiæ contemnerentur, ac despicerentur: quamobrem Christus paupertatem elegit, ne in aliquo cum inimico suo conueniret, atque ad hoc faciendum, alios hortatus est, dicens: Nisi quis renuntiauerit omnibus, quę possidet, non potest meus esse discipulus: sed ad conclusionem (per id quod dicunt Cabalistsæ de Ægypto) nempe quod ibi influitur fortitudo ex aëris temperie (& attestata est experientia) nam certum est de antiquis patribus, quod in Ægyptum descenderunt: vt hanc acquirerent fortitudinem naturalem, & consequenter spiritualem, vt contra animalem possent præualere. Hocq; , vt confirmaret Pater æternus, vocauit Filium suum Christum in Ægyptū, sicut prædixerat Propheeta: Ex Ægypto vocaui Filium meum: non enim ex Ægypto illum euocasset, nisi primò illuc adijisset: non vt fortitudinem acquireret, (cū esset leo fortissimus de tribu Iehuda) sed, vt comprobaret aliorum aduentum fuisse bonū, & salubrem (quod
terra

terra Aegypti fit in Analogia) Analogum est, quod de pluribus dicit: secundum magis & minus, seu perfectius & imperfectius, ut ens, respectu Dei, & creaturæ. Ita influxus roboris geburah, licet in alia influat loca, præterquam in Aegyptum: magis tamen, & intensiori modo in Aegyptum influit, quam in cæteras prouincias. &, si iustetur de Isahac, qui nunquam fuit in Aegypto. Responderetur: quod hoc fuit in causa: nam Isahac fuit dominus dimensionis huius geburah fortitudinis. &, si ipse adiisset Aegyptum: nimia fortitudine perfunctus fuisset, ita quod Messiaæ ferè æqualis fuisset, qui gradus omnibus denegatur: inpeccabilis enim ferè fuisset per gratiam (&, subordinationis potentiaæ proprietatis) potentia est geburah: quæ robur, & fortitudinem ubique diffundit, magis tamen in Aegyptum. Addamus, quod Deus legem scriptam dedit, ut hominis naturale roboraret, dedit & Euangelium; ut spirituale muniret; patet de Iohanne Baptista, qui venit bibens & manducans: id est, debilis in naturali, & consequenter in spirituali: respectu Christi: non tamen aliorum respectu: nam inter natos mulierum non surrexit illo maior.

Nn

Sicut

P.M. *Sicut vera Astrologia docet nos legere in libro Dei: ita Cabala docet nos legere in libro legis.*

J.A. Libervitæ, est liber grandis qui ab Esaia iubetur sumi & est in quo omnia ab æterno scripta & præuisa sunt nedum in esse vitali (vt Iohannes & Paulus docent) sed etiam quo ad omnia dona, quæ hominibus dantur: & omnia opera bona vel mala, iuxta illud: Imperfectum meum viderunt oculi tui: & in libro tuo omnia scribentur. Ibi quoque descriptæ sunt omnes regulæ quibus conformiter viuere debemus, vt *Augustinus docet*. Quem librum etiam Angeli consulunt. Ibidemq; sunt regulæ, ad quarum metas omnia, nedum creata sunt, sed disponuntur & gubernantur. Et hæc est radix & fundamentum totius prouidentię diuinæ: Et ea quæ ibidem continentur exarata sunt stylo hominis (*secundum Esaiam*) sicut & ciuitas illa supramundana mēsurā dicitur, mēsurā hominis. Et hoc quia dispositio fuit pro hospite homine, cui debuit esse conformis & proportionata. pari modo & omnia quę continentur in libro diuinæ prouidentię, ad hominem spectantia: propter quem omnia facta sunt, scribi debuerunt

buerunt stylo hominis. nam inquātum referūtur ad Deū prouidentē, scripta sunt digito Dei (*vt habetur Deut.*) & æterna ac immutabilia sunt, sicut in eo, quod scripta sint stylo hominis, sunt mutabilia. ea verò quæ ibi scripta sunt, an possint deleri vel ne. Exclamare possumus cū Paulo: ô altitudo diuitiarū sapientiæ & scientiæ Dei, quam incomprehensibilia sunt iudicia eius, & inuestigabiles vię eius: tamen collustrante diuino lumine per Scripturam dicemus (*vt nuper dictum est*) quod scripta digito Dei non delētur, & de illis habetur infallibilis prouidentia diuina: sed scripta stylo hominis; quando videlicet opera nostra non correspondēt vocationi & Scripturę diuinę quę semper stat ex parte Dei: qui semper vult omnes saluos fieri, *vt Apostolus testatur*. Et in illo libro possumus legere, sicut Esaias ait: Quærite in libro Domini diligenter. Et legite: Et iste liber vitæ, est arbor vitæ, fons vitæ, panis vitæ, & ipse Deus viuus, principium omnis vitæ. Et positus est liber iste in secundo cœlo, vt tenent secretiores Theologi. Et ideo ipsum legit Paulus, cū deuenerit vsq; ad tertiū cœlum, vbera videlicet diuina. Tunc ex his, quæ ibi legit, illud deprompsit: salutate Clementem

cum ceteris adiutoribus meis: quorum nomina scripta sunt in libro vitæ. legerunt & ipsum prophetę omnes cū ipsi peruenierint vsq; ad vbera illa, quæ iam tertium cœlum diximus. Ad quæ vbera peruenit homo sibimetipsi mortuus. Iste liber in se cōtinet theoricam septem planetarū Archetyporum, sine cuius cognitione errant in suis prognosticationib. Mathematici, quia scil. non attendunt cooperantes causas cū cœlo quas ipsorum dux Ptolomęus attendendas docet. Et quia stellarum cōcursus, & earum virtutes nō plenē à nobis cognoscuntur, vt omnibus sapiētibus notum est; hinc etiam de eorum effectibus, iudicium certū dari non potest accedēte etiam arbitrij libertate, qua multa respuere, & multa pro voto suscipere possumus. Et quamuis hæc omnia sint in causa, potior tamē causa est, ignorantia istius libri vitę, seu septē planetarum supramundandarum, à quibus tāquam à primis fontib. scaturit omnis cœli ros: per quē rorē cuncta fiunt; id est, generātur & corrumpūtur in ijs inferioribus. Hac Astrologia imbutus fuit super omnes proplastes, qui hoc lumine vidit Deum ambulātem ad meridiem (clementiæ videlicet) & creaturarum omnium naturas, vt
singul-


singulis quibusque nomen conueniens
 imponeret. Hac scientia zeth, cœpit inuo-
 care nomen Domini Tetrag. *תת* adhuc
 occultum. Enos cœpit futura prædicere,
 & in ipsum Deum trāsferri. Noë futuram
 inundationem prædixit, arcam fabrica-
 uit, hominum & iumentorum saluauit se-
 men (*sicut narrat Berosius*) postea Armenos
 & Scythas, deinde Italos, naturæ secreta,
 Theologiam, sacrosque ritus docuit : &
 cursus astrorum, tam naturalium, quàm ar-
 chetyporum, annosque ad motum Solis,
 & menses pro lunæ cursu distinxit. intelli-
 gens tamen per hanc Astrologiam, diui-
 niorem scilicet, sed super omnes supradi-
 ctas hæc sapientia Abrahamæ mentem perfu-
 dit, vt ritus meliores docuerit, signum cir-
 cumcisionis electæ familiæ dederit. hac
 sapientia, Deum vnicum in Trinitate dif-
 fusum primus agnouerit de nomine Dei
 recluso, deque sacramentis solitariae suæ
 cellitudinis, & quomodo in alios seipsum
 per vestes sacramentales, aut canales dif-
 fundat : ante omnes (*vt asserunt secretiores*
Theologi) scripserit. Alexander & Eupole-
 mon dicunt Abraham sanctitate, & sapien-
 tia omnium præstantissimus. Chaldæos
 primùm, deinde Phœnices, demum Ægy-

prios sacerdotes Astrologiam & diuinā docuit. Sed Iulius Firmicus Astronomus ipsum ob mirabilem sapientiam, diuinum appellat. Quæ omnia Isahac quasi hæreditario iure reliquit. Et hic Iahacob, & ipse familiæ suæ, istiusmodi tradidit monita, cuius Astrologiæ influxu, ipse Iahacob quæ ventura erant, filiis prædixit, vt primum in suis benedictionibus. Quæ super omnes perfusus fuit Moses, qui nedum futura; quin etiam præterita narrauit, & sic illam Iohuæ tradidit, & septuaginta duobus sanhedrim siue sapientibus, qui de spiritu eius acceperunt. Et hæc Astrologia diuina dicitur Cabala. Et quotquot prædixerunt tam prophetæ quàm patres antiqui: per hanc Astrologiam decem Sephirot, siue cælorum archetyporum prædixerunt. Ad cōclusionem. Sicut vera Astrologia docet nos, &c. Petrus Eliacus magnus astronomus definit, quod cæli sunt libri Dei: nam, sicut in libris legimus, quæ facta, & quæ facienda: ita perfectus Astronomus per motus astrorum præuidere potest quæ faciendæ sunt: & de præteritis, quæ sunt facta, vt primum in prognosticis ab Astronomis factis: Et si sequuntur astrorū cursus materialium, & inferiorū: Alia est Astronomia, quæ

quæ cœlos superiores archetypos Sephirot appellatos considerat. Et hanc est Abraham securus, qui ob talem Astrologiâ à gentibus est receptus ut Deus (*ut dixi supra*) Et hæ Sephirot huic planetæ archetypi dicuntur liber vitæ. De quo David: Et in libro tuo omnes scribentur: vel omnia scribuntur. Licet traditio nostra habeat omnes. Et quamvis omnes sephirot septem inferiores libri Dei dicantur: tamen Nezach & hod sunt communiores: quibus studuerunt indifferenter omnes prophætæ. de quo libro Esaias Romæ ruinam prædicens, dixit: Legite in libro vitæ: id est, Sephirot Nezach & hod. Et videbitis sic notum esse. Et, quis peritus est in hoc libro Sephirot (cuius doctrina, Cabala dicitur, siue receptio, scilicet ore tenus, quia ob eius excellentiam, chartæ mortuæ non tradebatur, sed cordibus solum os videlicet ad os) scit legere in libro legis, nimirum Mosaicæ: qui plenus Cabalisticorum secretorum existit. Vide quæ super


Sarah hora notaui ad
plenum.


F I N I S.




BASILEÆ,
PER SEBASTIANVM
HENRICPETRVM
Anno
cl^o l^o c.

FINE







M. SALVAREZZA 1971
RESTAURO
Via Val Sassina, 68
Tel. 899.223

